



සංයුත්තනිකාය නිදානවග්ග-අට්ඨකථා

ධම්මවිචය

පටුන

පටුන	i
1. නිදානසංයුක්තං	1
1. බුද්ධවග්ගො	1
1. පටිච්චසමුප්පාදසුත්තවණ්ණනා	1
2. විභඨගසුත්තවණ්ණනා	9
3. පටිපදාසුත්තවණ්ණනා	16
4. විපස්සිසුත්තවණ්ණනා	17
5-10. සිඛිසුත්තාදිවණ්ණනා.....	18
2. ආහාරවග්ගො	19
1. ආහාරසුත්තවණ්ණනා.....	19
2. මොළියඵග්ගනසුත්තවණ්ණනා	25
3. සමණබ්‍රාහ්මණසුත්තවණ්ණනා	27
4. දුතියසමණබ්‍රාහ්මණසුත්තවණ්ණනා.....	27
5. කච්චානගොත්තසුත්තවණ්ණනා	27
6. ධම්මකථිකසුත්තවණ්ණනා	29
7. අවෙලකස්සපසුත්තවණ්ණනා	29
8. තිම්බරුකසුත්තවණ්ණනා.....	32
9. බාලපණ්ඩිතසුත්තවණ්ණනා.....	33
10. පච්චයසුත්තවණ්ණනා	34
3. දසබලවග්ගො.....	36
1. දසබලසුත්තවණ්ණනා.....	36
2. දුතියදසබලසුත්තවණ්ණනා	37
3. උපනිසසුත්තවණ්ණනා	44
4. අඤ්ඤතිත්ථියසුත්තවණ්ණනා	47
5. භූමිජසුත්තවණ්ණනා.....	48
7. පච්චයසුත්තවණ්ණනා	50

9. සමණබ්‍රාහ්මණසුත්තවණ්ණනා	50
4. කළාරබ්බන්තියවග්ගො	50
1. භූතසුත්තවණ්ණනා	50
2. කළාරසුත්තවණ්ණනා	52
3. ඤාණවත්ථුසුත්තවණ්ණනා	56
4. දුතියඤාණවත්ථුසුත්තවණ්ණනා	57
5. අවිජ්ජාපච්චයසුත්තවණ්ණනා	57
6. දුතියඅවිජ්ජාපච්චයසුත්තවණ්ණනා	58
7. නතුම්භසුත්තවණ්ණනා	59
8. චේතනාසුත්තවණ්ණනා	59
9. දුතියචේතනාසුත්තවණ්ණනා	60
10. තතියචේතනාසුත්තවණ්ණනා	60
5. ගහපතිවග්ගො	61
1. පඤ්චවේරහයසුත්තවණ්ණනා	61
2. දුතියපඤ්චවේරහයසුත්තවණ්ණනා	62
3. දුක්ඛසුත්තවණ්ණනා	62
4. ලොකසුත්තවණ්ණනා	62
5. ඤාතිකසුත්තවණ්ණනා	63
6. අඤ්ඤතරබ්‍රාහ්මණසුත්තවණ්ණනා	63
7. ජාණුස්සොණිසුත්තවණ්ණනා	63
8. ලොකායතිකසුත්තවණ්ණනා	63
9. අරියසාවකසුත්තවණ්ණනා	64
10. දුතියඅරියසාවකසුත්තවණ්ණනා	64
6. දුක්ඛවග්ගො	64
1. පරිවීමංසනසුත්තවණ්ණනා	64
2. උපාදානසුත්තවණ්ණනා	68

3. සංයොජනසුත්තවග්ගේ ණනා	70
4. දුතියසංයොජනසුත්තවග්ගේ ණනා	70
5. මහාරුක්ඛසුත්තවග්ගේ ණනා.....	70
6. දුතියමහාරුක්ඛසුත්තවග්ගේ ණනා	71
7. තරුණරුක්ඛසුත්තවග්ගේ ණනා	71
10. නිදානසුත්තවග්ගේ ණනා.....	71
7. මහාවග්ගො	81
1. අස්සුතවාසුත්තවග්ගේ ණනා	81
2. දුතියඅස්සුතවාසුත්තවග්ගේ ණනා	84
3. පුත්තමංසුපමසුත්තවග්ගේ ණනා	85
4. අත්ථීරාගසුත්තවග්ගේ ණනා	95
5. නගරසුත්තවග්ගේ ණනා	96
6. සම්මසසුත්තවග්ගේ ණනා.....	99
7. නළකලාපිසුත්තවග්ගේ ණනා	102
8. කොසම්බිසුත්තවග්ගේ ණනා.....	102
9. උපයන්තිසුත්තවග්ගේ ණනා	103
10. සුසිමසුත්තවග්ගේ ණනා	103
8. සමණද්වාභ්මණවග්ගො	106
1. ජරාමරණසුත්තාදිවග්ගේ ණනා	106
9. අත්තරපෙය්‍යාලං	107
1. සත්ථුසුත්තාදිවග්ගේ ණනා	107
2. අභිසමයසංයුත්තං	108
1. නබ්බිබාසුත්තවග්ගේ ණනා	108
2. පොක්ඛරණිසුත්තවග්ගේ ණනා	108
3. සංභෙජ්ජඋදකසුත්තාදිවග්ගේ ණනා	108
5. පථවීසුත්තාදිවග්ගේ ණනා.....	108

3. ධාතුසංයුත්තං.....	110
1. නානත්තවග්ගො.....	110
1. ධාතුනානත්තසුත්තවණ්ණනා.....	110
2. එස්සනානත්තසුත්තවණ්ණනා.....	110
3. නොඑස්සනානත්තසුත්තවණ්ණනා.....	110
4. වෙදනානානත්තසුත්තවණ්ණනා.....	110
5. දුතියවෙදනානානත්තසුත්තවණ්ණනා.....	111
6. බාහිරධාතුනානත්තසුත්තවණ්ණනා.....	111
7. සඤ්ඤානානත්තසුත්තවණ්ණනා.....	111
8. නොපරියෙසනානානත්තසුත්තවණ්ණනා.....	111
9. බාහිරඑස්සනානත්තසුත්තාදිවණ්ණනා.....	111
2. දුතියවග්ගො.....	113
1. සත්තධාතුසුත්තවණ්ණනා.....	113
2. සනිදානසුත්තවණ්ණනා.....	113
3. ගිඤ්ජකාවසංසුත්තවණ්ණනා.....	116
4. භිනාධිමුත්තිකසුත්තවණ්ණනා.....	117
5. වඨ්ඨකමසුත්තවණ්ණනා.....	117
6. සගාථාසුත්තවණ්ණනා.....	119
7. අස්සද්ධසංසන්දනසුත්තවණ්ණනා.....	119
8-12. අස්සද්ධමූලකසුත්තාදිවණ්ණනා.....	120
3. කම්මපථවග්ගො.....	120
1-2. අසමාහිතසුත්තාදිවණ්ණනා.....	120
3-5. පඤ්චසික්ඛාපදසුත්තාදිවණ්ණනා.....	120
6. අට්ඨකම්මකසුත්තවණ්ණනා.....	127
7. දසකම්මකසුත්තවණ්ණනා.....	127
4. චතුත්ථවග්ගො.....	127

1. චතුර්ධාතූසුත්තවග්ගණනා	127
2. පුබ්බෙසම්බොධසුත්තවග්ගණනා	127
3. අවරිංසුත්තවග්ගණනා	130
4. නොවෙදංසුත්තවග්ගණනා.....	130
5. එකන්තදුක්ඛසුත්තවග්ගණනා.....	130
6-10. අභිනන්දසුත්තාදිවග්ගණනා	130
4. අනමතග්ගසංයුත්තං.....	131
1. පයම්බවග්ගො.....	131
1. තිණකට්ඨසුත්තවග්ගණනා	131
2. පඨවීසුත්තවග්ගණනා	131
3. අස්සුසුත්තවග්ගණනා.....	131
4. බීරසුත්තවග්ගණනා.....	132
5. පබ්බතසුත්තවග්ගණනා.....	132
6. සාසපසුත්තවග්ගණනා	132
7. සාවකසුත්තවග්ගණනා.....	132
8-9. ගඬිගාසුත්තාදිවග්ගණනා.....	133
10. පුග්ගලසුත්තවග්ගණනා.....	133
2. දුතියවග්ගො	133
1. දුග්ගතසුත්තවග්ගණනා	133
2. පුබ්බසුත්තවග්ගණනා	133
3. තිංසමත්තසුත්තවග්ගණනා	133
4-9. මාතුසුත්තාදිවග්ගණනා	134
10. වෙපුල්ලපබ්බතසුත්තවග්ගණනා	134
5. කස්සපසංයුත්තං	136
1. සන්තුට්ඨසුත්තවග්ගණනා	136
2. අනොත්තප්පිසුත්තවග්ගණනා	138

3. චන්ද්‍රපමසුත්තවණ්ණනා.....	139
4. කුලපකසුත්තවණ්ණනා.....	143
5. ජිණ්ණසුත්තවණ්ණනා.....	143
6. ඔවාදසුත්තවණ්ණනා	145
7. දුතියඔවාදසුත්තවණ්ණනා	146
8. තතියඔවාදසුත්තවණ්ණනා	146
9. කුමාරානිකුසුත්තවණ්ණනා.....	146
10. උපස්සයසුත්තවණ්ණනා	147
11. වීරසුත්තවණ්ණනා	148
12. පරංමරණසුත්තවණ්ණනා.....	166
13. සද්ධම්මජපතිරූපකසුත්තවණ්ණනා.....	167
6. ලාභසක්කාරසංයුත්තං	171
1. පට්ඨවග්ගො	171
1. දාරුණසුත්තවණ්ණනා	171
2. ඛලිසසුත්තවණ්ණනා	171
3-4. කුම්මසුත්තාදිවණ්ණනා	171
5. මිල්භකසුත්තවණ්ණනා	172
6. අසනිසුත්තවණ්ණනා	172
7. දිද්ධසුත්තවණ්ණනා.....	172
8. සිඬගාලසුත්තවණ්ණනා	172
9. වෙරම්භසුත්තවණ්ණනා	172
10. සගාථකසුත්තවණ්ණනා	173
2. දුතියවග්ගො	173
1-2. සුවණ්ණපාතිසුත්තාදිවණ්ණනා	173
3-10. සුවණ්ණනික්ඛසුත්තාදිවණ්ණනා	173
3. තතියවග්ගො	174

1-2. මාතුගාමසුත්තාදිවණ්ණනා.....	174
3-6. එකපුත්තකසුත්තාදිවණ්ණනා.....	174
7. තතියසමණව්‍යාභ්මණසුත්තවණ්ණනා.....	174
8. ඡවිසුත්තවණ්ණනා.....	174
9. රජ්ජුසුත්තවණ්ණනා	174
10. භික්ඛුසුත්තවණ්ණනා.....	174
4. චතුත්ථවග්ගො.....	175
1-4. භින්දිසුත්තාදිවණ්ණනා.....	175
5. අවිරපක්කන්තසුත්තවණ්ණනා	175
6. පඤ්චරථසතසුත්තවණ්ණනා	175
7-13. මාතුසුත්තාදිවණ්ණනා	175
7. රාහුලසංයුත්තං	176
1. පඨමවග්ගො.....	176
1-8. චක්ඛුසුත්තාදිවණ්ණනා.....	176
9. ධාතුසුත්තවණ්ණනා.....	176
10. ඛන්ධසුත්තවණ්ණනා.....	176
2. දුතියවග්ගො	177
1-10. චක්ඛුසුත්තාදිවණ්ණනා.....	177
11. අනුසයසුත්තවණ්ණනා.....	177
12. අපගතසුත්තවණ්ණනා	177
8. ලක්ඛණසංයුත්තං.....	178
1. පඨමවග්ගො.....	178
1. අට්ඨිසුත්තවණ්ණනා	178
2. පෙසිසුත්තවණ්ණනා.....	180
3. පිණ්ඩසුත්තවණ්ණනා	180
4. නිව්ඡවිසුත්තවණ්ණනා.....	180

5. අසිලොමසුත්තවණ්ණනා	180
6. සත්තිසුත්තවණ්ණනා	180
7. උසුලොමසුත්තවණ්ණනා	180
8. සුවිලොමසුත්තවණ්ණනා	181
9. දුතියසුවිලොමසුත්තවණ්ණනා	181
10. කුමභණ්ඩසුත්තවණ්ණනා	181
2. දුතියවග්ගො	181
1. සසිසකසුත්තවණ්ණනා	181
2. ගුඨබාදසුත්තවණ්ණනා	182
3. නිව්ඡවිත්ථිසුත්තවණ්ණනා	182
4. මඩ්ගුලිත්ථිසුත්තවණ්ණනා	182
5. ඔකිලිනීසුත්තවණ්ණනා	182
6. අසිසකසුත්තවණ්ණනා	183
7-11. පාපහික්ඛුසුත්තාදිවණ්ණනා	183
9. ඔපම්මසංයුත්තං	184
1. කුටසුත්තවණ්ණනා	184
2. නබ්බිබසුත්තවණ්ණනා	184
3. කුලසුත්තවණ්ණනා	184
4. ඔක්ඛාසුත්තවණ්ණනා	184
5. සත්තිසුත්තවණ්ණනා	185
6. ධනුග්ගහසුත්තවණ්ණනා	185
7. ආණ්ඩුසුත්තවණ්ණනා	187
8. කලිඬ්ගරසුත්තවණ්ණනා	188
9. නාගසුත්තවණ්ණනා	189
10. බිළාරසුත්තවණ්ණනා	190
11. සිඬ්ගාලසුත්තවණ්ණනා	190

12. දුතියසිඬගාලසුත්තවණ්ණනා	190
10. භික්ඛුසංයුත්තං	191
1. කොලිතසුත්තවණ්ණනා	191
2. උපතිස්සසුත්තවණ්ණනා	191
3. සට්ඨසුත්තවණ්ණනා	192
4. නවසුත්තවණ්ණනා	193
5. සුජාතසුත්තවණ්ණනා	193
6. ලකුණ්ඩකභද්දියසුත්තවණ්ණනා	193
7. විසාබ්බසුත්තවණ්ණනා	195
8. නන්දසුත්තවණ්ණනා	195
9. තිස්සසුත්තවණ්ණනා	196
10. ථෙරනාමකසුත්තවණ්ණනා	198
11. මහාකප්පිනසුත්තවණ්ණනා	198
12. සභායකසුත්තවණ්ණනා	202

“ධම්මා සුඛා ධාතා වච්ඡා පරිච්ඡා මනසානුපෙක්ඛිතා දිට්ඨියා සුප්පට්ඨිදා.”

(මහා සුඤ්ඤාන සූත්තං; මජ්ඣිම නිකායො, උපරිපණ්ණාසකො, සුඤ්ඤාන වග්ගො.)

පටුන සංස්කරණය - භික්ඛු ධම්මවිහාරී

(ජට්ඨ සංඝායනා ත්‍රිපිටක වැඩසටහනින් උපුටා සකසන ලදී)

නමො තස්ස භගවතො අරහතො සම්මාසම්බුද්ධස්ස

සංයුත්තනිකායෙ

නිදානවග්ග-අට්ඨකථා

1. නිදානසංයුත්තං

1. බුද්ධවග්ගො

1. පටිච්චසමුප්පාදසුත්තවග්ගො

1. එවං මෙ සුතන්ති – නිදානවග්ගෙ පටිච්චසමුප්පාදසුත්තං. තත්තායං අනුපුබ්බපදවග්ගො – තත්ත ඛො භගවා භික්ඛු ආමන්තෙසීති, එත්ථ තත්තාති දෙසකාලපරිදීපනං. තඤ්ඤි “යං සමයං විහරති, තත්ත සමයෙ, යස්මිඤ්ච ජෙනවනෙ විහරති, තත්ත ජෙනවනෙ”ති දීපෙති. භාසිතබ්බයුත්තෙ වා දෙසකාලෙ දීපෙති. න භි භගවා අයුත්තෙ දෙසෙ කාලෙ ච ධම්මං භාසති. “අකාලො ඛො තාව බාහියා”තිආදි (උදා. 10) චෙත්ථ සාධකං. ඛොති පදපුරුණමත්තෙ, අවධාරණෙ ආදිකාලත්ථෙ වා නිපාතො. භගවාති ලොකගරුදීපනං. භික්ඛුති කථාසවනසුත්තපුග්ගලවචනං. අපිචෙත්ථ “භික්ඛකොති භික්ඛු, භික්ඛාවරියං අජ්ඣුපගතොති භික්ඛු”තිආදිනා (පාරා. 45; විහ. 510) නයෙන වචනත්ථො වෙදිතබ්බො. ආමන්තෙසීති ආලපි, අභාසි, සම්බොධෙසි, අයමෙත්ථ අත්ථො. අඤ්ඤත්ත පන ඤාපනෙපි භොති. යථාහ – “ආමන්තයාමි වො, භික්ඛවෙ, පටිවෙදයාමි වො, භික්ඛවෙ”ති. පක්කොසනෙපි. යථාහ – “එහි ත්වං, භික්ඛු, මම වචනෙන සාරිපුත්තං ආමන්තෙහි”ති (අ. නි. 9.11). භික්ඛවොති ආමන්තනාකාරදීපනං. තඤ්ච භික්ඛනසිලතාදිගුණයොගසිද්ධත්තා වුත්තං. භික්ඛනසිලතාගුණයුත්තොපි භි භික්ඛු, භික්ඛනධම්මතාගුණයුත්තොපි භික්ඛනෙ සාධුකාරිතාගුණයුත්තොපිති සද්දවිදු මඤ්ඤන්ති. තෙන ච තෙසං භික්ඛනසිලතාදිගුණයොගසිද්ධෙන වචනෙන භීතාධිකජනසෙවිතවුත්තිං පකාසෙත්තො උද්ධතදීනභාවනිග්ගහං කරොති. “භික්ඛවො”ති ඉමිනා ච

කරුණාවිජ්ජාරසොම්මහදයනග්ගනිපාතපුබ්බධගමෙන වචනෙන තෙ අත්තනො අභිමුඛෙ කරොත්තො තෙනෙව කථෙතුකම්යතාදීපකෙන තෙසං වචනෙන සොතුකම්යතං ජනෙති, තෙනෙව ච සම්බොධනත්ථෙන සාධුකං මනසිකාරෙපි නියොජෙති. සාධුකං මනසිකාරායත්තා හි සාසනසම්පත්ති.

අපරෙසුපි දෙවමනුස්සෙසු විජ්ජමානෙසු කස්මා භික්ඛුයෙව ආමන්තෙසීති වෙ? ඡෙට්ඨසෙට්ඨාසන්නසදාසන්නිහිතභාවතො. සබ්බපරිසසාධාරණා හි භගවතො ධම්මදෙසනා, පරිසාය ඡෙට්ඨා භික්ඛු පයමං උප්පන්නත්තා, සෙට්ඨා අනගාරියභාවං ආදිං කත්වා සත්ථුචරියානුවිධායකත්තා සකලසාසනපටිග්ගාහකත්තා ව, ආසන්නා තත්ථ නිසින්තෙසු සත්ථුසන්නිකත්තා, සදාසන්නිහිතා සත්ථුසන්නිකාවචරත්තාති. අපිව තෙ ධම්මදෙසනාය භාජනං යථානුසිට්ඨං පටිපත්තිසබ්භාවතො. විසෙසතො ව එකච්චෙ භික්ඛුයෙව සන්ධාය අයං දෙසනාපිති එවං ආමන්තෙසි.

කිමත්ථං පන භගවා ධම්මං දෙසෙන්නො පයමං භික්ඛු ආමන්තෙසි, න ධම්මමෙව දෙසෙසීති? සතිජනනත්ථං. භික්ඛු අඤ්ඤං චිත්තෙන්තාපි වික්ඛිත්තචිත්තාපි ධම්මං පච්චචෙක්ඛන්තාපි කම්මට්ඨානං මනසිකරොත්තාපි නිසින්තා භොන්ති. තෙ අනාමන්තෙත්වා ධම්මෙ දෙසියමානෙ “අයං දෙසනා කිංනිදානා කිංපච්චයා කතමාය අට්ඨුප්පත්තියා දෙසිතා”ති සල්ලක්ඛෙතං අසක්කොත්තා දුග්ගහිතං වා ගණ්ඨෙය්‍යං, න වා ගණ්ඨෙය්‍යං, තෙන තෙසං සතිජනනත්ථං භගවා පයමං ආමන්තෙත්වා පච්ඡා ධම්මං දෙසෙති.

හදන්තෙති ගාරවච්චනමෙතං, සත්ථුනො පටිච්චනදානං වා. අපිචෙත්ථ “භික්ඛවො”ති වදමානො භගවා භික්ඛු ආලපති. “හදන්තෙ”ති වදමානා තෙ භගවන්තං පච්චාලපන්ති. තථා හි “භික්ඛවො”ති භගවා ආභාසති, “හදන්තෙ”ති පච්චාභාසන්ති. “භික්ඛවො”ති පටිච්චනං දාපෙති, “හදන්තෙ”ති පටිච්චනං දෙත්ති. තෙ භික්ඛුති යෙ භගවා ආමන්තෙසි, තෙ. භගවතො පච්චස්සොසුන්ති භගවතො ආමන්තනං පතිඅස්සොසුං, අභිමුඛා හුත්වා සුඤ්ඤා සම්පට්ඨිඤ්ඤා පටිග්ගහෙසුන්ති අත්ථො. භගවා එතදවොචාති, භගවා එතං ඉදානි චත්තබ්බං සකලසුත්තං අවොච. එත්තාවතා යං ආයස්මතා ආනන්දෙන අත්ථබ්බාඤ්ජනසම්පන්නස්ස බුද්ධානං දෙසනාඤ්ඤාගම්භීරභාවසංසුචකස්ස ඉමස්ස සුත්තස්ස සුඛාවගාහණත්ථං කාලදෙසදෙසකපරිසාපදෙසප්පටිමණ්ඩිතං නිදානං භාසිතං, තස්ස අත්ථවණ්ණනා සමත්තා.

ඉදානි පටිච්චසමුප්පාදං වොතිආදිනා නයෙන භගවතා නික්ඛිත්තස්ස සුත්තස්ස සංවණ්ණනාය ඔකාසො අනුප්පත්තො. සා පනෙසා සුත්තවණ්ණනා යස්මා සුත්තනික්ඛෙපං විචාරෙත්වා වුවිචමානා පාකටා භොති, තස්මා සුත්තනික්ඛෙපං තාව විචාරෙස්සාම. චත්තාරො හි සුත්තනික්ඛෙපා — අත්තජ්ඣාසයො, පරජ්ඣාසයො, පුච්ඡාවසිකො, අට්ඨුප්පත්තිකොති. තත්ථ යානි සුත්තානි භගවා

පරෙහි අනජ්ඣට්ඨො කෙවලං අත්තනො අජ්ඣාසයෙනෙව කට්ඨි,
සෙය්‍යථිදං – දසබලසුත්තන්තභාරකො චන්දොපම-විණොපම-සම්මජ්ජධාන-
ඉද්ධිපාද-ඉන්ද්‍රියබල-බොජ්ඣංගිගභිග-සුත්තන්තභාරකොති එවමාදීති,
තෙසං අත්තජ්ඣාසයො නික්බෙපො.

යානි පන “පරිපක්කා බො රාහුලස්ස විමුක්තිපරිපාවතීයා ධම්මා. යංනුනාහං
රාහුලං උත්තරිං ආසවානං බයෙ විනෙය්‍ය”න්ති (සං. නි. 4.121; ම. නි. 3.416)
එවං පරෙසං අජ්ඣාසයං ඛන්තිං නිජ්ඣානක්ඛමං මනං අභිනීහාරං
බුජ්ඣනභාවඤ්ච අපෙක්ඛිත්වා පරජ්ඣාසයවසෙන කථිතානි, සෙය්‍යථිදං –
චූළරාහුලොවාදසුත්තං, මහාරාහුලොවාදසුත්තං, ධම්මචක්කජ්ජවත්තනං,
අනත්තලක්ඛණසුත්තං, ආසිවිසොපමසුත්තං, ධාතුච්ඡිග්ගසුත්තන්ති, එවමාදීති,
තෙසං පරජ්ඣාසයො නික්බෙපො.

භගවත්තං පන උපසංකම්භිත්වා චතස්සො පරිසා චත්තාරො චණ්ණා නාගා
සුපණ්ණා ගන්ධබ්බා අසුරා යක්ඛා මහාරාජානො තාවතිංසාදයො දෙවා
මහාබ්‍රහ්මානි එවමාදයො “බොජ්ඣංගිගා බොජ්ඣංගිගාති, භන්තෙ, වුච්චන්ති –
(සං. නි. 5.202) නිවරණා නිවරණාති, භන්තෙ, වුච්චන්ති – ඉමෙ නු බො,
භන්තෙ, පඤ්චපාදානක්ඛන්ධා, කිංසුධ විත්තං පුරිසස්ස සෙට්ඨ”න්තිආදිනා
(සං. නි. 1.246; සු. නි. 183) නයෙන පඤ්භං පුච්ඡන්ති. එවං පුට්ඨෙත භගවතා
යානි කථිතානි බොජ්ඣංගිසංයුක්තාදීති, යානි වා පනඤ්ඤානිපි
දෙවතාසංයුත්ත, මාරසංයුත්ත, බ්‍රහ්මසංයුත්ත, සක්කපඤ්භ, චූළවෙදල්ල,
මහාවෙදල්ල, සාමඤ්ඤඵලආලවක, සුවිලොම, බරලොමසුත්තාදීති, තෙසං
පුච්ඡාවසිකො නික්බෙපො.

යානි පන තානි උජ්ජන්තං කාරණං පටිච්ච කථිතානි, සෙය්‍යථිදං – ධම්මදායාදං.
චූළසීහනාදසුත්තං පුත්තමංසුපමං දාරුක්ඛන්ධුපමං අග්ගික්ඛන්ධුපමං
ඵෙණපිණ්ඩුපමං පාරිච්ඡත්තකුපමන්ති එවමාදීති, තෙසං අට්ඨුජ්ජන්තිකො
නික්බෙපො.

එවමෙතෙසු චතුසු නික්බෙපෙසු ඉමස්ස පටිච්චසමුප්පාදසුත්තස්ස
පරජ්ඣාසයො නික්බෙපො. පරපුග්ගලජ්ඣාසයවසෙන හිදං භගවතා
නික්ඛිත්තං. කතමෙසං පුග්ගලානං අජ්ඣාසයවසෙනානි? උග්ගට්ඨඤ්ඤානං.
චත්තාරො හි පුග්ගලා උග්ගට්ඨඤ්ඤා විපඤ්චිතඤ්ඤා නෙය්‍යො පදපරමොති.
තත්ථ යස්ස පුග්ගලස්ස සහ උදාහට්ඨෙලාය ධම්මාභිසමයො භොති, අයං
වුච්චති පුග්ගලො උග්ගට්ඨඤ්ඤා. යස්ස පුග්ගලස්ස සංඛිත්තෙන භාසිතස්ස
විත්ථාරෙන අත්ථෙ විහජ්ජමානෙ ධම්මාභිසමයො භොති, අයං වුච්චති

පුග්ගලො විපක්ඛිතක්ඛු. යස්ස පුග්ගලස්ස උද්දෙසනො පරිපුච්ඡනො යොනියො මනසිකරොනො, කල්‍යාණමිත්තෙ සෙවනො, භජනො, පයිරූපාසනො, අනුපුබ්බෙන ධම්මාභිසමයො හොති, අයං වුව්චති පුග්ගලො නෙය්‍යා. යස්ස පුග්ගලස්ස බහුමිපි සුභනො, බහුමිපි ධාරයනො, බහුමිපි වාවයනො න තාය ජාතියා ධම්මාභිසමයො හොති, අයං වුව්චති පුග්ගලො පදපරමො. ඉති ඉමෙසු චතුසු පුග්ගලෙසු උග්ගට්ඨකක්ඛුපුග්ගලානං අප්ඣාසයවසෙන ඉදං සුත්තං නික්ඛිත්තං.

තදා කීර පක්ඛිපතා ජනපදවාසිකා භික්ඛු සබ්බෙව එකචරා ද්විවරා තිවරා චතුරරා පක්ඛිවරා සභාගචුත්තිනො ධුතඬ්භගධරා ආරද්ධවීරියා යුත්තයොගා විපස්සකා සංඝං සුමුමං සුඤ්ඤතං පච්චයාකාරදෙසනං පත්ථයමානා සායන්භසමයෙ භගවත්තං උපසඬ්ඡමිත්වා, චන්දිත්වා, රත්තකම්බලසාණියා පරික්ඛිපමානා විය දෙසනං පච්චාසිසමානා පරිවාරෙත්වා නිසීදිංසු. තෙසං අප්ඣාසයවසෙන භගවා ඉදං සුත්තං ආරභි. යථා හි ඡෙකො චිත්තකාරො අපරිකම්මකතභිත්තිං ලභිත්වා, න ආදිතොව රූපං සමුට්ඨාපෙසි, මහාමත්තිකලෙපාදිහි පන භිත්තිපරිකම්මං තාව කත්වා, කතපරිකම්මාය භිත්තියා රූපං සමුට්ඨාපෙති, කතපරිකම්මං පන භිත්තිං ලභිත්වා, භිත්තිපරිකම්මබ්‍යාපාරං අකත්වා, රඬ්භජානානි යොජෙත්වා, වට්ටිකං වා තූලිකං වා ආදාය රූපමෙව සමුට්ඨාපෙති, එවමෙව භගවා අකතාභිනිවෙසං ආදිකම්මිකකුලපුත්තං ලභිත්වා නාස්ස ආදිතොව අරහත්තපදට්ඨානං සංඝං සුමුමං සුඤ්ඤතං විපස්සනාලක්ඛණං ආචික්ඛති, සීලසමාධිකම්මස්සකතාදිට්ඨිසම්පදාය පන යොජෙත්තො පුබ්බභාගපට්ඨං තාව ආචික්ඛති. යං සන්ධාය වුත්තං -

“තස්මාතිහ ත්වං, භික්ඛු, ආදිමෙව විසොධෙහි කුසලෙසු ධම්මෙසු. කො වාදි කුසලානං ධම්මානං? සීලඤ්ච සුවිසුද්ධං දිට්ඨි ව උජුකා. යතො ඛො තෙ, භික්ඛු, සීලඤ්ච සුවිසුද්ධං භවිස්සති දිට්ඨි ව උජුකා. තතො ත්වං, භික්ඛු, සීලං නිස්සාය සීලෙ පතිට්ඨාය චත්තාරො සතිපට්ඨානෙ තිව්ධෙන භාවෙය්‍යාසි. කතමෙ චත්තාරො? ඉධ ත්වං, භික්ඛු, අප්ඣාසනං වා කායෙ කායානුපස්සි විහරාහි ආතාපී සම්පජානො සතිමා විනෙය්‍ය ලොකෙ අභිජ්ඣාදොමනස්සං. බහිද්ධා වා කායෙ...පෙ.... අප්ඣාසනබහිද්ධා වා කායෙ...පෙ.... ධම්මෙසු ධම්මානුපස්සි විහරාහි ආතාපී සම්පජානො සතිමා විනෙය්‍ය ලොකෙ අභිජ්ඣාදොමනස්සං. යතො ඛො ත්වං, භික්ඛු, සීලං නිස්සාය සීලෙ පතිට්ඨාය ඉමෙ චත්තාරො සතිපට්ඨානෙ එවං තිව්ධෙන භාවෙස්සසි, තතො තුය්හං, භික්ඛු, යා රත්ති වා

දිවසො වා ආගමිස්සති, වුද්ධියෙව පාටිකඬ්ඛා කුසලෙසු ධම්මෙසු, නො පරිහානී’ති (සං. නි. 5.369).

එවං ආදිකම්මිකකුලපුත්තස්ස සීලකථාය පරිකම්මං කට්ඨත්වා, අරහත්තපදට්ඨානං සණ්ඨං සුබ්බමං සුඤ්ඤතං විපස්සනාලක්ඛණං ආචික්ඛති.

පරිසුද්ධසීලං පන ආරද්ධවීරියං යුත්තයොගං විපස්සකං ලභිත්වා, නාස්ස පුබ්බභාගපටිපදං ආචික්ඛති, උජුකමෙව පන අරහත්තපදට්ඨානං සණ්ඨං සුබ්බමං සුඤ්ඤතං විපස්සනාලක්ඛණං ආචික්ඛති. ඉමෙ පඤ්චසතා භික්ඛු පුබ්බභාගපටිපදං පරිසොධෙත්වා යීතා සුධන්තසුවණ්ණසදිසා සුපරිමජ්ජිතමණික්ඛන්ධසන්නිහා, එකො ලොකුත්තරමග්ගොව නෙසං අනාගතො. ඉති තස්සාගමනත්ථාය සත්ථා නෙසං අජ්ඣාසයං අපෙක්ඛමානො ඉදං සුත්තං ආරභී.

තත්ථ පටිච්චසමුප්පාදන්ති පච්චයාකාරං. පච්චයාකාරො හි අඤ්ඤමඤ්ඤං පටිච්ච සහිතෙ ධම්මෙ උප්පාදෙති. තස්මා පටිච්චසමුප්පාදොති වුච්චති. අයමෙත්ථ සඬ්ඛෙපො, විත්ථාරො පන විසුද්ධිමග්ගතො ගහෙතඬ්ඛො.

චොති අයං චො-සද්දො පච්චත්ත-උපයොගකරණ-සම්පදාන-සාම්චවන-පදපුරණෙසු දිස්සති. “කච්චි පන චො අනුරුද්ධා සමග්ගා සම්මොදමානා”තිආදීසු (ම. නි. 1.326; මහාව. 466) හි පච්චත්තෙ දිස්සති. “ගච්ඡථ, භික්ඛවෙ, පණාමෙම් චො”තිආදීසු (ම. නි. 2.157) උපයොගෙ. “න චො මම සන්නිකෙ චත්ථඬ්ඛ”න්තිආදීසු (ම. නි. 2.157) කරණෙ. “චනපත්ථපරියායං චො, භික්ඛවෙ, දෙසෙස්සාමී”තිආදීසු (ම. නි. 1.190) සම්පදානෙ. “සඬ්ඛෙසං චො, සාරිපුත්ත, සුභාසිත”න්තිආදීසු (ම. නි. 1.345) සාම්චවනෙ. “යෙ හි චො අරියා පරිසුද්ධකායකම්මන්තා”තිආදීසු (ම. නි. 1.35) පදපුරණමත්තෙ. ඉධ පනායං සම්පදානෙ දට්ඨඬ්ඛො. භික්ඛවෙති පතිස්සවෙන අභිමුඛිභූතානං පුන ආලපනං. දෙසෙස්සාමීති දෙසනාපටිජානනං. තං සුභාථාති තං පටිච්චසමුප්පාදං තං දෙසනං මයා වුච්චමානං සුභාථ.

සාධුකං මනසි කරොථාති එත්ථ පන සාධුකං සාධුති එකත්ථමෙතං. අයඤ්ච සාධුසද්දො ආයාවන-සම්පටිච්ඡන-සම්පහංසන-සුන්දර-දළ්භිකම්මාදීසු දිස්සති. “සාධු මෙ, හන්තෙ, හගවා සංඛිත්තෙන ධම්මං දෙසෙතු”තිආදීසු (අ. නි. 4.257; සං. නි. 4.65; 5.381) හි ආයාවනෙ දිස්සති. “සාධු, හන්තෙති ඛො සො භික්ඛු හගවතො භාසිතං අභිනන්දිත්වා අනුමොදිත්වා”තිආදීසු (ම. නි. 3.86) සම්පටිච්ඡනෙ. “සාධු සාධු, සාරිපුත්තා”තිආදීසු (දී. නි. 3.349) සම්පහංසනෙ.

“සාධු ධම්මරුචී රාජා, සාධු පඤ්ඤාණවා නරො;

සාධු මිත්තානමද්දුබ්බො, පාපස්ස අකරණං සුඛ”න්ති. —

ආදීසු (ජා. 2.18.101) සුන්දරෙ. “තෙන හි, බ්‍රාහ්මණ, සාධුකං සුණාහී”ති ආදීසු (අ. නි. 5.192) සාධුකසද්දොයෙව දළ්භිකම්මෙ ආණත්තියන්තිපි වුවිති. ඉධ පනායං එත්තෙව දළ්භිකම්මෙ ආණත්තියා ව අත්තො වෙදිතබ්බො, සුන්දරත්තෙපි වට්ටති. දළ්භිකරණත්තෙපි හි “දළ්භං ඉමං ධම්මං සුණාථ, සුග්ගහිතං ගණ්හන්තා”, ආණත්තියත්තෙපි “මම ආණත්තියා සුණාථ” සුන්දරත්තෙපි “සුන්දරම්මං හද්දකං ධම්මං සුණාථ”ති එතං දීපිතං හොති. මනසි කරොථාති ආවජ්ජෙථ. සමන්තාහරථාති අත්තො. අවික්ඛිත්තවිත්තා හුත්වා නිසාමෙථ, විත්තෙ කරොථාති අධිප්පායො.

ඉදානෙත්ථ තං සුණාථාති සොතින්ද්‍රියවික්ඛෙපනිවාරණමෙතං. සාධුකං මනසි කරොථාති මනසිකාරෙ දළ්භිකම්මනියොජනෙන මනින්ද්‍රියවික්ඛෙපනිවාරණං. පුරිමඤ්ඤෙත්ථ ඛ්‍යාඤ්ජනවිපල්ලාසගාහනිවාරණං, පච්ඡිමං අත්ථවිපල්ලාසගාහනිවාරණං. පුරිමෙන ව ධම්මස්සවනෙ නියොජෙති, පච්ඡිමෙන සුතානං ධම්මානං ධාරණුපපරික්ඛාසු. පුරිමෙන ව “සඛ්‍යාඤ්ජනො අයං ධම්මො, තස්මා සවතීයො”ති දීපෙති, පච්ඡිමෙන “සාත්තො, තස්මා මනසි කාතබ්බො”ති. සාධුකපදං වා උභයපදෙහි යොජෙත්වා, “යස්මා අයං ධම්මො ධම්මගම්භිරො ව දෙසනාගම්භිරො ව, තස්මා සුණාථ සාධුකං. යස්මා අත්ථගම්භිරො ව පටිවෙධගම්භිරො ව, තස්මා සාධුකං මනසි කරොථා”ති එවං යොජනා වෙදිතබ්බා. භාසිස්සාමීති දෙසෙස්සාමි. “තං සුණාථා”ති එත්ථ පටිඤ්ඤාතං දෙසනං සංඛිත්තතොව න දෙසෙස්සාමි, අපිච්චො විත්ථාරතොපි නං භාසිස්සාමීති වුත්තං හොති. සඬ්ඛෙපවිත්ථාරවාචකානි හි එතානි පදානි. යථාහ වඬ්ඨිසත්තෙරො —

“සංඛිත්තෙනපි දෙසෙති, විත්ථාරෙනපි භාසති;

සාළිකායිව නිග්ගොසො, පටිභානං උදිරයි”ති. (සං. නි. 1.214; ථෙරගා. 1241);

එවං වුත්තෙ උස්සාහජාතා හුත්වා එවං, හන්තෙති ඛො තෙ භික්ඛු භගවතො පච්චස්සොසුං සත්ථු වචනං සම්පට්ඨිණිංසු, පටිග්ගහෙසුන්ති වුත්තං හොති.

අථ නෙසං භගවා එතදවොච — එතං ඉදානි වත්තබ්බං “කතමො ව, භික්ඛවෙ, පටිච්චසමුප්පාදො”ති ආදිං සකලං සුත්තං අවොච. තත්ථ කතමො ව, භික්ඛවෙ, පටිච්චසමුප්පාදොති කතෙතුකමායනාපුච්ඡා. පඤ්චවිධා හි පුච්ඡා

අදිට්ඨපොතනාපුච්ඡා දිට්ඨසංසන්දනාපුච්ඡා විමතිවිෂේදනාපුච්ඡා අනුමතිපුච්ඡා කථෙතුකම්යතාපුච්ඡාති, තාසං ඉදං නානත්තං –

කතමා අදිට්ඨපොතනා පුච්ඡා (මහානි. 150; වුළුති. පුණ්ණකමාණවපුච්ඡානිද්දෙස 12)? පකතියා ලක්ඛණං අඤ්ඤාතං හොති අදිට්ඨං අතුලිතං අතීරිතං අවිභූතං අවිභාවිතං. තස්ස ඤාණාය දස්සනාය තුලනාය තීරණාය විභූතාය විභාවනත්ථාය පඤ්ඤං පුච්ඡති. අයං අදිට්ඨපොතනාපුච්ඡා.

කතමා දිට්ඨසංසන්දනාපුච්ඡා? පකතියා ලක්ඛණං ඤාතං හොති දිට්ඨං තුලිතං තීරිතං විභූතං විභාවිතං. සො අඤ්ඤෙහි පණ්ඩිතෙහි සද්ධිං සංසන්දනත්ථාය පඤ්ඤං පුච්ඡති. අයං දිට්ඨසංසන්දනාපුච්ඡා.

කතමා විමතිවිෂේදනාපුච්ඡා? පකතියා සංසයපක්ඛන්දො හොති විමතිපක්ඛන්දො ද්වෙළ්භකජාතො – “එවං නු ඛො, න නු ඛො, කථං නු ඛො”ති, සො විමතිවිෂේදනත්ථාය පඤ්ඤං පුච්ඡති, අයං විමතිවිෂේදනාපුච්ඡා.

කතමා අනුමතිපුච්ඡා? භගවා භික්ඛූනං අනුමතියා පඤ්ඤං පුච්ඡති – “තං කිං මඤ්ඤට්ඨං, භික්ඛවෙ, රූපං නිව්චං වා අනිව්චං වා”ති, අනිව්චං, භන්තෙ. යං පනානිව්චං දුක්ඛං වා තං සුඛං වාති, දුක්ඛං, භන්තෙ. යං පනානිව්චං දුක්ඛං විපරිණාමධම්මං, කල්ලං නු තං සමනුපස්සිතුං – “එතං මම එසොහමස්මි එසො මෙ අත්තා”ති, නො හෙතං භන්තෙති (සං. නි. 3.79). අයං අනුමතිපුච්ඡා.

කතමා කථෙතුකම්යතාපුච්ඡා? භගවා භික්ඛූනං කථෙතුකම්යතාය පඤ්ඤං පුච්ඡති – “චත්තාරොමෙ, භික්ඛවෙ, සතිපට්ඨානා. කතමෙ චත්තාරො”ති? අයං කථෙතුකම්යතාපුච්ඡාති.

තත්ථ බුද්ධානං පුරිමා තිස්සො පුච්ඡා නත්ථී. කස්මා? බුද්ධානඤ්ඤි තිස්ස අද්ධාසු කිඤ්ඤි සඬ්ඛතං අද්ධාවිමුත්තං වා අසඬ්ඛතං අදිට්ඨං අපොතිතං අතුලිතං අතීරිතං අවිභූතං අවිභාවිතං නාම නත්ථී. තෙන තෙසං අදිට්ඨපොතනාපුච්ඡා නත්ථී. යං පන භගවතා අත්තනො ඤාණෙන පටිවිද්ධං, තස්ස අඤ්ඤෙන සමණෙන වා බ්‍රාහ්මණෙන වා දෙවෙන වා මාරෙන වා බ්‍රහ්මුනා වා සද්ධිං සංසන්දනකිව්චං නත්ථී. තෙනස්ස දිට්ඨසංසන්දනාපුච්ඡා නත්ථී. යස්මා පනෙස අකථංකථී තිණ්ණවිචිකිවිෂො සබ්බධම්මෙසු විහතසංසයො. තෙනස්ස විමතිවිෂේදනාපුච්ඡා නත්ථී. ඉතරා පන ද්වෙ පුච්ඡා භගවතො අත්ථී. තාසු අයං කථෙතුකම්යතා පුච්ඡාති වෙදිතබ්බා.

ඉදානි තාව පුච්ඡාය පුට්ඨං පච්චයාකාරං විහජන්තො අවිජ්ජාපච්චයා, භික්ඛවෙ, සඬ්ඛාරාතිආදිමාහ. එත්ථ ච යථා නාම “පිතරං කට්ඨස්සාමි”ති ආරද්ධො “තිස්සස්ස පිතා සොණස්ස පිතා”ති පයමතරං පුත්තම්පි කට්ඨති, එවමෙව හගවා පච්චයං කට්ඨතුං ආරද්ධො “අවිජ්ජාපච්චයා සඬ්ඛාරා”තිආදිනා නයෙන සඬ්ඛාරාදීනං පච්චයෙ අවිජ්ජාදිධම්මෙ කට්ඨන්තො පච්චයුජ්ජන්තම්පි කට්ඨසි. ආහාරවග්ගස්ස පන පරියොසානෙ “පට්චිවසමුජ්ජාදක්ඛ වො, භික්ඛවෙ, දෙසෙස්සාමි පට්චිවසමුජ්ජන්තෙ ච ධම්මෙ”ති (සං. නි. 2.20) උභයං ආරභිත්වා උභයම්පි කට්ඨසි. ඉදානි අවිජ්ජාපච්චයා සඬ්ඛාරාතිආදීසු පන අවිජ්ජා ච සා පච්චයො වාති අවිජ්ජාපච්චයො. තස්මා අවිජ්ජාපච්චයා සඬ්ඛාරා සම්භවන්තීති ඉමිනා නයෙන අත්ථො වෙදිතබ්බො. අයමෙත්ථ සඬ්ඛෙපො, විත්ථාරෙන පන සබ්බාකාරසම්පන්නා අනුලොමපට්චිවසමුජ්ජාදකථා විසුද්ධිමග්ගෙ කට්ඨිනා, තස්මා සා තත්ථ කට්ඨිතවසෙනෙව ගහෙතබ්බො.

පටිලොමකථායං පන අවිජ්ජාය ත්වෙවාති අවිජ්ජාය තු එව. අසෙසවිරාගනිරොධාති විරාගසඬ්ඛාතෙන මග්ගෙන අසෙසනිරොධා. සඬ්ඛාරනිරොධොති සඬ්ඛාරානං අනුජ්ජාදනිරොධො හොති. එවංනිරොධානං පන සඬ්ඛාරානං නිරොධා විඤ්ඤාණාදීනක්ඛ නිරොධා නාමරූපාදීනි නිරුද්ධානියෙව හොන්තීති දස්සෙතුං සඬ්ඛාරනිරොධා විඤ්ඤාණනිරොධොතිආදීනි වත්වා, එවමෙනස්ස කෙවලස්ස දුක්ඛක්ඛන්ධස්ස නිරොධො හොතීති ආහ. තත්ථ කෙවලස්සාති සකලස්ස, සුද්ධස්ස වා, සත්තවිරහිතස්සාති අත්ථො. දුක්ඛක්ඛන්ධස්සාති දුක්ඛරාසිස්ස. නිරොධො හොතීති අනුජ්ජාදො හොති. ඉති හගවා අනුලොමතො ද්වාදසහි පදෙහි වට්ඨකථං කට්ඨන්තො තමෙව වට්ඨං විනිවට්ඨෙන්වා පටිලොමතො ද්වාදසහි පදෙහි විවට්ඨං කට්ඨන්තො අරහත්තෙන දෙසනාය කුටං ගණ්හි. දෙසනාපරියොසානෙ තෙ පඤ්චසතා ආරද්ධවිපස්සකා උග්ගට්ඨකඤ්ඤපුග්ගලා සූරියරස්මිසම්චුට්ඨානි පරිපාකගතානි පද්මානි විය සච්චානි බුජ්ඣන්තවා අරහත්තඵලෙ පතිට්ඨහිංසු.

ඉදමවොච හගවාති ඉදං වට්ඨවිවට්ඨවසෙන සකලසුත්තං හගවා අවොච. අත්තමනා තෙ භික්ඛුති තුට්ඨවිත්තා තෙ පඤ්චසතා ඛිණ්ණසවා භික්ඛු. හගවතො භාසිතං අභිනන්දුන්ති කරවිකරුතමඤ්ජුනා කණ්ණසුබ්බෙත පණ්ඩිතජනහදයානං අමනාහිසෙකසදිසෙන බ්‍රහ්මස්සරෙන භාසතො හගවතො වචනං අභිනන්දිංසු, අනුමොදිංසු වෙව සම්පට්ඨිංසු වාති අත්ථො. තෙනෙනං වුවචති -

“සුභාසිතං සුලපිතං, සාධු සාධුති තාදිනො;

අනුමොදමානා සිරසා, සම්පට්ඨිඡංසු භික්ඛවො”ති.

පයමපට්ඨවසමුප්පාදසුත්තවණ්ණනා නිට්ඨිතා.

2. විභවිගසුත්තවණ්ණනා

2. දුතියෙපි චුත්තනයෙනෙව සුත්තනික්ඛෙපො වෙදිතබ්බො. අයං පන විසෙසො – පයමං උග්ගට්ඨකඤ්ඤපුග්ගලානං වසෙන සඬ්ඛෙපතො දස්සිතං, ඉදං විපඤ්චිතඤ්ඤානං වසෙන විත්ථාරතොති. ඉමස්මිඤ්ච පන සුත්තෙ චතස්සො වල්ලිභාරකපුරිසුපමා වත්තබ්බා, තා විසුද්ධිමග්ගෙ චුත්තා එව. යථා හි වල්ලිභාරකො පුරිසො වල්ලියා අග්ගං දිස්වා තදනුසාරෙන මූලං පරියෙසන්තො තං දිස්වා වල්ලිං මූලෙ ඡෙත්වා ආදාය කම්මෙ උපනෙය්‍යා, එවං භගවා විත්ථාරදෙසනං දෙසෙන්තො පට්ඨවසමුප්පාදස්ස අග්ගභූතා ජරාමරණා පට්ඨාය යාව මූලභූතං අවිජ්ජාපදං, තාව දෙසනං ආහරිත්වා සුත වට්ටව්වට්ටං දෙසෙන්තො නිට්ඨපෙසි.

තත්‍රායං ජරාමරණාදීනං විත්ථාරදෙසනාය අත්ථනිව්ඡයො – ජරාමරණනිද්දෙසෙ තාව තෙසං තෙසන්ති අයං සඬ්ඛෙපතො අනෙකෙසං සත්තානං සාධාරණනිද්දෙසොති විඤ්ඤාතබ්බො. යා දෙවදත්තස්ස ජරා, යා සොමදත්තස්සාති එවඤ්චි දිවසම්පි කට්ඨන්තස්ස නෙව සත්තා පරියාදානං ගච්ඡන්ති. ඉමෙහි පන ද්විති පදෙහි න කොච්ඡි සත්තො අපරියාදින්තො භොති. තස්මා චුත්තං, “අයං සඬ්ඛෙපතො අනෙකෙසං සත්තානං සාධාරණනිද්දෙසො”ති. තම්හි තම්හීති අයං ගතිජාතිවසෙන අනෙකෙසං සත්තනිකායානං සාධාරණනිද්දෙසො. සත්තනිකායෙති සාධාරණනිද්දෙසෙන නිද්දිට්ඨස්ස සරූපනිදස්සනං. ජරා ජීරණතාතිආදීසු පන ජරාති සභාවනිද්දෙසො. ජීරණතාති ආකාරනිද්දෙසො. ඛණ්ඩිච්චන්තිආදයො තයො කාලාතික්කමෙ කිච්චනිද්දෙසා, පච්ඡිමා ද්වෙ පකතිනිද්දෙසා. අයඤ්චි ජරාති ඉමිනා පදෙන සභාවතො දීපිතා, තෙනස්සායං සභාවනිද්දෙසො. ජීරණතාති ඉමිනා ආකාරතො, තෙනස්සායං ආකාරනිද්දෙසො. ඛණ්ඩිච්චන්ති ඉමිනා කාලාතික්කමෙ දන්තනබ්බානං ඛණ්ඩිතභාවකරණකිච්චතො. පාලිච්චන්ති ඉමිනා කෙසලොමානං පලිතභාවකරණකිච්චතො. වලිත්තවතාති ඉමිනා මංසං මිලාපෙත්වා තවවලිභාවකරණකිච්චතො දීපිතා. තෙනස්සා ඉමෙ ඛණ්ඩිච්චන්තිආදයො තයො කාලාතික්කමෙ කිච්චනිද්දෙසා. තෙහි ඉමෙසං විකාරානං දස්සනවසෙන පාකට්ඨිභූතා පාකට්ඨරා දස්සිතා. යථෙව හි උදකස්ස වා

වාතස්ස වා අග්ගිනො වා තිණුරුක්ඛාදීනං සංහග්ගපලිහග්ගතාය වා ක්කාමතාය වා ගතමග්ගො පාකටො හොති, න ච සො ගතමග්ගො තානෙව උදකාදීනි, එවමෙව ජරාය දන්තාදීසු ඛණ්ඩිච්චාදිවසෙන ගතමග්ගො පාකටො, චක්ඛුං උම්මිලෙන්වාපි ගස්හති න ච ඛණ්ඩිච්චාදීනෙව ජරා. න හි ජරා චක්ඛුච්ඤ්ඤායා හොති.

ආයුනො සංභානී ඉන්ද්‍රියානං පරිපාකොති ඉමෙහි පන පදෙහි කාලාතික්කමෙයෙව අභිත්තාය ආයුක්ඛය-චක්ඛාදිඉන්ද්‍රිය-පරිපාකසඤ්ඤිතාය පකතියා දීපිතා. තෙනස්සිමෙ පච්ඡිමා ද්වෙ පකතිනිද්දෙසාති වෙදිතඛිබ්බා. තත්ථ යස්මා ජරං පත්තස්ස ආයු භායති, තස්මා ජරා “ආයුනො සංභානී”ති ඵලූපවාරෙන වුත්තා. යස්මා ච දහරකාලෙ සුප්පසන්නානි සුබ්බමම්පි අත්තනො විසයං සුබ්බෙනෙව ගණ්හනසමත්ථානි චක්ඛාදීනි ඉන්ද්‍රියානි ජරං පත්තස්ස පරිපක්කානි ආලුළිතානි අවිසදානි, ඔළාරිකම්පි අත්තනො විසයං ගහෙතුං අසමත්ථානි හොන්ති, තස්මා “ඉන්ද්‍රියානං පරිපාකො”ති ඵලූපවාරෙනෙව වුත්තා.

සා පනායං එවං නිද්දිට්ඨා සබ්බාපි ජරා පාකටා පටිච්ඡන්තානි දුට්ඨා හොති. තත්ථ දන්තාදීසු ඛණ්ඩාදිභාවදස්සනතො රූපධම්මෙසු ජරා පාකටජරා නාම, අරූපධම්මෙසු පන ජරා තාදිසස්ස විකාරස්ස අදස්සනතො පටිච්ඡන්තජරා නාම. තත්ථ ය්වායං ඛණ්ඩාදිභාවො දිස්සති, සො තාදිසානං දන්තාදීනං සුවිඤ්ඤායාත්තා චණ්ණොයෙව, තං චක්ඛුනා දිස්වා මනොද්වාරෙන වින්තෙත්වා “ඉමෙ දන්තා ජරාය පහටා”ති ජරං ජානාති උදකට්ඨානෙ බද්ධානි ගොසීසාදීනි ඔලොකෙත්වා හෙට්ඨා උදකස්ස අත්ථිභාවං ජානනං විය. පුන අවිච්චි සච්චිති එවම්පි දුට්ඨා හොති. තත්ථ මණි-කනක-රජත-පවාලවන්දසුරියාදීනං විය මන්දදසකාදීසු පාණීනං විය ච පුප්ඵළපල්ලවාදීසු ච අපාණීනං විය අන්තරන්තරා චණ්ණවිසෙසාදීනං දුට්ඤ්ඤායාත්තා ජරා අවිච්ඡරා නාම, නිරන්තරජරාති අත්ථො. තතො අඤ්ඤෙසු පන යථාවුත්තෙසු අන්තරන්තරා චණ්ණවිසෙසාදීනං සුවිඤ්ඤායාත්තා ජරා සච්චිජරා නාමාති වෙදිතඛිබ්බා.

ඉතො පරං තෙසං තෙසන්තිආදි වුත්තනයෙනෙව වෙදිතඛිබ්බං. වුත්ති වචනතාතිආදීසු පන වුත්ති වචනකවසෙන වුච්චති, එකචතුපඤ්චක්ඛන්ධසාමඤ්ඤවචනමෙතං. වචනතාති භාවචචනෙන ලක්ඛණනිදස්සනං. හෙදොති වුත්තික්ඛන්ධානං හඬගුප්පත්තිපරිදීපනං. අන්තරධානන්ති සටස්සෙව භින්නස්ස භින්නානං වුත්තික්ඛන්ධානං යෙන

කෙනෙව් පරියායෙන යානාභාවපරිදීපනං. මව්වු මරණන්ති මව්වුසඬ්ඛානං මරණං, තෙන සමුච්ඡේදමරණාදීනි නිසෙධෙති. කාලො නාම අන්තකො, තස්ස කිරියා කාලකිරියා. එවං තෙන ලොකසම්මුතියා මරණං දීපෙති.

ඉදානි පරමත්ථෙත දීපෙතුං ඛන්ධානං හෙදොතිආදිමාහ. පරමත්ථෙත හි ඛන්ධායෙව භිජ්ජන්ති, න සත්තො නාම කොච් මරති. ඛන්ධෙසු පන භිජ්ජමානෙසු සත්තො මරති, භින්තෙසු මතොති වොහාරො හොති. එත්ථ ච චතුපඤ්චවොකාරවසෙන ඛන්ධානං හෙදො, එකවොකාරවසෙන කලෙවරස්ස නික්ඛෙපො. චතුරවොකාරවසෙන ච ඛන්ධානං හෙදො, සෙසද්වයවසෙන කලෙවරස්ස නික්ඛෙපො වෙදිතඛිබ්බො. කස්මා? භවද්වයෙපි රූපකායසඬ්ඛාතස්ස කලෙවරස්ස සබ්භාවතො. අථ වා යස්මා චාතුමහාරාජිකාදීසු ඛන්ධා භිජ්ජන්තෙව, න කිඤ්චි නික්ඛිපති, තස්මා තෙසං වසෙන ඛන්ධානං හෙදො, මනුස්සාදීසු කලෙවරස්ස නික්ඛෙපො. එත්ථ ච කලෙවරස්ස නික්ඛෙපකාරණතො මරණං. “කලෙවරස්ස නික්ඛෙපො”ති වුත්තන්ති එවමත්ථො දට්ඨඛිබ්බො. ඉති අයඤ්ච ජරා ඉදඤ්ච මරණං, ඉදං වුවචති, භික්ඛවෙති ඉදං උභයමිපි එකතො කත්වා ජරාමරණන්ති කථියති.

ජාතිනිද්දෙසෙ ජාති සඤ්ජාතීතිආදීසු ජායනට්ඨෙත ජාති, සා අපරිපුණ්ණායතනවසෙන යුත්තා. සඤ්ජායනට්ඨෙත සඤ්ජාති, සා පරිපුණ්ණායතනවසෙන යුත්තා. ඔක්කමනට්ඨෙත ඔක්කන්ති, සා අණ්ඩජලාබ්ජවසෙන යුත්තා. තෙ හි අණ්ඩකොසඤ්ච වත්ථිකොසඤ්ච ඔක්කමන්තා පටිසන්තා විය පටිසන්ධිං ගණ්හන්ති. අභිනිබ්බත්තනට්ඨෙත අභිනිබ්බන්ති, සා සංසෙදජඔපපාතිකවසෙන යුත්තා. තෙ හි පාකටායෙව හුත්වා නිබ්බත්තන්ති. අයං තාව වොහාරදෙසනා.

ඉදානි පරමත්ථදෙසනා හොති. ඛන්ධායෙව හි පරමත්ථතො පාතුභවන්ති, න සත්තො. තත්ථ ච ඛන්ධානන්ති එකවොකාරභවෙ එකස්ස, චතුරවොකාරභවෙ චතුන්නං, පඤ්චවොකාරභවෙ පඤ්චන්තමිපි ගහණං වෙදිතඛිබ්බං. පාතුභාවොති උප්පත්ති. ආයතනානන්ති එත්ථ තත්ත්ව තත්ත්ව උප්පජ්ජමානායතනවසෙන සඬ්ඛගො වෙදිතඛිබ්බො. පටිලාභොති සන්තතියං පාතුභාවායෙව. පාතුභවන්තානෙව හි තානි පටිලද්ධානි නාම හොන්ති. අයං වුවචති, භික්ඛවෙ, ජාතීති ඉමිනා පදෙන වොහාරතො පරමත්ථතො ච දෙසිතාය ජාතියා නිගමනං කරොතීති.

භවනිද්දෙසෙ කාමභවොති කම්මභවො ච උපපත්තිභවො ච. තත්ථ කම්මභවො නාම කාමභවුපගකම්මමෙව. තඤ්ඤි තත්ථ උපපත්තිභවස්ස කාරණත්තා “සුඛො බුද්ධානං උප්පාදො (ධ. ප. 194) දුක්ඛො පාපස්ස උච්චයො” තිආදීනි (ධ. ප. 117) විය ඵලවොහාරෙන භවොති චුත්තං. උපපත්තිභවො නාම තෙන කම්මෙන නිබ්බත්තං උපාදිණ්ණක්ඛන්ධපඤ්චකං. තඤ්ඤි තත්ථ භවතීති කත්වා භවොති චුත්තං. සබ්බථාපි ඉදං කම්මඤ්ච උපපත්තිඤ්ච උභයම්පෙනම්ධ “කාමභවො” ති චුත්තං. එස නයො රූපාරූපභවෙසුති.

උපාදානනිද්දෙසෙ කාමුපාදානන්තිආදීසු වත්ථුකාමං උපාදියන්ති එතෙන, සයං වා තං උපාදියන්ති කාමුපාදානං, කාමො ච සො උපාදානඤ්චාති කාමුපාදානං. උපාදානන්ති දළ්භග්ගභණං චුච්චති. දළ්භත්ථො හි එත්ථ උපසද්දො උපායාසඋපකට්ඨාදීසු විය. පඤ්චකාමගුණිකරාගස්සෙතං අධිවචනං. අයමෙත්ථ සඬ්ඛෙපො. විත්ථාරතො පනෙතං, “තත්ථ කතමං කාමුපාදානං? යො කාමෙසු කාමච්ඡන්දො” ති (ධ. ස. 1220; විහ. 938) චුත්තනායෙනෙව වෙදිතබ්බං.

තථා දිට්ඨි ච සා උපාදානඤ්චාති දිට්ඨුපාදානං. අථ වා දිට්ඨිං උපාදියති, උපාදියන්ති වා එතෙන දිට්ඨින්ති දිට්ඨුපාදානං. උපාදියති හි පුරිමදිට්ඨිං උත්තරදිට්ඨිං, උපාදියන්ති ච තාය දිට්ඨිං. යථාහ – “සස්සතො අත්තා ච ලොකො ච ඉදමෙව සච්චං මොසමඤ්ඤ” තිආදි (ම. නි. 3.27). සීලබ්බතුපාදානඅත්තවාදුපාදානවජ්ජස්ස සබ්බදිට්ඨිගතස්සෙතං අධිවචනං. අයමෙත්ථ සඬ්ඛෙපො, විත්ථාරතො පනෙතං, “තත්ථ කතමං දිට්ඨුපාදානං? නත්ථි දින්ත” ති (ධ. ස. 1221) චුත්තනායෙනෙව වෙදිතබ්බං.

තථා සීලබ්බකමුපාදියන්ති එතෙන, සයං වා තං උපාදියති, සීලබ්බකඤ්ච තං උපාදානඤ්චාති වා සීලබ්බතුපාදානං. ගොසීලගොවතාදීනි හි “එවං සුද්ධි” ති (ධ. ස. 1222; විහ. 938) අභිනිවෙසතො සයමෙව උපාදානානීති. අයමෙත්ථ සඬ්ඛෙපො, විත්ථාරතො පනෙතං, “තත්ථ කතමං සීලබ්බතුපාදානං? ඉතො බහිද්ධා සමණබ්‍රාහ්මණානං සීලෙන සුද්ධි” ති චුත්තනායෙනෙව වෙදිතබ්බං.

ඉදානි වදන්ති එතෙනාති වාදො, උපාදියන්ති එතෙනාති උපාදානං, කිං වදන්ති උපාදියන්ති වා? අත්තානං. අත්තතො වාදුපාදානං අත්තවාදුපාදානං. අත්තවාදමත්තමෙව වා අත්තාති උපාදියන්ති එතෙනාති අත්තවාදුපාදානං. විසතිවත්ථුකාය සක්කායදිට්ඨියා එතං අධිවචනං. අයමෙත්ථ සඬ්ඛෙපො, විත්ථාරතො පනෙතං, “තත්ථ කතමං අත්තවාදුපාදානං? ඉධ අස්සුතවා පුට්ඨජ්ජනො අරියානං අදස්සාවී” ති චුත්තනායෙනෙව වෙදිතබ්බං.

තණ්හානිද්දෙසෙ රූපතණ්හා...පෙ.... ධම්මතණ්හානි එතං චක්ඛුද්වාරාදීසු ජවනවීරියා පවත්තාය තණ්හාය “සෙට්ඨිපුත්තො බ්‍රාහ්මණපුත්තො”ති එවමාදීසු පිනිතො නාමං විය පිනිසදිසාරම්මණතො නාමං. එත්ථ ච රූපාරම්මණා තණ්හා, රූපෙ තණ්හානි රූපතණ්හා. සා කාමරාගභාවෙන රූපං අස්සාදෙන්ති පවත්තමානා කාමතණ්හා, සස්සතදිට්ඨිසහගතරාගභාවෙන “රූපං නිව්චං ධූවං සස්සත”න්ති එවං අස්සාදෙන්ති පවත්තමානා භවතණ්හා, උච්ඡෙදදිට්ඨිසහගතරාගභාවෙන “රූපං උච්ඡිජ්ජති විනස්සති පෙච්ච න භවති”ති එවං අස්සාදෙන්ති පවත්තමානා විභවතණ්හානි රූපතණ්හා එවං තිව්ධා හොති. යථා ච රූපතණ්හා, තථා සද්දතණ්හාදයොපිති එවං තානි අට්ඨාරස තණ්හාවිවරිතානි හොන්ති. තානි අජ්ඣත්තරූපාදීසු අට්ඨාරස, බහිද්ධාරූපාදීසු අට්ඨාරසානි ඡත්තිංස. ඉති අතීතානි ඡත්තිංස, අනාගතානි ඡත්තිංස, පච්චුප්පන්තානි ඡත්තිංසානි එවං අට්ඨසතං තණ්හාවිවරිතානි හොන්ති. “අජ්ඣත්තිකස්ස උපාදාය අස්මිති හොති, ඉත්ථස්මිති හොති”ති (විහ. 973) වා එවමාදීනි අජ්ඣත්තිකරූපාදිනිස්සිතානි අට්ඨාරස, “බාහිරස්ස උපාදාය ඉමිනා අස්මිති හොති, ඉමිනා ඉත්ථස්මිති හොති”ති (විහ. 975) වා එවමාදීනි බාහිරරූපාදිනිස්සිතානි අට්ඨාරසානි ඡත්තිංස, ඉති අතීතානි ඡත්තිංස, අනාගතානි ඡත්තිංස, පච්චුප්පන්තානි ඡත්තිංසානි එවම්පි අට්ඨසතං තණ්හාවිවරිතානි හොන්ති. පුන සඬගහෙ කරියමානෙ රූපාදීසු ආරම්මණෙසු ඡලෙව තණ්හාකායා තිස්සොයෙව කාමතණ්හාදයො හොන්තිති. එවං –

“නිද්දෙසත්ථෙන නිද්දෙස, විත්ථාරා විත්ථාරස්ස ව;

පුන සඬගහතො තණ්හා, විඤ්ඤාතබ්බා විභාවිනා”ති.

වෙදනානිද්දෙසෙ වෙදනාකායානි වෙදනාසමුහා. චක්ඛුසම්ඵස්සජා වෙදනා...පෙ.... මනොසම්ඵස්සජාවෙදනානි එතං “චක්ඛුසම්ඵස්සජාවෙදනා අත්ථි කුසලා, අත්ථි අකුසලා, අත්ථි අබ්‍යාකතා”ති එවං විහඬගෙ (විහ. 34) ආගතත්තා චක්ඛුද්වාරාදීසු පවත්තානං කුසලාකුසලාබ්‍යාකතවෙදනානං “සාරිපුත්තො මන්තාණිපුත්තො”ති එවමාදීසු මානිතො නාමං විය මානිසදිසතො වත්ථුතො නාමං. වචනත්ථො පනෙත්ථ – චක්ඛුසම්ඵස්සහෙතු ජාතා වෙදනා චක්ඛුසම්ඵස්සජා වෙදනානි. එසෙව නයො සබ්බත්ථ. අයං තාවෙත්ථ සබ්බසඬගාහිකා කථා. විපාකවසෙන පන චක්ඛුද්වාරෙ ද්වෙ චක්ඛුවිඤ්ඤාණානි, ද්වෙ මනොධාතුයො, තිස්සො මනොවිඤ්ඤාණධාතුයොනි එතාහි සම්පයුත්තවසෙන වෙදනා වෙදිතබ්බා. එසෙව නයො සොතද්වාරාදීසු. මනොද්වාරෙ මනොවිඤ්ඤාණධාතුසම්පයුත්තාව.

එස්සනිද්දෙසෙ චක්ඛුසම්ඵස්සොති චක්ඛුමිහි සම්ඵස්සො. එස නයො සබ්බත්ථ. චක්ඛුසම්ඵස්සො...පෙ.... කායසම්ඵස්සොති එත්තාවතා ච කුසලාකුසලවිපාකා පඤ්චවත්ථුකා දස ඵස්සා චුත්තා හොන්ති. මනොසම්ඵස්සොති ඉමිනා සෙසබාවිසතිලොකියවිපාකමනසම්පයුත්තා ඵස්සා.

සලායතනනිද්දෙසෙ චක්ඛායතනන්තිආදීසු යං චත්තබ්බං, තං විසුද්ධිමග්ගෙ ඛන්ධනිද්දෙසෙ වෙව ආයතනනිද්දෙසෙ ච චුත්තමෙව.

නාමරූපනිද්දෙසෙ නමනලක්ඛණං නාමං. රූප්පනලක්ඛණං රූපං. විභජනෙ පනස්ස වෙදනාති වෙදනාක්ඛන්ධො, සඤ්ඤාති සඤ්ඤාක්ඛන්ධො, චේතනා ඵස්සො මනසිකාරොති සඬ්ඛාරක්ඛන්ධො වෙදිතබ්බො. කාමඤ්ච අඤ්ඤෙපි සඬ්ඛාරක්ඛන්ධසඬ්ගහිතා ධම්මා සන්ති, ඉමෙ පන තයො සබ්බදුබ්බලෙසුපි විත්තෙසු සන්ති, තස්මා එතෙසංයෙව වසෙනත්ථ සඬ්ඛාරක්ඛන්ධො දස්සිතො. චත්තාරො ච මහාභූතාති එත්ථ චත්තාරොති ගණනපරිච්ඡේදො. මහාභූතාති පථවිආපතෙජ්ජවායානමෙතං අධිවචනං. යෙන පන කාරණෙන තාති මහාභූතාති චුච්චන්ති, යො චේත්ථ අඤ්ඤො විනිවිජයනායො, සො සබ්බො විසුද්ධිමග්ගෙ රූපක්ඛන්ධනිද්දෙසෙ චුත්තො. චතුත්තඤ්ච මහාභූතානං උපාදායාති එත්ථ පන චතුත්තන්ති උපයොගත්ථෙ සාම්චචනං, චත්තාරි මහාභූතාති චුත්තං හොති. උපාදායාති උපාදිශිත්වා, ගහෙත්වාති අත්ථො. නිස්සායාතිපි එකෙ. “චත්තමාන”න්ති අයඤ්චේත්ථ පාඨසෙසො. සමුහත්ථෙ වා එතං සාම්චචනං, චතුත්තං මහාභූතානං සමුහං උපාදාය චත්තමානං රූපන්ති එත්ථ අත්ථො වෙදිතබ්බො. එවං සබ්බථාපි යාති ච චත්තාරි පථවිආදීනි මහාභූතාති, යඤ්ච චතුත්තං මහාභූතානං උපාදාය චත්තමානං චක්ඛායතනාදිහෙදෙන අභිධම්මපාළියමෙව චුත්තං තෙවිසතිවිධං රූපං, තං සබ්බමිපි රූපන්ති වෙදිතබ්බං.

විඤ්ඤාණනිද්දෙසෙ චක්ඛුවිඤ්ඤාණන්ති චක්ඛුමිහි විඤ්ඤාණං, චක්ඛුතො වා ජාතං විඤ්ඤාණන්ති චක්ඛුවිඤ්ඤාණං. එවං සොතසානජිවහාකායවිඤ්ඤාණාති. ඉතරං පන මනොයෙව විඤ්ඤාණන්ති මනොවිඤ්ඤාණං. ද්විපඤ්චවිඤ්ඤාණවජ්ජිතතෙභූමකවිපාකවිත්තස්සෙතං අධිවචනං.

සඬ්ඛාරනිද්දෙසෙ අභිසඬ්ඛරණලක්ඛණො සඬ්ඛාරො. විභජනෙ පනස්ස කායසඬ්ඛාරොති කායතො පචත්තසඬ්ඛාරො. කායද්වාරෙ වොපනවසෙන පචත්තානං කාමාවචරකුසලතො අට්ඨන්තං, අකුසලතො ද්වාදසන්තන්ති

විසතියා කායසඤ්චෙනනානමෙතං අධිවචනං. වච්ඡිකාමාරොති වචනතො පවත්තසඤ්චාරො, වච්ඡිකාරො වචනහෙදවසෙන පවත්තනං විසතියා එව වච්ඡිකාමාරොති අධිවචනං. චිත්තසඤ්චාරොති චිත්තතො පවත්තසඤ්චාරො, කායවච්ඡිකාරො වොපනං අකත්වා රහො නිසිදිත්වා චිත්තෙන්තස්ස පවත්තනං ලොකියකුසලාකුසලවසෙන එකුනතිංසමනොසඤ්චෙනනානමෙතං අධිවචනං.

අවිජ්ජානිද්දෙසෙ දුක්ඛෙ අඤ්ඤාණන්ති දුක්ඛසච්චෙ අඤ්ඤාණං, මොහස්සෙනං අධිවචනං. එස නයො දුක්ඛසමුදයෙ අඤ්ඤාණන්තිආදීසු. තත්ථ චතුහි කාරණෙහි දුක්ඛෙ අඤ්ඤාණං වෙදිතඛිං අන්තොගධතො වත්ථුතො ආරම්මණතො පටිච්ඡාදනතො ච. තථා හි තං දුක්ඛසච්චපරියාපන්නත්තා දුක්ඛෙ අන්තොගධං, දුක්ඛසච්චඤ්චස්ස නිස්සයපච්චයභාවෙන වත්ථු, ආරම්මණපච්චයභාවෙන ආරම්මණං, දුක්ඛසච්චං එතං පටිච්ඡාදෙති තස්ස යාථාචලක්ඛණපටිවේධනිවාරණෙන ඤාණප්පවත්තියා චෙත්ථ අප්පදානෙන.

දුක්ඛසමුදයෙ අඤ්ඤාණං තිහි කාරණෙහි වෙදිතඛිං වත්ථුතො ආරම්මණතො පටිච්ඡාදනතො ච. නිරොධෙ පටිපදාය ච අඤ්ඤාණං එකෙනෙව කාරණෙන වෙදිතඛිං පටිච්ඡාදනතො. නිරොධපටිපදානඤ්චි පටිච්ඡාදකමෙව අඤ්ඤාණං තෙසං යාථාචලක්ඛණපටිවේධනිවාරණෙන තෙසු ච ඤාණප්පවත්තියා අප්පදානෙන. න පන තං තත්ථ අන්තොගධං තස්මිං සච්චද්වයෙ අපරියාපන්නත්තා, න තස්ස තං සච්චද්වයං වත්ථු අසහජාතත්තා, නාරම්මණං, තදාරභ්භ අප්පවත්තනතො. පච්ඡිමඤ්චි සච්චද්වයං ගම්භීරත්තා දුද්දසං, න තත්ථ අන්ධභූතං අඤ්ඤාණං පවත්තති. පුරිමං පන වචනීයත්තෙන සභාවලක්ඛණස්ස දුද්දසත්තා ගම්භීරං, තත්ථ විපල්ලාසගාහවසෙන පවත්තති.

අපිච “දුක්ඛෙ”ති එත්තාවතා සඤ්චගතො වත්ථුතො ආරම්මණතො කිච්චතො ච අවිජ්ජා දීපිතා. “දුක්ඛසමුදයෙ”ති එත්තාවතා වත්ථුතො ආරම්මණතො කිච්චතො ච. “දුක්ඛනිරොධෙ දුක්ඛනිරොධගාමිනියා පටිපදායා”ති එත්තාවතා කිච්චතො. අවිසෙසතො පන “අඤ්ඤාණ”න්ති එතෙන සභාවතො නිද්දිට්ඨාති ඤාතඛිං.

ඉති ඛො, භික්ඛවෙති එවං ඛො, භික්ඛවෙ. නිරොධො භොතීති අනුප්පාදො භොති. අපිචෙත්ථ සබ්බෙහෙව තෙහි නිරොධපදෙහි නිබ්බානං දෙසිතං. නිබ්බානඤ්චි ආගම්ම තෙ තෙ ධම්මා නිරුජ්ඣන්ති, තස්මා තං තෙසං තෙසං නිරොධොති වුච්චති. ඉති භගවා ඉමස්මිං සුත්තෙ ද්වාදසහි පදෙහි වට්ටව්වට්ටං.

දෙසෙන්තො අරහත්තනිකුටෙනෙව දෙසනං නිට්ඨපෙසි. දෙසනාපරියොසානෙ
වුත්තනෙයෙනෙව පඤ්චසතා භික්ඛු අරහත්තෙ පතිට්ඨහිංසුති.

විහඬගසුත්තං දුතියං.

3. පටිපදාසුත්තවණ්ණනා

3. තතියෙ මිච්ඡාපටිපදන්ති අයං තාව අනියානිකපටිපදා. නනු ච
අවිජ්ජාපච්චයා පුඤ්ඤාභිසංඛාරොපි අත්ථි ආනෙඤ්ජාභිසංඛාරොපි, සො
කථං මිච්ඡාපටිපදා හොතීති. වට්ටසිසත්තා. යඤ්චි කිඤ්චි භවත්තයසංඛාරං
වට්ටං පත්ථෙත්වා පවත්තිතං, අන්තමසො පඤ්චාභිඤ්ඤා අට්ඨ වා පන
සමාපත්තියො, සබ්බං තං වට්ටපක්ඛියං වට්ටසිසත්ති වට්ටසිසත්තා
මිච්ඡාපටිපදාව හොති. යං පන කිඤ්චි විවට්ටං නිබ්බානං පත්ථෙත්වා
පවත්තිතං, අන්තමසො උච්චිකයාගුමත්තදානමපි පණ්ණමුට්ඨිදානමත්තමපි,
සබ්බං තං විවට්ටපක්ඛියං විවට්ටනිස්සිතං, විවට්ටපක්ඛිකත්තා සමමාපටිපදාව
හොති. අප්පමත්තකමපි හි පණ්ණමුට්ඨිමත්තදානකුසලං වා හොතු මහත්තං
චෙලාමදානාදිකුසලං වා, සචෙ වට්ටසම්පත්තිං පත්ථෙත්වා වට්ටනිස්සිතවසෙන
මිච්ඡා යපිතං හොති, වට්ටමෙව ආහරිතුං සක්කොති, නො විවට්ටං. “ඉදං මෙ
දානං ආසවක්ඛයාවහං හොතු”ති එවං පන විවට්ටං පත්ථෙත්තෙන
විවට්ටවසෙන සමමා යපිතං අරහත්තමපි පච්චෙකබොධිඤ්ඤාණමපි
සබ්බඤ්ඤානඤ්ඤාණමපි දාතුං සක්කොතියෙව, න අරහත්තං අප්පත්වා
පරියොසානං ගච්ඡති. ඉති අනුලොමවසෙන මිච්ඡාපටිපදා, පටිලොමවසෙන
සමමාපටිපදා දෙසිතාති චෙදිතබ්බා. නනු චෙත්ථ පටිපදා පුච්ඡිතා, නිබ්බානං
භාජිතං, නියානනෙපි පටිපදාව නියානිතා. න ච නිබ්බානස්ස පටිපදාති නාමං,
සවිපස්සනානං පන චතුත්තං මග්ගානමෙතං නාමං, තස්මා පුච්ඡානියානනෙහි
පදභාජනං න සමෙතීති. නො න සමෙති, කස්මා? එලෙන පටිපදාය දස්සිතත්තා.
එලෙන හෙත්ථ පටිපදා දස්සිතා. “අවිජ්ජාය ත්වෙව අසෙසවිරාගනිරොධා
සංඛාරනිරොධො”ති එතං නිරොධසංඛාරං නිබ්බානං යස්සා පටිපදාය ඵලං,
අයං වුච්චති, භික්ඛවෙ, සමමාපටිපදාති අයමෙත්ථ අත්ථො. ඉමස්මිඤ්ච අත්ථෙ
අසෙසවිරාගනිරොධාති එත්ථ විරාගො නිරොධස්සෙව චෙවචනං, අසෙසවිරාගා
අසෙසනිරොධාති අයඤ්ඤෙත්ථ අධිජ්ජායො. යෙන වා විරාගසංඛාරානෙත
මග්ගෙන අසෙසනිරොධො හොති, තං දස්සෙතුං එතං පදභාජනං වුත්තං.
එවඤ්චි සති සානුභාවා පටිපදා විහත්තා හොති. ඉති ඉමස්මිමපි සුත්තෙ
වට්ටවිවට්ටමෙව කථිතන්ති. තතියං.

4. විපස්සිසුත්තවණ්ණනා

4. චතුත්තේ විපස්සිස්සාති තස්ස කිර ඛොධිසත්තස්ස යථා ලොකියමනුස්සානං කිඤ්චිදෙව පස්සන්තානං පරිත්තකම්මාහිනිබ්බත්තස්ස කම්මජපසාදස්ස දුබ්බලත්තා අක්ඛිනි විජ්ජන්දන්ති, න එවං විජ්ජන්දිංසු. බලවකම්මනිබ්බත්තස්ස පන කම්මජපසාදස්ස බලවත්තා අවිජ්ජන්දන්තෙහි අනිමිසෙහි එව අක්ඛිනි පස්සි සෙය්‍යාපාපි දෙවා තාවතිංසා. තෙන චුත්තං – “අනිමිසන්තො කුමාරො පෙක්ඛති ඛො, හික්ඛෙව, විපස්සිස්ස කුමාරස්ස ‘විපස්සි විපස්සි’ත්වෙව සමඤ්ඤා උද්පාදි”ති (දී. නි. 2.40). අයඤ්ඤෙත්ථ අධිජ්ජායො – අන්තරන්තරා නිමිසජනිතන්ධකාරවිරහෙන විසුද්ධං පස්සති, විවට්ඨෙති වා අක්ඛිනි පස්සතිති විපස්සි. එත්ථ ච කිඤ්චාපි පච්ඡිමභවිකානං සබ්බඛොධිසත්තානං බලවකම්මනිබ්බත්තස්ස කම්මජපසාදස්ස බලවත්තා අක්ඛිනි න විජ්ජන්දන්ති, සො පන ඛොධිසත්තො එතෙනෙව නාමං ලභී.

අපිව විචෙය්‍යා විචෙය්‍යා පස්සතිති විපස්සි, විචිනිත්වා විචිනිත්වා පස්සතිති අත්ථො. එකදිවසං කිර විනිවිජයට්ඨානෙ නිසිදිත්වා අත්ථෙ අනුසාසන්තස්ස රඤ්ඤො අලඬිකතපටියත්තං මහාපුරිසං ආහරිත්වා අඬිකෙ ය්‍යංසු. තස්ස තං අඬිකෙ කත්වා පලාළයමානස්සෙව අමච්චා සාමිකං අස්සාමිකං අකංසු. ඛොධිසත්තො අනත්තමනසද්දං නිච්ඡාරෙසි. රාජා “කිමෙතං උපධාරෙථා”ති ආහ. උපධාරයමානා අඤ්ඤං අදිස්වා “අට්ටස්ස දුබ්බිනිච්ඡිතත්තා එවං කතං භවිස්සති”ති පුන සාමිකමෙව සාමිකං කත්වා “ඤ්ඤානු ඛො කුමාරො එවං කරොති”ති? විමංසන්තා පුන සාමිකං අස්සාමිකමකංසු. පුන ඛොධිසත්තො තථෙව සද්දං නිච්ඡාරෙසි. අථ රාජා “ජානාති මහාපුරිසො”ති තතො පට්ඨාය අජ්ජමත්තො අහොසි. තෙන චුත්තං “විචෙය්‍යා විචෙය්‍යා කුමාරො අත්ථෙ පනායති ඤායෙනාති ඛො, හික්ඛෙව, විපස්සිස්ස කුමාරස්ස හියොයාසොමත්තාය ‘විපස්සි විපස්සි’ත්වෙව සමඤ්ඤා උද්පාදි”ති (දී. නි. 2.41).

භගවතොති භාග්‍යසම්පන්නස්ස. අරහතොති රාගාදිඅරීනං භතත්තා, සංසාරචක්කස්ස වා අරානං භතත්තා, පච්චයානං වා අරහත්තා අරහාති එවං ගුණතො උජ්ජන්තනාමධෙය්‍යස්ස. සම්මාසම්බුද්ධස්සාති සම්මා නයෙන හෙතුනා සාමං පච්චත්තපුරිසකාරෙන චත්තාරි සච්චානි බුද්ධස්ස. පුබ්බෙව සම්බොධාති සම්බොධො චුච්චති චතුසු මග්ගෙසු ඤාණං, තතො පුබ්බෙව. ඛොධිසත්තස්සෙව සතොති එත්ථ බොධීති ඤාණං, බොධිමා සත්තො බොධිසත්තො, ඤාණවා පඤ්ඤවා පණ්ඩිතොති අත්ථො. පුරිමබුද්ධානඤ්ඤි පාදමුලෙ අභිනිභාරතො පට්ඨාය පණ්ඩිතොව සො සත්තො, න අන්ධබාලොති

බොධිසත්තො. යථා චා උදකතො උග්ගන්ත්වා යීතං පරිපාකගතං පදුමං සුරියරස්මිසම්ඵස්සෙන අවස්සං බුජ්ඣස්සතීති බුජ්ඣනකපදුමන්ති වුවිචති, එවං බුද්ධානං සන්තිකෙ ඛ්‍යාකරණස්ස ලද්ධත්තා අවස්සං අනන්තරායෙන පාරමියො පුරෙත්වා බුජ්ඣස්සතීති බුජ්ඣනකසත්තොතිපි බොධිසත්තො. යා ච එසා චතුමග්ගඤ්ඤාණසංඛාරා බොධි, තං පත්ථයමානො පවත්තතීති බොධියං සත්තො ආසත්තොතිපි බොධිසත්තො. එවං ගුණතො උප්පන්නනාමවසෙන බොධිසත්තස්සෙව සතො. කිච්ඡන්ති දුක්ඛං. ආපන්නොති අනුප්පන්නො. ඉදං චුත්තං හොති – අහො අයං සත්තලොකො දුක්ඛං අනුප්පන්නොති. චචති ච උපපජ්ජති වාති ඉදං අපරාපරං චුතිපටිසන්ධිවසෙන චුත්තං. නිස්සරණන්ති නිබ්බානං. තඤ්ඤි ජරාමරණදුක්ඛතො නිස්සට්ඨතා තස්ස නිස්සරණන්ති වුවිචති. කුදාස්සු නාමාති කතරස්මිං නු බො කාලෙ.

යොනියො මනසිකාරාති උපායමනසිකාරෙන පථමනසිකාරෙන. අහු පඤ්ඤාය අභිසමයොති පඤ්ඤාය සද්ධිං ජරාමරණකාරණස්ස අභිසමයො සමවායො සමායොගො අහොසි, “ජාතිපච්චයා ජරාමරණ”න්ති ඉදං තෙන දිට්ඨන්ති අත්ථො. අථ චා යොනියො මනසිකාරා අහු පඤ්ඤායාති යොනියො මනසිකාරෙන ච පඤ්ඤාය ච අභිසමයො අහු. “ජාතියා බො සති ජරාමරණ”න්ති, එවං ජරාමරණකාරණස්ස පටිච්චෙධො අහොසිති අත්ථො. එස නයො සබ්බත්ථ.

ඉති හිදන්ති එවමිදං. සමුදයො සමුදයොති එකාදසසු යානෙසු සංඛාරාදීනං සමුදයං සම්පිණ්ඩෙත්වා නිද්දිසති. පුබ්බෙ අනනුස්සුතෙසුති “අවිජ්ජාපච්චයා සංඛාරානං සමුදයො හොති”ති. එවං ඉතො පුබ්බෙ අනනුස්සුතෙසු ධම්මෙසු, චතුසු චා අරියසච්චධම්මෙසු. චක්ඛුන්තිආදීති ඤාණවෙච්චනානෙව. ඤාණමෙව හෙත්ථ දස්සනට්ඨෙන චක්ඛු, ඤාතට්ඨෙන ඤාණං, පජානනට්ඨෙන පඤ්ඤා, පටිච්චෙධනට්ඨෙන විජ්ජා, ඕභාසනට්ඨෙන ආලොකොති චුත්තං. තං පනෙතං චතුසු සච්චෙසු ලොකියලොකුත්තරමිස්සකං නිද්දිට්ඨන්ති වෙදිතබ්බං. නිරොධවාරෙපි ඉමිනාච නයෙන අත්ථො වෙදිතබ්බො. චතුත්ථං.

5-10. සිඛියුත්තාදිවණ්ණනා

5-10. පඤ්චමාදියු සිඛිස්ස, හික්ඛවෙතිආදීනං පදානං “සිඛිස්සපි, හික්ඛවෙ”ති න එවං යොජෙත්වා අත්ථො වෙදිතබ්බො. කස්මා? එකාසනෙ අදෙසිතත්තා. නානායානෙසු හි එතාති දෙසිතාති, අත්ථො පන සබ්බත්ථ සදිසොයෙව.

සබ්බබොධිසත්තානාඤ්ඤි බොධිපල්ලඤ්ඤා නිසින්නානං න අඤ්ඤො සමණො වා බ්‍රාහ්මණො වා දෙවො වා මාරො වා බ්‍රහ්මා වා ආචික්ඛති – “අතීතෙ බොධිසත්තා පච්චයාකාරං සම්මසිත්වා බුද්ධා ඡාතා”ති. යථා පන පට්ඨකප්පිකකාලෙ දෙවෙ වුට්ඨෙ උදකස්ස ගතමග්ගෙනෙව අපරාපරං වුට්ඨිඋදකං ගච්ඡති, එවං තෙහි තෙහි පුරිමබුද්ධෙහි ගතමග්ගෙනෙව පච්ඡිමා පච්ඡිමා ගච්ඡන්ති. සබ්බබොධිසත්තා හි ආනාපානවතුත්ථජ්ඣානතො වුට්ඨාය පච්චයාකාරෙ ඤාණං ඔතාරෙත්වා තං අනුලොමපට්ලොමං සම්මසිත්වා බුද්ධා හොන්තිති පටිපාටියා සත්තස්ස සුත්තෙස්ස බුද්ධවිපස්සනා නාම කථිතාති.

බුද්ධවග්ගො පට්ඨමො.

2. ආහාරවග්ගො

1. ආහාරසුත්තවණ්ණනා

11. ආහාරවග්ගස්ස පට්ඨමෙ ආහාරාති පච්චයා. පච්චයා හි ආහරන්ති අත්තනො ඵලං, තස්මා ආහාරාති වුච්චන්ති. භූතානං වා සත්තානන්තිආදීසු භූතාති ඡාතා නිබ්බත්තා. සම්භවෙසිනොති යෙ සම්භවං ඡාතිං නිබ්බත්තිං එසන්ති ගවෙසන්ති. තත්ථ චතුස්ස යොනීසු අණ්ඩප්පලාබුජා සත්තා යාව අණ්ඩකොසං චත්ථිකොසඤ්ච න හින්දන්ති, තාව සම්භවෙසිනො නාම, අණ්ඩකොසං චත්ථිකොසඤ්ච හින්දිත්වා බහි නික්ඛන්තා භූතා නාම. සංසෙදජා ඔපපාතිකා ච පට්ඨවිත්තක්ඛණෙ සම්භවෙසිනො නාම, දුතියවිත්තක්ඛණෙනො පභුති භූතා නාම. යෙන වා ඉරියාපටෙන ඡායන්ති, යාව තතො අඤ්ඤං න පාපුණන්ති, තාව සම්භවෙසිනො නාම, තතො පරං භූතා නාම. අථ වා භූතාති ඡාතා අහිනිබ්බත්තා, යෙ භූතා අහිනිබ්බත්තායෙව, න පුන හවිස්සන්තිති සඬං ගච්ඡන්ති, තෙසං ඛිණාසවානං එතං අධිවචනං. සම්භවමෙසන්තිති සම්භවෙසිනො. අප්පහීනභවසංයොජනත්තා ආයතිමිපි සම්භවං එසන්තානං සෙක්ඛපුපුජ්ජනානමෙනං අධිවචනං. එවං සබ්බථාපි ඉමෙහි ද්විති පදෙහි සබ්බසත්තෙ පරියාදියති. වාසද්දො චෙත්ථ සම්පිණ්ඩනත්ථො, තස්මා භූතානඤ්ච සම්භවෙසිනඤ්චාති අයමත්ථො වෙදිතබ්බො.

ධීතියාති ධීතත්ථං. අනුග්ගහායාති අනුග්ගහත්ථං. වචනහෙදොයෙව වෙස, අත්ථො පන ද්විත්තමිපි පදානං එකොයෙව. අථ වා ධීතියාති තස්ස තස්ස සත්තස්ස උප්පන්නධම්මානං අනුප්පබන්ධවසෙන අවිච්ඡේදාය. අනුග්ගහායාති අනුප්පන්නානං උප්පාදාය. උභොපි චෙතාති “භූතානං වා ධීතියා වෙච

අනුග්ගහාය ව, සම්භවෙසීනං වා යිති යා වෙව අනුග්ගහාය වා''ති එවං උභයත්ථ දට්ඨබ්බානීති.

කබලීකාරො ආහාරොති කබලං කත්වා අජ්ඣොහරිතබ්බකො ආහාරො, ඔදනකුම්මාසාදිවත්ථුකාය ඔජායෙනං අධිවචනං. ඔළාරිකො වා සුබ්බමො වාති වත්ථුඔළාරිකතාය ඔළාරිකො, සුබ්බමතාය සුබ්බමො. සභාවෙන පන සුබ්බමරූපපරියාපන්නත්තා කබලීකාරො ආහාරො සුබ්බමොව හොති. සාපි වස්ස වත්ථුතො ඔළාරිකතා සුබ්බමතා ව උපාදායුපාදාය වෙදිතබ්බා. කුම්භීලානඤ්ඤි ආහාරං උපාදාය මොරානං ආහාරො සුබ්බමො. කුම්භීලා කිර පාසාණෙ ගිලන්ති, තෙ ව නෙසං කුච්ඡ්පත්තා විලියන්ති. මොරා සප්පච්චිඡ්කාදිපාණෙ බාදන්ති. මොරානං පන ආහාරං උපාදාය තරච්ඡානං ආහාරො සුබ්බමො. තෙ කිර තිවස්සඡඩ්ඨිතාති විසාණාති වෙව අට්ඨීති ව බාදන්ති, තාති ව නෙසං බෙලෙන තෙමිතමත්තානෙව කන්දමුලං විය මුදුකාති හොන්ති. තරච්ඡානං ආහාරං උපාදාය හත්ථීනං ආහාරො සුබ්බමො. තෙ හි නානාරුක්ඛසාබාදයො බාදන්ති. හත්ථීනං ආහාරතො ගවයගොකණ්ණමිගාදීනං ආහාරො සුබ්බමො. තෙ කිර නිස්සාරාති නානාරුක්ඛපණ්ණාදීනි බාදන්ති. තෙසම්පි ආහාරතො ගුන්නං ආහාරො සුබ්බමො. තෙ අල්ලසුක්ඛතිණාති බාදන්ති. තෙසං ආහාරතො සසානං ආහාරො සුබ්බමො. සසානං ආහාරතො සකුණානං ආහාරො සුබ්බමො. සකුණානං ආහාරතො පච්චන්තවාසීනං ආහාරො සුබ්බමො. පච්චන්තවාසීනං ආහාරතො ගාමහොජකානං ආහාරො සුබ්බමො. ගාමහොජකානං ආහාරතො රාජරාජමහාමත්තානං ආහාරො සුබ්බමො. තෙසම්පි ආහාරතො චක්කවත්තීනො ආහාරො සුබ්බමො. චක්කවත්තීනො ආහාරතො භුම්මානං දෙවානං ආහාරො සුබ්බමො. භුම්මානං දෙවානං ආහාරතො වාතුමහාරාජිකානං. එවං යාව පරනිම්මිතවසවත්තීනං ආහාරා විත්ථාරෙතබ්බා. තෙසං පනාහාරො සුබ්බමොත්වෙව නිට්ඨං පත්තො.

එත්ථ ව ඔළාරිකෙ වත්ථුස්මිං ඔජා පරිත්තා හොති දුබ්බලා, සුබ්බමෙ බලවතී. තථා හි එකපත්තපුරම්පි යාගුං පිතො මුහුත්තෙනෙව ජීසච්ඡිතො හොති යංකිඤ්චිදෙව බාදිතුකාමො, සප්පිං පන පසතමත්තං පිටිත්වා දිවසං අහොත්තුකාමො හොති. තත්ථ වත්ථු කම්මජනෙජසඩ්ධානං පරිස්සයං විනොදෙති, න පන සක්කොති පාලෙතුං. ඔජා පන පාලෙති, න සක්කොති පරිස්සයං විනොදෙතුං. ද්වෙ පන එකතො හුත්වා පරිස්සයඤ්චෙව විනොදෙත්ති පාලෙත්ති වාති.

එස්සො දුතියොති චක්ඛුසම්ඵස්සාදි ඡබ්බිධොපි එස්සො එතෙසු චතුසු ආභාරෙසු දුතියො ආභාරොති වෙදිතබ්බො. දෙසනානායො එව වෙස, තස්මා ඉමිනා නාම කාරණෙන දුතියො තතියො චාති ඉදමෙත්ථ න ගවෙසිතබ්බං. මනොසඤ්චෙනනාති චෙනනාව වුවචති. විඤ්ඤාණන්ති චිත්තං. ඉති භගවා ඉමස්මිං යානෙ උපාදිණ්ණකඅනුපාදිණ්ණකවසෙන එකරාසිං කත්වා චත්තාරො ආභාරෙ දස්සෙසි. කබලිකාරාභාරො හි උපාදිණ්ණකොපි අත්ථි අනුපාදිණ්ණකොපි, තථා එස්සාදයො. තත්ථ සප්පාදිහි ගිලිතානං මණ්ඩුකාදීනං වසෙන උපාදිණ්ණකකබලිකාරාභාරො දට්ඨබ්බො. මණ්ඩුකාදයො හි සප්පාදිහි ගිලිතා අන්තොකුච්ඡිගතාපි කිඤ්චි කාලං ජීවත්තියෙව. තෙ යාව උපාදිණ්ණකපක්ඛෙ තිට්ඨන්ති, තාව ආභාරත්ථං න සාධෙත්ති. හිජ්ජිත්වා පන අනුපාදිණ්ණකපක්ඛෙ යිතා සාධෙත්ති. තදාපි උපාදිණ්ණකාභාරොති වුවචන්ති. ඉදං පන ආවරියානං න රුච්චතීති අට්ඨකථායමෙව පටික්ඛිපිත්වා ඉදං වුත්තං – ඉමෙසං සත්තානං බාදන්තානම්පි අබාදන්තානම්පි භුඤ්ජන්තානම්පි අභුඤ්ජන්තානම්පි පටිසන්ධිචිත්තෙනෙව සහජාතා කම්මජා ඔජා නාම අත්ථි, සා යාවපි සත්තමා දිවසා පාලෙති, අයමෙව උපාදිණ්ණකකබලිකාරාභාරොති වෙදිතබ්බො. තෙභූමකවිපාකවසෙන පන උපාදිණ්ණකඑස්සාදයො වෙදිතබ්බො, තෙභූමකකුසලාකුසලකිරියවසෙන අනුපාදිණ්ණකා. ලොකුත්තරා පන රුජ්භිවසෙන කථිතාති.

එත්ථාහ – “යදි පච්චයට්ඨො ආභාරට්ඨො, අථ කස්මා අඤ්ඤෙසුපි සත්තානං පච්චයෙසු විජ්ජමානෙසු ඉමෙයෙව චත්තාරො වුත්තා”ති? වුවචනෙ – අජ්ඣත්තිකසන්තතියා විසෙසපච්චයත්තා. විසෙසපච්චයො හි කබලිකාරාභාරහක්ඛානං සත්තානං රූපකායස්ස කබලිකාරො ආභාරො, නාමකායෙ වෙදනාය එස්සො, විඤ්ඤාණස්ස මනොසඤ්චෙනනා, නාමරූපස්ස විඤ්ඤාණං. යථාහ – “සෙය්‍යථාපි, හික්ඛවෙ, අයං කායො ආභාරට්ඨිතිකො ආභාරං පටිච්ච තිට්ඨති, අනාභාරො නො තිට්ඨති (සං. නි. 5.183), තථා එස්සපච්චයා වෙදනා, සඬ්ඛාරපච්චයා විඤ්ඤාණං, විඤ්ඤාණපච්චයා නාමරූප”න්ති (සං. නි. 2.1; විභ. 225).

කො පනෙත්ථ ආභාරො කිං ආහරතීති? කබලිකාරාභාරො ඔපට්ඨමකරූපාති ආහරති එස්සාභාරො තිස්සො වෙදනා, මනොසඤ්චෙනනාභාරො තයො භවෙ, විඤ්ඤාණාභාරො පටිසන්ධිනාමරූපන්ති.

කථං? කබලිකාරාභාරො තාව මුඛෙ යපිතමත්තෙයෙව අට්ඨ රූපාති සමුට්ඨාපෙති, දන්තවිචුණ්ණිතං පන අජ්ඣොහරියමානං එකෙකං සිත්ථං

අට්ඨට්ඨරූපානි සමුට්ඨාපෙනියෙව. එවං කබ්බිකාරාභාරො ඔජට්ඨමකරූපානි ආහරති. එස්සාභාරො පන සුඛවෙදනීයො එස්සො උප්පජ්ජමානොයෙව සුඛං වෙදනං ආහරති, දුක්ඛවෙදනීයො දුක්ඛං, අදුක්ඛමසුඛවෙදනීයො අදුක්ඛමසුඛන්ති එවං සබ්බථාපි එස්සාභාරො තිස්සො වෙදනා ආහරති.

මනොසඤ්චේතනාභාරො කාමහවුපගං කම්මං කාමහවං ආහරති, රූපාරූපහවුපගානි තං තං හවං. එවං සබ්බථාපි මනොසඤ්චේතනාභාරො තයො හවෙ ආහරති. විඤ්ඤාණාභාරො පන යෙ ව පටිසන්ධික්ඛණේ තංසම්පයුත්තකා තයො ඛන්ධා, යානි ච තිසන්තතිවසෙන තිංස රූපානි උප්පජ්ජන්ති, සහජාතාදිපච්චයනයෙන තානි ආහරතිති වුවිවති. එවං විඤ්ඤාණාභාරො පටිසන්ධිනාමරූපං ආහරතිති. එත්ථ ච “මනොසඤ්චේතනා තයො හවෙ ආහරති”ති සාසවකුසලාකුසලචේතනාව වුත්තා. “විඤ්ඤාණං පටිසන්ධිනාමරූපං ආහරති”ති පටිසන්ධිවිඤ්ඤාණමෙව වුත්තං. අවිසෙසෙන පන තංසම්පයුත්තතංසමුට්ඨානධම්මානං ආහරණතොපෙතෙ “ආභාරා”ති වෙදිතබ්බා.

එතෙසු චතුසු ආභාරෙසු කබ්බිකාරාභාරො උපත්ථම්භෙන්තො ආභාරකිච්චං සාධෙති, එස්සො ඵ්ඨසන්තොයෙව මනොසඤ්චේතනා ආයුහමානාව, විඤ්ඤාණං විජානන්තමෙව. කථං? කබ්බිකාරාභාරො හි උපත්ථම්භෙන්තොයෙව කායට්ඨපනෙන සත්තානං ධීතියා හොති. කම්මජනිතොපි හි අයං කායො කබ්බිකාරාභාරෙන උපත්ථද්ධො දසපි වස්සානි වස්සසතම්පි යාව ආයුපරිමාණා තිට්ඨති. යථා කිං? යථා මාතුයා ජනිතොපි දාරකො ධාතියා ථඤ්ඤාදීනි පායෙත්වා පොසියමානො චිරං තිට්ඨති, යථා ච උපත්ථම්භෙන උපත්ථම්භිතං ගෙහං. වුත්තම්පි චෙතං –

“යථා, මහාරාජ, ගෙහෙ පපතන්තෙ අඤ්ඤෙන දාරුනා උපත්ථම්භිතං සන්තං එව තං ගෙහං න පතති. එවමෙව ඛො, මහාරාජ, අයං කායො ආභාරට්ඨිතිකො ආභාරං පටිච්ච තිට්ඨති”ති.

එවං කබ්බිකාරො ආභාරො උපත්ථම්භෙන්තො ආභාරකිච්චං සාධෙති.

එවං සාධෙන්තොපි ච කබ්බිකාරො ආභාරො ද්විත්තං රූපසන්තතිතං පච්චයො හොති ආභාරසමුට්ඨානස්ස ච උපාදිණ්ණකස්ස ච. කම්මජානං අනුපාලකො හුත්වා පච්චයො හොති, ආභාරසමුට්ඨානානං ජනකො හුත්වාති. එස්සො පන සුඛාදිවත්ථුහුතං ආරම්මණං ඵ්ඨසන්තොයෙව සුඛාදිවෙදනාපවත්තනෙන සත්තානං ධීතියා හොති. මනොසඤ්චේතනා

කුසලාකුසලකම්මවසෙන ආයුහමානායෙව භවමූලනිප්ථාදනතො සත්තානං ධීනියා හොති. විඤ්ඤාණං විජානන්තමෙව නාමරූපප්පවත්තනෙන සත්තානං ධීනියා හොතීති.

එවං උපත්ථම්භනාදිවසෙන ආභාරකිච්චං සාධයමානෙසු පනෙනෙසු චත්තාරි භයානි දට්ඨබ්බානි. සෙය්‍යාපීදං – කබලීකාරාභාරෙ නිකන්තියෙව භයං, එස්සෙ උපගමනමෙව, මනොසඤ්ඤාචෙතනාය ආයුහනමෙව, විඤ්ඤාණෙ අභිනිපාතොයෙව භයන්ති. කිං කාරණං? කබලීකාරාභාරෙ හි නිකන්තිං කත්වා සීතාදීනං පුරක්ඛතා සත්තා ආභාරත්ථාය මුද්දාගණනාදිකම්මානි කරොන්තා අනප්පකං දුක්ඛං නිගච්ඡන්ති. එකච්චෙ ව ඉමස්මිං සාසනෙ පබ්බජිත්වාපි චෙජ්ජකම්මාදිකාය අනෙසනාය ආභාරං පරියෙසන්තා දිට්ඨෙව ධම්මෙ ගාරය්භා හොන්ති, සම්පරායෙපි, “තස්ස සඬ්ඝාටිපි ආදිත්තා සම්පජ්ජලිතා” තිආදිනා ලක්ඛණසංයුත්තෙ (සං. නි. 2.218) චුත්තනයෙන සමණපෙතා හොන්ති. ඉමිනා තාව කාරණෙන කබලීකාරෙ ආභාරෙ නිකන්ති එව භයන්ති චෙදිතබ්බං.

එස්සං උපගච්ඡන්තාපි එස්සස්සාදිනො පරෙසං රක්ඛිතගොපිතෙසු දාරාදීසු භණ්ඩෙසු අපරජ්ඣන්ති, තෙ සහ භණ්ඩෙන භණ්ඩසාමිකා ගහෙත්වා ඛණ්ඩාඛණ්ඩිකං වා ඡින්නිත්වා සඬ්ඝාකුටෙ ඡඩ්ඛෙත්ති, රඤ්ඤො වා නිය්‍යාදෙන්ති. තතො තෙ රාජා විවිධා කම්මකාරණා කාරාපෙති. කායස්ස ව හෙදා දුග්ගති තෙසං පාටිකඬ්ඛා හොති. ඉති එස්සස්සාදමූලකං දිට්ඨධම්මිකම්පි සම්පරායිකම්පි භයං සබ්බමාගතමෙව හොති. ඉමිනා කාරණෙන එස්සාභාරෙ උපගමනමෙව භයන්ති චෙදිතබ්බං.

කුසලාකුසලකම්මායුහනෙ පන තම්මූලකං තීසු භවෙසු භයං සබ්බං ආගතමෙව හොති. ඉමිනා කාරණෙන මනොසඤ්ඤාචෙතනාභාරෙ ආයුහනමෙව භයන්ති චෙදිතබ්බං.

පටිසන්ධිවිඤ්ඤාණඤ්ච යස්මිං යස්මිං යානෙ අභිනිපතති, තස්මිං තස්මිං යානෙ පටිසන්ධිනාමරූපං ගහෙත්වා නිබ්බත්තති. තස්මිඤ්ච නිබ්බත්තෙ සබ්බභයානි නිබ්බත්තානියෙව හොන්ති තම්මූලකත්තානි ඉමිනා කාරණෙන විඤ්ඤාණාභාරෙ අභිනිපාතොයෙව භයන්ති චෙදිතබ්බොති.

කිංනිදානාතිආදීසු නිදානාදීනි සබ්බානෙව කාරණචෙවචනානි. කාරණඤ්චි යස්මා එලං නිදෙති, “භන්ද නං ගණ්භවා” ති අප්පෙති විය, තස්මා නිදානන්ති චුච්චති. යස්මා තං තතො සමුදෙති ජායති පභවති, තස්මා සමුදයො ජාති

පහවෙති වුවවිති. අයං පනෙත්ථ පදත්ථො – කිංනිදානං එතෙසන්ති කිංනිදානා. කො සමුදයො එතෙසන්ති කිංසමුදයා. කා ජාති එතෙසන්ති කිංජාතිකා. කො පහවො එතෙසන්ති කිංපහවා. යස්මා පන තෙසං තණ්හා යථාචුත්තෙන අත්ථෙත නිදානඤ්චෙව සමුදයො ව ජාති ව පහවො ව, තස්මා “තණ්හානිදානා” තිආදිමාහ. එවං සබ්බපදෙසු අත්ථො වෙදිතබ්බො.

එත්ථ ව ඉමෙ වත්තාරො ආහාරා තණ්හානිදානානි පටිසන්ධිං ආදිං කත්වා අත්තභාවසඬ්ඛානානං ආහාරානං පුරිමතණ්හානං වසෙන නිදානං වෙදිතබ්බං. කථං? පටිසන්ධික්ඛණෙ තාව පරිපුණ්ණායතනානං සත්තානං සත්තසන්තතිවසෙන, සෙසානං තතො උභනඋභනසන්තතිවසෙන උප්පන්නරූපබ්හන්තරං ජාතා ඔජා අත්ථී, අයං තණ්හානිදානො උපාදිණ්ණකකඛලිකාරාහාරො. පටිසන්ධිවිත්තසම්පයුත්තා පන එස්සවෙනතා සයඤ්ච විත්තං විඤ්ඤාණන්ති ඉමෙ තණ්හානිදානා උපාදිණ්ණක-එස්සමනොසඤ්චෙනතා-විඤ්ඤාණාහාරානි එවං තාව පුරිමතණ්හානිදානා පටිසන්ධිකා ආහාරා. යථා ව පටිසන්ධිකා, එවං තතො පරං පඨමභවඬ්ඛවිත්තක්ඛණාදිනිබ්බත්තාපි වෙදිතබ්බා.

යස්මා පන භගවා න කෙවලං ආහාරානමෙව නිදානං ජානාති, ආහාරනිදානභූතාය තණ්හායපි, තණ්හාය නිදානානං වෙදනාදීනම්පි නිදානං ජානාතියෙව, තස්මා තණ්හා වායං, භික්ඛවෙ, කිංනිදානාතිආදිනා නයෙන වට්ඨං දස්සෙත්වා විවට්ඨං දස්සෙසි. ඉමස්මිඤ්ච පන යානෙ භගවා අතීතාභිමුඛං දෙසනං කත්වා අතීතෙන වට්ඨං දස්සෙති. කථං? ආහාරවසෙන භි අයං අත්තභාවො ගභිතො.

තණ්හාති ඉමස්සත්තභාවස්ස ජනකං කම්මං, වෙදනාඑස්සසලායතනනාමරූපවිඤ්ඤාණානි යස්මිං අත්තභාවෙ යත්වා කම්මං ආයුභිතං, තං දස්සෙතුං වුත්තාති, අවිජ්ජාසඬ්ඛාරා තස්සත්තභාවස්ස ජනකං කම්මං. ඉති ද්විසු යානෙසු අත්තභාවො, ද්විසු තස්ස ජනකං කම්මන්ති සඬ්ඛෙපෙන කම්මඤ්චෙව කම්මවිපාකඤ්චාති, ද්වෙපි ධම්මෙ දස්සෙන්නෙන අතීතාභිමුඛං දෙසනං කත්වා අතීතෙන වට්ඨං දස්සිතං.

තත්ත්වං දෙසනා අනාගතස්ස අදස්සිතත්තා අපරිපුණ්ණාති න දට්ඨබ්බා. නයතො පන පරිපුණ්ණාත්ථෙව දට්ඨබ්බා. යථා භි වක්ඛුමා පුරිසො උදකපිටියෙ නිපන්නං සුංසුමාරං දිස්වා තස්ස පරභාගං ඔලොකෙන්නො ගීවං පස්සෙය්‍ය, ඔරතො පිට්ඨිං, පරියොසානෙ නඬ්ගුට්ඨමූලං, හෙට්ඨා කුච්ඡං ඔලොකෙන්නො පන උදකගතං අග්ගනඬ්ගුට්ඨඤ්චෙව වත්තාරො ව හත්ථපාදෙ න පස්සෙය්‍ය,

සො න එත්තාවතා “අපරිපුණ්ණො සුංසුමාරො”ති ගණ්හාති, නයතො පන පරිපුණ්ණොත්ථෙව ගණ්හාති, එවංසම්පදමිදං වෙදිතබ්බං.

උදකපිටියෙ නිපන්තසුංසුමාරො විය හි තෙභූමකවට්ටං. තීරෙ යීතො චක්ඛුමා පුරිසො විය යොගාවචරො. තෙන පුරිසෙන උදකපිටියෙ සුංසුමාරස්ස දිට්ඨකාලො විය යොගිනා ආහාරවසෙන ඉමස්සත්තභාවස්ස දිට්ඨකාලො. පරතො ගීවාය දිට්ඨකාලො විය ඉමස්සත්තභාවස්ස ජනිකාය තණ්හාය දිට්ඨකාලො. පිට්ඨියා දිට්ඨකාලො විය යස්මිං අත්තභාවෙ තණ්හාසඬ්ඛාතං කම්මං කතං, වෙදනාදිවසෙන තස්ස දිට්ඨකාලො. නඬිගුට්ඨමූලස්ස දිට්ඨකාලො විය තස්සත්තභාවස්ස ජනකානං අවිජ්ජාසඬ්ඛාරානං දිට්ඨකාලො. හෙට්ඨා කුච්ඡිං ඔලොකෙන්තස්ස පන අග්ගනඬිගුට්ඨස්සද්වෙව චත්තාරො ච හත්ථපාදෙ අදිස්වාපි “අපරිපුණ්ණො සුංසුමාරො”ති අගහෙත්වා නයතො පරිපුණ්ණොත්ථෙව ගහණං විය යත්ථ යත්ථ පච්චයවට්ටං පාළියං න ආගතං, තත්ථ තත්ථ “දෙසනා අපරිපුණ්ණො”ති අගහෙත්වා නයතො පරිපුණ්ණොත්ථෙව ගහණං වෙදිතබ්බං. තත්ථ ච ආහාරතණ්හානං අන්තරෙ එකො සන්ධි, තණ්හාවෙදනානං අන්තරෙ එකො, විඤ්ඤාණසඬ්ඛාරානං අන්තරෙ එකොති එවං තිස්සන්ධිවතුසඬ්ඛෙපමෙව වට්ටං දස්සිතන්ති. පයමං.

2. මොළියඵග්ගුනසුත්තවණ්ණනා

12. දුතියෙ සම්භවෙසීතං වා අනුග්ගහායාති ඉමස්මිංයෙව යානෙ භගවා දෙසනං නිට්ඨාපෙසි. කස්මා? දිට්ඨිගතිකස්ස නිසින්තන්තා. තස්සඤ්චි පරිසති මොළියඵග්ගුනො නාම භික්ඛු දිට්ඨිගතිකො නිසින්තො. අථ සත්ථා චිත්තෙසි – “අයං උට්ඨහිත්වා මං පඤ්භං පුච්ඡිස්සති, අථස්සාහං විස්සජ්ජෙස්සාමි”ති පුච්ඡාය ඔකාසදානත්ථං දෙසනං නිට්ඨාපෙසි. මොළියඵග්ගුනොති මොළිති වුළා වුවිති. යථාහ –

“ෂෙත්වාන මොළිං වරගන්ධවාසිතං

වෙහායසං උක්ඛිපි සකාපුඬ්ඛවො;

රතනවඬිකොට්ඨරෙන වාසවො,

සහස්සනෙත්තො සිරසා පටිග්ගහී”ති.

සා තස්ස ගිහිකාලෙ මහන්තා අහොසි. තෙනස්ස “මොළියඵග්ගුනො”ති සඬ්ඛා උදපාදි. පබ්බජිතමිපි නං තෙනෙව නාමෙන සඤ්ජානන්ති. එතදවොචාති දෙසනානුසන්ධිං සට්ඨන්තො එතං “කො නු ඛො, හන්තෙ, විඤ්ඤාණාහාරං

ආහාරෙති’’ති වචනං අවොච. තස්සත්ථො – හත්තෙ, කො නාම සො, යො එතං විඤ්ඤාණාහාරං බාදති වා භුඤ්ජති වාති?

කස්මා පනායං ඉතරෙ තයො ආහාරෙ අපුච්ඡන්වා ඉමමෙව පුච්ඡති? ජානාමිති ලද්ධියා. සො හි මහත්තෙ පිණ්ඩෙ කත්වාච කබලිකාරාහාරං භුඤ්ජන්තෙ පස්සති, තෙනස්ස තං ජානාමිති ලද්ධි. තිත්තිරවට්ටකමොරකුක්කුටාදයො පන මාතුසම්ඵස්සෙන යාපෙන්නෙ දිස්වා “එතෙ එස්සාහාරෙන යාපෙන්නි’’ති තස්ස ලද්ධි. කච්ඡපා පන අත්තනො උතුසමයෙ මහාසමුද්දතො නික්ඛමිත්වා සමුද්දතීරෙ වාලිකන්තරෙ අණ්ඩානි යාපෙත්වා වාලිකාය පටිච්ඡාදෙත්වා මහාසමුද්දමෙව ඔතරන්ති. තානි මාතුඅනුස්සරණවසෙන න පුතීනි හොන්ති. තානි මනොසඤ්චෙතනාහාරෙන යාපෙන්නිති තස්ස ලද්ධි. කිඤ්චාපි ථෙරස්ස අයං ලද්ධි, න පන එතාය ලද්ධියා ඉමං පඤ්භං පුච්ඡති. දිට්ඨිගතිකො හි උම්මත්තකසදිසො. යථා උම්මත්තකො පච්ඡිං ගහෙත්වා අන්තරවිටීං ඔතිණ්ණො ගොමයමිපි පාසාණමිපි ගුථමිපි ඛජ්ජඛණ්ඩමිපි තං තං මනාපමිපි අමනාපමිපි ගහෙත්වා පච්ඡියං පක්ඛිපති. එවමෙව දිට්ඨිගතිකො යුත්තමිපි අයුත්තමිපි පුච්ඡති. සො “කස්මා ඉමං පුච්ඡසි’’ති න නිග්ගහෙතඛිබ්බො, පුච්ඡිතපුච්ඡිතට්ඨානෙ පන ගහණමෙව නිසෙධෙතඛිබ්බං. තෙනෙව නං හගවා “කස්මා එවං පුච්ඡසි’’ති අවත්වා ගහිතගාහමෙව තස්ස මොචෙතුං නො කල්ලො පඤ්භොතිආදිමාහ.

තත්ථ නො කල්ලොති අයුත්තො. ආහාරෙතීති අහං න වදාමිති අහං කොචි සත්තො වා පුග්ගලො වා ආහාරෙතීති න වදාමි. ආහාරෙතීති වාහං වදෙය්‍යන්ති යදි අහං ආහාරෙතීති වදෙය්‍යං. තත්ත්වස්ස කල්ලො පඤ්භොති තස්මිං මයා එවං චුත්තෙ අයං පඤ්භො යුත්තො හවෙය්‍ය. කිස්ස නු බො, හත්තෙ, විඤ්ඤාණාහාරොති, හත්තෙ, අයං විඤ්ඤාණාහාරො කතමස්ස ධම්මස්ස පච්චයොති අත්ථො. තත්ත්ව කල්ලං වෙය්‍යාකරණන්ති තස්මිං එවං පුච්ඡිතෙ පඤ්භෙ ඉමං වෙය්‍යාකරණං යුත්තං. “විඤ්ඤාණාහාරො ආයතිං පුනඛභවාහිනිබ්බත්තියා පච්චයො’’ති. එත්ථ ව විඤ්ඤාණාහාරොති පටිසන්ධිවිත්තං. ආයතිං පුනඛභවාහිනිබ්බත්තීති තෙනෙව විඤ්ඤාණෙන සහුප්පන්නනාමරූපං. තස්මිං භූතෙ සති සලායතනන්ති තස්මිං පුනඛභවාහිනිබ්බත්තිසඬ්ඛානෙ නාමරූපෙ ජාතෙ සති සලායතනං හොතීති අත්ථො.

සලායතනපච්චයා එස්සොති ඉධාපි හගවා උත්තරි පඤ්භස්ස ඔකාසං දෙන්නො දෙසනං නිට්ඨාපෙසි. දිට්ඨිගතිකො හි නවපුච්ඡං උප්පාදෙතුං න සක්කොති,

නිද්දිට්ඨං නිද්දිට්ඨංයෙව පන ගණ්හිත්වා පුච්ඡති, තෙනස්ස භගවා ඕකාසං අදාසි. අත්ථො පනස්ස සබ්බපදෙසු වුත්තනයෙනෙව ගහෙතබ්බො. “කො නු බො, භන්තෙ, භවතී”ති කස්මා න පුච්ඡති? දිට්ඨිගතිකස්ස හි සත්තො නාම භූතො නිබ්බත්තොයෙවාති ලද්ධි, තස්මා අත්තනො ලද්ධිවිරුද්ධං ඉදන්ති න පුච්ඡති. අපිච ඉදස්පච්චයා ඉදං ඉදස්පච්චයා ඉදන්ති බහුසු යානෙසු කථිතත්තා සඤ්ඤත්ති. උපගතො, තෙනාපි න පුච්ඡති. සත්ථාපි “ඉමස්ස බහුං පුච්ඡන්තස්සාපි තිත්ති නත්ථී, තුච්ඡපුච්ඡමෙව පුච්ඡති”ති ඉතො පටියාය දෙසනං එකාබද්ධං කත්වා දෙසෙසි. ඡන්තං ත්වෙවාති යතො පටියාය දෙසනාරුළ්භං, තමෙව ගහෙත්වා දෙසනං විචට්ටෙන්තො එවමාහ. ඉමස්මිං පන සුත්තෙ විඤ්ඤාණනාමරූපානං අන්තරෙ එකො සන්ධි, වෙදනාතණ්භානං අන්තරෙ එකො, භවජාතීනං අන්තරෙ එකොති. දුතියං.

3. සමණබ්‍රාහ්මණසුත්තවණ්ණනා

13. තතියෙ සමණා වා බ්‍රාහ්මණා වාති සච්චානි පටිච්ඡ්ඤ්ඤාං අසමත්ථා බාහිරකසමණබ්‍රාහ්මණා. ජරාමරණං නප්පජානන්තීතිආදීසු ජරාමරණං න ජානන්ති දුක්ඛසච්චවසෙන, ජරාමරණසමුදයං න ජානන්ති සහ තණ්භාය ජාති ජරාමරණස්ස සමුදයොති සමුදයසච්චවසෙන, ජරාමරණනිරොධං න ජානන්ති නිරොධසච්චවසෙන, පටිපදං න ජානන්ති මග්ගසච්චවසෙන. ජාතිං න ජානන්ති දුක්ඛසච්චවසෙන, ජාතිසමුදයං න ජානන්ති සහ තණ්භාය භවො ජාතිසමුදයොති සමුදයසච්චවසෙන. එවං සහ තණ්භාය සමුදයං යොජෙත්වා සබ්බපදෙසු චතුසච්චවසෙන අත්ථො වෙදිතබ්බො. සාමඤ්ඤත්ථං වා බ්‍රහ්මඤ්ඤත්ථං වාති එත්ථ අරියමග්ගො සාමඤ්ඤඤ්ඤෙව බ්‍රහ්මඤ්ඤඤ්ඤෙව. උභයත්ථාපි පන අත්ථො නාම අරියඵලං වෙදිතබ්බං. ඉති භගවා ඉමස්මිං සුත්තෙ එකාදසසු යානෙසු චත්තාරි සච්චානි කට්ඨෙති. තතියං.

4. දුතියසමණබ්‍රාහ්මණසුත්තවණ්ණනා

14. චතුත්ථෙ ඉමෙ ධම්මෙ කතමෙ ධම්මෙති එත්තකං පපඤ්චං කත්වා කථිතං, දෙසනං පටිච්ඡ්ඤ්ඤාං සමත්ථානං පුග්ගලානං අජ්ඣාසයෙන ඉමෙ ධම්මෙ නප්පජානන්තීතිආදි වුත්තං. සෙසං පුරිමසදිසමෙව. චතුත්ථං.

5. කච්චානගොත්තසුත්තවණ්ණනා

15. පඤ්චමෙ සම්මාදිට්ඨි සම්මාදිට්ඨිති යං පණ්ඩිතා දෙවමනුස්සා තෙසු තෙසු යානෙසු සම්මාදස්සනං වදන්ති, සබ්බමපි තං ද්විහි පදෙහි සඬ්ඛිපිත්වා පුච්ඡති.

ද්වයනිස්සිකොති ද්වෙ කොට්ඨාසෙ නිස්සිකො. යෙභුයොනාති ඉමිනා
 ධ්වපත්වා අරියපුග්ගලෙ සෙසමභාජනං දස්සෙති. අත්ථිතන්ති සස්සනං.
 නත්ථිතන්ති උච්ඡෙදං. ලොකසමුදයන්ති ලොකො නාම සඬබාරලොකො,
 තස්ස නිබ්බන්ති. සම්මප්පඤ්ඤාය පස්සතොති සම්මාපඤ්ඤා නාම සවිපස්සනා
 මග්ගපඤ්ඤා, තාය පස්සන්තස්සාති අත්ථො. යා ලොකෙ නත්ථිතාති
 සඬබාරලොකෙ නිබ්බන්තෙසු ධම්මෙසු පඤ්ඤායන්තෙස්වෙව යා නත්ථිති
 උච්ඡෙදදිට්ඨි උප්පජ්ජෙය්‍ය, සා න භොතීති අත්ථො. ලොකනිරොධන්ති
 සඬබාරානං භඩ්ගං. යා ලොකෙ අත්ථිතාති සඬබාරලොකෙ භිජ්ජමානෙසු
 ධම්මෙසු පඤ්ඤායන්තෙස්වෙව යා අත්ථිති සස්සනදිට්ඨි උප්පජ්ජෙය්‍ය, සා න
 භොතීති අත්ථො.

අපිව ලොකසමුදයන්ති අනුලොමපච්චයාකාරං. ලොකනිරොධන්ති
 පටිලොමපච්චයාකාරං. ලොකනිස්සයෙ පස්සන්තස්සාපි හි පච්චයානං
 අනුච්ඡෙදෙන පච්චයුජ්ජන්තස්ස අනුච්ඡෙදං පස්සතො යා නත්ථිති
 උච්ඡෙදදිට්ඨි උප්පජ්ජෙය්‍ය, සා න භොතී. පච්චයනිරොධං පස්සන්තස්සාපි
 පච්චයනිරොධෙන පච්චයුජ්ජන්තනිරොධං පස්සතො යා අත්ථිති සස්සනදිට්ඨි
 උප්පජ්ජෙය්‍ය, සා න භොතීති අයම්පෙත්ථ අත්ථො.

උපයුපාදානාහිනිවෙසවිනිබ්බන්ධොති උපයෙහි ව උපාදානෙහි ව අහිනිවෙසෙහි
 ව විනිබ්බන්ධො. තත්ථ උපයාති ද්වෙ උපයා තණ්හුපයො ව දිට්ඨුපයො ව.
 උපාදානාදීසුපි එසෙව නයො. තණ්හාදිට්ඨියො හි යස්මා අහං මමන්තිආදීහි
 ආකාරෙහි තෙභූමකධම්මෙ උපෙන්නි උපගච්ඡන්ති, තස්මා උපයාති වුච්චන්ති.
 යස්මා පන තෙ ධම්මෙ උපාදියන්ති වෙව අහිනිවිසන්ති ව, තස්මා උපාදානාති ව
 අහිනිවෙසාති ව වුච්චන්ති. තාහි වායං ලොකො විනිබ්බන්ධො. තෙනාහ
 “උපයුපාදානාහිනිවෙසවිනිබ්බන්ධො”ති.

තඤ්චායන්ති තඤ්ච උපයුපාදානං අයං අරියසාවකො. වෙතසො අධිට්ඨානන්ති
 විත්තස්ස පතිට්ඨානභූතං. අහිනිවෙසානුසයන්ති අහිනිවෙසභූතඤ්ච
 අනුසයභූතඤ්ච. තණ්හාදිට්ඨියු හි අකුසලචිත්තං පතිට්ඨාති, තා ව තස්මිං
 අහිනිවිසන්ති වෙව අනුසෙන්නි ව, තස්මා තදුභයං වෙතසො අධිට්ඨානං
 අහිනිවෙසානුසයන්ති ව ආහ. න උපෙතීති න උපගච්ඡති. න උපාදියතීති න
 ගණ්හාති. නාධිට්ඨාතීති න අධිට්ඨාති, කින්නි? අත්තා මෙති. දුක්ඛමෙවාති
 පඤ්චුපාදානක්ඛන්ධමත්තමෙව. න කඬ්ඛතීති “දුක්ඛමෙව උප්පජ්ජති, දුක්ඛං
 නිරුජ්ඣති, න අඤ්ඤො එත්ථ සත්තො නාම අත්ථි”ති කඬ්ඛං න කරොති. න
 විවිකිච්ඡති න විවිකිච්ඡං උප්පාදෙති.

අපරජ්ජව්වයාති න පරජ්ජව්වයෙන, අඤ්ඤස්ස අපත්තියායෙන්වා අත්තපච්චක්ඛඤාණමෙවස්ස එත්ථ හොතීති. එත්තාවතා බො, කච්චාන, සම්මාදිට්ඨි හොතීති එවං සත්තසඤ්ඤාය පහිනත්තා එත්තකෙන සම්මාදස්සනං නාම හොතීති මිස්සකසම්මාදිට්ඨිං ආහ. අයමෙකො අන්තොති එස එකො නිකුටන්තො ලාමකන්තො පයමකං සස්සතං. අයං දුතියොති එස දුතියො සබ්බං නත්ථිති උජ්ජජනකදිට්ඨිසඬ්ඛාතො නිකුටන්තො ලාමකන්තො දුතියකො උච්ඡෙදොති අත්ථො. සෙසමෙත්ථ උත්තානමෙවාති. පඤ්චමං.

6. ධම්මකථිකසුත්තවණ්ණනා

16. ඡට්ඨෙ නිබ්බිදායාති නිබ්බිත්තනත්ථාය. විරාගායාති විරජ්ජනත්ථාය. නිරොධායාති නිරුජ්ඣනත්ථාය. පටිපන්නො හොතීති එත්ථ සීලතො පටියාය යාව අරහත්තමග්ගා පටිපන්නොති වෙදිතබ්බො. ධම්මානුධම්මජ්ජපටිපන්නොති ලොකුත්තරස්ස නිබ්බානධම්මස්ස අනුධම්මභූතං පටිපදං පටිපන්නො. අනුධම්මභූතන්ති අනුරූපසභාවභූතං. නිබ්බිදා විරාගා නිරොධාති නිබ්බිදාය වෙච විරාගෙන ච නිරොධෙන ච. අනුපාදා විමුත්තොති චතුහි උපාදානෙහි කිඤ්චි ධම්මං අනුපාදිශිත්වා විමුත්තො. දිට්ඨධම්මනිබ්බානජ්ජත්තොති දිට්ඨෙව ධම්මෙ නිබ්බානජ්ජත්තො. අලං වචනායාති, එවං වත්තබ්බතං අරහති, යුත්තො අනුච්ඡවිකොති අත්ථො. එවමෙත්ථ එකෙන තයෙන ධම්මකථිකස්ස පුච්ඡා කථිතා, ද්විති තං විසෙසෙත්වා සෙක්ඛාසෙක්ඛභූමියො නිද්දිට්ඨාති. ඡට්ඨං.

7. අවෙලකස්සපසුත්තවණ්ණනා

17. සත්තමෙ අවෙලො කස්සපොති ලිඬිගෙන අවෙලො නිච්චෙලො, නාමෙන කස්සපො. දුරතොවාති මහතා හික්ඛුසඬ්ඛසෙන පරිවුතං ආගච්ඡන්තං දුරතො එව අද්දස. කිඤ්චිදෙව දෙසන්ති කිඤ්චිදෙව කාරණං. ඔකාසන්ති පඤ්ඤාකරණස්ස බණං කාලං. අන්තරසරන්ති “න පල්ලත්ථිකාය අන්තරසරෙ නිසීදිස්සාමි”ති එත්ථ අන්තොනිවෙසනං අන්තරසරං. “ඔක්ඛිත්තවක්ඛු අන්තරසරෙ ගමිස්සාමි”ති එත්ථ ඉන්දබ්බිලතො පටියාය අන්තොගාමො. ඉධාපි අයමෙව අධිජ්ජෙතො. යදාකඬ්ඛසීති යං ඉච්ඡසී.

කස්මා පන භගවා කථෙතුකාමො යාවතතියං පටික්ඛිපීති? ගාරවජනනත්ථං. දිට්ඨිගතිකා හි බිජ්ජං කථියමානෙ ගාරවං න කරොන්ති, “සමණං ගොතමං උපසඬ්ඛකම්තුමපි පුච්ඡතුමපි සුකරං, පුච්ඡිතමත්තෙයෙව කථෙති”ති වචනමපි න සද්දහන්ති. ද්වෙ තයො වාරෙ පටික්ඛිත්තෙ පන ගාරවං කරොන්ති, “සමණං ගොතමං උපසඬ්ඛකම්තුමපි පඤ්ඤං පුච්ඡතුමපි දුක්කර”න්ති

යාවතතියං යාවිතෙ කථියමානං සුස්සුසන්ති සද්දහන්ති. ඉති භගවා “අයං සුස්සුසිස්සති සද්දහිස්සති”ති යාවතතියං යාවාපෙත්වා කථෙසි. අපිව යථා භිසක්කො තෙලං වා එණිතං වා පවත්තො මුදුපාකබරපාකානං පාකකාලං ආගමයමානො පාකකාලං අනතික්කමිත්වා ඔතාරෙති. එවං භගවා සත්තානං ඤාණපරිපාකං ආගමයමානො “එත්තකෙන කාලෙන ඉමස්ස ඤාණං පරිපාකං ගමිස්සති”ති ඤත්වා යාවතතියං යාවාපෙසි.

මා හෙවං, කස්සපාති, කස්සප, මා එවං භණි. සයංකතං දුක්ඛන්ති හි වත්තුං න වට්ටති, අත්තා නාම කොච්ඡි දුක්ඛස්ස කාරකො නත්ථිති දීපෙති. පරතොපි එසෙව නයො. අධිච්චසමුප්පන්නන්ති අකාරණෙන යදිච්ඡාය උප්පන්නං. ඉති පුට්ඨො සමානොති කස්මා එවමාහ? එවං කිරස්ස අහොසි – “අයං ‘සයංකතං දුක්ඛ’න්තිආදිනා පුට්ඨො ‘මා හෙව’න්ති වදති, ‘නත්ථි’ති පුට්ඨො ‘අත්ථි’ති වදති. ‘භවං ගොතමො දුක්ඛං න ජානාති න පස්සති’ති පුට්ඨො ‘ජානාමි ඛවාහ’න්ති වදති. කිඤ්චි නු ඛො මයා විරජ්ඣිත්වා පුච්ඡිතො”ති මූලතො පට්ඨාය අත්තනො පුච්ඡමෙව සොධෙන්නො එවමාහ. ආචික්ඛතු ව මෙ, භන්තෙ, භගවාති ඉධ සත්ථරි සඤ්ජාතගාරවො “භව”න්ති අවත්වා “භගවා”ති වදති.

සො කරොතීතිආදි, “සයංකතං දුක්ඛ”න්ති ලද්ධියා පටිසෙධනත්ථං වුත්තං. එත්ථ ව සතොති ඉදං භුම්මත්ථෙ සාමිවචනං, තස්මා එවමත්ථො දට්ඨබ්බො – සො කරොති සො පටිසංවෙදයතීති ඛො, කස්සප, ආදිම්භියෙව එවං සති පච්ඡා සයංකතං දුක්ඛන්ති අයං ලද්ධි හොති. එත්ථ ව දුක්ඛන්ති වට්ටදුක්ඛං අධිප්පෙතං. ඉති වදන්ති එතස්ස පුරිමෙන ආදිසද්දෙන අනන්තරෙන ව සස්සතසද්දෙන සම්බන්ධො හොති. “දීපෙති ගණ්භාති”ති අයං පනෙත්ථ පාඨසෙසො. ඉදඤ්චි වුත්තං හොති – ඉති එවං වදන්තො ආදිතොව සස්සතං දීපෙති, සස්සතං ගණ්භාති. කස්මා? තස්ස හි තං දස්සනං එතං පරෙති, කාරකඤ්ච වෙදකඤ්ච එකමෙව ගණ්භන්තං එතං සස්සතං උපගච්ඡතීති අත්ථො.

අඤ්ඤො කරොතීතිආදි පන “පරංකතං දුක්ඛ”න්ති ලද්ධියා පටිසෙධනත්ථං වුත්තං. “ආදිතො සතො”ති ඉදං පන ඉධාපි ආහරිතබ්බං. අයඤ්ඤෙත්ථ අත්ථො – අඤ්ඤො කරොති අඤ්ඤො පටිසංවෙදියතීති ඛො පන, කස්සප, ආදිම්භියෙව එවං සති, පච්ඡා “කාරකො ඉධෙව උච්ඡිජ්ජති, තෙන කතං අඤ්ඤො පටිසංවෙදියතී”ති එවං උප්පන්නාය උච්ඡෙදදිට්ඨියා සද්ධිං සම්පයුත්තාය වෙදනාය අභිතුන්නස්ස විද්ධස්ස සතො “පරංකතං දුක්ඛ”න්ති

අයං ලද්ධි භොතීති. ඉති වදන්තිආදි චුත්තනයෙනෙව යොජෙනබ්බං. තත්‍රායං යොජනා – එවඤ්ච වදන්තො ආදිතො උච්ඡෙදං දීපෙති, උච්ඡෙදං ගණ්හාති. කස්මා? තස්ස හි තං දස්සනං එතං පරෙති, එතං උච්ඡෙදං උපගච්ඡති අත්ථො.

එතෙ තෙති යෙ සස්සතුච්ඡෙදසඬ්ඛාතෙ උභො අන්තෙ (අනුපගම්ම තථාගතො ධම්මං දෙසෙති, එතෙ තෙ, කස්සප, උභො අන්තෙ) අනුපගම්ම පභාය අනල්ලිසිත්වා මජ්ඣෙකා තථාගතො ධම්මං දෙසෙති, මජ්ඣිමාය පටිපදාය ධීතො දෙසෙතීති අත්ථො. කතරං ධම්මන්ති වෙ? යදිදං අවිජ්ජාපච්චයා සඬ්ඛාරාති. එත්ථ හි කාරණතො එලං, කාරණනිරොධෙන වස්ස නිරොධො දීපිතො, න කොචි කාරතො වා වෙදකො වා නිද්දිට්ඨො. එත්තාවතා සෙසපඤ්ඤා පටිසෙධිතා භොන්ති. උභො අන්තෙ අනුපගම්මාති ඉමිනා හි තතියපඤ්ඤා පටික්ඛිත්තො. අවිජ්ජාපච්චයා සඬ්ඛාරාති ඉමිනා අධිච්චසමුප්පන්නතා වෙච අජානනඤ්ච පටික්ඛිත්තන්ති වෙදිතබ්බං.

ලභෙය්‍යන්ති ඉදං සො භගවතො සන්තිකෙ හික්ඛුභාවං පත්ථයමානො ආහ. අථ භගවා යොනෙන ඛන්ධකෙ තිත්ථියපරිවාසො (මහාව. 86) පඤ්ඤත්තො, යං අඤ්ඤතිත්ථියපුබ්බො සාමණෙරභූමියං ධීතො “අහං, භන්තෙ, ඉත්ථන්තාමො අඤ්ඤතිත්ථියපුබ්බො ඉමස්මිං ධම්මවිනයෙ ආකඬ්ඛාමි උපසම්පදං. ස්වාහං, භන්තෙ, සඬ්ඝං චත්තාරො මාසෙ පරිවාසං යාවාමි”තිආදිනා නයෙන සමාදිසිත්වා පරිවසති, තං සන්ධාය යො බො, කස්සප, අඤ්ඤතිත්ථියපුබ්බොතිආදිමාහ. තත්ථ පබ්බජ්ජන්ති වචනසිලිට්ඨතාවසෙන චුත්තං. අපරිවසිත්වායෙව හි පබ්බජ්ජං ලභති. උපසම්පදත්ථිකෙන පන නාතිකාලෙන ගාමප්පවෙසනාදීනි අට්ඨ වත්තානි පුරෙන්නෙන පරිවසිතබ්බං. ආරද්ධවිත්තානි අට්ඨවත්තපුරණෙන තුට්ඨවිත්තා. අයමෙත්ථ සඬ්ඛෙපො, විත්ථාරතො පනෙස තිත්ථියපරිවාසො සමන්තපාසාදිකාය විනයට්ඨකථාය පබ්බජ්ජක්ඛන්ධකචණ්ණනායං (මහාව. අට්ඨ. 86) චුත්තනයෙනෙව වෙදිතබ්බො.

අපිච මයාති අයමෙත්ථ පාඨො, අඤ්ඤත්ථ පන “අපිච මෙත්ථා”ති. පුග්ගලවෙමත්තකා විදිතාති පුග්ගලනානත්තං විදිතං. “අයං පුග්ගලො පරිවාසාරහො, අයං න පරිවාසාරහො”ති ඉදං මය්හං පාකටන්ති දස්සෙති. තතො කස්සපො චිත්තෙසි – “අහො අච්ඡරියං බුද්ධසාසනං, යත්ථ එවං සංසිත්වා කොට්ටෙන්වා යුත්තමෙව ගණ්හන්ති, අයුත්තං ඡඩ්ඛෙන්ති”ති. තතො සුට්ඨුතරං පබ්බජ්ජාය සඤ්ජාතුස්සාහො සචෙ, භන්තෙතිආදිමාහ. අථ භගවා තස්ස තිබ්බච්ඡන්දනං විදිත්වා “න කස්සපො පරිවාසං අරහති”ති

අඤ්ඤතරං භික්ඛුං ආමන්තෙසි – “ගච්ඡ, භික්ඛු, කස්සපං නභාපෙත්වා පබ්බාපෙත්වා ආනෙහී”ති. සො තථා කත්වා තං පබ්බාපෙත්වා භගවතො සන්තිකං අගමාසි. භගවා ගණෙ නිසීදිත්වා උපසම්පාදෙසි. තෙන චුත්තං අලත්ථ ඛො අවෙලො කස්සපො භගවතො සන්තිකෙ පබ්බජ්ජං, අලත්ථ උපසම්පදන්ති. අවිරූපසම්පන්නොතිආදි සෙසං බ්‍රාහ්මණසංයුත්තෙ (සං. නි. 1.187) චුත්තමෙවාති. සත්තමං.

8. තිම්බරුකසුත්තවණ්ණනා

18. අට්ඨමෙ සා වෙදනාතිආදි “සයංකතං සුඛදුක්ඛ”න්ති ලද්ධියා නිසෙධනත්ථං චුත්තං. එත්ථාපි සතොති භූමිමත්ථෙපයෙව සාම්ච්චනං. තත්‍රායං අත්ථදීපනා – “සා වෙදනා, සො වෙදියතී”ති ඛො, තිම්බරුක, ආදිමිභියෙව එවං සති “සයංකතං සුඛදුක්ඛ”න්ති අයං ලද්ධි හොති. එවඤ්ඤි සති වෙදනාය එව වෙදනා කතා හොති. එවඤ්ඤි වදන්තො ඉමිස්සා වෙදනාය පුබ්බෙපි අත්ථිතං අනුජානාති, සස්සතං දීපෙති සස්සතං ගණ්හාති. කස්මා? තස්ස භි තං දස්සනං එතං පරෙති, එතං සස්සතං උපගච්ඡතිති අත්ථො. පුරිමඤ්ඤි අත්ථං සන්ධායෙවෙතං භගවතා චුත්තං භවිස්සති, තස්මා අට්ඨකථායං තං යොපෙත්වාචස්ස අත්ථො දීපිතො. එවම්පාභං න වදාමීති අහං “සා වෙදනා, සො වෙදියතී”ති එවම්පි න වදාමි. “සයංකතං සුඛදුක්ඛ”න්ති එවම්පි න වදාමීති අත්ථො.

අඤ්ඤා වෙදනාතිආදි “පරංකතං සුඛදුක්ඛ”න්ති ලද්ධියා පටිසෙධනත්ථං චුත්තං. ඉධාපි අයං අත්ථයොජනා – “අඤ්ඤා වෙදනා අඤ්ඤො වෙදියතී”ති ඛො, තිම්බරුක, ආදිමිභියෙව එවං සති පච්ඡා යා පුරිමපක්ඛෙ කාරකවෙදනා, සා උච්ඡින්නා. තාය පන කතං අඤ්ඤො වෙදියතීති එවං උප්පන්නාය උච්ඡෙදදිට්ඨියා සද්ධිං සම්පයුත්තාය වෙදනාය අභිතුන්නස්ස සතො “පරංකතං සුඛදුක්ඛ”න්ති අයං ලද්ධි හොති. එවඤ්ඤි වදන්තො කාරකො උච්ඡින්නො, අඤ්ඤන පටිසන්ධි ගහිතාති උච්ඡෙදං දීපෙති, උච්ඡෙදං ගණ්හාති. කස්මා? තස්ස භි තං දස්සනං එතං පරෙති, එතං උච්ඡෙදං උපගච්ඡතිති අත්ථො. ඉධාපි භි ඉමානි පදානි අට්ඨකථායං ආහරිත්වා යොජිතානෙව. ඉමස්මිං සුත්තෙ වෙදනාසුඛදුක්ඛං කථිතං. තඤ්ඤ ඛො විපාකසුඛදුක්ඛමෙව වට්ටතීති චුත්තං. අට්ඨමං.

9. බාලපණ්ඩිතසුත්තවණ්ණනා

19. නවමෙ අවිජ්ජානීවරණස්සාති අවිජ්ජාය නිවාරිතස්ස. එවමයං කායො සමුදාගතොති එවං අවිජ්ජාය නිවාරිතත්තා තණ්හාය ච සම්පයුත්තත්තායෙව අයං කායො නිබ්බත්තො. අයඤ්චෙව කායොති අයඤ්චස්ස අත්තනො සවිඤ්ඤාණකො කායො. ඛේද්ධා ච නාමරූපන්ති ඛේද්ධා ච පරෙසං සවිඤ්ඤාණකො කායො. අත්තනො ච පරස්ස ච පඤ්චහි ඛන්ධෙහි ඡහි ආයතනෙහි වාපි අයං අත්තො දීපෙනබ්බොව. ඉත්තෙතං ද්වයන්ති එවමෙතං ද්වයං. ද්වයං පටිච්ච එස්සොති අඤ්ඤත්ථ චක්ඛුරූපාදීනි ද්වයානි පටිච්ච චක්ඛුසම්ඵස්සාදයො වුත්තා, ඉධ පන අජ්ඣත්තිකබාහිරාති ආයතනානි. මහාද්වයං නාම කිරෙතං. සලෙවායතනානීති සලෙව එස්සායතනානි එස්සකාරණානි. යෙහි චුට්ඨොති යෙහි කාරණභූතෙහි ආයතනෙහි උප්පන්නෙන එස්සෙන චුට්ඨො. අඤ්ඤතරෙතාති එත්ථ පරිපුණ්ණවසෙන අඤ්ඤතරතා වෙදිතබ්බා. තත්ත්වාති තස්මිං බාලපණ්ඩිතානං කායනිබ්බත්තනාදිමිති. කො අධිජ්ජයාසොති කො අධිකපයොගො.

හගවංමූලකාති හගවා මූලං එතෙසන්ති හගවංමූලකා. ඉදං වුත්තං හොති — ඉමෙ, හත්තෙ, අම්භාකං ධම්මා පුබ්බෙ කස්සපසම්මාසම්බුද්ධෙන උප්පාදිතා, තස්මිං පරිනිබ්බුතෙ එකං බුද්ධන්තරං අඤ්ඤො සමණො වා බ්‍රාහ්මණො වා ඉමෙ ධම්මෙ උප්පාදෙත්තුං සමත්තො නාම නාහොසි, හගවතා පන නො ඉමෙ ධම්මා උප්පාදිතා. හගවන්තඤ්චි නිස්සාය මයං ඉමෙ ධම්මෙ ආජානාම පටිච්ජ්ඣාමාති එවං හගවංමූලකා නො, හත්තෙ, ධම්මාති. හගවංනෙත්තිකාති හගවා හි ධම්මානං නෙතා විනෙතා අනුනෙතා, යථාසභාවතො පාටියෙක්කං පාටියෙක්කං නාමං ගහෙත්වා දස්සෙතාති ධම්මා හගවංනෙත්තිකා නාම හොන්ති. හගවංපටිසරණාති චතුභූමකධම්මා සබ්බඤ්ඤාඤ්ඤාණස්ස ආපාථං ආගච්ඡමානා හගවති පටිසරන්ති නාමාති හගවංපටිසරණා. පටිසරන්තීති සමොසරන්ති. අපිච මහාබොධිමණ්ඩෙ නිසින්තස්ස හගවතො පටිච්චෙධවසෙන එස්සො ආගච්ඡති “අහං හගවා කින්තාමො”ති? ත්වං චුසනට්ඨෙන එස්සො නාම. වෙදනා, සඤ්ඤා, සඬ්ඛාරා, විඤ්ඤාණං ආගච්ඡති “අහං හගවා කින්තාම”න්ති, ත්වං විජානනට්ඨෙන විඤ්ඤාණං නාමාති එවං චතුභූමකධම්මානං යථාසභාවතො පාටියෙක්කං පාටියෙක්කං නාමං ගහෙත්තො හගවා ධම්මෙ පටිසරන්ති හගවංපටිසරණා. හගවන්තංයෙව පටිභාතුති හගවතොව එතස්ස භාසිතස්ස අත්තො උපට්ඨාතු, තුම්භෙයෙව නො කපෙත්වා දෙථාති අත්තො.

සා වෙව අවිජ්ජාති එත්ථ කිඤ්චාපි සා අවිජ්ජා ව තණ්හා ව කම්මං ජවාපෙත්වා පටිසන්ධිං ආකඬ්ඪීත්වා නිරුද්ධා, යථා පන අජ්ජාපි යං හියොයා හෙසජ්ජං පීතං, තදෙව භොජනං භුඤ්ජාති සරික්ඛකත්තෙන තදෙවාති වුච්චති, එවමිධාපි සා වෙව අවිජ්ජා සා ව තණ්හාති ඉදම්පි සරික්ඛකත්තෙන වුත්තං. බ්‍රහ්මවරියන්ති මග්ගබ්‍රහ්මවරියං. දුක්ඛක්ඛයායාති වට්ටදුක්ඛස්ස බයත්ථාය. කායුපගො භොතීති අඤ්ඤං පටිසන්ධිකායං උපගන්තා භොති. යදිදං බ්‍රහ්මවරියවාසොති යො අයං මග්ගබ්‍රහ්මවරියවාසො, අයං බාලතො පණ්ඩිතස්ස විසෙසොති දස්සෙති. ඉති ඉමස්මිං සුත්තෙ සබ්බොපි සපටිසන්ධිකො පුථුජ්ජනො “බාලො”ති, අජ්ජපටිසන්ධිකො බිණ්ණසවො “පණ්ඩිතො”ති වුත්තො. සොතාපන්නසකදාගාමිඅනාගාමිනො පන “පණ්ඩිතා”ති වා “බාලා”ති වා න වත්තබ්බා, හජමානා පන පණ්ඩිතපක්ඛං හජන්ති. නවමං.

10. පච්චයසුත්තවණ්ණනා

20. දසමෙ පටිච්චසමුප්පාදඤ්ච වො භික්ඛවෙ, දෙසෙස්සාමි පටිච්චසමුප්පන්නෙ ව ධම්මෙති සත්ථා ඉමස්මිං සුත්තෙ පච්චයෙ ව පච්චයනිබ්බත්තෙ ව සභාවධම්මෙ දෙසෙස්සාමිති උභයං ආරභි. උප්පාදා වා තථාගතානන්ති තථාගතානං උප්පාදෙපි, බුද්ධෙසු උප්පන්නෙසු අනුප්පන්නෙසුපි ජාතිපච්චයා ජරාමරණං, ජාතියෙව ජරාමරණස්ස පච්චයො. ධීතාව සා ධාතුති ධීතොව සො පච්චයසභාවො, න කදාචි ජාති ජරාමරණස්ස පච්චයො න භොති. ධම්මට්ඨිතතා ධම්මනියාමතාති ඉමෙහිපි ද්විති පච්චයමෙව කථෙති. පච්චයෙන හි පච්චයුප්පන්නා ධම්මා තිට්ඨන්ති, තස්මා පච්චයොව “ධම්මට්ඨිතතා”ති වුච්චති. පච්චයො ධම්මෙ නියමෙති, තස්මා “ධම්මනියාමතා”ති වුච්චති. ඉදප්පච්චයතාති ඉමෙසං ජරාමරණාදීනං පච්චයා ඉදප්පච්චයා, ඉදප්පච්චයාව ඉදප්පච්චයතා. තන්ති තං පච්චයං. අභිසම්බුජ්ඣතීති ඤාණෙන අභිසම්බුජ්ඣති. අභිසමෙතීති ඤාණෙන අභිසමාගච්ඡති. ආචික්ඛතීති කථෙති. දෙසෙතීති දස්සෙති. පඤ්ඤාපෙතීති ජානාපෙති. පට්ඨපෙතීති ඤාණමුඛෙ යපෙති. විවරතීති විවරිත්වා දස්සෙති. විහජතීති විහාගතො දස්සෙති. උත්තානීකරොතීති පාකටං කරොති. පස්සථාති වාහාති පස්සථ ඉති ව වදති. කිත්ති? ජාතිපච්චයා, භික්ඛවෙ, ජරාමරණන්තිආදි.

ඉති බො, භික්ඛවෙති එවං බො, භික්ඛවෙ. යා තත්‍රාති යා තෙසු “ජාතිපච්චයා ජරාමරණ”න්තිආදීසු. තථතාතිආදීති පච්චයාකාරස්සෙව වෙච්චනාති. සො තෙහි තෙහි පච්චයෙහි අනුනාධිකෙහෙව තස්ස තස්ස ධම්මස්ස සම්භවතො

තථතාති, සාමග්ගිං උපගතෙසු පච්චයෙසු මුහුත්තමිපි තතො නිබ්බත්තානං ධම්මානං අසම්භවාභාවතො අවිතථතාති, අඤ්ඤධම්මපච්චයෙහි අඤ්ඤධම්මානුප්පත්තිතො අනඤ්ඤථතාති, ජරාමරණාදීනං පච්චයතො වා පච්චයසමුහතො වා ඉදප්පච්චයතාති වුත්තො. තත්ත්වායං වචනත්ථො – ඉමෙසං පච්චයා ඉදප්පච්චයා, ඉදප්පච්චයා එව ඉදප්පච්චයතා, ඉදප්පච්චයානං වා සමුහො ඉදප්පච්චයතා. ලක්ඛණං පනෙත්ථ සද්දසත්ථතො වෙදිතබ්බං.

අනිච්චන්ති හුත්වා අභාවටියෙන අනිච්චං. එත්ථ ච අනිච්චන්ති න ජරාමරණං අනිච්චං, අනිච්චසභාවානං පන බන්ධානං ජරාමරණත්තා අනිච්චං නාම ජාතං. සඬබ්බාදීසුපි එසෙව නයො. එත්ථ ච සඬබ්බන්ති පච්චයෙහි සමාගන්ත්වා කතං. පටිච්චසමුප්පන්නන්ති පච්චයෙ නිස්සාය උප්පන්නං. බයධම්මන්ති බයසභාවං. වයධම්මන්ති විගච්ඡනකසභාවං. වීරාගධම්මන්ති වීරජ්ජනකසභාවං. නිරොධධම්මන්ති නිරුජ්ඣනකසභාවං. ජාතියාපි වුත්තනයෙනෙව අනිච්චතා වෙදිතබ්බා. ජනකපච්චයානං වා කිච්චානුභාවක්ඛණෙ දිට්ඨත්තා එකෙන පරියායෙනෙත්ථ අනිච්චාතිආදීනි යුජ්ජන්තියෙව. භවාදයො අනිච්චාදිසභාවායෙව.

සම්මප්පඤ්ඤායාති සවිපස්සනාය මග්ගපඤ්ඤාය. පුබ්බත්තන්ති පුරිමං අතීතන්ති අත්ථො. අහොසිං නු බොතිආදීසු “අහොසිං නු බො නනු බො”ති සස්සතාකාරඤ්ච අධිච්චසමුප්පත්තිආකාරඤ්ච නිස්සාය අතීතෙ අත්තතො විජ්ජමානතඤ්ච අවිජ්ජමානතඤ්ච කඬබති. කිං කාරණන්ති න වත්තබ්බං, උම්මත්තකො විය බාලපුපුජ්ජනො යථා වා තථා වා පවත්තති. කිං නු බො අහොසින්ති ජාතිලිඬගුපපත්තියො නිස්සාය “බත්තියො නු බො අහොසිං, බ්‍රාහ්මණවෙස්සසුද්දගහට්ඨපබ්බජිතදෙවමනුස්සානං අඤ්ඤතරො”ති කඬබති. කථං නු බොති සණ්ඨානාකාරං නිස්සාය “දීසො නු බො අහොසිං රස්සඬදාතකණ්ඨපමාණිකඅප්පමාණිකාදීනං අඤ්ඤතරො”ති කඬබති. කෙච්ච පන “ඉස්සරනිම්මානාදීනි නිස්සාය ‘කෙන නු බො කාරණෙන අහොසි’න්ති හෙතුතො කඬබති”ති වදන්ති. කිං හුත්වා කිං අහොසින්ති ජාතිආදීනි නිස්සාය “බත්තියො හුත්වා නු බො බ්‍රාහ්මණො අහොසිං...පෙ.... දෙවො හුත්වා මනුස්සො”ති අත්තතො පරම්පරං කඬබති. සබ්බත්ථෙව පන අද්ධානන්ති කාලාධිවචනමෙතං. අපරන්තන්ති අනාගතං අන්තං. භවිස්සාමී නු බො නනු බොති සස්සතාකාරඤ්ච උච්ඡේදාකාරඤ්ච නිස්සාය අනාගතෙ අත්තතො විජ්ජමානතඤ්ච අවිජ්ජමානතඤ්ච කඬබති. සෙසමෙත්ථ වුත්තනයමෙව.

එතරහි වා පච්චුප්පන්නං අද්ධානන්ති ඉදානි වා පටිසන්ධිමාදිං කත්වා
 චුතිපරියන්තං සබ්බමිපි වත්තමානකාලං ගහෙත්වා. අජ්ඣන්තං කථංකමී
 භවිස්සතීති අත්තනො ඛන්ධෙසු විචිකිච්ඡි භවිස්සති. අහං නු බොස්මීති
 අත්තනො අත්ථිභාවං කඬ්ඛති. යුක්තං පනෙතන්ති? යුක්තං අයුක්තන්ති කා
 එත්ථ චිත්තා. අපිචෙත්ථ ඉදං වත්ථුමිපි උදාහරන්ති – චූළමාතාය කීර පුත්තො
 මුණ්ඩො, මහාමාතාය පුත්තො අමුණ්ඩො, තං පුත්තං මුණ්ඩෙසුං, සො උට්ඨාය
 “අහං නු බො චූළමාතාය පුත්තො”ති චිත්තෙසි. එවං අහං නු බොස්මීති කඬ්ඛා
 හොති. නො නු බොස්මීති අත්තනො නත්ථිභාවං කඬ්ඛති. තත්ත්ව ඉදං වත්ථු –
 එකො කීර මච්ඡෙ ගණ්හන්තො උදකෙ විරට්ඨානෙන සිතිභූතං අත්තනො
 උරුං මච්ඡොති චිත්තෙත්වා පහරි. අපරො සුසානපස්සෙ ඛෙත්තං රක්ඛන්තො
 භීතො සඬකුටිතො සයි, සො පටිච්ඡේදකීත්වා අත්තනො ජණ්ණකානි ද්වෙ
 යක්ඛාති චිත්තෙත්වා පහරි. එවං නො නු බොස්මීති කඬ්ඛති.

කිං නු බොස්මීති ඛත්තියොව සමානො අත්තනො ඛත්තියභාවං කඬ්ඛති. එසෙව
 නයො සෙසෙසුපි. දෙවො පන සමානො දෙවභාවං අජානන්තො නාම නත්ථි,
 සොපි පන “අහං රුපී නු බො අරුපී නු බො”තිආදිනා නයෙන කඬ්ඛති.
 ඛත්තියාදයො කස්මා න ජානන්තීති වෙ? අපච්චක්ඛා තෙසං තත්ථ තත්ථ කුලෙ
 උප්පත්ති. ගහට්ඨාපි ව පොත්ථලිකාදයො පබ්බජිතසඤ්ඤිතො, පබ්බජිතාපි
 “කුප්පං නු බො මෙ කම්ම”න්තිආදිනා නයෙන ගහට්ඨසඤ්ඤිතො. මනුස්සාපි
 ව රාජානො විය අත්තනි දෙවසඤ්ඤිතො හොන්ති. කථං නු බොස්මීති
 චුත්තනයමෙව. කෙවලඤ්ඤෙත්ථ අබ්භන්තරෙ ජීවො නාම අත්ථිති ගහෙත්වා
 තස්ස සංශ්ඨානාකාරං නිස්සාය “දීසො නු බොස්මි
 රස්සවතුරස්සජලංසඅට්ඨංසසොළසංසාදීනං අඤ්ඤතරප්පකාරො”ති
 කඬ්ඛන්තො කථං නු බොස්මීති? කඬ්ඛතීති වෙදිතබ්බො. සරීරසංශ්ඨානං පන
 පච්චුප්පන්නං අජානන්තො නාම නත්ථි. කුතො ආගතො සො කුහිං ගාමී
 භවිස්සතීති අත්තභාවස්ස ආගතිගතිට්ඨානං කඬ්ඛන්තො එවං කඬ්ඛති.
 අරියසාවකස්සාති ඉධ සොතාපන්තො අධිප්පෙතො, ඉතරෙපි පන තයො
 අචාරිතායෙවාති. දසමං.

ආහාරවග්ගො දුතියො.

3. දසබලවග්ගො

1. දසබලයුක්තවණ්ණනා

21. දසබලවග්ගස්ස පඨමං දුතියස්සෙව සඬබ්බෙපො.

2. දුතියදසබලසුත්තවණ්ණනා

22. දුතියං භගවතා අත්තනො අජ්ඣාසයස්ස වසෙන චුත්තං. තත්ථ දසබලසමන්තාගතොති දසහි බලෙහි සමන්තාගතො. බලඤ්ච නාමෙතං දුට්ඨං කායබලඤ්ච ඤාණබලඤ්ච. තෙසු තථාගතස්ස කායබලං භත්ථිකුලානුසාරෙන වෙදිතබ්බං. චුත්තඤ්ඤෙනං පොරාණෙනි –

“කාළාවකඤ්ච ගඬිගෙයාං, පණ්ඩරං තම්බපිඬිගලං;

ගන්ධමඬිගලභෙමඤ්ච, උපොසථජද්දන්තිමෙ දසා”ති.(ම. නි. අට්ඨ. 1.148; විභ. අට්ඨ. 760); –

ඉමානි දස භත්ථිකුලානි. තත්ථ කාළාවකන්ති පකතිභත්ථිකුලං දට්ඨබ්බං. යං දසන්තං පුරිසානං කායබලං, තං එකස්ස කාළාවකස්ස භත්ථිනො. යං දසන්තං කාළාවකානං බලං, තං එකස්ස ගඬිගෙයාස්ස. යං දසන්තං ගඬිගෙයානං, තං එකස්ස පණ්ඩරස්ස. යං දසන්තං පණ්ඩරානං, තං එකස්ස තම්බස්ස. යං දසන්තං තම්බානං, තං එකස්ස පිඬිගලස්ස. යං දසන්තං පිඬිගලානං, තං එකස්ස ගන්ධභත්ථිනො. යං දසන්තං ගන්ධභත්ථිනං, තං එකස්ස මඬිගලස්ස. යං දසන්තං මඬිගලානං, තං එකස්ස භෙමවතස්ස. යං දසන්තං භෙමවතානං, තං එකස්ස උපොසථස්ස. යං දසන්තං උපොසථානං, තං එකස්ස ජද්දන්තස්ස. යං දසන්තං ජද්දන්තානං, තං එකස්ස තථාගතස්ස. නාරායනසඬ්ඨානබලන්තිපි ඉදමෙව චුච්චති. තදෙනං පකතිභත්ථිගණනාය භත්ථිනං කොට්ඨසභස්සානං, පුරිසගණනාය දසන්තං පුරිසකොට්ඨසභස්සානං බලං භොති. ඉදං තාව තථාගතස්ස කායබලං. “දසබලසමන්තාගතො”ති එත්ථ පන එතං සඬිගහං න ගච්ඡති. එතඤ්ඤි බාහිරකං ලාමකං තිරච්ඡානගතානං සීභාදීනම්පි භොති. එතඤ්ඤි නිස්සාය දුක්ඛපරිඤ්ඤා වා සමුදයජ්ජහානං වා මග්ගභාවනා වා ඵලසච්ඡිකිරියා වා නත්ථි. අඤ්ඤං පන දසසු යානෙසු අකම්පනත්ථෙත උපත්ථම්භනත්ථෙත ව දසවිධං ඤාණබලං නාම අත්ථි. තං සන්ධාය චුත්තං “දසබලසමන්තාගතො”ති.

කතමං පන තන්ති? යානාට්ඨානාදීනං යථාභූතං ඡානනං. සෙය්‍යථිදං – යානඤ්ච යානතො අට්ඨානඤ්ච අට්ඨානතො ඡානනං එකං, අතීතානාගතපච්චුජ්ජන්තානං කම්මසමාදානානං යානසො භෙතුසො යථාභූතං විපාකඡානනං එකං, සබ්බත්ථගාමිනිපටිපදාඡානනං එකං, අනෙකධාතුනානාධාතුලොකඡානනං එකං, පරසත්තානං පරපුග්ගලානං නානාධිමුත්තිකතාඡානනං එකං, තෙසංයෙව ඉන්ද්‍රියපරොපරියත්තඡානනං

එකං, ක්කානවිමොක්ඛසමාධිසමාපත්තීනං සංකිලෙසවොදානවුට්ඨානජානනං එකං, පුබ්බෙනිවාසජානනං එකං, සත්තානං වුත්ථුපපාතජානනං එකං, ආසවක්ඛයජානනං එකත්ති. අභිධම්මෙ පන –

“ඉධ තථාගතො යානඤ්ච යානතො අට්ඨානඤ්ච අට්ඨානතො යථාභූතං පජානාති. යම්පි තථාගතො යානඤ්ච යානතො අට්ඨානඤ්ච අට්ඨානතො යථාභූතං පජානාති. ඉදම්පි තථාගතස්ස තථාගතබලං භොති, යං බලං ආගම්ම තථාගතො ආසහං යානං පටිජානාති, පරිසාසු සීහනාදං නදති, බ්‍රහ්මවක්කං පවත්තෙති” ති.

ආදිනා (විහ. 760) නයෙන විත්ථාරතො ආගතානෙව. අත්ථවණ්ණනාපි නෙසං විහඬිගට්ඨකථායඤ්චෙව (විහ. අට්ඨ. 760) පපඤ්චසුදනියා ව මජ්ඣිමට්ඨකථාය (ම. නි. අට්ඨ. 1.148) සබ්බාකාරතො චුත්තා. සා තත්ථ චුත්තනනෙවෙව ගහෙතබ්බා.

චතුභි ව වෙසාරජ්ජෙහීති එත්ථ සාරජ්ජපටිපක්ඛං වෙසාරජ්ජං, චතුසු යානෙසු වෙසාරජ්ජභාවං පච්චවෙක්ඛන්තස්ස උප්පත්තසොමනස්සමයඤ්ඤාණස්සෙතං නාමං. කතමෙසු චතුසු? “සම්මාසම්බුද්ධස්ස තෙ පටිජානතො ඉමෙ ධම්මා අනභිසම්බුද්ධා” ති ආදීසු වොදනාවත්ථුසු. තත්‍රායං පාළි –

“චත්තාරිමානි, භික්ඛවෙ, තථාගතස්ස වෙසාරජ්ජානි...පෙ.... කතමානි චත්තාරි? ‘සම්මාසම්බුද්ධස්ස තෙ පටිජානතො ඉමෙ ධම්මා අනභිසම්බුද්ධා’ ති තත්‍ර චත මං සමණො වා බ්‍රාහ්මණො වා දෙවො වා මාරො වා බ්‍රහ්මා වා කොච්චි වා ලොකස්මිං සහ ධම්මෙන පටිවොදෙස්සතීති නිමිත්තමෙතං, භික්ඛවෙ, න සමනුපස්සාමි. එතමහං, භික්ඛවෙ, නිමිත්තං අසමනුපස්සන්තො ඛෙමජ්ජන්තො අභයජ්ජන්තො වෙසාරජ්ජජ්ජන්තො විහරාමි. ‘බ්‍රිණාසවස්ස තෙ පටිජානතො ඉමෙ ආසවා අපරික්ඛිණා’ ති තත්‍ර චත මං...පෙ.... ‘යෙ බො පන තෙ අත්තරාශිකා ධම්මා චුත්තා, තෙ පටිසෙවතො නාලං අත්තරායායා’ ති තත්‍ර චත මං...පෙ.... ‘යස්ස බො පන තෙ අත්ථාය ධම්මො දෙසිතො, සො න නියානි තක්කරස්ස සම්මා දුක්ඛක්ඛයායා’ ති තත්‍ර චත මං සමණො වා බ්‍රාහ්මණො වා...පෙ.... වෙසාරජ්ජජ්ජන්තො විහරාමි” ති (අ. නි. 4.8).

ආසහං යානත්ති සෙට්ඨට්ඨානං උත්තමට්ඨානං. ආසහා වා පුබ්බබුද්ධා, නෙසං යානත්ති අත්ථො. අපිච ගවසතජෙට්ඨකො උසහො, ගවසහස්සජෙට්ඨකො වසහො, වජ්ජතජෙට්ඨකො වා උසහො, වජ්ජහස්සජෙට්ඨකො වසහො, සබ්බගවසෙට්ඨො සබ්බපරිස්සයසහො සෙතො පාසාදිකො මහාභාරවහො

අසනිසතසද්දෙනිපි අසම්පකම්පියො නිසහො, සො ඉධ උසහොති අධිජ්ජෙතො. ඉදම්පි හි තස්ස පරියායවචනං. උසහස්ස ඉදන්ති ආසහං. යානන්ති චතුහි පාදෙහි පථවිං උජ්ජිලෙත්වා අවට්ඨානං (ම. නි. 1.150). ඉදං පන ආසහං වියාති ආසහං. යථෙව හි නිසහසඬ්ඛාතො උසහො උසහබලෙන සමන්තාගතො චතුහි පාදෙහි පථවිං උජ්ජිලෙත්වා අවලට්ඨානෙන තිට්ඨති, එවං තථාගතොපි දසහි තථාගතබලෙහි සමන්තාගතො චතුහි වෙසාරජ්ජපාදෙහි අට්ඨපරිසපථවිං උජ්ජිලෙත්වා සදෙවකෙ ලොකෙ කෙනවි පච්චත්ථිකෙන පච්චාමිත්තෙන අකම්පියො අවලට්ඨානෙන තිට්ඨති. එවං තිට්ඨමානො ච තං ආසහං යානං පටිජානාති උපගච්ඡති න පච්චක්ඛාති, අත්තනි ආරොපෙති. තෙන චුත්තං “ආසහං යානං පටිජානාති”ති.

පරිසාසුති “අට්ඨ ඛො ඉමා, සාරිපුත්ත, පරිසා. කතමා අට්ඨ? ඛත්තියපරිසා බ්‍රාහ්මණපරිසා ගහපතිපරිසා සමණපරිසා වාතුමහාරාජිකපරිසා තාවතිංසපරිසා මාරපරිසා බ්‍රහ්මපරිසා”ති, ඉමාසු අට්ඨසු පරිසාසු. සීහනාදං නදතීති සෙට්ඨනාදං අහිතනාදං නදති, සීහනාදසදිසං වා නාදං නදති. අයමත්ථො සීහනාදසුත්තෙන දීපෙනබ්බො. යථා වා සීහො සහනතො වෙච හනනතො ච සීහොති වුච්චති, එවං තථාගතො ලොකධම්මානං සහනතො පරජ්ජවාදානඤ්ච හනනතො සීහොති වුච්චති. එවං චුත්තස්ස සීහස්ස නාදං සීහනාදං. තත්ථ යථා සීහො සීහබලෙන සමන්තාගතො සබ්බත්ථ විසාරදො විගතලොමහංසො සීහනාදං නදති, එවං තථාගතසීහොපි තථාගතබලෙහි සමන්තාගතො අට්ඨසු පරිසාසු විසාරදො විගතලොමහංසො, “ඉති රූප”න්තිආදිනා නයෙන නානාවිධදෙසනාවිලාසසම්පන්නං සීහනාදං නදති. තෙන චුත්තං “පරිසාසු සීහනාදං නදති”ති.

බ්‍රහ්මවක්කං පචත්තෙතීති එත්ථ බ්‍රහ්මන්ති සෙට්ඨං උත්තමං, විසුද්ධස්ස ධම්මවක්කස්සෙතං අධිවචනං. තං පන ධම්මවක්කං දුට්ඨං හොති පටිච්චෙධඤාණඤ්ච දෙසනාඤාණඤ්ච. තත්ථ පඤ්ඤාපභාවිතං අත්තතො අරියඵලාවහං පටිච්චෙධඤාණං, කරුණාපභාවිතං සාවකානං අරියඵලාවහං දෙසනාඤාණං. තත්ථ පටිච්චෙධඤාණං උජ්ජප්පමානං උජ්ජන්නන්ති දුට්ඨං. තඤ්ච අහිනික්ඛමනතො පට්ඨාය යාව අරහත්තමග්ගා උජ්ජප්පමානං, ඵලක්ඛණෙ උජ්ජන්නං නාම. තුසිතභවනතො වා යාව මහාබොධිපල්ලඬ්ඛකෙ අරහත්තමග්ගා උජ්ජප්පමානං, ඵලක්ඛණෙ උජ්ජන්නං නාම. දීපඬ්ඛරතො වා පට්ඨාය යාව අරහත්තමග්ගා උජ්ජප්පමානං, ඵලක්ඛණෙ උජ්ජන්නං නාම. දෙසනාඤාණම්පි පචත්තමානං පචත්තන්ති දුට්ඨං. තඤ්ච යාව

අඤ්ඤාසිකොණ්ඩඤ්ඤස්ස සොනාපත්තිමග්ගා පවත්තමානං, ඵලක්ඛණෙ පවත්තං නාම. තෙසු පටිවේධඤාණං ලොකුත්තරං, දෙසනාඤාණං ලොකියං. උභයමිපි පනෙතං අඤ්ඤෙහි අසාධාරණං බුද්ධානංයෙව ඔරසඤාණං.

ඉදානි යං ඉමිනා ඤාණෙන සමන්තාගතො සීහනාදං නදති, තං දස්සෙතුං ඉති රූපන්තිආදිමාහ. තත්ථ ඉති රූපන්ති ඉදං රූපං එත්තකං රූපං, ඉතො උද්ධං රූපං නත්ථිති රූප්පනසභාවඤ්ඤෙව භූතූපාදායහෙදඤ්ඤෙව ආදිං කත්වා ලක්ඛණරසපච්චුපට්ඨානපදට්ඨානවසෙන අනවසෙසරූපපරිග්ගහො වුත්තො. ඉති රූපස්ස සමුදයොති ඉමිනා එවං පරිග්ගහිතස්ස රූපස්ස සමුදයො වුත්තො. තත්ථ ඉතීති එවං සමුදයො හොතීති අත්ථො. තස්ස විත්ථාරො “අවිජ්ජාසමුදයා රූපසමුදයො තණ්හාසමුදයා, කම්මසමුදයා ආහාරසමුදයා රූපසමුදයොති නිබ්බත්තිලක්ඛණං පස්සන්තොපි රූපක්ඛන්ධස්ස උදයං පස්සති”ති (පටි. ම. 1.50) එවං වෙදිතබ්බො. අත්ථංඛගමෙපි “අවිජ්ජානිරොධා රූපනිරොධො...පෙ.... විපරිණාමලක්ඛණං පස්සන්තොපි රූපක්ඛන්ධස්ස නිරොධං පස්සති”ති අයං විත්ථාරො.

ඉති වෙදනානිආදීසුපි අයං වෙදනා එත්තකා වෙදනා, ඉතො උද්ධං වෙදනා නත්ථි, අයං සඤ්ඤා, ඉමෙ සඬ්ඛාරා, ඉදං විඤ්ඤාණං එත්තකං විඤ්ඤාණං, ඉතො උද්ධං විඤ්ඤාණං නත්ථිති වෙදයිතසඤ්ජානනඅභිසඬ්ඛරණවිජානනසභාවඤ්ඤෙව සුඛාදිරූපසඤ්ඤාදිඑස්සාදිවක්ඛවිඤ්ඤාණාදිහෙදඤ්ඤෙව ආදිං කත්වා ලක්ඛණරසපච්චුපට්ඨානපදට්ඨානවසෙන අනවසෙසවෙදනාසඤ්ඤාසඬ්ඛාරවිඤ්ඤාණපරිග්ගහො වුත්තො. ඉති වෙදනාය සමුදයොතිආදීහි පන එවං පරිග්ගහිතානං වෙදනාසඤ්ඤාසඬ්ඛාරවිඤ්ඤාණානං සමුදයො වුත්තො. තත්තාපි ඉතීති එවං සමුදයො හොතීති අත්ථො. තෙසමිපි විත්ථාරො “අවිජ්ජාසමුදයා වෙදනාසමුදයො”ති (පටි. ම. 1.50) රූපෙ වුත්තනෙයෙනෙව වෙදිතබ්බො. අයං පන විසෙසො – තීසු ඛන්ධෙසු “ආහාරසමුදයා”ති අවත්වා “එස්සසමුදයා”ති වත්තබ්බං, විඤ්ඤාණක්ඛන්ධෙ “නාමරූපසමුදයා”ති. අත්ථංඛගමපදමිපි තෙසංයෙව වසෙන යොජෙතබ්බං. අයමෙත්ථ සඬ්ඛෙපො. විත්ථාරතො පන උදයබ්බයවිනිච්ඡයො සබ්බාකාරපරිපූරො විසුද්ධිමග්ගෙ වුත්තො.

ඉමස්මිං සති ඉදං හොතීති අයමිපි අපරො සීහනාදො. තස්සත්ථො – ඉමස්මිං අවිජ්ජාදිකෙ පච්චයෙ සති ඉදං සඬ්ඛාරාදිකං ඵලං හොති. ඉමස්සුඡ්පාදා ඉදං උප්පජ්ජතිති ඉමස්ස අවිජ්ජාදිකස්ස පච්චයස්ස උප්පාදා ඉදං සඬ්ඛාරාදිකං ඵලං

උප්පජ්ජති. ඉමස්මිං අසති ඉදං න හොතීති ඉමස්මිං අවිජ්ජාදිකෙ පච්චයෙ අසති ඉදං සඬබ්බාරාදිකං ඵලං න හොති. ඉමස්ස නිරොධා ඉදං නිරුජ්ඣතීති ඉමස්ස අවිජ්ජාදිකස්ස පච්චයස්ස නිරොධා ඉදං සඬබ්බාරාදිකං ඵලං නිරුජ්ඣති. ඉදානි යථා තං හොති වෙව නිරුජ්ඣති ච, තං විත්ථාරතො දස්සෙතුං යදිදං අවිජ්ජාපච්චයා සඬබ්බාරාතිආදිමාහ.

ඵවං ස්වාක්ඛාතොති ඵවං පඤ්චක්ඛන්ධවිභජනාදිවසෙන සුට්ඨු අක්ඛාතො කථිතො. ධම්මොති පඤ්චක්ඛන්ධපච්චයාකාරධම්මො. උත්තානොති අනිකුජ්ජිතො. විචටොති විචරිත්වා යපිතො. පකාසිතොති දීපිතො ජොතිතො. ඡින්නපිලොතිකොති පිලොතිකා වුච්චති ඡින්නං භින්නං තත්ථ තත්ථ සිඛ්ඛිතගණ්ඨිතං ජිණ්ණවත්ථං, තං යස්ස නත්ථීති අට්ඨහත්ථං නවහත්ථං වා අහතසාටකං නිවත්ථො, සො ඡින්නපිලොතිකො නාම. අයම්පි ධම්මො තාදිසො. න හෙත්ථ කොහඤ්ඤාදිවසෙන ඡින්නභින්නසිඛ්ඛිතගණ්ඨිතභාවො අත්ථී. අපිච ඛුද්දකසාටකොපි පිලොතිකාති වුච්චති, සා යස්ස නත්ථී, අට්ඨනවහත්ථො මහාපටො අත්ථී, සොපි ඡින්නපිලොතිකො, අපගතපිලොතිකොති අත්ථො. තාදිසො අයං ධම්මො. යථා හි චතුහත්ථං සාටකං ගහෙත්වා පරිග්ගහණං කරොන්තො පුරිසො ඉතො ටිතො ච අඤ්ජන්තො කිලමති, ඵවං බාහිරකසමයෙ පබ්බජිතා අත්තතො පරිත්තකං ධම්මං “ඵවං සති ඵවං හවිස්සති”ති කප්පෙත්වා කප්පෙත්වා වඩ්ඪෙත්තා කිලමන්ති. යථා පන අට්ඨහත්ථනවහත්ථොන පරිග්ගහණං කරොන්තො යථාරුචි පාරුපති න කිලමති, නත්ථී තත්ථ අඤ්ජිත්වා වඩ්ඪන්තිච්චං; ඵවං ඉමස්මිම්පි ධම්මෙ කප්පෙත්වා කප්පෙත්වා විභජනකිච්චං නත්ථී, තෙහි තෙහි කාරණෙහි මයාව අයං ධම්මො සුවිහත්තො සුවිත්ථාරිතොති ඉදම්පි සන්ධාය “ඡින්නපිලොතිකො”ති ආහ. අපිච කච්චරොපි පිලොතිකාති වුච්චති, ඉමස්මිඤ්ච සාසනෙ සමණකච්චරං නාම පතිට්ඨාතුං න ලහති. තෙනෙවාහ –

“කාරණ්ඨවං නිද්ධමථ, කසම්බුං අපකස්සථ;

තතො පලාපෙ වාහෙථ, අස්සමණෙ සමණමානිනෙ.

“නිද්ධමිත්වාන පාපිච්ඡෙ, පාපආචාරගොචරෙ;

සුද්ධා සුද්ධෙහි සංවාසං, කප්පයච්චො පතිස්සතා;

තතො සමග්ගා නිපකා, දුක්ඛස්සන්තං කරිස්සථා”ති. (අ. නි. 8.10);

ඉති සමණකච්චරස්ස ඡින්නත්තාපි අයං ධම්මො ඡින්නපිලොතිකො නාම හොති.

අලමෙවාති යුත්තමෙව. සද්ධාපබ්බජිතෙනාති සද්ධාය පබ්බජිතෙන. කුලපුත්තෙනාති ද්වෙ කුලපුත්තා ආචාරකුලපුත්තො ජාතිකුලපුත්තො ච. තත්ථ යො යතො කුතොචි කුලා පබ්බජිත්වා සීලාදයො පඤ්ච ධම්මක්ඛන්ධෙ පුරෙති, අයං ආචාරකුලපුත්තො නාම. යො පන යසකුලපුත්තාදයො විය ජාතිසම්පන්නකුලා පබ්බජිතො, අයං ජාතිකුලපුත්තො නාම. තෙසු ඉධ ආචාරකුලපුත්තො අධිප්පෙතො. සචෙ පන ජාතිකුලපුත්තො ආචාරවා හොති, අයං උත්තමොයෙව. එවරුපෙන කුලපුත්තෙන. වීරියං ආරභිතුන්ති චතුරඨගසමන්තාගතං වීරියං කාතුං. ඉදානිස්ස චතුරඨගං දස්සෙන්නො කාමං තචො වාතිආදිමාහ. එත්ථ හි තචො එකං අඬගං, න්හාරු එකං, අට්ඨි එකං, මංසලොහිතං එකන්ති. ඉදංඤ්ච පන චතුරඨගසමන්තාගතං වීරියං අධිට්ඨහන්තෙන නවසු යානෙසු සමාධාතබ්බං පුරෙහත්තෙ පච්ඡාහත්තෙ පුරිමයාමෙ මජ්ඣිමයාමෙ පච්ඡිමයාමෙ ගමනෙ යානෙ නිසජ්ජාය සයනෙති.

දුක්ඛං, භික්ඛවෙ, කුසීතො විහරතීති ඉමස්මිං සාසනෙ යො කුසීතො පුග්ගලො, සො දුක්ඛං විහරති. බාහිරසමයෙ පන යො කුසීතො, සො සුඛං විහරති. චොක්ඛණ්ණොති මිස්සිභුතො. සදත්ථන්ති සොහනං වා අත්ථං සකං වා අත්ථං, උභයෙනාපි අරහත්තමෙව අධිප්පෙතං. පරිභාපෙතීති භාපෙති න පාපුණාති. කුසීතපුග්ගලස්ස හි ඡ ද්වාරානි අගුත්තානි හොන්ති, තිණි කම්මානි අපරිසුද්ධානි, ආජීවට්ඨමකං සීලං අපරියොදානං, හින්තාජීවො කුලුපකො හොති. සො සබ්බමචාරීනං අක්ඛම්භි පතිතරජං විය උපසාතකරො භුත්වා දුක්ඛං විහරති, පීයමද්දනො චෙව හොති ලණ්ඨපුරකො ච, සත්ථු අජ්ඣාසයං ගහෙතුං න සක්කොති, දුල්ලභං බණං විරාධෙති, තෙන භුත්තො රට්ඨපිණ්ඩොපි න මහජ්ඣලො හොති.

ආරද්ධවීරියො ච බො, භික්ඛවෙති ආරද්ධවීරියො පුග්ගලො ඉමස්මිංයෙව සාසනෙ සුඛං විහරති. බාහිරසමයෙ පන යො ආරද්ධවීරියො, සො දුක්ඛං විහරති. පච්චිත්තොති විචිත්තො වියුත්තො භුත්වා. සදත්ථං පරිපුරෙතීති අරහත්තං පාපුණාති. ආරද්ධවීරියස්ස හි ඡ ද්වාරානි සුගුත්තානි හොන්ති, තිණි කම්මානි පරිසුද්ධානි, ආජීවට්ඨමකං සීලං පරියොදානං සබ්බමචාරීනං අක්ඛම්භි සුසීතලඤ්ජනං විය ධාතුගතචන්දනං විය ච මනාපො භුත්වා සුඛං විහරති, සත්ථු අජ්ඣාසයං ගහෙතුං සක්කොති. සත්ථා හි —

“විරං ජීව මහාවිර, කප්පං තිට්ඨ මහාමුනී”ති –

එවං ගොතමියා වන්දිතො, “න ඛො, ගොතමී, තථාගතා එවං වන්දිතබ්බා”ති පටික්ඛිපිත්වා තාය යාවිතො වන්දිතබ්බාකාරං ආචික්ඛන්තො එවමාහ –

“ආරද්ධවීරියෙ පහිතත්තෙ, නිව්චං දළ්භපරක්කමෙ;

සමග්ගෙ සාවකෙ පස්ස, එසා බුද්ධාන වන්දනා”ති. (අප. පෙරි 2.2.171);

එවං ආරද්ධවීරියො සත්ථු අජ්ඣාසයං ගහෙතුං සක්කොති, දුල්ලභං ඛණං න විරාධෙති. තස්ස හි බුද්ධුප්පාදො ධම්මදෙසනා සඤ්ඤාප්පට්ඨානානි සඵලා හොති සඋද්ගා, රට්ඨපිණ්ඩොපි තෙන භුත්තො මහජඵලො හොති.

භීතෙන අග්ගස්සාති භීතාය සද්ධාය භීතෙන වීරියෙන භීතාය සතියා භීතෙන සමාධිනා භීතාය පඤ්ඤාය අග්ගසඤ්ඤාතස්ස අරහත්තස්ස පත්ති නාම න හොති. අග්ගෙන ච ඛොති අග්ගෙහි සද්ධාදීහි අග්ගස්ස අරහත්තස්ස පත්ති හොති. මණ්ඩපෙය්‍යන්ති පසන්නට්ඨෙන මණ්ඩං, පාතබ්බට්ඨෙන පෙය්‍යං. යඤ්ඤි පිටිත්වා අන්තරවීරියං පතීතො විසඤ්ඤී අත්තතො සාට්ඨාදීනම්පි අස්සාමිකො හොති, තං පසන්නම්පි න පාතබ්බං, මය්භං පන සාසනං එවං පසන්නඤ්ඤි පාතබ්බඤ්ඤිවාති දස්සෙන්තො “මණ්ඩපෙය්‍ය”න්ති ආහ.

තත්ථ තිව්ඛො මණ්ඩො – දෙසනාමණ්ඩො, පටිග්ගහමණ්ඩො, බ්‍රහ්මචරියමණ්ඩොති. කතමො දෙසනාමණ්ඩො? චතුත්තං අරියසච්චානං ආචික්ඛනා දෙසනා පඤ්ඤාපනා පට්ඨපනා විවරණා විභජනා උත්තානීකම්මං, චතුත්තං සතිපට්ඨානානං...පෙ.... අරියස්ස අට්ඨචිගිකස්ස මග්ගස්ස ආචික්ඛනා...පෙ.... උත්තානීකම්මං, අයං දෙසනාමණ්ඩො. කතමො පටිග්ගහමණ්ඩො? හික්ඛු හික්ඛුනියො උපාසකා උපාසිකායො දෙවා මනුස්සා යෙ වා පනඤ්ඤෙපි කෙවි විඤ්ඤාතාරො, අයං පටිග්ගහමණ්ඩො. කතමො බ්‍රහ්මචරියමණ්ඩො? අයමෙව අරියො අට්ඨචිගිකො මග්ගො, සෙය්‍යථීදං – සම්මාදිට්ඨී...පෙ.... සම්මාසමාධි, අයං බ්‍රහ්මචරියමණ්ඩො. අපිච අධිමොක්ඛමණ්ඩො සද්ධිත්ථියං, අස්සද්ධියං කසටො, අස්සද්ධියං කසටං ඡඩ්ඛෙත්වා සද්ධිත්ථියස්ස අධිමොක්ඛමණ්ඩො පිචතීති මණ්ඩපෙය්‍යන්තිආදිනාපි (පටි. ම. 1.238) නයෙනෙත්ථ අත්ථො වෙදිතබ්බො. සත්ථා සම්මුඛිභූතොති ඉදමෙත්ථ කාරණවචනං. යස්මා සත්ථා සම්මුඛිභූතො, තස්මා වීරියසම්පයොගං කත්වා පිචථ එතං මණ්ඩං. බාහිරකඤ්ඤි ගෙසජ්ජමණ්ඩම්පි වෙජ්ජස්ස අසම්මුඛා පිචත්තානං පමාණං වා උග්ගමනං වා නිග්ගමනං වා න ජානාමාති ආසඤ්ඤා හොති. වෙජ්ජසම්මුඛා පන “වෙජ්ජො

ජානිස්සති”ති නිරාසඬිකා පිවන්ති. එවමෙව අම්භාකං ධම්මස්සාමි සත්ථා සම්මුඛිභූතොති වීරියං කත්වා පිවථාති මණ්ඩපානෙ නෙසං නියොජෙන්නො තස්මාතිහ, භික්ඛවෙතිආදිමාහ. තත්ථ සඵලාති සානිසංසා. සඋද්‍රයාති සවඩ්ඪි. ඉදානි නියොජනානුරූපං සික්ඛිතබ්බතං නිද්දිසන්නො අත්තත්ථං වා හි, භික්ඛවෙතිආදිමාහ. තත්ථ අත්තත්ථන්ති අත්තනො අත්ථභූතං අරහත්තං. අප්පමාදෙන සම්පාදෙතුන්ති අප්පමාදෙන සබ්බකිච්චාති කාතුං. පරත්ථන්ති පච්චයදායකානං මහප්ඵලානිසංසං. සෙසං සබ්බත්ථ උත්තානමෙවාති. දුතියං.

3. උපනිසසුත්තවණ්ණනා

23. තතියෙ “ජානතො අහ”න්තිආදීසු ජානතොති ජානන්තස්ස. පස්සතොති පස්සන්තස්ස. ද්වෙපි පදානි එකත්ථානි, බ්‍යඤ්ජනමෙව නානං. එවං සන්තෙපි “ජානතො”ති ඤාණලක්ඛණං උපාදාය පුග්ගලං නිද්දිසති. ජානනලක්ඛණඤ්ඤි ඤාණං. “පස්සතො”ති ඤාණප්පභාවං උපාදාය. පස්සනප්පභාවඤ්ඤි ඤාණං, ඤාණසමඬිගීපුග්ගලො චක්ඛුමා විය චක්ඛුනා රූපානි, ඤාණෙන විවටෙ ධම්මෙ පස්සති. ආසවානං බයන්ති එත්ථ ආසවානං පහානං අසමුප්පාදො ඛිණාකාරො නත්ථිහාවොති අයම්පි ආසවක්ඛයොති වුච්චති, හඬිගොපි මග්ගඵලනිබ්බානානිපි. “ආසවානං බයා අනාසවං වෙතොවිමුත්ති”න්තිආදීසු (ම. නි. 1.438; විහ. 831) හි ඛිණාකාරො ආසවක්ඛයොති වුච්චති. “යො ආසවානං බයො වයො හෙදො පරිහෙදො අනිච්චතා අන්තර්ධාන”න්ති (විහ. 354) එත්ථ හඬිගො.

“සෙක්ඛස්ස සික්ඛමානස්ස, උපුමග්ගානුසාරිනො;

බයස්මිං පඨමං ඤාණං, තතො අඤ්ඤා අනන්තරා”ති. (ඉතිවු. 62); –

එත්ථ මග්ගො. සො හි ආසවෙ බෙපෙන්නො වුපසමෙන්නො උප්පජ්ජති, තස්මා ආසවානං බයොති වුත්තො. “ආසවානං බයා සමණො භොති”ති එත්ථ ඵලං. තඤ්ඤි ආසවානං ඛිණන්තෙ උප්පජ්ජති, තස්මා ආසවානං බයොති වුත්තං.

“ආසවා තස්ස වඩ්ඪන්ති, ආරා සො ආසවක්ඛයා”ති; (ධ. ප. 253) –

එත්ථ නිබ්බානං. තඤ්ඤි ආගම්ම ආසවා ඛියන්ති, තස්මා ආසවානං බයොති වුත්තං. ඉධ පන මග්ගඵලානි අධිප්පෙතානි. නො අජානතො නො අපස්සතොති යො පන න ජානාති න පස්සති, තස්ස නො වදාමිති අත්ථො. එතෙන යෙ අජානතො අපස්සතොපි සංසාරාදීහියෙව සුද්ධිං වදන්ති, තෙ පටික්ඛිත්තා

හොත්ති. පුරිමෙන පදද්වයෙන උපායො වුත්තො, ඉමිනා අනුපායං පටිසෙධෙති.

ඉදානි යං ජානතො ආසවානං බයො හොති, තං දස්සෙතුකාමො කිඤ්ච, භික්ඛවෙ, ජානතොති පුච්ඡං ආරභි. තත්ථ ජානනා බහුවිධා. දබ්බජාතිකො ඵල භි කොචි භික්ඛු ඡත්තං කාතුං ජානාති, කොචි වීචරාදීනං අඤ්ඤතරං, තස්ස ඊදිසානි කම්මානි වත්තසිසෙ යත්වා කරොත්තස්ස සා ජානනා සග්ගමග්ගඵලානං පදට්ඨානං න හොතීති න වත්තබ්බං. යො පන සාසනෙ පබ්බජිත්වා වෙජ්ජකම්මාදීනි කාතුං ජානාති, තස්සෙවං ජානතො ආසවා වඩ්ඪන්ති යෙව. තස්මා යං ජානතො පස්සතො ච ආසවානං බයො හොති, තදෙව දස්සන්තො ඉති රූපන්තිආදිමාහ. ඵලං බො, භික්ඛවෙ, ජානතොති ඵලං පඤ්චන්තං බන්ධානං උදයබ්බයං ජානන්තස්ස. ආසවානං බයො හොතීති ආසවානං බයන්තෙ ජාතත්තා “ආසවානං බයො”ති ලද්ධනාමං අරහත්තං හොති.

ඵලං අරහත්තනිකුටෙන දෙසනං නිට්ඨපෙත්වා ඉදානි බිණ්ණාසවස්ස ආගමනීයං පුබ්බභාගපටිපදං දස්සෙතුං යම්පිස්ස තං, භික්ඛවෙතිආදිමාහ. තත්ථ බයස්මිං බයෙඤ්ඤාණන්ති ආසවක්ඛයසඬබාතෙ අරහත්තඵලෙ පටිලද්ධෙ සති පච්චවෙක්ඛණඤ්ඤාණං. තඤ්ච අරහත්තඵලසඬබාතෙ බයස්මිං පයම්මාරං උප්පන්නෙ පච්ඡා උප්පන්නත්තා බයෙඤ්ඤාණන්ති වුවිති. සඋපනිසන්ති සකාරණං සප්පච්චයං. විමුක්තීති අරහත්තඵලවිමුක්ති. සා භිස්ස උපනිස්සයපච්චයෙන පච්චයො හොති. ඵලං ඉතො පරෙසුපි ලබ්භමානවසෙන පච්චයහාවො වෙදිතබ්බො.

වීරාගොති මග්ගො. සො භි කිලෙසෙ වීරාජෙන්තො බෙපෙන්තො උප්පන්නො, තස්මා වීරාගොති වුවිති. නිබ්බිදාති නිබ්බිදාඤ්ඤාණං. එතෙන බලවච්ඡස්සනං දස්සෙති. බලවච්ඡස්සනාති භයතුපට්ඨාතො ඤ්ඤාණං ආදීනවානුපස්සනො ඤ්ඤාණං මුඤ්චිතුකම්මානාඤ්ඤාණං සඬබාරූපෙක්ඛාඤ්ඤාණන්ති චතුත්තං ඤ්ඤාණානං අධිවචනං. යථාභූතඤ්ඤාණදස්සනන්ති යථාසභාවජානනසඬබාතං දස්සනං. එතෙන තරුණච්ඡස්සනං දස්සෙති. තරුණච්ඡස්සනා භි බලවච්ඡස්සනාය පච්චයො හොති. තරුණච්ඡස්සනාති සඬබාරපට්ඨජෙදෙ ඤ්ඤාණං කඬබාවිතරණෙ ඤ්ඤාණං සම්මසනෙ ඤ්ඤාණං මග්ගාමග්ගෙ ඤ්ඤාණන්ති චතුත්තං ඤ්ඤාණානං අධිවචනං. සමාධිති පාදකජ්ඣානසමාධි. සො භි තරුණච්ඡස්සනාය පච්චයො හොති. සුඛන්ති අප්පනාය පුබ්බභාගසුඛං. තඤ්ච පාදකජ්ඣානස්ස පච්චයො හොති. පස්සද්ධිති දරථපටිප්පස්සද්ධි. සා භි අප්පනාපුබ්බභාගස්ස

සුඛස්ස පච්චයො හොති. ජිතීති බලවජිති. සා හි දරථපටිප්පස්සද්ධියා පච්චයො හොති. පාමොජ්ජන්ති දුබ්බලජිති. සා හි බලවජිතියා පච්චයො හොති. සද්ධාති අපරාපරං උප්පජ්ජනසද්ධා. සා හි දුබ්බලජිතියා පච්චයො හොති. දුක්ඛන්ති වට්ටදුක්ඛං. තඤ්ඤි අපරාපරසද්ධාය පච්චයො හොති. ඡාතීති සවිකාරා ඛන්ධජාති. සා හි වට්ටදුක්ඛස්ස පච්චයො හොති. භවොති කම්මභවො. (සො හි සවිකාරාය ඡාතියා පච්චයො හොති.) එතෙනුපායෙන සෙසපදානිපි වෙදිතබ්බානි.

ථුල්ලච්ඡිසිතකෙති මහාච්ඡිසිතකෙ. පබ්බතකන්දරපදරසාබාති එත්ථ කන්දරං නාම ‘ක’න්තිලද්ධනාමෙන උදකෙන දාරිතො උදකහින්තො පබ්බතපදෙසො, යො “නිතම්බො”තිපි “නදිකුඤ්ජො”තිපි වුවිච්ඡිති. පදරං නාම අට්ඨමාසෙ දෙවෙ අවස්සන්තෙ ඵලිතො භූමිප්පදෙසො. සාබාති කුසුම්භගාමිනියො බුද්දකමාතිකායො. කුසොබ්භාති බුද්දකආවාටා. මහාසොබ්භාති මහාආවාටා. කුන්තදියොති බුද්දකනදියො. මහානදියොති ගඬගායමුනාදිකා මහාසරිතා. එවමෙව බො, හික්ඛවෙ, අවිජ්ජුපනිසා සඬබාරාතිආදියු අවිජ්ජා පබ්බතොති දට්ඨබ්බා. අභිසඬබාරා මෙසොති, විඤ්ඤාණාදිවට්ටං කන්දරාදියොති, විමුත්ති සාගරොති.

යථා පබ්බතමත්ථකෙ දෙවො වස්සිත්වා පබ්බතකන්දරාදීනි පුරෙත්තො අනුපුබ්බෙන මහාසමුද්දං සාගරං පුරෙති, එවං අවිජ්ජාපබ්බතමත්ථකෙ තාව අභිසඬබාරමෙසස්ස වස්සනං වෙදිතබ්බං. අස්සුතවා හි බාලපුටුප්පතො අවිජ්ජාය අඤ්ඤාණි හුත්වා තණ්හාය අභිලාසං කත්වා කුසලාකුසලකම්මං ආයුහති, තං කුසලාකුසලකම්මං පටිසන්ධිවිඤ්ඤාණස්ස පච්චයො හොති, පටිසන්ධිවිඤ්ඤාණාදීනි නාමරූපාදීනං. ඉති පබ්බතමත්ථකෙ වුට්ඨදෙවස්ස කන්දරාදියො පුරෙත්වා මහාසමුද්දං ආභවිච ධීතකාලො විය අවිජ්ජාපබ්බතමත්ථකෙ වුට්ඨස්ස අභිසඬබාරමෙසස්ස පරම්පරපච්චයනාය අනුපුබ්බෙන විඤ්ඤාණාදිවට්ටං පුරෙත්වා ධීතකාලො. බුද්ධවචනං පන පාළියං අගභිතම්පි “ඉධ තථාගතො ලොකෙ උප්පජ්ජති, අගාරස්මා අනගාරියං පබ්බජති”ති ඉමාය පාළියා වසෙන ගහිතමෙවාති වෙදිතබ්බං. යා හි තස්ස කුලගෙහෙ නිබ්බත්ති, සා කම්මභවපච්චයා සවිකාරා ඡාති නාම. සො බුද්ධානං වා බුද්ධසාවකානං වා සම්මුඛිභාවං ආගම්ම වට්ටදොසදීපකං ලක්ඛණාභටං ධම්මකථං සුත්වා වට්ටවසෙන පිළිතො හොති, එවමස්ස සවිකාරා ඛන්ධජාති වට්ටදුක්ඛස්ස පච්චයො හොති. සො වට්ටදුක්ඛෙන පිළිතො අපරාපරං සද්ධං ජනෙත්වා අගාරස්මා අනගාරියං පබ්බජති, එවමස්ස වට්ටදුක්ඛං

අපරාපරසද්ධාය පච්චයො හොති. සො පබ්බජ්ජාමත්තෙනොව අසන්තුට්ඨො උත්තපඤ්චවස්සකාලෙ නිස්සයං ගහෙත්වා වත්තපට්ඨත්ති. පුරෙත්තො ද්වෙමාතිකා පගුණං කත්වා කම්මාකම්මං උග්ගහෙත්වා යාව අරහත්තා නිජ්ජටං කත්වා කම්මට්ඨානං ගහෙත්වා අරඤ්ඤෙ වසන්තො පට්ඨිකසිණාදීසු කම්මං ආරහති, තස්ස කම්මට්ඨානං නිස්සාය දුබ්බලපීති උප්පජ්ජති. තදස්ස සද්ධුපනිසං පාමොජ්ජං, තං බලවපීතියා පච්චයො හොති. බලවපීති දරට්ඨපට්ඨපස්සද්ධියා, සා අප්පනාපුබ්බහාගසුබස්ස, තං සුඛං පාදකජ්ඣානසමාධිස්ස. සො සමාධිනා චිත්තකල්ලතං ජනෙත්වා තරුණවිපස්සනාය කම්මං කරොති. ඉච්චස්ස පාදකජ්ඣානසමාධි තරුණවිපස්සනාය පච්චයො හොති, තරුණවිපස්සනා බලවවිපස්සනාය, බලවවිපස්සනා මග්ගස්ස, මග්ගො ඵලවිමුත්තියා, ඵලවිමුත්ති පච්චවෙක්ඛණඤාණස්සාති. ඵලං දෙවස්ස අනුපුබ්බෙන සාගරං පුරෙත්වා ධීතකාලො විය ඛිණාසවස්ස විමුත්තිසාගරං පුරෙත්වා ධීතකාලො වෙදිතබ්බොති. තතියං.

4. අඤ්ඤාතිත්ථියසුත්තවණ්ණනා

24. චතුත්ථෙ පාච්ඡිති පට්ට්ඨො. සො ච න තාව පට්ට්ඨො, “පච්ඡිස්සාමී”ති නික්ඛන්තත්තා පන ඵලං වුත්තො. යථා කිං? යථා “ගාමං ගමිස්සාමී”ති නික්ඛන්තපුරිසො තං ගාමං අප්පත්තොපි “කහං ඉත්ථන්තාමො”ති වුත්තෙ “ගාමං ගතො”ති වුච්චති, ඵලං. අනිජ්ජගොති තදා කිර ථෙරස්ස අනිජ්ජගොයෙව නික්ඛන්තදිවසො අහොසි, අනිජ්ජගොයෙව නික්ඛන්තහික්ඛු බොධියඬගණෙ වෙනියඬගණෙ නිවාසනපාරුපනට්ඨානෙන ඉමෙසු යානෙසු යාව භික්ඛාචාරවෙලා හොති, තාව පපඤ්චං කරොන්ති. ථෙරස්ස පන “යාව භික්ඛාචාරවෙලා හොති, තාව පරිබ්බාජකෙහි සද්ධිං ඵකද්වෙකථාචාරෙ කරිස්සාමී”ති චිත්තයතො යංනුනාහන්ති ඵතදහොසි. පරිබ්බාජකානං ආරාමොති සො කිර ආරාමො දක්ඛිණද්වාරස්ස ච වෙළවනස්ස ච අන්තරා අහොසි. ඉධාති ඉමෙසු චතුසු වාදෙසු. කිංවාදී කිමක්ඛායීති කිං වදති කිං ආචික්ඛති, කිං ඵත්ථ සමණස්ස ගොතමස්ස දස්සනන්ති පුච්ඡන්ති. ධම්මස්ස වානුධම්මං බ්‍යාකරෙය්‍යාමාති, හොතා ගොතමෙන යං වුත්තං කාරණං, තස්ස අනුකාරණං කථෙය්‍යාම. සහධම්මීකො වාදානුපාතොති පරෙහි වුත්තකාරණෙන සකාරණො හුත්වා සමණස්ස ගොතමස්ස වාදානුපාතො වාදප්පවත්ති විඤ්ඤාහි ගරහිතබ්බං කාරණං කොචි අප්පමත්තකොපි කථං.

නාගච්ඡෙය්‍යා? ඉදං වුත්තං හොති – කථං සබ්බාකාරොනපි සමණස්ස ගොතමස්ස වාදෙ ගාරය්‍යං කාරණං න භවෙය්‍යාති?

ඉති වදන්ති එස්සපච්චයා දුක්ඛන්ති එවං වදන්තොති අත්ථො. තත්‍රාති තෙසු චතුසු වාදෙසු. තෙ චත අඤ්ඤත්‍රු එස්සාති ඉදං “තදපි එස්සපච්චයා”ති පටිඤ්ඤාය සාධකච්චනං. යස්මා හි න විනා එස්සෙන දුක්ඛපටිසංවෙදනා අත්ථී, තස්මා ජාතිතබ්බමෙතං යථා “තදපි එස්සපච්චයා”ති අයමෙත්ථ අධිජ්ජායො.

සාධු, සාධු, ආනන්දාති අයං සාධුකාරො සාරිපුත්තත්ථෙරස්ස දින්නො, ආනන්දත්ථෙරෙන පන සද්ධිං භගවා ආමන්තෙසි. එකමිදාහන්ති එත්ථ ඉධාති නිපාතමත්තං, එකං සමයන්ති අත්ථො. ඉදං වචනං “න කෙවලං සාරිපුත්තොව රාජගහං පටිට්ඨො, අහමිපි පාවිසිං. න කෙවලඤ්ච තස්සෙවායං විතක්කො උජ්ජන්තො, මය්හමිපි උජ්ජජ්ජි. න කෙවලඤ්ච තස්සෙව සා තිත්ථීයෙහි සද්ධිං කථා ජාතා, මය්හමිපි ජාතපුබ්බා”ති දස්සනත්ථං වුත්තං.

අච්ඡරියං අබ්භුතන්ති උභයමිපෙතං විමහයදීපනමෙව. වචනත්ථො පනෙත්ථ අච්ඡරං පහරිතුං යුත්තන්ති අච්ඡරියං. අභුතපුබ්බං භුතන්ති අබ්භුතං. එකෙන පදෙනාති “එස්සපච්චයා දුක්ඛ”න්ති ඉමිනා එකෙන පදෙන. එතෙන හි සබ්බවාදානං පටික්ඛෙපත්ථො වුත්තො. එසෙවත්ථොති එසොයෙව එස්සපච්චයා දුක්ඛන්ති පටිච්චසමුප්පාදත්ථො. තඤ්ඤෙවෙත්ථ පටිභාතුති තඤ්ඤෙවෙත්ථ උපට්ඨාතු. ඉදාති ථෙරො ජරාමරණාදිකාය පටිච්චසමුප්පාදකථාය තං අත්ථගමිභීරඤ්ඤෙව ගමිභීරාවහාසඤ්ච කරොන්තො සෙව මං, හන්තෙතිආදිං වත්වා යංමුලකා කථා උජ්ජන්තා, තදෙව පදං ගහෙත්වා විවට්ඨං දස්සෙන්නො ඡන්තංත්ථෙවාතිආදිමාහ. සෙසං උත්තානමෙවාති. චතුත්ථං.

5. භූමිපසුත්තවණ්ණනා

25-26. පඤ්චමෙ භූමිජාති තස්ස ථෙරස්ස නාමං. සෙසමිධාපි පුරිමසුත්තෙ වුත්තනයෙනෙව වෙදිතබ්බං. අයං පන විසෙසො – යස්මා ඉදං සුබ්බදුක්ඛං න කෙවලං එස්සපච්චයා උජ්ජජ්ජති, කායෙනපි කරියමානං කරියති, වාචායපි මනසාපි, අත්තනාපි කරියමානං කරියති, පරෙනපි කරියමානං කරියති, සම්පජානෙනපි කරියමානං කරියති, අසම්පජානෙනපි, තස්මා තස්ස අපරමිපි පච්චයවිසෙසං දස්සෙතුං කායෙ වා භානන්ද, සතීතිආදිමාහ. කායසඤ්ඤෙවතනාහෙතුති කායද්වාරෙ උජ්ජන්තවෙතනාහෙතු. වචිසඤ්ඤෙවතනාමනොසඤ්ඤෙවතනාසුපි එසෙව නයො. එත්ථ ච කායද්වාරෙ

කාමාවචරකුසලාකුසලවසෙන විසති වෙනනා ලබ්භන්ති, තථා වච්ඡ්වාරෙ. මනොද්චාරෙ නවහි රුපාරූපවෙනනාහි සද්ධිං එකුනතිංසාති තීසු ද්චාරෙසු එකුනසත්තති වෙනනා භොන්ති, තප්පච්චයං විපාකසුඛදුක්ඛං දස්සිතං. අවිජ්ජාපච්චයා වාති ඉදං තාපි වෙනනා අවිජ්ජාපච්චයා භොන්තිති දස්සනත්ථං වුත්තං. යස්මා පන තං යථාවුත්තවෙනනාහෙදං කායසංඛාරඤ්චෙව වච්ඡංඛාරඤ්ච මනොසංඛාරඤ්ච පරෙහි අනුස්සාහිතො සාමං අසංඛාරිකචිත්තෙන කරොති, පරෙහි කාරියමානො සංඛාරිකචිත්තෙනාපි කරොති, “ඉදං නාම කම්මං කරොති, තස්ස ඵලරූපො නාම විපාකො භවිස්සති”ති, ඵලං කම්මඤ්ච විපාකඤ්ච ජානන්තොපි කරොති, මාතෘපිතුසු චෙතියවන්දනාදීනි කරොන්තෙසු අනුකරොන්තා දාරකා විය කෙවලං කම්මමෙව ජානන්තො “ඉමස්ස පන කම්මස්ස අයං විපාකො”ති විපාකං අජානන්තොපි කරොති, තස්මා තං දස්සෙතුං සාමං වා තං, ආනන්ද, කායසංඛාරං අභිසංඛාරොතිතිආදී වුත්තං.

ඉමෙසු, ආනන්ද, ධම්මෙසුති යෙ ඉමෙ “සාමං වා තං, ආනන්ද, කායසංඛාරං”න්තිආදීසු චතුසු යානෙසු වුත්තා ඡස්සත්තති ද්වෙසනා වෙනනාධම්මා, ඉමෙසු ධම්මෙසු අවිජ්ජා උපනිස්සයකොටියා අනුපතිතා. සබ්බෙහි හි තෙ “අවිජ්ජාපච්චයා සංඛාරා”ති එත්ථෙව සංඛිග්ගං ගච්ඡන්ති. ඉදානි විවට්ටං දස්සෙන්නො අවිජ්ජාය ත්වෙවාතිආදිමාහ. සො කායො න භොතිති යස්මිං කායෙ සති කායසඤ්චෙතනාපච්චයං අජ්ඣාත්තං සුඛදුක්ඛං උප්පජ්ජති, සො කායො න භොති. වාචාමනෙසුපි එසෙව නයො. අපිච කායොති වෙනනාකායො, වාචාපි වෙනනාවාචා, මනොපි කම්මමනොයෙව. ද්වාරකායො වා කායො. වාචාමනෙසුපි එසෙව නයො. ඛිණ්ණාසවො චෙතියං වන්දති, ධම්මං භණ්ති, කම්මට්ඨානං මනසි කරොති, කථමස්ස කායාදයො න භොන්තිති? අවිපාකත්තා. ඛිණ්ණාසවෙන හි කතං කම්මං නෙව කුසලං භොති නාකුසලං. අවිපාකං හුත්වා කිරියාමත්තෙ තිට්ඨති, තෙනස්ස තෙ කායාදයො න භොන්තිති වුත්තං.

බ්බත්තං තං න භොතිතිආදීසුපි විරුහනට්ඨෙත තං බ්බත්තං න භොති, පතිට්ඨානට්ඨෙත වත්ථු න භොති, පච්චයට්ඨෙත ආයතනං න භොති, කාරණට්ඨෙත අධිකරණං න භොති. සඤ්චෙතනාමූලකඤ්චි අජ්ඣාත්තං සුඛදුක්ඛං උප්පජ්ජෙය්‍යා, සා සඤ්චෙතනා එතෙසං විරුහනාදීනං අත්ථානං අභාවෙන තස්ස සුඛදුක්ඛස්ස නෙව බ්බත්තං, න වත්ථු න ආයතනං, න

අධිකරණං භොතීති. ඉමස්මිං සුත්තෙ වෙදනාදීසු සුඛදුක්ඛමෙව කථිතං, තඤ්ච ඛො විපාකමෙවාති. පඤ්චමං.

ජට්ඨං උපවාණසුත්තං උත්තානමෙව. එත්ථ පන වට්ටදුක්ඛමෙව කථිතන්ති. ජට්ඨං.

7. පච්චයසුත්තවණ්ණනා

27-28. සත්තමෙ පටිපාටියා චුත්තෙසු පරියොසානපදං ගහෙත්වා කතමඤ්ච, භික්ඛවෙ, ජරාමරණන්තිආදි චුත්තං. එවං පච්චයං පජානාතීති එවං දුක්ඛසච්චවසෙන පච්චයං ජානාති. පච්චයසමුදයාදයොපි සමුදයසච්චාදීනංයෙව වසෙන වෙදිතඛිඛා. දිට්ඨිසම්පන්නොති මග්ගදිට්ඨියා සම්පන්නො. දස්සනසම්පන්නොති තස්සෙව වෙවචනං. ආගතො ඉමං සද්ධම්මන්ති මග්ගසද්ධම්මං ආගතො. පස්සතීති මග්ගසද්ධම්මමෙව පස්සති. සෙක්ඛෙන ඤාණෙනාති මග්ගඤාණෙනෙව. සෙක්ඛාය විජ්ජායාති මග්ගවිජ්ජාය එව. ධම්මසොතං සමාපන්නොති මග්ගසඛිඛාතමෙව ධම්මසොතං සමාපන්නො. අරියොති පුපුජ්ජනභූමිං අතික්කන්තො. නිබ්බේධිකපඤ්ඤාති නිබ්බේධිකපඤ්ඤාය සමන්තාගතො. අමතද්වාරං ආභවිව තිට්ඨතීති අමතං නාම නිබ්බානං, තස්ස ද්වාරං අරියමග්ගං ආභවිව තිට්ඨතීති. අට්ඨමං උත්තානමෙව. සත්තමඅට්ඨමාති.

9. සමණත්වාභ්මණසුත්තවණ්ණනා

29-30. නවමං අක්ඛරභාණකානං භික්ඛූනං අජ්ඣාසයෙන චුත්තං. තෙ හි පරීති උපසග්ගං පක්ඛිපිත්වා වුච්චමානෙ පටිවිජ්ඣිතුං සක්කොන්ති. නවමං.

දසමෙ සබ්බං උත්තානමෙව. ඉමෙසු ද්වීසු සුත්තෙසු චතුසච්චපට්ඨෙවොව කථිතො. දසමං.

දසබලවග්ගො තතියො.

4. කළාරඛත්තියවග්ගො

1. භූතසුත්තවණ්ණනා

31. කළාරඛත්තියවග්ගස්ස පට්ඨමෙ අජිතපඤ්ඤෙති අජිතමාණවෙන පුච්ඡිතපඤ්ඤෙ. සඛිඛාතධම්මාසෙති සඛිඛාතධම්මා වුච්චන්ති ඤාතධම්මා තුලිතධම්මා තීරිතධම්මා. සෙක්ඛාති සත්ත සෙක්ඛා. පුපුති තෙයෙව සත්ත

ජනෙ සන්ධාය පුට්ඨි වුත්තං. ඉධානි ඉමස්මිං සාසනෙ. නිපකොති නෙපක්කං වුව්වති පඤ්ඤා, තාය සමන්තාගතත්තා නිපකො, ත්වං පණ්ඩිතො පබ්බතී යාවති. ඉරියන්ති වුත්තිං ආචාරං ගොචරං විහාරං පටිපත්තිං. මාරිසානි භගවන්තං ආලපති. සෙක්ඛානඤ්ච සඬබ්බානධම්මානඤ්ච බ්ණ්ණාසවානඤ්ච පටිපත්තිං මයා පුච්ඡිතො පණ්ඩිත, මාරිස, මය්හං කථෙහීති අයමෙත්ථ සඬබ්බෙපත්ථො.

තුණ්හී අහොසීති කස්මා යාව තතියං පුට්ඨො තුණ්හී අහොසි? කිං පඤ්ඤෙ කඬබ්බති, උදාහු අජ්ඣාසයෙති? අජ්ඣාසයෙ කඬබ්බති, නො පඤ්ඤෙ. එවං කිරස්ස අහොසි - “සත්ථා මං සෙක්ඛාසෙක්ඛානං ආගමනීයපටිපදං කථාපෙතුකාමො; සා ච ඛන්ධවසෙන ධාතුචසෙන ආයතනවසෙන පච්චයාකාරවසෙනාති බහුහි කාරණෙහි සක්කා කථෙතුං. කථං කථෙන්නො නු ඛො සත්ථු අජ්ඣාසයං ගහෙත්වා කථෙතුං සක්ඛිස්සාමී”ති? අථ සත්ථා වින්තෙසි - “යපෙත්වා මං අඤ්ඤො පත්තං ආදාය වරන්නො සාවකො නාම පඤ්ඤාය සාරිපුත්තසමො නත්ථී. අයම්පි මයා පඤ්ඤං පුට්ඨො යාව තතියං තුණ්හී එව. පඤ්ඤෙ නු ඛො කඬබ්බති, උදාහු අජ්ඣාසයෙ”ති. අථ “අජ්ඣාසයෙ”ති ඤත්වා පඤ්ඤකථනත්ථාය නයං දදමානො භූතමීදන්ති, සාරිපුත්ත, පස්සසීති ආහ.

තත්ථ භූතන්ති ජාතං නිබ්බත්තං, ඛන්ධපඤ්චකස්සෙතං නාමං. ඉති සත්ථා “පඤ්චක්ඛන්ධවසෙන, සාරිපුත්ත, ඉමං පඤ්ඤං කථෙහී”ති ථෙරස්ස නයං දෙති. සහනයදානෙන පන ථෙරස්ස තීරෙ ධීතපුරිසස්ස විවට්ඨො එකඬගණො මහාසමුද්දො විය නයසතෙන නයසහස්සෙන පඤ්ඤබ්බාකරණං උපට්ඨාසි. අථ නං බ්බාකරොන්නො භූතමීදන්ති, හන්තෙතිආදිමාහ. තත්ථ භූතමීදන්ති ඉදං නිබ්බත්තං ඛන්ධපඤ්චකං. සම්මජ්ජපඤ්ඤාය පස්සතිති සහ විපස්සනාය මග්ගපඤ්ඤාය සම්මා පස්සති. පටිපන්නො හොතීති සීලතො පට්ඨාය යාව අරහත්තමග්ගා නිබ්බිදාදීනං අත්ථාය පටිපන්නො හොති. තදාභාරසම්භවන්ති ඉදං කස්මා ආරහි? එතං ඛන්ධපඤ්චකං ආහාරං පටිච්ච යීතං, තස්මා තං ආහාරසම්භවං නාම කත්වා දස්සෙතුං ඉදං ආරහි. ඉති ඉමිනාපි පරියායෙන සෙක්ඛපටිපදා කථිතා හොති. තදාභාරනිරොධාති තෙසං ආහාරානං නිරොධෙන. ඉදං කස්මා ආරහි? තඤ්හි ඛන්ධපඤ්චකං ආහාරනිරොධා නිරුජ්ඣති, තස්මා තං ආහාරනිරොධසම්භවං නාම කත්වා දස්සෙතුං ඉදං ආරහි. ඉති ඉමිනාපි පරියායෙන සෙක්ඛස්සෙව පටිපදා කථිතා. නිබ්බිදාති ආදීති සබ්බානි කාරණවචනානීති වෙදිතබ්බානි. අනුපාදා විමුක්තොති චතුහි

උපාදානෙහි කඤ්චි ධම්මං අගභෙත්වා විමුත්තො. සාධු සාධුති ඉමිනා ථෙරස්ස ඛ්‍යාකරණං සම්පහංසෙත්වා සයම්පි තථෙව ඛ්‍යාකරොත්තො පුත “භූතමිදං”න්තිආදිමාහාති. පට්ඨමං.

2. කළාරසුත්තවණ්ණනා

32. දුතියෙ කළාරඛත්තියොති තස්ස ථෙරස්ස නාමං. දන්තා පනස්ස කළාරා විසමසණ්ඨානා, තස්මා “කළාරො”ති වුච්චති. භීනායාවත්තොති භීනස්ස ගිහිභාවස්ස අත්ථාය නිවත්තො. අස්සාසමලත්ථාති අස්සාසං අවස්සයං පතිට්ඨං න හි නූන අලත්ථ, තයො මග්ගෙ තීණි ව ඵලානි නූන නාලත්ථාති දීපෙති. යදි හි තාති ලභෙය්‍ය, න සික්ඛං පච්චක්ඛාය භීනායාවත්තෙය්‍යාති අයං ථෙරස්ස අධිජ්ජායො. න ඛ්වාහං, ආවුසොති අහං ඛො, ආවුසො, “අස්සාසං පත්තො, න පත්තො”ති න කඨිබ්බමි. ථෙරස්ස හි සාවකපාරමිඤ්ඤාණං අවස්සයො, තස්මා සො න කඨිබ්බති. ආයතිං පනාවුසොති ඉමිනා “ආයතිං පටිසන්ධි තුම්භාකං උග්ගාටිතා, න උග්ගාටිතා”ති අරහත්තජ්ජත්තිං පුච්ඡති. න ඛ්වාහං, ආවුසො, විචිකිච්ඡාමිති ඉමිනා ථෙරො තත්ථ විචිකිච්ඡාභාවං දීපෙති.

යෙන භගවා තෙනුපසඬකමිති “ඉමං සුතකාරණං භගවතො ආරොචෙස්සාමි”ති උපසඬකමි. අඤ්ඤා ඛ්‍යාකතාති අරහත්තං ඛ්‍යාකතං. ඛිණා ජාතීති න ථෙරෙන ඵලං ඛ්‍යාකතා, අයං පන ථෙරො තුට්ඨො පසන්තො ඵලං පදබ්‍යඤ්ජනාති ආරොපෙත්වා ආහ. අඤ්ඤතරං හික්ඛුං ආමන්තෙසීති තං සුත්වා සත්ථා චින්තෙසි – “සාරිපුත්තො ධිරො ගම්භිරො. න සො කෙනචි කාරණෙන ඵලං ඛ්‍යාකරිස්සති. සංඛිත්තෙන පන පඤ්ඤො ඛ්‍යාකතො භවිස්සති. පක්කොසාපෙත්වා නං පඤ්ඤං ඛ්‍යාකරාපෙස්සාමි”ති අඤ්ඤතරං හික්ඛුං ආමන්තෙසි.

සථෙ තං සාරිපුත්තාති ඉදං භගවා “න ඵස අත්තනො ධම්මතාය අඤ්ඤං ඛ්‍යාකරිස්සති, පඤ්ඤමෙනං පුච්ඡිස්සාමි, තං කථෙන්නොව අඤ්ඤං ඛ්‍යාකරිස්සති”ති අඤ්ඤං ඛ්‍යාකරාපෙතුං ඵලං පුච්ඡි. යංනිදානාවුසො, ජාතීති, ආවුසො, අයං ජාති නාම යංපච්චයා, තස්ස පච්චයස්ස ඛයා ඛිණස්මිං ජාතියා පච්චයෙ ජාතිසඬ්ඛාතං ඵලං ඛිණන්ති විදිතං. ඉධාපි ව ථෙරො පඤ්ඤො අකඨිබ්බිතා අජ්ඣාසයෙ කඨිබ්බති. ඵලං කිරස්ස අහොසි – “අඤ්ඤා නාම තණ්හා ඛිණා, උපාදානං ඛිණං, භවො ඛිණො, පච්චයො ඛිණො, කිලෙසා ඛිණාතිආදීහි බහුහි කාරණෙහි සක්කා ඛ්‍යාකාතුං, කථං කථෙන්නො පන සත්ථු අජ්ඣාසයං ගහෙතුං සක්ඛිස්සාමි”ති.

කිඤ්චාපි එවං අජ්ඣාසයෙ කඬ්ඛති, පඤ්භං පන අට්ඨපෙත්වා පච්චයාකාරවසෙන බ්‍යාකාසි. සත්ථාපි පච්චයාකාරවසෙනෙව බ්‍යාකරාපෙතුකාමො, තස්මා එස බ්‍යාකරොත්තොව අජ්ඣාසයං ගණ්ඨි. තාවදෙව “ගහිතො මෙ සත්ථු අජ්ඣාසයො”ති අඤ්ඤාසි. අට්ඨස්ස නයසතෙන නයසහස්සෙන පඤ්භබ්‍යාකරණං උපට්ඨාසි. යස්මා පන භගවා උත්තරි පඤ්භං පුච්ඡති, තස්මා තෙන තං බ්‍යාකරණං අනුමොදිතන්ති වෙදිතබ්බං.

කථං ජානතො පන තෙති ඉදං කස්මා ආරහි? සවිසයෙ සිහනාදං නදාපෙතුං. ථෙරො කිර සුකරනිබ්‍රාතලෙණද්වාරෙ දීඝනචපරිබ්බාජකස්ස වෙදනාපරිග්ගහසුත්තෙ කථියමානෙ තාලවණ්ටං ගහෙත්වා සත්ථාරං බීජයමානො යිතො තිස්සො වෙදනා පරිග්ගහෙත්වා සාවකපාරමීඤ්ඤාණං අධිගතො, අයමස්ස සවිසයො. ඉමස්මිං සවිසයෙ යිතො සිහනාදං නදිස්සතීති නං සන්ධාය සත්ථා ඉදං පඤ්භං පුච්ඡි. අනිච්චාති හුත්වා අභාවට්ඨෙයන අනිච්චා. යදනිච්චං තං දුක්ඛන්ති එත්ථ කිඤ්චාපි සුඛා වෙදනා යිතිසුඛා විපරිණාමදුක්ඛා, දුක්ඛා වෙදනා යිතිදුක්ඛා විපරිණාමසුඛා, අදුක්ඛමසුඛා ඤාණසුඛා අඤ්ඤාණදුක්ඛා, විපරිණාමකොට්ඨා පන සබ්බාව දුක්ඛා නාම ජාතා. විදිතන්ති යස්මා එවං වෙදනාත්තයං දුක්ඛන්ති විදිතං, තස්මා යා තත්ථ තණ්හා, සා න උපට්ඨාසිති දස්සෙති.

සාධු සාධුති ථෙරස්ස වෙදනාපරිච්ඡෙදජානනෙ සම්පහංසනං. ථෙරො හි වෙදනා එකාති වා ද්වෙ තිස්සො චතස්සොති වා අවුත්තෙපි චුත්තනයෙන තාසං තිස්සොති පරිච්ඡෙදං අඤ්ඤාසි, තෙන තං භගවා සම්පහංසන්තො එවමාහ. දුක්ඛස්මිත්ති ඉදං භගවා ඉමිනා අධිජ්ජායෙන ආහ – “සාරිපුත්ත, යං තයා ‘ඉමිනා කාරණෙන වෙදනාසු තණ්හා න උපට්ඨාසී’ති බ්‍යාකතං, තං සුබ්‍යාකතං. ‘තිස්සො වෙදනා’ති විහජන්තෙන පන තෙ අතිජ්ජපඤ්ඤො කතො, තං ‘දුක්ඛස්මි’න්ති බ්‍යාකරොත්තෙනෙපි හි තෙ සුබ්‍යාකතමෙව භවෙය්‍ය. යංකිඤ්චි වෙදයිතං, තං දුක්ඛන්ති ඤාතමත්තෙපි හි වෙදනාසු තණ්හා න තිට්ඨති”.

කථං විමොක්ඛාති කතරා විමොක්ඛා, කතරෙන විමොක්ඛෙන තයා අඤ්ඤා බ්‍යාකතාති අත්ථො? අජ්ඣත්තං විමොක්ඛාති අජ්ඣත්තවිමොක්ඛෙන, අජ්ඣත්තසඬ්ඛාරෙ පරිග්ගහෙත්වා පත්තඅරහත්තෙනාති අත්ථො. තත්ථ චතුක්කං වෙදිතබ්බං – අජ්ඣත්තං අහිනිවෙසො අජ්ඣත්තං වුට්ඨානං, අජ්ඣත්තං අහිනිවෙසො බහිද්ධා වුට්ඨානං, බහිද්ධා අහිනිවෙසො බහිද්ධා වුට්ඨානං, බහිද්ධා අහිනිවෙසො අජ්ඣත්තං වුට්ඨානන්ති. අජ්ඣත්තඤ්ඨි අහිනිවෙසිත්වා බහිද්ධාධම්මාපි දට්ඨබ්බායෙව, බහිද්ධා අහිනිවෙසිත්වා

අප්පකුත්තධම්මාපි. තස්මා කොච්ඡි භික්ඛු අප්පකුත්තං සඬ්ඛාරෙසු ඤාණං ඔතාරෙත්වා තෙ වචන්ථපෙත්වා බහිද්ධා ඔතාරෙති, බහිද්ධාපි පරිග්ගහෙත්වා පුන අප්පකුත්තං ඔතාරෙති, තස්ස අප්පකුත්ත සඬ්ඛාරෙ සම්මසනකාලෙ මග්ගවුට්ඨානං හොති. ඉති අප්පකුත්තං අභිනිවෙසො අප්පකුත්තං වුට්ඨානං නාම. කොච්ඡි අප්පකුත්තං සඬ්ඛාරෙසු ඤාණං ඔතාරෙත්වා තෙ වචන්ථපෙත්වා බහිද්ධා ඔතාරෙති, තස්ස බහිද්ධා සඬ්ඛාරෙ සම්මසනකාලෙ මග්ගවුට්ඨානං හොති. ඉති අප්පකුත්තං අභිනිවෙසො බහිද්ධා වුට්ඨානං නාම. කොච්ඡි බහිද්ධා සඬ්ඛාරෙසු ඤාණං ඔතාරෙත්වා, තෙ වචන්ථපෙත්වා අප්පකුත්තං ඔතාරෙති, අප්පකුත්තම්පි පරිග්ගහෙත්වා පුන බහිද්ධා ඔතාරෙති, තස්ස බහිද්ධා සඬ්ඛාරෙ සම්මසනකාලෙ මග්ගවුට්ඨානං හොති. ඉති බහිද්ධා අභිනිවෙසො බහිද්ධා වුට්ඨානං නාම. කොච්ඡි බහිද්ධා සඬ්ඛාරෙසු ඤාණං ඔතාරෙත්වා තෙ වචන්ථපෙත්වා අප්පකුත්තං ඔතාරෙති, තස්ස අප්පකුත්තසඬ්ඛාරෙ සම්මසනකාලෙ මග්ගවුට්ඨානං හොති. ඉති බහිද්ධා අභිනිවෙසො අප්පකුත්තං වුට්ඨානං නාම. තත්ත්වං ථෙරො “අප්පකුත්තසඬ්ඛාරෙ පරිග්ගහෙත්වා තෙසං වචන්ථානකාලෙ මග්ගවුට්ඨානෙන අරහත්තං පත්තොස්මි”ති දස්සෙත්තො අප්පකුත්තං විමොක්ඛා බ්වාහං, ආවුසොති ආහ.

සබ්බුපාදානක්ඛයාති සබ්බෙසං චතුත්තම්පි උපාදානානං බයෙන. තථා සතො විහරාමීති තෙනාකාරෙන සතියා සමන්තාගතො විහරාමි. යථා සතං විහරන්තන්ති යෙනාකාරෙන මං සතියා සමන්තාගතං විහරන්තං. ආසවා නානුස්සවන්තීති චක්ඛුතො රූපෙ සවන්ති ආසවන්ති සන්දන්ති පවත්තන්තීති එවං ඡහි ද්වාරෙහි ඡසු ආරම්මණෙසු සවනධම්මා කාමාසවාදයො ආසවා නානුස්සවන්ති නානුස්සවධිසන්ති, යථා මෙ න උප්පජ්ජන්තීති අත්ථො. අත්තානඤ්ච නාවජානාමීති අත්තානඤ්ච න අවජානාමි. ඉමිනා ඔමානපහානං කට්ඨං. එවඤ්ච සති පජානනා පසන්තා හොති.

සමණෙනාති බුද්ධසමණෙන. තෙස්වාහං න කඬ්ඛාමීති තෙසු අහං “කතරො කාමාසවො, කතරො භවාසවො, කතරො දිට්ඨාසවො, කතරො අවිජ්ජාසවො”ති එවං සරූපහෙදතොපි, “චත්තාරො ආසවා”ති එවං ගණනපරිච්ඡෙදතොපි න කඬ්ඛාමි. තෙ මෙ පහිනාති න විචිකිච්ජාමීති තෙ මය්හං පහිනාති විචිකිච්ජං න උප්පාදෙමි. ඉදං භගවා “එවං බ්‍යාකරොත්තෙනපි තයා සුබ්‍යාකතං භවෙය්‍ය ‘අප්පකුත්තං විමොක්ඛා බ්වාහං, ආවුසො’ති ආදීනි පන තෙ වදන්තෙන අතිප්පසඤ්චො කතො”ති දස්සෙත්තො ආහ.

උට්ඨායාසනා විහාරං පාවිසීති පඤ්ඤත්තවරබුද්ධාසනතො උට්ඨහිත්වා විහාරං අත්තොමහාගන්ධකුට්ඨං පාවිසී අසම්භින්නාය එව පරිසාය. කස්මා? බුද්ධා හි අනිට්ඨිතාය දෙසනාය අසම්භින්නාය පරිසාය උට්ඨායාසනා ගන්ධකුට්ඨං පවිසන්තා පුග්ගලථොමනත්ථං වා පවිසන්ති ධම්මථොමනත්ථං වා. තත්ථ පුග්ගලථොමනත්ථං පවිසන්තො සත්ථා එවං වින්තෙසි - “ඉමං මයා සංඛිත්තෙන උද්දෙසං උද්දිට්ඨං විත්ථාරෙන ව අවිහත්තං ධම්මපටිග්ගාහකා භික්ඛු උග්ගහෙත්වා ආනන්දං වා කච්චායනං වා උපසඬකමිත්වා පුච්ඡස්සන්ති, තෙ මය්හං ඤාණෙන සංසන්දෙත්වා කථෙස්සන්ති, තතොපි ධම්මපටිග්ගාහකා පුන මං පුච්ඡස්සන්ති. තෙසමහං ‘සුකථිතං, භික්ඛවෙ, ආනන්දෙන, සුකථිතං කච්චායනෙන, මං වෙපි තුම්හෙ එතමත්ථං පුච්ඡෙය්‍යාථ, අහමිපි නං එවමෙව ඛ්‍යාකරෙය්‍ය’න්ති එවං තෙ පුග්ගලෙ ථොමෙස්සාමි. තතො තෙසු ගාරවං ජනෙත්වා භික්ඛු උපසඬකමිස්සන්ති, තෙපි භික්ඛු අත්ථෙ ව ධම්මෙ ව නියොජෙස්සන්ති, තෙ තෙහි නියොජිතා තිස්සො සික්ඛා පරිපුරෙත්වා දුක්ඛස්සන්තං කරිස්සන්ති” ති.

අථ වා පනස්ස එවං හොති - “එස මයි පක්කන්තෙ අත්තතො ආනුභාවං කරිස්සති, අථ නං අහමිපි තථෙව ථොමෙස්සාමි, තං මම ථොමනං සුත්වා ගාරවජාතා භික්ඛු ඉමං උපසඬකමිතබ්බං, වචනඤ්චස්ස සොතබ්බං සද්ධාතබ්බං මඤ්ඤිස්සන්ති, තං තෙසං හවිස්සති දීඝරත්තං හිතාය සුඛායා” ති ධම්මථොමනත්ථං පවිසන්තො එවං වින්තෙසි යථා ධම්මදායාදසුත්තෙ වින්තෙසි. තත්‍ර භිස්ස එවං අහොසි - “මයි විහාරං පටිට්ඨෙ ආමිසදායාදං ගරහන්තො ධම්මදායාදඤ්ච ථොමෙත්තො ඉමස්සංයෙව පරිසති නිසිත්තො සාරිපුත්තො ධම්මං දෙසෙස්සති, එවං ද්විත්තමිපි අම්හාකං එකජ්ඣාසයාය මනියා දෙසිතා අයං දෙසනා අග්ගා ව ගරුකා ව හවිස්සති පාසාණච්ඡත්තසදිසා” ති.

ඉධ පන ආයස්මත්තං සාරිපුත්තං උක්කංසෙත්වා පකාසෙත්වා යපෙතුකාමො පුග්ගලථොමනත්ථං උට්ඨායාසනා විහාරං පාවිසී. ඊදිසෙසු යානෙසු හගවා නිසින්නාසනෙයෙව අත්තරහිතො චිත්තගතියා විහාරං පවිසතීති වෙදිතබ්බො. යදි හි කායගතියා ගච්ඡෙය්‍ය, සබ්බා පරිසා හගවන්තං පරිවාරෙත්වා ගච්ඡෙය්‍ය, සා එකචාරං හින්තා පුන දුස්සන්තිපාතා හවෙය්‍යාති හගවා අදිස්සමානෙන කායෙන චිත්තගතියා එව පාවිසී.

එවං පටිට්ඨෙ පන හගවති හගවතො අධිජ්ජායානුරූපමෙව සීහනාදං නදිතුකාමො තත්‍ර ඛො ආයස්මා සාරිපුත්තො අවිරපක්කන්තස්ස හගවතො

භික්ඛු ආමන්තෙසි. පුබ්බෙ අප්පට්ඨං විදිතන්ති ඉදං නාම පුච්ඡස්සතිති පුබ්බෙ මයා අවිදිතං අඤ්ඤාතං. පයමං පඤ්ඤන්ති, “සචෙ තං, සාරිපුත්ත, එවං පුච්ඡෙය්‍යං කථං ජානතා පන තයා, ආවුසො සාරිපුත්ත, කථං පස්සතා අඤ්ඤා බ්‍යාකතා ඛිණා ජාති”ති ඉමං පයමං පඤ්ඤං. දන්ධායිතත්තන්ති සත්ථු ආසයජානනත්ථං දන්ධභාවො අසීසතා. පයමං පඤ්ඤං අනුමොදීති, “ජාති පනාවුසො සාරිපුත්ත, කිංනිදානා”ති ඉමං දුතියං පඤ්ඤං පුච්ඡන්තො, “යංනිදානාවුසො, ජාති”ති එවං විස්සජ්ජිතං පයමං පඤ්ඤං අනුමොදි.

එතදභොසීති හගවතා අනුමොදිතෙ නයසතෙන නයසහස්සෙන පඤ්ඤස්ස එකඨගණිකභාවෙන පාකට්ඨුතත්තා එතං අභොසි. දිවසම්පාහං හගවතො එතමත්ථං බ්‍යාකරෙය්‍යන්ති සකලදිවසම්පි අහං හගවතො එතං පටිච්චසමුප්පාදත්ථං පුට්ඨො සකලදිවසම්පි අඤ්ඤමඤ්ඤෙහි පදබ්‍යඤ්ජනෙහි බ්‍යාකරෙය්‍යං. යෙන හගවා තෙනුපසඨකම්ති එවං කිරස්ස අභොසි – “ථෙරො උළාරසීහනාදං නදති, සුකාරණං එතං, දසබලස්ස නං ආරොචෙස්සාමි”ති. තස්මා යෙන හගවා තෙනුපසඨකම්.

සා හි භික්ඛු සාරිපුත්තස්ස ධම්මධාතුති එත්ථ ධම්මධාතුති පච්චයාකාරස්ස විචට්ඨාවදස්සනසමත්ථං සාවකපාරමීඤ්ඤාණං. සාවකානඤ්ඤි සාවකපාරමීඤ්ඤාණං සබ්බඤ්ඤානඤ්ඤාණගතිකමෙව භොති. යථා බුද්ධානං අතීතානාගතපච්චුප්පන්තා ධම්මා සබ්බඤ්ඤානඤ්ඤාණස්ස පාකට්ඨා භොන්ති, එවං ථෙරස්ස සාවකපාරමීඤ්ඤාණං සබ්බෙපි සාවකඤ්ඤාණස්ස ගොචරධම්මෙ ජානාතීති. දුතියං.

3. ඤාණවත්ථුසුත්තවණ්ණනා

33. තතියෙ තං සුණාමාති තං ඤාණවත්ථුදෙසනං සුණාම. ඤාණවත්ථුනීති චෙත්ථ ඤාණමෙව ඤාණවත්ථුති වෙදිතබ්බං. ජරාමරණෙ ඤාණන්තිආදීසු චතුසු පයමං සවනමයඤ්ඤාණං සම්මසනඤ්ඤාණං පටිච්චෙධඤ්ඤාණං පච්චෙක්ඛණඤ්ඤාණන්ති චතුබ්බිධං වට්ටති, තථා දුතියං. තතියං පන යපෙත්වා සම්මසනඤ්ඤාණං තිව්ධමෙව භොති, තථා චතුත්ථං. ලොකුත්තරධම්මෙසු හි සම්මසනං නාම නත්ථි. ජාතියා ඤාණන්තිආදීසුපි එසෙව නයො. ඉමීනා ධම්මෙනාති ඉමීනා චතුසච්චධම්මෙන වා මග්ගඤ්ඤාණධම්මෙන වා.

දිට්ඨෙතාතිආදීසු දිට්ඨෙතාති ඤාණවත්ථුනා දිට්ඨෙන. විදිතෙනාති පඤ්ඤාය විදිතෙන. අකාලිකෙනාති කිඤ්චි කාලං අනතික්කම්ත්වා පටිච්චෙධානන්තරංයෙව ඵලදායකෙන. පත්තෙනාති අධිගතෙන.

පරියොගාළුහෙනාති පරියොගාහිනෙන පඤ්ඤාය අනුපච්චියෙන. අතීතානාගතෙ නයං නෙතීති “යෙ ඛො කෙවී” තිආදිනා නයෙන අතීතෙ ව අනාගතෙ ව නයං නෙති. එත්ථ ව න චතුසච්චධම්මෙන වා මග්ගඤ්ඤාණධම්මෙන වා සක්කා අතීතානාගතෙ නයං නෙතුං, චතුසච්චෙ පන මග්ගඤ්ඤාණෙන පටිවිද්ධෙ පරතො පච්චවෙක්ඛණඤ්ඤාණං නාම හොති. තෙන නයං නෙතීති වෙදිතබ්බා. අබ්භඤ්ඤංසුති අභිඅඤ්ඤංසු ජානිංසු. සෙය්‍යථාපාහං, එතරහීති යථා අහං එතරහි චතුසච්චවසෙන ජානාමි. අත්ථයෙ ඤාණන්ති අනුආයෙ ඤාණං, ධම්මඤ්ඤාණස්ස අනුගමනෙ ඤාණං, පච්චවෙක්ඛණඤ්ඤාණස්සෙතං නාමං. ධම්මෙ ඤාණන්ති මග්ගඤ්ඤාණං. ඉමස්මිං සුත්තෙ ඛිණ්ණාසවස්ස සෙක්ඛහුමි කථිතා හොති. තතියං.

4. දුතියඤ්ඤාණවත්ථුසුත්තවණ්ණනා

34. චතුත්ථෙ සත්තසත්තරීති සත්ත ව සත්තරි ව. බ්‍යඤ්ජනභාණකා කිර තෙ හික්ඛු, බහුබ්‍යඤ්ජනං කත්වා වුච්චමානෙ පටිච්ඡේදකිං සක්කොන්ති, තස්මා තෙසං අජ්ඣාසයෙන ඉදං සුත්තං වුත්තං. ධම්මට්ඨිතිඤ්ඤාණන්ති පච්චයාකාරෙ ඤාණං. පච්චයාකාරො හි ධම්මානං පවත්තිට්ඨිතිකාරණත්තා ධම්මට්ඨිතිති වුච්චති, එත්ථ ඤාණං ධම්මට්ඨිතිඤ්ඤාණං, එතස්සෙව ඡබ්බිධස්ස ඤාණස්සෙතං අධිවචනං. බයධම්මන්ති බයගමනසභාවං. වයධම්මන්ති වයගමනසභාවං. විරාගධම්මන්ති විරජ්ජනසභාවං. නිරොධධම්මන්ති නිරුජ්ඣනසභාවං. සත්තසත්තරීති එකෙකස්මිං සත්ත සත්ත කත්වා එකාදසස්ස පදෙස්ස සත්තසත්තරි. ඉමස්මිං සුත්තෙ විපස්සනාපටිච්ඡේදනා කථිතා. චතුත්ථං.

5. අවිජ්ජාපච්චයසුත්තවණ්ණනා

35. පඤ්චමෙ සමුදයො හොතීති සත්ථා ඉධෙව දෙසනං ඔසාපෙසි. කිංකාරණාති? දිට්ඨිගතිකස්ස ඔකාසදානත්ථං. තස්සඤ්ඤි පරිසති උපාරම්භවිත්තො දිට්ඨිගතිකො අත්ථි, යො පඤ්ඤං පුච්ඡිස්සති, අථස්සාහං විස්සජ්ජේස්සාමිති තස්ස ඔකාසදානත්ථං දෙසනං ඔසාපෙසි. නො කල්ලො පඤ්ඤොති අයුත්තො පඤ්ඤො. දුප්පඤ්ඤො එසොති අත්ථො. නනු ව “කතමං නු ඛො, හන්තෙ, ජරාමරණ”න්ති? ඉදං සුපුච්ඡිතන්ති. කිඤ්චාපි සුපුච්ඡිතං, යථා පන සතසහස්සග්ගතිකෙ සුවණ්ණථාලෙ වඩ්ඪිතස්ස සුභොජනස්ස මත්ථකෙ ආමලකමත්තෙපි ගුප්ඵිණ්ඩෙ යපිතෙ සබ්බං භොජනං දුබ්බොජනං හොති ඡඩ්ඛෙතබ්බං, එවමෙව “කස්ස ව පනිදං ජරාමරණ”න්ති? ඉමිනා

සත්තුපලද්ධිවාදපදෙන ගුප්තිණ්ඩෙන තං භොජනං දුබ්භොජනං විය අයම්පි සබ්බො දුප්පඤ්ඤා ජාතොති.

බ්‍රහ්මවරියවාසොති අරියමග්ගවාසො. තං ජීවං තං සරීරන්ති යස්ස හි අයං දිට්ඨි, සො “ජීවෙ උච්ඡිජ්ජමානෙ සරීරං උච්ඡිජ්ජති, සරීරෙ උච්ඡිජ්ජන්තෙ ජීවිතං උච්ඡිජ්ජති”ති ගණ්භාති. එවං ගණ්භතො සා දිට්ඨි “සත්තො උච්ඡිජ්ජති”ති ගහිතත්තා උච්ඡෙදදිට්ඨි නාම භොති. සචෙ පන සඬ්ඛාරාව උප්පජ්ජන්ති චෙව නිරුජ්ඣන්ති වාති ගණ්භෙය්‍ය, සාසනාවචරා සම්මාදිට්ඨි නාම භවෙය්‍ය. අරියමග්ගො ව නාමෙසො වට්ටං නිරොධෙන්තො වට්ටං සමුච්ඡින්නන්තො උප්පජ්ජති, තදෙව තං වට්ටං උච්ඡෙදදිට්ඨියා ගහිතාකාරස්ස සම්භවෙ සති විනාව මග්ගභාවනාය නිරුජ්ඣතිති මග්ගභාවනා නිරත්ථකා භොති. තෙන වුත්තං “බ්‍රහ්මවරියවාසො න භොති”ති.

දුතියනායෙ අඤ්ඤං ජීවං අඤ්ඤං සරීරන්ති යස්ස අයං දිට්ඨි, සො “සරීරං ඉධෙව උච්ඡිජ්ජති, න ජීවිතං, ජීවිතං පන පඤ්ඤාතො සකුණො විය යථාසුඛං ගච්ඡති”ති ගණ්භාති. එවං ගණ්භතො සා දිට්ඨි “ඉමස්මා ලොකා ජීවිතං පරලොකං ගත”න්ති ගහිතත්තා සස්සතදිට්ඨි නාම භොති. අයඤ්ච අරියමග්ගො තෙභූමකවට්ටං විවට්ටෙන්තො උප්පජ්ජති, සො එකසඬ්ඛාරොපි නිව්වෙ ධූවෙ සස්සතෙ සති උප්පන්නොපි වට්ටං විවට්ටෙතුං න සක්කොතිති මග්ගභාවනා නිරත්ථකා භොති. තෙන වුත්තං “අඤ්ඤං ජීවං අඤ්ඤං සරීරන්ති වා හික්ඛු දිට්ඨියා සති බ්‍රහ්මවරියවාසො න භොති”ති.

විසුකායිකානීතිආදි සබ්බං මිච්ඡාදිට්ඨිවෙච්චනාමෙව. සා හි සම්මාදිට්ඨියා විනිවිජ්ඣනට්ඨෙත විසුකම්ච අත්තානං ආවරණතො විසුකායිකං, සම්මාදිට්ඨිං අනනුවත්තිත්වා තස්සා විරොධෙන පවත්තනතො විසෙවිතං, කදාපි උච්ඡෙදස්ස කදාපි සස්සතස්ස ගහණතො විරූපං එන්දිතං විජ්ජන්දිතන්ති වූච්චති. තාලාවත්ථුකතානීති තාලවත්ථු විය කතානි, පුන අවිරුහණට්ඨෙත මත්ථකච්ඡින්නතාලො විය සමුලං තාලං උද්ධරිත්වා තස්ස පතිට්ඨිතට්ඨානං විය ච කතානීති අත්ථො. අනභාවංකතානීති අනුභාවං කතානීති. පඤ්චමං.

6. දුතියඅවිජ්ජාපච්චයසුත්තවණ්ණනා

36. ඡට්ඨෙ ඉති වා, හික්ඛවෙ, යො වදෙය්‍යාති තස්සං පරිසති දිට්ඨිගතිකො පඤ්ඤං පුච්ඡිතුකාමො අත්ථි, සො පන අවිසාරද්ධාතුකො උට්ඨාය දසබ්බං පුච්ඡිතුං න සක්කොති, තස්මා තස්ස අජ්ඣාසයෙන සයමෙව පුච්ඡිත්වා විස්සජ්ජෙන්තො සත්ථා එවමාහ. ඡට්ඨං.

7. නතුම්භසුත්තවණ්ණනා

37. සත්තමෙ න තුම්භාකන්ති අත්තනි හි සති අත්තනියං නාම හොති. අත්තායෙව ච නත්ථි, තස්මා “න තුම්භාක”න්ති ආහ. නපි අඤ්ඤාසන්ති අඤ්ඤා නාම පරෙසං අත්තා, තස්මිං සති අඤ්ඤාසං නාම සියා, සොපි නත්ථි, තස්මා “නපි අඤ්ඤාස”න්ති ආහ. පුරාණමිදං, භික්ඛවෙ, කම්මන්ති නයිදං පුරාණකම්මමෙව, පුරාණකම්මනිබ්බත්තො පනෙස කායො, තස්මා පච්චයවොහාරෙන එවං වුත්තො. අභිසංඛිතන්තිආදි කම්මවොහාරස්සෙව වසෙන පුරිමලිඛිගසභාගතාය වුත්තං, අයං පනෙත්ථ අත්ථො – අභිසංඛිතන්ති පච්චයෙහි කතොති දට්ඨබ්බො. අභිසංඤ්චෙනයිතන්ති චෙතනාවත්ථුකො චෙතනාමූලකොති දට්ඨබ්බො. වෙදනියන්ති වෙදනියවත්ථුති දට්ඨබ්බො. සත්තමං.

8. චෙතනාසුත්තවණ්ණනා

38. අට්ඨමෙ යඤ්ච, භික්ඛවෙ, චෙතෙතීති යං චෙතනං චෙතෙති, පචත්තෙතීති අත්ථො. යඤ්ච පකප්පෙතීති යං පකප්පනං පකප්පෙති, පචත්තෙතිච්චෙව අත්ථො. යඤ්ච අනුසෙතීති යඤ්ච අනුසයං අනුසෙති, පචත්තෙතිච්චෙව අත්ථො. එත්ථ ච චෙතෙතීති තෙභුමකකුසලාකුසලචෙතනා ගහිතා, පකප්පෙතීති අට්ඨසු ලොභසභගතචිත්තෙසු තණ්හාදිට්ඨිකප්පා ගහිතා, අනුසෙතීති ද්වාදසන්තං චෙතනානං සහජාතකොටියා වෙව උපනිස්සයකොටියා ච අනුසයො ගහිතො. ආරම්මණමෙතං හොතීති (චෙතනාදිධම්මජාතෙ සති කම්මවිඤ්ඤාණස්ස උප්පත්තියා අවාරිතත්තා) එතං චෙතනාදිධම්මජාතං පච්චයො හොති. පච්චයො හි ඉධ ආරම්මණන්ති අධිප්පෙතා. විඤ්ඤාණස්ස ධීතියාති කම්මවිඤ්ඤාණස්ස ධීතත්ථං. ආරම්මණෙ සතීති තස්මිං පච්චයෙ සති. පතිට්ඨා විඤ්ඤාණස්ස හොතීති තස්ස කම්මවිඤ්ඤාණස්ස පතිට්ඨා හොති. තස්මිං පතිට්ඨිතෙ විඤ්ඤාණෙති තස්මිං කම්මවිඤ්ඤාණෙ පතිට්ඨිතෙ. විරුළුගෙති කම්මං ජවාපෙත්වා පටිසන්ධිආකඨ්ඨනසමත්ථතාය නිබ්බත්තමූලෙ ජාතෙ. පුනඛ්භවාහිනිබ්බත්තීති පුනඛ්භවසංඛිතා අහිනිබ්බත්ති.

නො වෙ, භික්ඛවෙ, චෙතෙතීති ඉමිනා තෙභුමකචෙතනාය අප්පචත්තනක්ඛණො වුත්තො. නො වෙ පකප්පෙතීති ඉමිනා තණ්හාදිට්ඨිකප්පානං අප්පචත්තනක්ඛණො. අථ වෙ අනුසෙතීති ඉමිනා තෙභුමකවිපාකෙසු පරිත්තකිරියාසු රූපෙති එත්ථ අප්පහීනකොටියා අනුසයො

ගහිතො. ආරම්මණමෙනං හොතීති අනුසයෙ සති කම්මවිඤ්ඤාණස්ස උප්පත්තියා අවාරිතත්තා එතං අනුසයජාතං පච්චයොව හොති.

නො වෙව වෙනෙතීතිආදීසු පයම්පදෙ තෙභූමකකුසලාකුසලවෙනනා නිවත්තා, දුතියපදෙ අට්ඨසු චිත්තෙසු තණ්හාදිට්ඨියො, තතියපදෙ චුත්තජපකාරෙසු ධම්මෙසු යො අප්පහිනකොටියා අනුසයිතො අනුසයො, යො නිවත්තො.

අපිට්ඨත්ථ අසම්මොහත්ථං වෙනෙති පකප්පෙති අනුසෙති, වෙනෙති න පකප්පෙති අනුසෙති, න වෙනෙති න පකප්පෙති අනුසෙති, න වෙනෙති න පකප්පෙති න අනුසෙතීති ඉදම්පි චතුක්කං වෙදිතබ්බං. තත්ථ පයමනයෙ ධම්මපරිච්ඡෙදො දස්සිතො. දුතියනයෙ වෙනෙතීති තෙභූමකකුසලවෙනනා වෙව චතස්සො ව අකුසලවෙනනා ගහිතා. න පකප්පෙතීති අට්ඨසු චිත්තෙසු තණ්හාදිට්ඨියො නිවත්තා. අනුසෙතීති තෙභූමකකුසලෙ උපනිස්සයකොටියා, චතුසු අකුසලවෙනනාසු සහජාතකොටියා වෙව උපනිස්සයකොටියා ව අනුසයො ගහිතො. තතියනයෙ න වෙනෙතීති තෙභූමකකුසලාකුසලං නිවත්තං, න පකප්පෙතීති අට්ඨසු චිත්තෙසු තණ්හාදිට්ඨියො නිවත්තා, අනුසෙතීති සුත්තෙ ආගතං වාරෙත්වා තෙභූමකකුසලාකුසලවිපාකකිරියාරූපෙසු අප්පහිනකොටියා උපනිස්සයො ගහිතො. චතුත්ථනයො පුරිමසදිසොව.

තදප්පතිට්ඨිතෙති තස්මිං අප්පතිට්ඨිතෙ. අවිරුළුහෙති කම්මං ජවාපෙත්වා පටිසන්ධිආකඨ්ඨනසමත්ථතාය අනිබ්බත්තමුලෙ. එත්ථ පන කිං කථිතන්ති? අරහත්තමග්ගස්ස කිච්චං, බිණාසවස්ස කිච්චකරණන්තිපි නවලොකුත්තරධම්මානිපි වත්තුං වට්ටති. එත්ථ ව විඤ්ඤාණස්ස වෙව ආයතිං පුනබ්භවස්ස ව අන්තරෙ එකො සන්ධි, වෙදනාතණ්හානමත්තරෙ එකො, භවජාතීනමත්තරෙ එකොති. අට්ඨමං.

9. දුතියවෙනනාසුත්තවණ්ණනා

39. නවමෙ විඤ්ඤාණනාමරූපානං අන්තරෙ එකො සන්ධි, වෙදනාතණ්හානමත්තරෙ එකො, භවජාතීනමත්තරෙ එකොති. නවමං.

10. තතියවෙනනාසුත්තවණ්ණනා

40. දසමෙ නතීති තණ්හා. සා හි පියරූපෙසු රූපාදීසු නමනට්ඨෙන “නතී”ති වුවචති. ආගති ගති හොතීති ආගතිමිහි ගති හොති, ආගතෙ පච්චුපට්ඨිතෙ කම්මෙ වා කම්මනිමිත්තෙ වා ගහිනිමිත්තෙ වා පටිසන්ධිවසෙන විඤ්ඤාණස්ස ගති හොති. චුතුපපාතොති එවං විඤ්ඤාණස්ස ආගතෙ පටිසන්ධිවිසයෙ ගතියා

සති ඉතො වචනසංඛ්‍යාතා වුති, තත්ප්‍රපපත්තිසංඛ්‍යාතො උපපාතොති අයං වුතුපපාතො නාම හොති. එවං ඉමස්මිං සුත්තෙ නනියා ව ආගතිගතියා ව අන්තරෙ එකොව සන්ධි කථිතොති. දසමං.

කළාරඛත්තියවග්ගො වතුත්ථො.

5. ගහපතිවග්ගො

1. පඤ්චවෙරහයසුත්තවණ්ණනා

41. ගහපතිවග්ගස්ස පටිමෙ යතොති යදා. භයානි වෙරානීති භයවෙරවෙනනායො. සොතාපත්තියඛගෙහීති දුට්ඨං සොතාපත්තියා අඛගං, (සොතාපත්තියා ව අඛගං,) යං පුබ්බභාගෙ සොතාපත්තිපට්ඨාභාය සංවත්තති, “සප්පුරිසසංසෙවො සද්ධම්මස්සවනං යොනිසොමනසිකාරො ධම්මානුධම්මප්පටිපත්ති”ති (දී. නි. 3.311) එවං ආගතං, පටිලද්ධගුණස්ස ව සොතාපත්තිං පත්වා ධීතස්ස අඛගං, යං සොතාපත්තස්ස අඛගන්තිපි වුවචති, බුද්ධො අවෙච්චප්පසාදාදීනං එතං අධිවචනං. ඉදම්ධ අධිප්පෙතං. අරියොති නිද්දොසො නිරුපාරම්භො. ඤායොති පටිච්චසමුප්පන්නං ඤත්වා ධීතඤාණම්පි පටිච්චසමුප්පාදොපි. යථාහ – “ඤායො වුවචති පටිච්චසමුප්පාදො, අරියොපි අට්ඨඛිගිකො මග්ගො ඤායො”ති. පඤ්ඤායාති අපරාපරං උප්පන්නාය විපස්සනාපඤ්ඤාය. සුදිට්ඨො හොතිති අපරාපරං උප්පජ්ජිත්වා දස්සනවසෙන සුට්ඨු දිට්ඨො.

බිණ්ණනිරයොතිආදීසු ආයනිං තත්ථ අනුප්පජ්ජනතාය බිණ්ණා නිරයො මය්හන්ති සො අහං බිණ්ණනිරයො. එස නයො සබ්බත්ථ. සොතාපන්නොති මග්ගසොතං ආපන්නො. අවිනිපාතධම්මොති න විනිපාතසභාවො. නියතොති පටිමමග්ගසංඛ්‍යාතෙන සම්මත්තනියාමෙන නියතො. සම්බොධිපරායතොති උත්තරිමග්ගත්තයසංඛ්‍යාතො සම්බොධි පරං අයනං මය්හන්ති සොහං සම්බොධිපරායනො, තං සම්බොධිං අවස්සං අභිසම්බුජ්ඣනකොති අත්ථො.

පාණාතිපාතපච්චයාති පාණාතිපාතකම්මකාරණා. භයං වෙරන්ති අත්ථතො එකං. වෙරඤ්ච නාමෙතං දුට්ඨං හොති බාහිරං අජ්ඣත්තිකන්ති. එකෙන හි එකස්ස පිතා මාරිතො හොති, සො චින්තෙසි “එතෙන කිර මෙ පිතා මාරිතො, අහම්පි තංයෙව මාරෙස්සාමී”ති නිසිතං සත්ථං ආදාය වරති. යා තස්ස අඛිභන්තරෙ උප්පන්නවෙරවෙනනා, ඉදං බාහිරං වෙරං නාම. යා පන ඉතරස්ස “අයං කිර මං මාරෙස්සාමීති වරති, අහමෙව නං පටිමතරං මාරෙස්සාමී”ති

වෙනනා උප්පජ්ජති, ඉදං අජ්ඣත්තිකං වෙරං නාම. ඉදං තාව උභයමපි දිට්ඨධම්මිකමෙව. යා පන තං නිරයෙ උප්පන්නං දිස්වා “එතං පහරිස්සාමී”ති ජලිතං අයමුග්ගරං ගණ්හතො නිරයපාලස්ස වෙනනා උප්පජ්ජති, ඉදමස්ස සම්පරායිකං බාහිරවෙරං. යා චස්ස “අයං නිද්දොසං මං පහරිස්සාමීති ආගච්ඡති, අහමෙව නං පයමතරං පහරිස්සාමී”ති වෙනනා උප්පජ්ජති, ඉදමස්ස සම්පරායිකං අජ්ඣත්තවෙරං. යං පනෙතං බාහිරවෙරං, තං අට්ඨකථායං “පුග්ගලවෙර”න්ති වුත්තං. දුක්ඛං දොමනස්සන්ති අත්ථතො එකමෙව. යථා වෙත්ථ, එවං සෙසපදෙසුපි “ඉමිනා මම හණ්ඨං හටං, මය්හං දාරෙසු වාරිත්තං ආපන්නං, මුසා චත්වා අත්ථො හග්ගො, සුරාමදමත්තෙන ඉදං නාම කත”න්තිආදිනා නයෙන වෙරුප්පත්ති වෙදිතබ්බා. අවෙච්චප්පසාදෙනාති අධිගතෙන අවලප්පසාදෙන. අරියකත්තෙහීති පඤ්චහි සිලෙහි. තානි හි අරියානං කන්තානි පියානි. භවන්තරගතාපි අරියා තානි න විජහන්ති, තස්මා “අරියකත්තානී”ති වුව්චන්ති. සෙසමෙත්ථ යං චත්තබ්බං සියා, තං සබ්බං විසුද්ධිමග්ගෙ අනුස්සතිනිද්දෙසෙ වුත්තමෙව. පයමං.

2. දුතියපඤ්චවෙරභයසුත්තවණ්ණනා

42. දුතියෙ භික්ඛූනං කථිතභාවමත්තමෙව විසෙසො. දුතියං.

3. දුක්ඛසුත්තවණ්ණනා

43. තතියෙ දුක්ඛස්සාති වට්ඨදුක්ඛස්ස. සමුදයන්ති ද්වෙ සමුදයා ඛණිකසමුදයො ච පච්චයසමුදයො ච. පච්චයසමුදයං පස්සන්තොපි භික්ඛු ඛණිකසමුදයං පස්සති, ඛණිකසමුදයං පස්සන්තොපි පච්චයසමුදයං පස්සති. අත්ථභිගමොපි අච්චන්තත්ථභිගමො හෙදත්ථභිගමොති දුට්ඨො. අච්චන්තත්ථභිගමං පස්සන්තොපි හෙදත්ථභිගමං පස්සති, හෙදත්ථභිගමං පස්සන්තොපි අච්චන්තත්ථභිගමං පස්සති. දෙසෙස්සාමීති ඉදං වට්ඨදුක්ඛස්ස සමුදයඅත්ථභිගමං නිබ්බන්තිහෙදං නාම දෙසෙස්සාමි, තං සුඤ්ඤාථාති අත්ථො. පටිච්චාති නිස්සයවසෙන වෙච ආරම්මණවසෙන ච පච්චයං කත්වා. තිණ්ණං සභිගති එස්සොති තිණ්ණං සභිගතියා එස්සො. අයං බො, භික්ඛවෙ, දුක්ඛස්ස සමුදයොති අයං වට්ඨදුක්ඛස්ස නිබ්බන්ති නාම. අත්ථභිගමොති හෙදො. එවඤ්චි වට්ඨදුක්ඛං හින්තං හොති අප්පට්ඨසන්ධියං. තතියං.

4. ලොකසුත්තවණ්ණනා

44. චතුත්ථෙ ලොකස්සාති සඨ්ඛාරලොකස්ස. අයමෙත්ථ විසෙසො. චතුත්ථං.

5. ඤාතිකසුත්තවග්ගො

45. පඤ්චමෙ ඤාතිකෙති ද්විත්තං ඤාතකානං ගාමෙ. ගිඤ්ජකාවසංථෙති ඉට්ඨකාහි කතෙ මහාපාසාදෙ. ධම්මපරියායන්ති ධම්මකාරණං. උපස්සුතීති උපස්සුතිට්ඨානං, යං යානං උපගතෙන සක්කා හොති භගවතො සද්දං සොතුං, තත්ථ යිතොති අත්ථො. සො කිර ගන්ධකුට්පරිවෙණසම්මජ්ජනත්ථං ආගතො අත්තතො කම්මං පහාය භගවතො ධම්මසොසං සුණන්තො අට්ඨාසි. අද්දසාති තදා කිර භගවතො ආදිතොව පච්චයාකාරං මනසිකරොත්තස්ස “ඉදං ඉමිනා පච්චයෙන හොති, ඉදං ඉමිනා”ති ආවජ්ජතො යාව භවග්ගා එකච්චගණං අහොසි, සත්ථා මනසිකාරං පහාය වචසා සජ්ඣායං කරොත්තො යථානුසන්ධිනා දෙසනං නිට්ඨපෙත්වා, “අපි නු බො ඉමං ධම්මපරියායං කොචි අස්සොසි”ති ආවජ්ජෙත්තො තං භික්ඛුමද්දස. තෙන වුත්තං “අද්දසා බො භගවා”ති.

අස්සොසි නොති අස්සොසි නු. අථ වා අස්සොසි නොති අම්භාකං භාසන්තානං අස්සොසිති. උග්ගණ්භාහිතිආදීසු සුත්ථා තුණ්හිභූතොව පගුණං කරොත්තො උග්ගණ්භාති නාම. පදානුපදං සට්ඨෙත්වා වාචාය පරිචිතං කරොත්තො පරියාපුණාති නාම. උභයථාපි පගුණං ආධාරජ්ජත්තං කරොත්තො ධාරෙති නාම. අත්ථසංහිතොති කාරණනිස්සිතො. ආදිබ්‍රහ්මවරියකොති මග්ගබ්‍රහ්මවරියස්ස ආදි පතිට්ඨානභූතො. ඉති තීසුපි ඉමෙසු සුත්තෙසු වට්ඨවිවට්ඨමෙව කථිතං. පඤ්චමං.

6. අඤ්ඤතරත්‍රාග්ගො

46. ඡට්ඨෙ අඤ්ඤතරොති නාමවසෙන අපාකට්ඨා අඤ්ඤතරො ත්‍රාග්ගො. ඡට්ඨං.

7. ජාණුස්සොණිසුත්තවග්ගො

47. සත්තමෙ ජාණුස්සොණිති යානන්තරවසෙන එවංලද්ධනාමො අසිතිකොට්ඨිභවො මහාපුරොහිතො. සත්තමං.

8. ලොකායතිකසුත්තවග්ගො

48. අට්ඨමෙ ලොකායතිකොති විතණ්ඩසත්ථෙ ලොකායතෙ කතපරිවයො. ඡෙට්ඨමෙතං ලොකායතන්ති පඨමං ලොකායතං. ලොකායතන්ති ච ලොකස්සෙව ආයතං, බාලපුටුජ්ජනලොකස්ස ආයතං, මහන්තං ගම්භීරන්ති උපධාරිතබ්බං පරිත්තං භාවං දිට්ඨිගතං. එකත්තන්ති එකසභාවං,

නිව්වසභාවමෙවානි පුච්ඡති. පුපුත්තන්ති පුරිමසභාවෙන නානාසභාවං,
දෙවමනුස්සාදිභාවෙන පයමං හුත්වා පච්ඡා න භොතීති උච්ඡෙදං සන්ධාය
පුච්ඡති. එවමෙත්ථ “සබ්බමත්ථී, සබ්බමෙකත්ත”න්ති ඉමා ද්වෙපි
සස්සතදිට්ඨියො, “සබ්බං නත්ථී, සබ්බං පුපුත්ත”න්ති ඉමා ද්වෙ
උච්ඡෙදදිට්ඨියොති වෙදිතබ්බා. අට්ඨමං.

9. අරියසාවකසුත්තවණ්ණනා

49. නවමෙ කිං නු බොති සංසයුප්පත්තිආකාරදස්සනං. සමුදයතීති උප්පජ්ජති.
නවමං.

10. දුතියඅරියසාවකසුත්තවණ්ණනා

50. දසමෙ ද්වෙපි නයා එකතො වුත්තා. ඉදමෙව පුරිමෙන නානත්තං, සෙසං
තාදිසමෙවානි. දසමං.

ගහපතිවග්ගො පඤ්චමො.

6. දුක්ඛවග්ගො

1. පරිච්ඡිංසනසුත්තවණ්ණනා

51. දුක්ඛවග්ගස්ස පයමෙ පරිච්ඡිංසමානොති උපපරික්ඛමානො. ජරාමරණන්ති
කස්මා ජරාමරණං එකමෙව “අනෙකවිධං නානප්පකාරක”න්ති වත්වා
ගහිතන්ති වෙ? තස්මිං ගහිතෙ සබ්බදුක්ඛස්ස ගහිතත්තා. යථා හි වූළාය ගහිතෙ
පුරිසෙ සො පුරිසො ගහිතොව භොතී, එවං ජරාමරණෙ ගහිතෙ සබ්බදුක්ඛං
ගහිතමෙව භොතී. තස්මා “යං බො ඉදං අනෙකවිධං නානප්පකාරකං දුක්ඛං
ලොකෙ උප්පජ්ජති”ති න්හත්වා ඨිතං පුරිසං විය සබ්බදුක්ඛං දස්සෙත්වා තං
වූළාය ගණ්හන්තො විය ජරාමරණං ගණ්හී.

ජරාමරණනිරොධසාරුප්පගාමිනීති ජරාමරණනිරොධස්ස සාරුප්පභාවෙන
නික්කිලෙසතාය පරිසුද්ධතාය සදිසාව හුත්වා ගාමිනීති අත්ථො. තථා
පටිපන්නො ව භොතීති යථා තං පටිපන්නොති වුච්චති, එවං පටිපන්නො
භොතී. අනුධම්මචාරීති නිබ්බානධම්මං අනුගතං පටිපත්තිධම්මං චරති, පූරෙතීති
අත්ථො. දුක්ඛක්ඛයාය පටිපන්නොති සීලං ආදිං කත්වා ජරාමරණදුක්ඛස්ස
නිරොධත්ථාය පටිපන්නො. සඛ්ඛාරනිරොධායාති සඛ්ඛාරදුක්ඛස්ස
නිරොධත්ථාය. එත්තාවතා යාව අරහත්තා දෙසනා කථිතා.

ඉදානි අරහත්තඵලපච්චවෙක්ඛණං සත්තවිහාරඤ්ච දස්සෙත්වා දෙසනා නිවත්තෙතඛිබ්බා සියා, තථා අකත්වා අවිජ්ජාගතොති ඉදං කස්මා ගණ්භාතීති? ඛිණ්ණාසවස්ස සමතික්කන්තවට්ඨකුක්ඛදස්සනත්ථං. අපිච පුන වට්ඨං ආරහිත්වා විවට්ඨො කථියමානො බුජ්ඣනකසත්තො චෙත්ථ අත්ථී, තස්ස අජ්ඣාසයවසෙනාපි ඉදං ගණ්භාතීති වෙදිතඛිබ්බො. තත්ථ අවිජ්ජාගතොති අවිජ්ජාය ගතො උපගතො සමන්තාගතො. පුරිසපුග්ගලොති පුරිසොයෙව පුග්ගලො. උභයෙනාපි සම්මුතිකථං කථෙති. බුද්ධානඤ්චි සම්මුතිකථා පරමත්ථකථාති ද්වෙ කථා භොන්ති. තත්ථ “සත්තො නරො පුරිසො පුග්ගලො තිස්සො නාගො”ති එවං පවත්තා සම්මුතිකථා නාම. “ඛන්ධා ධාතුයො ආයතනානි”ති එවං පවත්තා පරමත්ථකථා නාම. පරමත්ථං කථෙන්නාපි සම්මුතිං අමුඤ්චිත්වා කථෙන්නි. තෙ සම්මුතිං කථෙන්නාපි පරමත්ථං කථෙන්නාපි සච්චමෙව කථෙන්නි. තෙනෙව වුත්තං -

“දුච්චෙ සච්චානි අක්ඛාසි, සම්බුද්ධො වදන්තං වරො;

සම්මුතිං පරමත්ථඤ්ච, තතියං නුපලඛිහති;

සඬකෙතච්චනං සච්චං, ලොකසම්මුතිකාරණං;

පරමත්ථච්චනං සච්චං, ධම්මානං භූතලක්ඛණං”න්ති.

පුඤ්ඤං චෙ සඬබ්බාරන්ති තෙරසචෙතනාහෙදං පුඤ්ඤාභිසඬබ්බාරං. අභිසඬබ්බරොතීති කරොති. පුඤ්ඤපභං භොති විඤ්ඤාණන්ති කම්මවිඤ්ඤාණං කම්මපුඤ්ඤෙන උපගතං සම්පයුත්තං භොති, විපාකවිඤ්ඤාණං විපාකපුඤ්ඤෙන. අපුඤ්ඤං චෙ සඬබ්බාරන්ති ද්වාදසචෙතනාහෙදං අපුඤ්ඤාභිසඬබ්බාරං අභිසඬබ්බරොති. ආනෙඤ්ජං චෙ සඬබ්බාරන්ති චතුචෙතනාහෙදං ආනෙඤ්ජාභිසඬබ්බාරං. ආනෙඤ්ජපභං භොති විඤ්ඤාණන්ති කම්මානෙඤ්ජෙන කම්මවිඤ්ඤාණං, විපාකානෙඤ්ජෙන විපාකවිඤ්ඤාණං උපගතං භොති. එත්ථ ච තිව්ධස්ස කම්මාභිසඬබ්බාරස්ස ගහිතත්තා ද්වාදසපදිකො පච්චයාකාරො ගහිතොව භොති. එත්තාවතා වට්ඨං දස්සිතං.

ඉදානි විවට්ඨං දස්සෙන්නො යතො ඛො, භික්ඛවෙතිආදිමාහ. තත්ථ අවිජ්ජාති චතුසු සච්චෙසු අඤ්ඤාණං. විජ්ජාති අරහත්තමග්ගඤ්ඤාණං. එත්ථ ච පට්ඨමෙව අවිජ්ජාය පභිනාය විජ්ජා උප්පජ්ජති. යථා පන චතුරඬ්ඨගෙපි තමෙ රත්තිං පදිපුජ්ජලෙන අත්ඨකාරො පභියති, එවං විජ්ජුජ්ජාදා අවිජ්ජාය පභානං වෙදිතඛිබ්බං. න කිඤ්චි ලොකෙ උපාදියතීති ලොකෙ කිඤ්චි ධම්මං න ගණ්භාති න පරාමසති. අනුපාදියං න පරිතස්සතීති අනුපාදියන්තො අගණ්භන්තො නෙව

තණ්හාපරිතස්සනාය, න භයපරිතස්සනාය පරිතස්සති, න තණ්හායති න භායතීති අත්ථො. පච්චත්තඤ්ඤෙඤාති සයමෙව අත්තනාව පරිනිබ්බායති, න අඤ්ඤස්ස ආනුභාවෙන.

සො සුඛං වෙ වෙදනන්ති ඉදං කස්මා ආරභි? ඛිණාසවස්ස පච්චවෙක්ඛණඤාණං දස්සෙත්වා සත්තවිහාරං දස්සෙතුං ආරභි. අනප්ඤ්ඤාසිතාති තණ්හාය ගිලිත්වා පරිනිට්ඨපෙත්වා අගභිතා. අථ දුක්ඛවෙදනා කස්මා චුත්තා, කිං තම්පි අභිනන්දන්තො අත්ථීති? ආම අත්ථී. සුඛං අභිනන්දන්තොයෙව හි දුක්ඛං අභිනන්දති නාම දුක්ඛං පත්වා සුඛං පත්ථනතො සුඛස්ස ව විපරිණාමදුක්ඛතොති. කායපරියන්තිකන්ති කායපරිච්ඡින්නං, යාව පඤ්චද්ඨාරකායො පවත්තති, තාව පවත්තං පඤ්චද්ඨාරිකවෙදනන්ති අත්ථො. ජීවිතපරියන්තිකන්ති ජීවිතපරිච්ඡින්නං. යාව ජීවිතං පවත්තති, තාව පවත්තං මනොද්ඨාරිකවෙදනන්ති අත්ථො.

තත්ථ පඤ්චද්ඨාරිකවෙදනා පච්ඡා උප්පජ්ජිත්වා පයමං නිරුජ්ඣති, මනොද්ඨාරිකවෙදනා පයමං උප්පජ්ජිත්වා පච්ඡා නිරුජ්ඣති. සා හි පටිසන්ධික්ඛණෙ වත්ථුරුපස්මිංයෙව පතිට්ඨාති. පඤ්චද්ඨාරිකා පවත්තෙ පඤ්චද්ඨාරවසෙන පවත්තමානා පයමවයෙ විසතිවස්සකාලෙ රජ්ජනදුස්සනමුය්හනවසෙන අධිමත්තා බලවතී හොති, පණ්ණාසවස්සකාලෙ ධීතා හොති, සට්ඨිවස්සකාලතො පට්ඨාය පරිභායමානා අසිතිනචුතිවස්සකාලෙ මන්දා හොති. තදා හි සත්තා “විරරත්තං එකතො නිසිදිම්භා නිපජ්ජිම්භා”ති වදන්තෙපි “න සඤ්ජානාමා”ති වදන්ති. අධිමත්තානිපි රූපාදිආරම්මණාති “න පස්සාම න සුණාම”, “සුගන්ධං දුග්ගන්ධං වා සාදුං අසාදුං වා ථද්ධං මුදුකන්ති වා න ජානාමා”ති වදන්ති. ඉති නෙසං පඤ්චද්ඨාරිකවෙදනා භග්ගා හොති, මනොද්ඨාරිකාව පවත්තති. සාපි අනුපුබ්බෙන පරිභායමානා මරණසමයෙ භදයකොට්ඨංයෙව නිස්සාය පවත්තති. යාව පනෙසා පවත්තති, තාව සත්තො ජීවතීති චුච්චති. යදා නප්පවත්තති, තදා මතො නිරුද්ධොති චුච්චති.

ස්වායමත්ථො වාපියා දීපෙතබ්බො –

යථා හි පුරිසො පඤ්චඋදකමග්ගසම්පන්නං වාපිං කරෙය්‍ය, පයමං දෙවෙ චුට්ඨෙ පඤ්චහි උදකමග්ගෙහි උදකං පවිසිත්වා අන්තොවාපියං ආවාටෙ පුරෙය්‍ය, පුනථපුනං දෙවෙ වස්සන්තෙ උදකමග්ගෙ පුරෙත්වා ගාචුතඬ්ඨයොජනමත්තං ඔත්ථරිත්වා උදකං තිට්ඨෙය්‍ය තතො තතො විස්සන්දමානං, අථ නිද්ධමනතුම්බෙ විවරිත්වා බෙත්තෙසු කම්මෙ කරියමානෙ උදකං නික්ඛමන්තං, සස්සපාකකාලෙ (උදකං නික්ඛමන්තං,) උදකං පරිභීනං

“මච්ඡෙ ගණ්හාමා”ති වත්තඛිබ්බතං ආපජ්ජෙය්‍ය, තතො කතිපාහෙන ආවාටෙසුයෙව උදකං සණ්ඨෙය්‍ය. යාව පන තං ආවාටෙසු හොති, තාව “මහාවාපියං උදකං අත්ථි”ති සඬ්ඛං ගච්ඡති. යදා පන තත්ථ ඡීජ්ජති, තදා “වාපියං උදකං නත්ථි”ති වුච්චති, එවංසම්පදමිදං වෙදිතඛිබ්බං.

පයමං දෙවෙ වස්සන්තෙ පඤ්චහි මග්ගෙහි උදකෙ පවිසන්තෙ ආවාටානං පුරණකාලො විය හි පයමමෙව පටිසන්ධික්ඛණේ මනොද්චාරිකවෙදනාය වත්ථුරුපෙ පතිට්ඨිතකාලො, පුනථපුනං දෙවෙ වස්සන්තෙ පඤ්චන්තං මග්ගානං පුරිතකාලො විය පවත්තෙ පඤ්චද්චාරිකවෙදනාය පවත්තිකාලො, ගාචුතඬ්ඨියොජනමත්තං අජ්ඣොත්ථරණං විය පයමවයෙ වීසතිවස්සකාලෙ රජ්ජනාදිවසෙන තස්සා අධිමත්තඛලවහාවො, යාව වාපිතො උදකං න නිග්ගච්ඡති, තාව පුරාය වාපියා ධීතකාලො විය පඤ්ඤාසවස්සකාලෙ තස්සා ධීතකාලො, නිද්ධමනතුම්ඛෙසු විවටෙසු කම්මන්තෙ කරියමානෙ උදකස්ස නික්ඛමනකාලො විය සට්ඨිවස්සකාලතො පටියාය තස්සා පරිහානි, උදකෙ භට්ඨෙ උදකමග්ගෙසු පරිත්තොදකස්ස ධීතකාලො විය අසීතිනචුතිවස්සකාලෙ පඤ්චද්චාරිකවෙදනාය මන්දකාලො, ආවාටෙසුයෙව උදකස්ස පතිට්ඨානකාලො විය හදයවත්ථුකොටිං නිස්සාය මනොද්චාරිකවෙදනාය පවත්තිකාලො, ආවාටෙසු පරිත්තෙපි උදකෙ සති “වාපියං උදකං අත්ථි”ති වත්තඛිබ්බකාලො විය යාව සා පවත්තති, තාව “සත්තො ඡීවතී”ති වුච්චති. යථා පන ආවාටෙසු උදකෙ ඡින්තෙ “නත්ථි වාපියං උදකං”න්ති වුච්චති, එවං මනොද්චාරිකවෙදනාය අප්පවත්තමානාය “සත්තො මතො”ති වුච්චති. ඉමං වෙදනං සන්ධාය වුත්තං “ඡීවිතපරියන්තිකං වෙදනං වෙදියමානො”ති.

කායස්ස හෙදාති කායස්ස හෙදෙන. ඡීවිතපරියාදානා උද්ධන්ති ඡීවිතක්ඛයතො උද්ධං. ඉධෙවාති පටිසන්ධිවසෙන පරතො අගන්ත්වා ඉධෙව. සීතීභවිස්සන්තීති පවත්තිවිජ්ජන්දදරථරහිතානි සීතානි අප්පවත්තනධම්මානි භවිස්සන්ති. සරිරානීති ධාතුසරිරානි. අවසිස්සන්තීති අවසිට්ඨානි භවිස්සන්ති.

කුම්භකාරපාකානි කුම්භකාරස්ස භාජනපවනට්ඨානතො. පටිසිස්සෙය්‍යානි ඨපෙය්‍ය. කපල්ලානීති සහ මුඛවට්ටියා එකාඛද්ධානි කුම්භකපල්ලානි. අවසිස්සෙය්‍යුන්ති තිට්ඨෙය්‍යුං. එවමෙව ඛොති එත්ථ ඉදං ඔපම්මසංසන්දනං — ආදිත්තකුම්භකාරපාකො විය හි තයො භවා දට්ඨඛිබ්බා, කුම්භකාරො විය යොගාවචරො, පාකතො කුම්භකාරභාජනානං නීහරණදණ්ඩකො විය අරහත්තමග්ගඤ්ඤාණං, සමො භූමිභාගො විය අසඬ්ඛතං නිඛිබ්බානතලං, දණ්ඩකෙන උණ්හකුම්භං ආකඬ්ඨිත්වා සමෙ භූමිභාගෙ කුම්භස්ස ඨපිතකාලො

විය ආරද්ධවිපස්සකස්ස රූපසත්තකං අරූපසත්තකං විපස්සන්තස්ස කම්මට්ඨානෙ ව පගුණෙ විභූතෙ උපට්ඨහමානෙ තථාරූපං උතුසප්පායාදිං ලහිත්වා එකාසනෙ නිසින්නස්ස විපස්සනං වඩ්ඤ්ඤාත්වා අග්ගඵලං අරහත්තං පත්වා චතුහි අපායෙහි අත්තභාවං උද්ධරිත්වා ඵලසමාපත්තිවසෙන අසඬ්ඛනෙ නිබ්බානතලෙ ඨිතකාලො දට්ඨබ්බො. ඛිණ්ණාසවො පන උණ්භකුම්භො විය අරහත්තප්පත්තදිවසෙයෙව න පරිනිබ්බාති, සාසනප්පවෙණිං පන සට්ඨමානො පණ්ණාසසට්ඨිවස්සාති යත්වා වර්මකචිත්තප්පත්තියා උපාදිණ්ණකක්ඛන්ධහෙදා අනුපාදිසෙසාය නිබ්බානධාතුයා පරිනිබ්බාති. අට්ඨස්ස කුම්භස්ස විය කපල්ලානි අනුපාදිණ්ණකසරීරානෙව අවසිස්සන්තීති. සරීරානි අවසිස්සන්තීති පජානාතීති ඉදං පන ඛිණ්ණාසවස්ස අනුයොගාරොපනත්ථං වුත්තං.

විඤ්ඤාණං පඤ්ඤායෙථාති පටිසන්ධිවිඤ්ඤාණං පඤ්ඤායෙථ. සාධු සාධුති ථෙරානං බ්‍යාකරණං සම්පහංසති. එවමෙතන්ති යදෙනං තිවිධෙ අභිසඬ්ඛාරෙ අසති පටිසන්ධිවිඤ්ඤාණස්ස අප්පඤ්ඤාණන්තිආදි, එවමෙව එතං. අධිමුච්චථාති සන්තිට්ඨානසඬ්ඛාතං අධිමොක්ඛං පටිලභථ. එසෙවන්තො දුක්ඛස්සාති අයමෙව වට්ටදුක්ඛස්ස අන්තො අයං පරිච්ඡෙදො, යදිදං නිබ්බානන්ති. පයමං.

2. උපාදානසුත්තවණ්ණනා

52. දුතියෙ උපාදානියෙසුති චතුත්තං උපාදානානං පච්චයෙසු තෙභූමකධම්මෙසු. අස්සාදානුපස්සිනොති අස්සාදං අනුපස්සන්තස්ස. තත්‍රාති තස්මිං අග්ගික්ඛන්ධෙ. තදාභාරොති තංපච්චයො. තදුපාදානොති තස්සෙව වෙච්චනං. එවමෙව බොති එත්ථ අග්ගික්ඛන්ධො විය හි තයො භවා, තෙභූමකවට්ටන්තිපි එතදෙව, අග්ගිජග්ගකපුරිසො විය වට්ටනිස්සිනො බාලපුටුප්පනො, සුක්ඛතිණගොමයාදිපක්ඛිපනං විය අස්සාදානුපස්සිනො පුටුප්පනස්ස තණ්හාදිවසෙන ඡහි ද්වාරෙහි කුසලාකුසලකම්මකරණං. තිණගොමයාදිසු ඛිණ්ණසු පුනප්පුනං තෙසං පක්ඛිපනෙන අග්ගික්ඛන්ධස්ස වඩ්ඤ්ඤාත්වා විය බාලපුටුප්පනස්ස උට්ඨාය සමුට්ඨාය යථාචුත්තකම්මායුහනෙන අපරාපරං වට්ටදුක්ඛනිබ්බත්තනං.

න කාලෙන කාලං සුක්ඛානි වෙච්ච තිණානි පක්ඛිපෙය්‍යාති තඤ්ඤි කොචි අත්ථකාමො එවං වදෙය්‍ය – “හො කස්මා උට්ඨාය සමුට්ඨාය කලාපෙ ඛන්ධිත්වා සුක්ඛතිණකට්ඨානං පච්ඡියඤ්ඤා පුරෙත්වා සුක්ඛගොමයාති

පක්ඛිපත්තො එතං අග්ගිං ජාලෙසි? අපි නු තෙ අත්ථි ඉතොනිදානං කාවි වඩ්ඪිති? වංසාගතමෙතං හො අමිභාකං, ඉතොනිදානං පන මෙ අවඩ්ඪියෙව, කුතො වඩ්ඪි? අහඤ්භි ඉමං අග්ගිං ජග්ගන්තො නෙව න්භායිතුං න භුඤ්ජිතුං න නිපජ්ජිතුං ලභාමිති. තෙන හි හො කිං තෙ ඉමිනා නිරත්ථකෙන අග්ගිජාලනෙන? එහි ත්වං එතානි ආහතානි තිණාදීනි එත්ථ නික්ඛිප, තානි සයමෙව ඤායිස්සන්ති, ත්වං පන අසුකස්මිං යානෙ සිතොදකා පොක්ඛරණි අත්ථි, තත්ථ න්භත්වා, මාලාගන්ධවිලෙපනෙහි අත්තානං මණ්ඩෙන්වා සුනිවත්ථො සුපාරුතොව පාදුකාහි නගරං පවිසිත්වා පාසාදවරමාරුශ්භ වාතපානං විවරිත්වා මහාවිථියං විරොවමානො නිසීද එකග්ගො සුඛසමජ්ජිතො හුත්වා, තත්ථ තෙ නිසින්නස්ස තිණාදීනං ඛයෙන සයමෙව අයං අග්ගි අප්පණ්ණත්තිභාවං ගමිස්සති”ති. සො තථා කරෙය්‍ය. තථෙව ච තත්ථ නිසින්නස්ස සො අග්ගි උපාදානක්ඛයෙන අප්පණ්ණත්තිභාවං ගවිජෙය්‍ය. ඉදං සන්ධායෙතං “න කාලෙන කාල”න්තිආදි වුත්තං.

එවමෙව බොති එත්ථ පන ඉදං ඔපම්මසංසන්දනං – වත්තාලිසාය කට්ඨවාහානං ජලමානො මහාඅග්ගික්ඛන්ධො විය හි තෙභූමකවට්ඨං දට්ඨබ්බං, අග්ගිජග්ගනකපුරිසො විය වට්ඨසන්තිස්සිතකො යොගාවචරො, අත්ථකාමො පුරිසො විය සම්මාසම්බුද්ධො, තෙන පුරිසෙන තස්ස දින්තඔවාදො විය තථාගතෙන “එහි ත්වං, හික්ඛු, තෙභූමකධම්මෙසු නිබ්බිත්ද, එවං වට්ඨදුක්ඛා මුච්චිස්සසි”ති තස්ස තෙභූමකධම්මෙසු කම්මට්ඨානස්ස කථිතකාලො, තස්ස පුරිසස්ස යථානුසිට්ඨං පටිපජ්ජිත්වා පාසාදෙ නිසින්නකාලො විය යොගිතො සුගතොවාදං සම්පට්ච්ජිත්වා සුඤ්ඤාගාරං පවිට්ඨස්ස තෙභූමකධම්මෙසු විපස්සනං පට්ඨපෙත්වා අනුක්කමෙන යථානුරූපං ආහාරසප්පායාදිං ලභිත්වා, එකාසනෙ නිසින්නස්ස අග්ගඵලෙ පතිට්ඨිතකාලො, තස්ස න්භානවිලෙපනාදිහි සුධොතමණ්ඩිතකායත්තා තස්මිං නිසින්නස්ස එකග්ගසුඛසමජ්ජිතකාලො විය යොගිතො අරියමග්ගපොක්ඛරණියං මග්ගඤාණොදකෙන සුන්භාතසුධොතකිලෙසමලස්ස හිරොත්තප්පසාටකෙ නිවාසෙන්වා සීලවිලෙපනානුලිත්තස්ස අරහත්තමණ්ඩනෙන අත්තභාවං මණ්ඩෙන්වා විමුත්තිපුප්ඵදාමං පිළන්ධිත්වා ඉද්ධිපාදපාදුකා ආරුශ්භ නිබ්බානනගරං පවිසිත්වා ධම්මපාසාදං ආරුශ්භ සතිපට්ඨානමහාවිථියං විරොවමානස්ස නිබ්බානාරම්මණං ඵලසමාපත්තිං අප්පෙත්වා නිසින්නකාලො. තස්ස පන පුරිසස්ස තස්මිං නිසින්නස්ස තිණාදීනං ඛයෙන අග්ගික්ඛන්ධස්ස අප්පණ්ණත්තිගමනකාලො විය ඛිණාසවස්ස යාවතායුකං යත්වා

උපාදිණ්ණකක්ඛන්ධහෙදෙන අනුපාදිසෙසාය නිබ්බානධාතුයා පරිනිබ්බුතස්ස මහාවට්ටවුපසමො දට්ඨබ්බො. දුතියං.

3. සංයොජනසුත්තවණ්ණනා

53. තතියෙ සංයොජනියෙසුති දසන්තං සංයොජනානං පච්චයෙසු. ඤායෙය්‍යාති ජලෙය්‍ය. තෙලං ආසිඤ්චෙය්‍ය වට්ටිං උපසංහරෙය්‍යාති දීපපටිජග්ගනත්ථං තෙලභාජනඤ්ච මහන්තඤ්ච වට්ටිකපාලං ගහෙත්වා සමීපෙ නිච්චං යිතොව තෙලෙ බීණෙ තෙලං ආසිඤ්චෙය්‍ය, වට්ටියා බීණාය වට්ටිං උපසංහරෙය්‍ය. සෙසමෙත්ථ සද්ධිං ඔපම්මසංසන්දනෙන පුරිමනයෙනෙව වෙදිතබ්බං. තතියං.

4. දුතියසංයොජනසුත්තවණ්ණනා

54. චතුත්ථෙ උපමං පයමං කත්වා පච්ඡා අත්ථො වුත්තො. සෙසං තාදිසමෙව. චතුත්ථං.

5. මහාරුක්ඛසුත්තවණ්ණනා

55. පඤ්චමෙ උද්ධං ඔජං අභිහරන්තීති පටචිරසඤ්ච ආපොරසඤ්ච උපරි ආරොපෙත්ති. ඔජාය ආරොපිතත්තා හත්ථසතුබ්බෙධස්ස රුක්ඛස්ස අඬකුරග්ගෙසු බිත්දුබිත්දුති විය හුත්වා සිනෙහො තිට්ඨති. ඉදං පනෙත්ථ ඔපම්මසංසන්දනං — මහාරුක්ඛො විය හි තෙභූමකවට්ටං, මූලානි විය ආයතනානි, මූලෙහි ඔජාය ආරොහනං විය ඡහි ද්වාරෙහි කම්මාරොහනං, ඔජාය අභිරුළුහත්තා මහාරුක්ඛස්ස යාවකප්පට්ඨානං විය වට්ටනිස්සිතබාලපුපුජ්ජනස්ස ඡහි ද්වාරෙහි කම්මං ආයුහන්තස්ස අපරාපරං වට්ටස්ස වඩ්ඪනවසෙන දීසරත්තං යානං.

කුද්දාලපිටකන්ති කුද්දාලඤ්චෙව පච්ඡිභාජනඤ්ච. බණ්ඩාබණ්ඩිකං ඡිත්දෙය්‍යාති බුද්දකමහන්තාති බණ්ඩාබණ්ඩාති කරොන්තො ඡිත්දෙය්‍ය. ඉදං පනෙත්ථ ඔපම්මසංසන්දනං — ඉධාපි හි මහාරුක්ඛො විය තෙභූමකවට්ටං, රුක්ඛං නාසෙතුකාමො පුරිසො විය යොගාවචරො, කුද්දාලො විය ඤාණං, පච්ඡි විය සමාධි, රුක්ඛච්ඡෙදනඵරසු විය ඤාණං, රුක්ඛස්ස මූලෙ ඡින්නකාලො විය යොගිතො ආවරියසන්තිකෙ කම්මට්ඨානං ගහෙත්වා මනසිකරොන්තස්ස පඤ්ඤා, බණ්ඩාබණ්ඩිකං ඡින්නකාලො විය සඬබ්බෙපතො චතුත්තං මහාභූතානං මනසිකාරො, ථාලනං විය ද්වෙවත්තාලීසාය කොට්ඨාසෙසු විත්ථාරමනසිකාරො, සකලිකං සකලිකං

කරණකාලො විය උපාදාරූපස්ස වෙව රූපක්ඛන්ධාරමමණස්ස විඤ්ඤාණස්ස වාති ඉමෙසං වසෙන නාමරූපපරිග්ගහො, මූලානං උපවිජෙදනං විය තස්සෙව නාමරූපස්ස පච්චයපරියෙසනං, වාතාතපෙ විසොසෙත්වා අග්ගිනා ඩහනකාලො විය අනුපුබ්බෙන විපස්සනං වඩ්ඪෙත්වා අඤ්ඤතරං සප්පායං ලභිත්වා කම්මට්ඨානෙ විභූතෙ උපට්ඨහමානෙ එකපල්ලඬකෙ නිසින්නස්ස සමණධම්මං කරොන්තස්ස අග්ගඵලප්පත්ති, මසිකරණං විය අරහත්තප්පත්තදිවසෙයෙව අපරිනිබ්බායන්තස්ස යාවතායුකං ඨිත කාලො, මහාවානෙ ඔපුනනං නදියා පවාහනං විය ව උපාදිණ්ණකක්ඛන්ධහෙදෙන අනුපාදිසෙසාය නිබ්බානධාතුයා පරිනිබ්බුතස්ස වට්ටවුපසමො වෙදිතබ්බො. පඤ්චමං.

6. දුතියමහාරුක්ඛසුත්තවණ්ණනා

56. ඡට්ඨෙපි උපමං පයමං වත්වා පච්ඡා අත්ථො චුත්තො, ඉදමෙව නානත්තං. ඡට්ඨං.

7. තරුණරුක්ඛසුත්තවණ්ණනා

57-59. සත්තමෙ තරුණොති අජාතඵලො. පලිමජ්ජෙය්‍යාති සොධෙය්‍යා. පංසුං දදෙය්‍යාති ඵද්ධඵරූපපංසුං හරිත්වා මුදුගොමයචුණ්ණමිස්සං මධුරපංසුං පක්ඛිපෙය්‍යා. චුද්ධිත්ති චුද්ධිං ආපජ්ජිත්වා පුප්ප්පගො පුප්ඵං, ඵලූපගො ඵලං ගණ්හෙය්‍යා. ඉදං පනෙත්ථ ඔපම්මසංසන්දනං - තරුණරුක්ඛො විය හි තෙභූමකවට්ටං, රුක්ඛජග්ගකො පුරිසො විය වට්ටනිස්සිතො පුට්ඨජනො, මූලඵලසන්තානාදීති විය තිහි ද්වාරෙහි කුසලාකුසලකම්මායුහනං, රුක්ඛස්ස වුඩ්ඪිආපජ්ජනං විය පුට්ඨජනස්ස තිහි ද්වාරෙහි කම්මං ආයුහතො අපරාපරං වට්ටජ්ජවත්ති. විවට්ටං චුත්තනයෙනෙව වෙදිතබ්බං. අට්ඨමනවමාති උත්තානත්ථානෙව. සත්තමාදීති.

10. නිදානසුත්තවණ්ණනා

60. දසමෙ කුරුසු විහරතීති කුරුති ඵවං බහුවචනවසෙන ලද්ධවොහාරෙ ජනපදෙ විහරති. කම්මාසධම්මං නාම කුරුනං නිගමොති ඵවංනාමකො කුරුනං නිගමො, තං ගොවරගාමං කත්වාති අත්ථො. ආයස්මාති පියවචනමෙතං ගරුවචනමෙතං. ආනන්දොති තස්ස ථෙරස්ස නාමං. එකමන්තං නිසීදීති ඡ නිසජ්ජදොසෙ විවජ්ජෙත්තො දක්ඛිණජාණුමණ්ඩලස්ස අභිමුඛට්ඨානෙ ඡබ්බණ්ණානං බුද්ධරස්මීතං අත්තො පවිසිත්වා පසන්නලාබාරසං විගාහත්තො

විය සුවණ්ණපටං පාරුපන්තො විය රත්තකම්බලවිතානමජ්ඣං පවිසන්තො විය ධම්මභණ්ඩාගාරිකො ආයස්මා ආනන්දො නිසීදි. තෙන චුත්තං “එකමන්තං නිසීදි”ති.

කාය පන වෙලාය කෙන කාරණෙන අයමායස්මා භගවන්තං උපසඬකමන්තොති? සායන්හවෙලාය පව්වයාකාරපඤ්ඤා පුච්ඡනකාරණෙන. තං දිවසං කිර අයමායස්මා කුලසඬගහත්ථාය සරද්වාතර සරද්වාතර සහස්සභණ්ඩිකං නික්ඛිපන්තො විය කම්මාසධම්මං පිණ්ඩාය වරින්වා පිණ්ඩපාතපටික්කන්තො සත්ථු වත්තං දස්සෙත්වා සත්ථරි ගන්ධකුටිං පට්ටියෙ සත්ථාරං වන්දිත්වා අත්තනො දිවාට්ඨානං ගන්ත්වා අන්තෙවාසිකෙසු වත්තං දස්සෙත්වා පටික්කන්තෙසු දිවාට්ඨානං පටිසම්මජ්ජිත්වා වම්මක්ඛණ්ඩං පඤ්ඤපෙත්වා උදකතුම්බතො උදකෙන හත්ථපාදෙ සිතලං කත්වා පල්ලඬිකං ආභූජිත්වා නිසීන්තො සොනාපත්තිඵලසමාපත්තිං සමාපජ්ජිත්වා. අථ පරිච්ඡින්නකාලවසෙන සමාපත්තිතො චුට්ඨාය පව්වයාකාරෙ ඤාණං ඔතාරෙසි. සො “අවිජ්ජාපව්වයා සඬබ්බාරා”තිආදිතො පට්ඨාය අන්තං, අන්තනො පට්ඨාය ආදිං, උභයන්තනො පට්ඨාය මජ්ඣං, මජ්ඣනො පට්ඨාය උභො අන්තෙ පාපෙන්තො තික්ඛත්තුං ද්වාදසපදං පව්වයාකාරං සම්මසි. තස්සෙවං සම්මසන්නස්ස පව්වයාකාරො විභූතො හුත්වා උත්තානකුත්තානකො විය උපට්ඨාසි. තතො චින්තෙසි – “අයං පව්වයාකාරො සබ්බබුද්ධෙහි ගම්භිරො වෙව ගම්භිරාවභාසො වාති කථිතො, මය්හං බො පන පදෙසඤාණෙ ධීතස්ස සාවකස්ස සතො උත්තානො විය විභූතො පාකටො හුත්වා උපට්ඨාති, මය්හංයෙව නු බො එස උත්තානකො විය උපට්ඨාති, උදාහු අඤ්ඤෙසම්පිති අත්තනො උපට්ඨානකාරණං සත්ථු ආරොවෙස්සාමි”ති නිසීන්තට්ඨානතො උට්ඨාය වම්මක්ඛණ්ඩං පජ්ජොටෙත්වා ආදාය සායන්හසමයෙ භගවන්තං උපසඬකම්. තෙන චුත්තං – “සායන්හවෙලායං පව්වයාකාරපඤ්ඤා පුච්ඡනකාරණෙන උපසඬකමන්තො”ති.

යාව ගම්භිරොති එත්ථ යාවසද්දො පමාණාතික්කමෙ. අතික්කම්ම පමාණං ගම්භිරො, අතිගම්භිරොති අත්ථො. ගම්භිරාවභාසොති ගම්භිරොව හුත්වා අවභාසති, දිස්සතීති අත්ථො. එකඤ්ඤි උත්තානමෙව ගම්භිරාවභාසං හොති පුත්තිපණ්ණරසවසෙන කාලවණ්ණං පුරාණඋදකං විය. තඤ්ඤි ඡාණුප්පමාණම්පි සතපොරිසං විය දිස්සති. එකං ගම්භිරං උත්තානාවභාසං හොති මණ්භාසං විජ්ජසන්නඋදකං විය. තඤ්ඤි සතපොරිසම්පි ඡාණුප්පමාණං විය බායති. එකං උත්තානං උත්තානාවභාසං හොති පාතිආදිසු උදකං විය. එකං ගම්භිරං ගම්භිරාවභාසං හොති සිනෙරුපාදකමභාසමුද්දෙ උදකං විය. එවං උදකමෙව

වත්තාරි නාමානි ලහති. පටිච්චසමුප්පාදෙ පනෙතං නත්ථි. අයඤ්භි ගම්භිරො ව ගම්භිරාවහාසො වාති එකමෙව නාමං ලහති. එවරූපො සමානොපි අථ ව පන මෙ උත්තානකුත්තානකො විය බායති, තදිදං අවිජරියං, හන්තෙ, අබ්භුතං, හන්තෙති එවං අත්තනො විම්භයං පකාසෙන්නො පඤ්භං පුච්ඡිත්වා තුණ්හිභූතො නිසිදි.

භගවා තස්ස වචනං සුත්වා “ආනන්දො භවග්ගගහණාය හත්ථං පසාරෙන්නො විය සිනෙරුං හින්දිත්වා මිඤ්ජං නිහරිතුං වායමමානො විය විනා නාවාය මහාසමුද්දං තරිතුකාමො විය පථවිං පරිවත්තෙත්වා පථවොජං ගහෙතුං වායමමානො විය බුද්ධවිසයං පඤ්භං අත්තනො උත්තානුත්තානන්ති වදති, හන්දස්ස ගම්භිරභාවං ආවික්ඛාමී”ති විත්තෙත්වා මා හෙවන්තිආදිමාහ.

තත්ථ මා හෙවන්ති හ-කාරො නිපාතමත්තං, එවං මා හණ්ති අත්ථො. “මා හෙව”න්ති ව ඉදං වචනං භගවා ආයස්මන්තං ආනන්දං උස්සාදෙන්තොපි හණ්ති අපසාදෙන්තොපි. තත්ථ උස්සාදෙන්තොපිති, ආනන්ද, ත්වං මහාපඤ්ඤො විසදඤ්ඤාණො, තෙන තෙ ගම්භිරොපි පටිච්චසමුප්පාදො උත්තානකො විය බායති, අඤ්ඤෙසං පනෙස උත්තානකොති න සල්ලක්ඛෙනබ්බො, ගම්භිරොයෙව ව සො ගම්භිරාවහාසො ව.

තත්ථ චතස්සො උපමා වදන්ති – ඡ මාසෙ සුභොජනරසපුට්ඨස්ස කිර කතයොගස්ස මහාමල්ලස්ස සමජ්ජසමයෙ කතමල්ලපාසාණපරිවයස්ස යුද්ධභූමිං ගව්ජන්තස්ස අත්තරා මල්ලපාසාණං දස්සෙසුං. සො “කිං එත”න්ති ආහ. මල්ලපාසාණොති. ආහරථ නන්ති. “උක්ඛිපිතුං න සක්කොමා”ති චුත්තෙ සයං ගන්ත්වා “කුභිං ඉමස්ස භාරියට්ඨාන”න්ති වත්වා ද්විති හත්ථෙහි ද්වෙ පාසාණෙ උක්ඛිපිත්වා කිළාගුලෙ විය ඛිපිත්වා අගමාසි. තත්ථ මල්ලස්ස මල්ලපාසාණො ලහුකොති න අඤ්ඤෙසම්පි ලහුකොති වත්තබ්බො. ඡ මාසෙ සුභොජනරසපුට්ඨො මල්ලො විය හි කප්පසතසහස්සං අභිනීභාරසම්පන්නො ආයස්මා ආනන්දො. යථා මල්ලස්ස මහාබලතාය මල්ලපාසාණො ලහුකො, එවං ථෙරස්ස මහාපඤ්ඤතාය පටිච්චසමුප්පාදො උත්තානොති වත්තබ්බො, සො අඤ්ඤෙසං උත්තානොති න වත්තබ්බො.

මහාසමුද්දෙ ව තිම් නාම මහාමච්ඡො ද්වියොජනසතිකො, තිම්ඛිගලො තියොජනසතිකො, තිම්රපිඛිගලො පඤ්චයොජනසතිකො, ආනන්දො තිම්නන්දො අජ්ඣාරොහො මහාතිමිති ඉමෙ වත්තාරො යොජනසහස්සිකා. තත්ථ තිම්රපිඛිගලෙනෙව දීපෙන්නි. තස්ස කිර දක්ඛිණකණ්ණං වාලෙන්තස්ස පඤ්චයොජනසතෙ පදෙසෙ උදකං චලති, තථා වාමකණ්ණං, තථා නඬ්භුට්ඨං,

තථා සීසං. ද්වෙ පන කණ්ණෙ වාලෙන්වා නඬගුට්ඨෙන පහරිත්වා සීසං අපරාපරං කත්වා කීළිතුං ආරද්ධස්ස සත්තට්ඨයොජනසතෙ යානෙ භාජනෙ පක්ඛිපිත්වා උද්ධතෙ ආරොපිතං වීය උදකං පක්කුථති. යොජනසතමත්තෙ පදෙසෙ උදකං පිට්ඨිං ඡාදෙතුං න සක්කොති. සො එවං වදෙය්‍ය – “අයං මහාසමුද්දො ගම්භිරොති වදන්ති, කුතස්ස ගම්භිරතා, මයං පිට්ඨිමත්තවිජාදනම්පි උදකං න ලභාමා”ති. තත්ථ කායුපපන්නස්ස තිමිරපිඬගලස්ස මහාසමුද්දො උත්තානොති අඤ්ඤෙසඤ්ච බුද්දකමච්ඡානං උත්තානොති න වත්තබ්බො, එවමෙව ඤාණුපපන්නස්ස ථෙරස්ස පටිච්චසමුප්පාදො උත්තානොති අඤ්ඤෙසම්පි උත්තානොති න වත්තබ්බො. සුපණ්ණරාජා ච දියඬ්ඨයොජනසතිකො හොති. තස්ස දක්ඛිණපක්ඛො පඤ්ඤාසයොජනිකො හොති, තථා වාමපක්ඛො, පිඤ්ජවට්ටි ච සට්ඨියොජනිකා, ගීවා තිංසයොජනිකා, මුඛං නවයොජනං, පාදා ද්වාදසයොජනිකා, තස්මිං සුපණ්ණවාතං දස්සෙතුං ආරද්ධ සත්තට්ඨයොජනසතං යානං නප්පහොති. සො එවං වදෙය්‍ය – “අයං ආකාසො අනන්තොති වදන්ති, කුතස්ස අනන්තතා, මයං පක්ඛවාතප්පත්ථරණොකාසම්පි න ලභාමා”ති. තත්ථ කායුපපන්නස්ස සුපණ්ණරඤ්ඤො ආකාසො පරිත්තොති අඤ්ඤෙසඤ්ච බුද්දකපක්ඛිතං පරිත්තොති න වත්තබ්බො, එවමෙව ඤාණුපපන්නස්ස ථෙරස්ස පටිච්චසමුප්පාදො උත්තානොති අඤ්ඤෙසම්පි උත්තානොති න වත්තබ්බො.

රාහු අසුරින්දො පන පාදන්තතො යාව කෙසන්තා යොජනානං චත්තාරි සහස්සානි අට්ඨ ච සතානි හොන්ති. තස්ස ද්වින්තං බාහානං අන්තරෙ ද්වාදසයොජනසතිකං, බහලත්තෙන ඡයොජනසතිකං, හත්ථපාදතලානි තියොජනසතිකානි, තථා මුඛං, එකඬ්ගුලිපබ්බං පඤ්ඤාසයොජනං, තථා හමුකන්තරං, නලාටං තියොජනසතිකං, සීසං නවයොජනසතිකං. තස්ස මහාසමුද්දං ඔතිණ්ණස්ස ගම්භිරං උදකං ඡාණුප්පමාණං හොති. සො එවං වදෙය්‍ය – “අයං මහාසමුද්දො ගම්භිරොති වදන්ති. කුතස්ස ගම්භිරතා? මයං ඡාණුප්පට්ඨිජාදනමත්තම්පි උදකං න ලභාමා”ති. තත්ථ කායුපපන්නස්ස රාහුතො මහාසමුද්දො උත්තානොති අඤ්ඤෙසඤ්ච උත්තානොති න වත්තබ්බො. එවමෙව ඤාණුපපන්නස්ස ථෙරස්ස පටිච්චසමුප්පාදො උත්තානොති අඤ්ඤෙසම්පි උත්තානොති න වත්තබ්බො. එතමත්ථං සන්ධාය හගවා මා හෙවං, ආනන්ද, මා හෙවං, ආනන්දාති ආහ.

ථෙරස්ස හි චතුභි කාරණෙහි ගම්භිරො පටිච්චසමුප්පාදො උත්තානොති උපට්ඨාසි. කතමෙහි චතුභි? පුබ්බුපනිස්සයසම්පත්තියා තිත්ථවාසෙන සොතාපත්තතාය බහුස්සුතභාවෙනාති.

ඉතො කිර සතසහස්සිමෙ කප්පෙ පදුමුත්තරො නාම සත්ථා ලොකෙ උප්පජ්ජී. තස්ස භංසවතී නාම නගරං අභොසි, ආනන්දො නාම රාජා පිතා, සුමෙධා නාම දෙවී මාතා, බොධිසත්තො උත්තරකුමාරො නාම අභොසි. සො පුත්තස්ස ජාතදිවසෙ මහාභිනික්ඛමනං නික්ඛම්ම පබ්බජිත්වා පධානමනුයුත්තො අනුක්කමෙන සබ්බඤ්ඤතං පත්වා, “අනෙකජාතිසංසාර”න්ති උදානං උදානෙන්වා සත්තාහං බොධිපල්ලඬකෙ වීතිනාමෙන්වා “පථවියං පාදං යපෙස්සාමී”ති පාදං අභිනිහරි. අථ පථවිං භින්දිත්වා මහත්තං පදුමං උට්ඨාසි. තස්ස ධුරපත්තාති නවුතිහත්ථානි, කෙසරං තිංසහත්ථං, කණ්ණිකා ද්වාදසහත්ථා, නවසට්ඨපමාණා රෙණු අභොසි.

සත්ථා පන උබ්බෙධතො අට්ඨපඤ්ඤාසහත්ථො අභොසි, තස්ස උභින්නං බාහානමත්තරං අට්ඨාරසහත්ථං, නලාටං පඤ්චහත්ථං, හත්ථපාදා එකාදසහත්ථා. තස්ස එකාදසහත්ථෙන පාදෙන ද්වාදසහත්ථාය කණ්ණිකාය අක්කන්තමත්තාය නවසට්ඨපමාණා රෙණු උට්ඨාය අට්ඨපඤ්ඤාසහත්ථං පදෙසං උග්ගන්ත්වා ඔකිණ්ණමනොසිලාවුණ්ණං විය පච්චොකිණ්ණං. තදුපාදාය භගවා “පදුමුත්තරො”ත්ථෙව පඤ්ඤායිත්ථ. තස්ස දෙවිලො ච සුජාතො ච ද්වෙ අග්ගසාවකා අභෙසුං, අමීතා ච අසමා ච ද්වෙ අග්ගසාවිකා, සුමනො නාම උපට්ඨාකො. පදුමුත්තරො භගවා පිතුසඬගහං කුරුමානො භික්ඛුසතසහස්සපරිවාරො භංසවතියා රාජධානියා වසති.

කනිට්ඨභාතා පනස්ස සුමනකුමාරො නාම. තස්ස රාජා භංසවතීතො වීසයොජනසතෙ භොගං අදාසි. සො කදාචි ආගන්ත්වා පිතරඤ්ච සත්ථාරඤ්ච පස්සති. අථෙකදිවසං පච්චන්තො කුපිතො. සුමනො රඤ්ඤො සාසනං පෙසෙසි. රාජා “ත්ථං මයා, තාත, කස්මා යපිතො”ති පටිපෙසෙසි. සො වොරෙ වූපසමෙන්වා “උපසන්තො, දෙව, ජනපදො”ති රඤ්ඤො පෙසෙසි. රාජා තුට්ඨො “සීසං මම පුත්තො ආගච්ඡතු”ති ආහ. තස්ස සහස්සමත්තා අමච්චා භොන්ති. සො තෙහි සද්ධිං අත්තරාමග්ගෙ මන්තෙසි – “මය්හං පිතා තුට්ඨො සථෙ මෙ වරං දෙනි, කිං ගණ්හාමී”ති? අථ නං එකච්චෙ “හත්ථිං ගණ්හථ, අස්සං ගණ්හථ, ජනපදං ගණ්හථ, සත්තරතනාති ගණ්හථා”ති ආහංසු. අපරෙ “තුම්හෙ පථවිස්සරස්ස පුත්තා, න තුම්භාකං ධනං දුල්ලභං, ලද්ධම්පි චෙතං සබ්බං පභාය ගමතීයං, පුඤ්ඤමෙව එකං ආදාය ගමතීයං, තස්මා දෙවෙ වරං

දදමානෙ තෙමාසං පදුමුත්තරං භගවත්තං උපට්ඨාතුං වරං ගණ්හවා”ති. සො “තුම්හෙ මය්හං කල්‍යාණමිත්තා නාම, මමෙතං චිත්තං නත්ථී, තුම්හෙහි පන උප්පාදිතං, එවං කරිස්සාමී”ති, ගන්ත්වා පිතරං වන්දිත්වා පිතරා ආලිඬිගෙත්වා, මත්ථකෙ චුම්බිත්වා “වරං තෙ, පුත්ත, දෙමී”ති චුත්තෙ “ඉච්ඡාමහං, මහාරාජ, භගවත්තං තෙමාසං චතුහි පච්චයෙහි උපට්ඨහන්තො ජීවිතං අවඤ්ඤාං කාතුං, ඉදං මෙ වරං දෙහී”ති ආහ. න සක්කා, තාත, අඤ්ඤං වරෙහීති. දෙව, ඛත්තියානං නාම ද්වේකථා නත්ථී, එතමෙව මෙ දෙහී, න මමඤ්ඤෙන අත්ථොති. තාත, බුද්ධානං නාම චිත්තං දුප්ඡානං, සවෙ භගවා න ඉච්ඡිස්සති, මයා දින්තම්පි කිං හවිස්සතීති? “සාධු, දෙව, අහං භගවතො චිත්තං ඡානිස්සාමී”ති විහාරං ගතො.

තෙන ව සමයෙන භත්තකිච්චං නිට්ඨාපෙත්වා භගවා ගන්ධකුටිං පට්ටියො හොති. සො මණ්ඩලමාලෙ සන්තිසින්නානං භික්ඛූනං සන්තිකං අගමාසි. තෙ නං ආහංසු – “රාජපුත්ත කස්මා ආගතොසී”ති? භගවත්තං දස්සනාය, දස්සෙථ මෙ භගවත්තන්ති. “න මයං, රාජපුත්ත, ඉච්ඡිතිච්ඡිතක්ඛණෙ සත්ථාරං දට්ඨුං ලභාමා”ති. කො පන, හන්තෙ, ලහතීති? සුමනත්ථෙරො නාම රාජපුත්තාති. සො “කුහිං හන්තෙ ථෙරො”ති? ථෙරස්ස නිසින්නට්ඨානං පුච්ඡිත්වා ගන්ත්වා වන්දිත්වා – “ඉච්ඡාමහං, හන්තෙ, භගවත්තං පස්සිතුං, දස්සෙථ මෙ භගවත්ත”න්ති ආහ. ථෙරො “එහි, රාජපුත්තා”ති තං ගහෙත්වා ගන්ධකුටිපරිවෙණෙ යපෙත්වා ගන්ධකුටිං ආරුහි. අථ නං භගවා “සුමන, කස්මා ආගතොසී”ති ආහ. රාජපුත්තො, හන්තෙ, භගවත්තං දස්සනාය ආගතොති. තෙන හි භික්ඛූ ආසනං පඤ්ඤාපෙහීති. ථෙරො ආසනං පඤ්ඤාපෙසී. නිසීදි භගවා පඤ්ඤත්තෙ ආසනෙ. රාජපුත්තො භගවත්තං වන්දිත්වා පටිසත්ථාරං අකාසි, “කදා ආගතොසී රාජපුත්තා”ති? හන්තෙ, තුම්හෙසු ගන්ධකුටිං පට්ටියෙසු, භික්ඛූ පන “න මයං ඉච්ඡිතිච්ඡිතක්ඛණෙ භගවත්තං දට්ඨුං ලභාමා”ති මං ථෙරස්ස සන්තිකං පාහෙසුං, ථෙරො පන එකච්චනෙනෙව දස්සෙසී, ථෙරො, හන්තෙ, තුම්හාකං සාසනෙ වල්ලභො මඤ්ඤෙති. ආම, රාජකුමාර, වල්ලභො එස භික්ඛූ මය්හං සාසනෙති. හන්තෙ, බුද්ධානං සාසනෙ කිං කත්වා වල්ලභො හොතීති? දානං දත්වා සීලං සමාදිශිත්වා උපොසථකම්මං කත්වා, කුමාරාති. භගවා අහම්පි ථෙරො විය බුද්ධසාසනෙ වල්ලභො හොතුකාමො, තෙමාසං මෙ වස්සාවාසං අධිවාසෙථාති. භගවා, “අත්ථී නු බො ගතෙන අත්ථො”ති ඔලොකෙත්වා “අත්ථී”ති දිස්වා “සුඤ්ඤාගාරෙ බො, රාජකුමාර, තථාගතා අභිරමන්ති”ති ආහ. කුමාරො “අඤ්ඤාතං භගවා, අඤ්ඤාතං සුගතා”ති වත්වා – “අහං, හන්තෙ, පුරිමතරං ගන්ත්වා විහාරං

කාරෙමි, මයා පෙසිතෙ භික්ඛුසත්තසහස්සෙන සද්ධිං ආගච්ඡා”ති පටිඤ්ඤං ගහෙත්වා පිතු සන්තිකං ගන්ත්වා, “දිත්තා මෙ, දෙව, භගවතා පටිඤ්ඤා, මයා පහිතෙ තුම්භෙ භගවත්තං පෙසෙය්‍යාථා”ති පිතරං වන්දිත්වා නික්ඛමිත්වා යොජනෙ යොජනෙ විහාරං කාරෙත්වා වීසයොජනසතං අද්ධානං ගතො. ගන්ත්වා අත්තනො නගරෙ විහාරට්ඨානං විචින්නො සොහනස්ස නාම කුටුම්භිකස්ස උය්‍යානං දිස්වා සත්තසහස්සෙන කිණිත්වා සත්තසහස්සං විස්සජ්ජෙත්වා විහාරං කාරෙසි. තත්ථ භගවතො ගන්ධකුට්ටිං, සෙසභික්ඛුනඤ්ච රත්තිට්ඨානදිවාට්ඨානත්ථාය කුට්ඨෙලණමණ්ඩපෙ කාරාපෙත්වා පාකාරපරික්ඛෙපං ද්වාරකොට්ඨකඤ්ච නිට්ඨාපෙත්වා පිතු සන්තිකං පෙසෙසි “නිට්ඨිතං මය්‍හං කිච්චං, සත්ථාරං පහිණා”ති.

රාජා භගවත්තං භොජෙත්වා “භගවා සුමනස්ස කිච්චං නිට්ඨිතං, තුම්භාකං ආගමනං පච්චාසීසති”ති. භගවා සත්තසහස්සභික්ඛුපරිවාරො යොජනෙ යොජනෙ විහාරෙසු වසමානො අගමාසි. කුමාරො “සත්ථා ආගච්ඡති”ති සුත්වා යොජනං පච්චුග්ගන්ත්වා ගන්ධමාලාදීහි පූජයමානො විහාරං පවෙසෙත්වා –

“සත්තසහස්සෙන මෙ කීතං, සත්තසහස්සෙන මාපිතං;

සොහනං නාම උය්‍යානං පටිග්ගණ්හ, මහාමුනී”ති. –

විහාරං නිය්‍යාතෙසි. සො වස්සුපනායිකදිවසෙ දානං දත්වා අත්තනො පුත්තදාරෙ ව අමච්චෙ ව පක්කොසාපෙත්වා ආහ – “සත්ථා අම්භාකං සන්තිකං දුරතො ආගතො, බුද්ධා ව නාම ධම්මගරුනොව, නාමිසගරුකා. තස්මා අහං ඉමං තෙමාසං ද්වෙ සාටකෙ නිවාසෙත්වා දස සීලානි සමාදිශිත්වා ඉධෙව වසිස්සාමි, තුම්භෙ ඛිණාසවසත්තසහස්සස්ස ඉමිනාව නිභාරෙන තෙමාසං දානං දදෙය්‍යාථා”ති.

සො සුමනත්ථෙරස්ස වසනට්ඨානසභාගෙයෙව යානෙ වසන්තො යං ථෙරො භගවතො වත්තං කරොති, තං සබ්බං දිස්වා, “ඉමස්මිං යානෙ එකන්තවල්ලහො එස ථෙරො, එතස්සෙව යානන්තරං පත්ථෙතුං වට්ටති”ති වින්තෙත්වා, උපකට්ඨාය පචාරණාය ගාමං පවිසිත්වා සත්තාහං මහාදානං දත්වා සත්තමෙ දිවසෙ භික්ඛුසත්තසහස්සස්ස පාදමුලෙ තිච්චරං යපෙත්වා භගවත්තං වන්දිත්වා, “භන්තෙ, යදෙනං මයා මග්ගෙ යොජනන්තරිකවිහාරකාරාපනතො පට්ඨාය පුඤ්ඤං කතං, තං නෙව සක්කසම්පත්තිං, න මාරබ්‍රහ්මසම්පත්තිං පත්ථයන්තෙන, බුද්ධස්ස පන උපට්ඨාකභාවං පත්ථෙන්නෙන කතං. තස්මා අහමි භගවා අනාගතෙ

සුමනත්ථෙරො විය එකස්ස බුද්ධස්ස උපට්ඨාකො හොමී”ති පඤ්චපතිට්ඨිතෙන පතිත්වා චන්දිත්වා නිපන්නො. භගවා “මහත්තං කුලපුත්තස්ස චිත්තං, ඉජ්ඣිස්සති නු ඛො, නො”ති ඔලොකෙන්නො, “අනාගතෙ ඉතො සතසහස්සිමෙ කප්පෙ ගොතමො නාම බුද්ධො උප්පජ්ජිස්සති, තස්සෙව උපට්ඨාකො භවිස්සති”ති ඤාත්වා -

“ඉච්ඡිතං පත්ථිතං තුය්හං, සබ්බමෙව සම්ප්පිකතු;

සබ්බෙ පුරෙත්තු සඬකප්පා, චන්දො පන්නරසො යථා”ති. -

ආහ. කුමාරො සුත්වා “බුද්ධා නාම අද්වේජ්ඣකථා හොන්ති”ති දුතියදිවසෙයෙව තස්ස භගවතො පත්තචීවරං ගහෙත්වා පිට්ඨිතො පිට්ඨිතො ගච්ඡන්තො විය අහොසි. සො තස්මිං බුද්ධුප්පාදෙ වස්සසතසහස්සං දානං දත්වා සග්ගෙ නිබ්බත්තිත්වා කස්සපබුද්ධකාලෙපි පිණ්ඩාය වරතො ථෙරස්ස පත්තග්ගහණත්ථං උත්තරිසාටකං දත්වා පූජං අකාසි. පුත සග්ගෙ නිබ්බත්තිත්වා තතො චුතො බාරාණසිරාජා හුත්වා අට්ඨන්නං පච්චෙකබුද්ධානං පණ්ණසාලායො කාරෙත්වා මණිආධාරකෙ උපට්ඨපෙත්වා චතුහි පච්චයෙහි දසවස්සසහස්සානි උපට්ඨානං අකාසි. එතානි පාකට්ඨානානි.

කප්පසතසහස්සං පන දානං දදමානොව අම්භාකං බොධිසත්තෙන සද්ධිං තුසිතපුරෙ නිබ්බත්තිත්වා තතො චුතො අමිතොදනසක්කස්ස ගෙහෙ පටිසන්ධිං ගහෙත්වා අනුපුබ්බෙන කතාහිනික්ඛමනො සම්මාසම්බොධිං පත්වා පට්ඨගමනෙන කපිලවත්ථුං ආගන්ත්වා තතො නික්ඛමන්තෙ භගවති භගවතො පරිවාරත්ථං රාජකුමාරෙසු පබ්බජන්තෙසු හද්දියාදීහි සද්ධිං නික්ඛමිත්වා භගවතො සන්තිකෙ පබ්බජිත්වා නචිරස්සෙව ආයස්මතො පුණ්ණස්ස මන්තාණිපුත්තස්ස සන්තිකෙ ධම්මකථං සුත්වා සොතාපත්තිඵලෙ පතිට්ඨති. එවමෙස ආයස්මා පුබ්බුපනිස්සයසම්පන්නො, තස්සිමාය පුබ්බුපනිස්සයසම්පත්තියා ගම්භිරොපි පටිච්චසමුප්පාදො උත්තානකො විය උපට්ඨාසි.

තිත්ථවාසොති පන ගරුතං සන්තිකෙ උග්ගහණසවනපරිපුච්ඡනධාරණානි චුච්චන්ති. සො ථෙරස්ස අතිවිය පරිසුද්ධො. තෙනාපිස්සායං ගම්භිරොපි උත්තානකො විය උපට්ඨාසි. සොතාපන්නානඤ්ච නාම පච්චයාකාරො උත්තානකො හුත්වා උපට්ඨාති, අයඤ්ච ආයස්මා සොතාපන්නො. බහුස්සුතානං චතුහත්ථෙ ඔවරකෙ පදීපෙ ජලමානෙ මඤ්චපීඨං විය නාමරූපපරිච්ඡෙදො පාකට්ඨා හොති, අයඤ්ච ආයස්මා බහුස්සුතානං අග්ගො.

ඉති බාහුසච්චභාවෙනපිස්ස ගම්භිරොපි පච්චයාකාරො උත්තානකො විය උපට්ඨාසි. පට්ච්චසමුප්පාදො චතුභි ගම්භිරතාහි ගම්භිරො. සා පනස්ස ගම්භිරතා විසුද්ධිමග්ගෙ විත්ථාරිතාව. සා සබ්බාපි ථෙරස්ස උත්තානකා විය උපට්ඨාසි. තෙන භගවා ආයස්මත්තං ආනන්දං උස්සාදෙන්තො මා හෙවත්තිආදිමාහ. අයඤ්ඤෙන්ථ අධිප්පායො – ආනන්ද, ත්වං මහාපඤ්ඤො විසදඤ්ඤො, තෙන තෙ ගම්භිරොපි පට්ච්චසමුප්පාදො උත්තානකො විය බායති. තස්මා “මය්හමෙව නු බො එස උත්තානකො විය භුත්වා උපට්ඨාති, උදාහු අඤ්ඤෙසමිපි”ති මා එවං අවච.

යං පන චුත්තං “අපසාදෙන්තො”ති, තත්ථායමධිප්පායො – ආනන්ද, “අථ ච පන මෙ උත්තානකුත්තානකො විය බායති”ති මා හෙවං අවච. යදි හි තෙ එස උත්තානකුත්තානකො විය බායති, කස්මා ත්වං අත්තනො ධම්මතාය සොතාපත්තො නාහොසි, මයා දින්නතයෙ යත්වා සොතාපත්තිමග්ගං පටිච්ඡිකි? ආනන්ද, ඉදං නිබ්බානමෙව ගම්භිරං, පච්චයාකාරො පන උත්තානකො ජාතො, අථ කස්මා ඔළාරිකං කාමරාගසංයොජනං පටිසසංයොජනං ඔළාරිකං කාමරාගානුසයං පටිසානුසයන්ති ඉමෙ චත්තාරො කිලෙසෙ සමුග්ගාතෙත්වා සකදාගාමිඵලං න සච්ඡිකරොසි, තෙයෙව අණුසහගතෙ චත්තාරො කිලෙසෙ සමුග්ගාතෙත්වා අනාගාමිඵලං න සච්ඡිකරොසි, රූපරාගාදීනි පඤ්ච සංයොජනානි, මානානුසයං භවරාගානුසයං අවිජ්ජානුසයන්ති ඉමෙ අට්ඨ කිලෙසෙ සමුග්ගාතෙත්වා අරහත්තං න සච්ඡිකරොසි? කස්මා වා සතසහස්සකප්පාධිකං එකං අසඬ්ඛොයායං පූරිතපාරමිතො සාරිපුත්තමොග්ගල්ලානා විය සාවකපාරමිඤ්ඤාණං න පටිච්ඡිකිසි, සතසහස්සකප්පාධිකානි ද්වෙ අසඬ්ඛොයායානි පූරිතපාරමිතො පච්චෙකබුද්ධා විය ච පච්චෙකබොධිඤ්ඤාණං න පටිච්ඡිකිසි? යදි වා තෙ සබ්බථාව එස උත්තානකො භුත්වා උපට්ඨාසි. අථ කස්මා සතසහස්සකප්පාධිකානි චත්තාරි අට්ඨ සොළස වා අසඬ්ඛොයායානි පූරිතපාරමිතො බුද්ධා විය සබ්බඤ්ඤාඤ්ඤාණං න සච්ඡිකරොසි? කිං අනත්ථිකොසි එතෙහි විසෙසාධිගමෙහි? පස්ස යාව ච තෙ අපරද්ධං, ත්වං නාම සාවකපදෙසඤ්ඤාණෙ ධීතො අතිගම්භිරං පච්චයාකාරං “උත්තානකො විය මෙ උපට්ඨාති”ති වදසි. තස්ස තෙ ඉදං චචනං බුද්ධානං කථාය පච්චනීකං හොති. තාදිසෙන නාම හික්ඛුනා බුද්ධානං කථාය පච්චනීකං කථෙතබ්බන්ති න යුත්තමෙතං. නනු මය්හං, ආනන්ද, ඉමං පච්චයාකාරං පටිච්ඡිකිතුං වායමන්තස්සෙව කප්පසතසහස්සාධිකානි චත්තාරි අසඬ්ඛොයායානි අතික්කන්තානි. පච්චයාකාරපටිච්ඡිකිනත්ථාය ච පන මෙ අදින්නදානං නාම

නත්ථි, අපුරිතපාරම් නාම නත්ථි. “අජ්ජ පච්චයාකාරං පටිච්ඡික්ඛිස්සාමි”ති පන මෙ නිරුස්සාහං විය මාරබලං විධමන්තස්ස අයං මහාපථවී ද්වඩගුලමත්තමිපි නාකමිපි, තථා පඨමයාමෙ පුබ්බෙනිවාසං, මජ්ඣමයාමෙ දිබ්බවක්ඛුං සම්පාදෙන්තස්ස. පච්ඡිමයාමෙ පන මෙ බලවපච්චුසසමයෙ, “අච්ඡ්ඡා සඬබාරානං නවහි ආකාරෙහි පච්චයො හොති”ති දිට්ඨමත්තෙයෙව දසසහස්සිලොකධාතු අයදණ්ඨෙන ආකොට්ඨකංසථාලො විය විරවසනං විරවසහස්සං මුඤ්චමානා වාතාහතෙ පදුමිනිපණ්ණෙ උදකබිත්ථු විය පකමපිත්ථ. එවං ගම්භිරො වායං, ආනන්ද, පටිච්චසමුප්පාදො ගම්භිරාවහාසො ව, එතස්ස, ආනන්ද, ධම්මස්ස අනනුබොධා...පෙ.... නාතිවත්තතිති.

එතස්ස ධම්මස්සාති එතස්ස පච්චයධම්මස්ස. අනනුබොධාති ඤාතපරිඤ්ඤාවසෙන අනනුබුජ්ඣනා. අජ්ජපටිච්ඡිකාති තීරණජ්ජහානපරිඤ්ඤාවසෙන අජ්ජපටිච්ඡිකානා. තත්තාකුලකජාතාති තත්තං විය ආකුලජාතා. යථා නාම දුන්නික්ඛිත්තං මුසිකච්ඡිත්තං පෙසකාරානං තත්තං තහිං තහිං ආකුලං හොති, “ඉදං අග්ගං, ඉදං මූල”න්ති අග්ගෙන වා අග්ගං, මූලෙන වා මූලං සමානෙනුං දුක්ඛරං හොති. එවමෙව සත්තා ඉමස්මිං පච්චයාකාරෙ බලිතා ආකුලා බ්‍යාකුලා හොන්ති, න සක්කොන්ති පච්චයාකාරං උජුං කාතුං. තත්ථ තත්තං පච්චත්තපුරිසකාරෙ යත්වා සක්කාපි භවෙය්‍ය උජුං කාතුං, යපෙත්වා පන ද්වෙ බොධිසත්තෙ අඤ්ඤො සත්තො අත්තනො ධම්මතාය පච්චයාකාරං උජුං කාතුං සමත්ථො නාම නත්ථි. යථා පන ආකුලං තත්තං කඤ්ජියං දත්වා කොච්ඡෙන පහටං තත්ථ තත්ථ ගුලකජාතං හොති ගණ්ඨිබද්ධං, එවමෙව සත්තා පච්චයෙසු පක්ඛලිත්වා පච්චයෙ උජුං කාතුං අසක්කොන්තා ද්වාසට්ඨිදිට්ඨිගතවසෙන ගුලකජාතා හොන්ති ගණ්ඨිබද්ධා. යෙ හි කෙචි දිට්ඨියො සන්නිස්සිතා, සබ්බෙ තෙ පච්චයං උජුං කාතුං අසක්කොන්තායෙව.

කුලාගණ්ඨිකජාතාති කුලාගණ්ඨිකං වුව්චති පෙසකාරකඤ්ජියසුත්තං. කුලා නාම සකුණිකා, තස්සා කුලාවකොතිපි එකෙ. යථා හි තදුහයමිපි ආකුලං අග්ගෙන වා අග්ගං, මූලෙන වා මූලං සමානෙනුං දුක්ඛරන්ති පුරිමනයෙනෙව යොජෙතබ්බං.

මුඤ්ජපබ්බපභූතාති මුඤ්ජනිණං විය පබ්බපනිණං විය ව භූතා තාදිසා ජාතා. යථා හි තාති තිණාති කොට්ටෙන්වා කතරජ්ජු ජිණ්ණකාලෙ කත්ථවි පතිතං ගහෙන්වා තෙසං තිණානං “ඉදං අග්ගං, ඉදං මූල”න්ති අග්ගෙන වා අග්ගං, මූලෙන වා මූලං සමානෙනුං දුක්ඛරං, තමිපි පච්චත්තපුරිසකාරෙ යත්වා සක්කා

භවෙය්‍ය උජුං කාතුං, යපෙත්වා පන ද්වෙ බොධිසත්තෙ අඤ්ඤා සත්තො අත්තනො ධම්මතාය පච්චයාකාරං උජුං කාතුං සමත්ථො නාම නත්ථි, එවමයං පජා පච්චයං උජුං කාතුං අසක්කොන්ති දිට්ඨිගතවසෙන ගණ්ඨිකජාතා හුත්වා අපායං දුග්ගතිං විනිපාතං සංසාරං නාතිවත්තති.

තත්ථ අපායොති නිරයනිරවිජානයොනිපෙත්තිවිසයඅසුරකායා. සබ්බෙපි හි තෙ වධිසිසඬ්ඛාතස්ස අයස්ස අභාවතො “අපායො”ති වුච්චති, තථා දුක්ඛස්ස ගතිභාවතො දුග්ගති, සුඛසමුස්සයතො විනිපතිතත්තා විනිපාතො. ඉතරො පන

“බන්ධානඤ්ච පටිපාටි, ධාතුආයතනාන ව;

අබ්භොච්ඡින්නං චත්තමානා, සංසාරොති පවුච්චති”.

තං සබ්බමිපි නාතිවත්තති නාතික්කමති, අථ බො වුතීතො පටිසන්ධිං, පටිසන්ධිතො වුතින්ති එවං පුනප්පුනං වුතිපටිසන්ධියො ගණ්ඨමානා තිසු භවෙසු චතුසු යොනිසු පඤ්චසු ගතිසු සත්තසු විඤ්ඤාණධර්මිතිසු නවසු සත්තාවාසෙසු මහාසමුද්දෙ වාතක්ඛිත්තා නාවා විය යන්තෙ යුත්තගොණො විය ච පරිබ්භමති යෙව. ඉති සබ්බමෙතං භගවා ආයස්මන්තං ආනන්දං අපසාදෙන්තො ආහ. සෙසමෙත්ථ වුත්තනයමෙවාති. දසමං.

දුක්ඛවග්ගො ඡට්ඨෙයා.

7. මහාවග්ගො

1. අස්සුතවාසුත්තවණ්ණනා

61. මහාවග්ගස්ස පට්ඨමෙ අස්සුතවාති

බන්ධධාතුආයතනපච්චයාකාරසතිපට්ඨානාදීසු

උග්ගහපරිපුච්ඡාවිනිච්ඡයරහිතො. පුටුඡ්ඡනොති පුටුනං නානප්පකාරානං කිලෙසාදීනං ජනනාදිකාරණෙහි පුටුඡ්ඡනො. වුත්තඤ්ඤෙතං – “පුටු කිලෙසෙ ජනෙන්නිති පුටුඡ්ඡනා”ති සබ්බං විත්ථාරෙතබ්බං. අපිච පුටුනං ගණනපට්ඨකීතානං අරියධම්මපරමිමුඛානං නීවධම්මසමාවාරානං ජනානං අත්තොගධත්තාපි පුටුඡ්ඡනො, පුටු වා අයං විසුංයෙව සඬ්ඛං ගතො, විසංසට්ඨො සීලසුතාදිගුණයුත්තෙහි අරියෙහි ජනොති පුටුඡ්ඡනො. එවමෙනෙහි “අස්සුතවා පුටුඡ්ඡනො”ති ද්විතිපි පදෙහි යෙ තෙ –

“දුවෙ පුටුඡ්ඡනා වුත්තා, බුද්ධොනාදිච්චබන්ධුනා;

අත්ථො පුට්ඨජනො එකො, කල්‍යාණෙකො පුට්ඨජනො’ති. (මහානි. 94); –

ද්වෙ පුට්ඨජනා චුත්තා, තෙසු අත්ථපුට්ඨජනො ගහිතො. ඉමස්මිත්ති පච්චුප්පන්තපච්චක්ඛකායං දස්සෙති. චතුමහාභුතිකස්මිත්ති චතුමහාභුතකායෙ චතුමහාභුතෙහි නිබ්බත්තෙ චතුමහාභුතමයෙති අත්ථො. නිබ්බන්දෙය්‍යාති උක්කණ්ඨෙය්‍යා. විරජ්ජෙය්‍යාති න රජ්ජෙය්‍යා. විමුච්චෙය්‍යාති මුච්චිතුකාමො භවෙය්‍යා. ආවයොති වුඩ්ඪි. අපචයොති පරිහානි. ආදානන්ති නිබ්බත්ති. නික්ඛෙපනන්ති හෙදො.

තස්මාති යස්මා ඉමෙ චත්තාරො වුඩ්ඪිහානිනිබ්බත්තිහෙදා පඤ්ඤායන්ති, තස්මා තංකාරණාති අත්ථො. ඉති භගවා චතුමහාභුතිකෙ කායෙ රූපං පරිග්ගහෙතුං අයුත්තරූපං කත්වා අරූපං පරිග්ගහෙතුං යුත්තරූපං කරොති. කස්මා? තෙසඤ්ඤි භික්ඛූනං රූපස්මිං ගාහො බලවා අධිමත්තො, තෙන තෙසං රූපෙ ගාහස්ස පරිග්ගහෙතබ්බරූපතං දස්සෙත්වා නික්කඩ්ඪන්තො අරූපෙ පතිට්ඨාපනත්ථං එවමාහ.

චිත්තන්තිආදි සබ්බං මනායතනස්සෙව නාමං. තඤ්ඤි චිත්තචත්ථුතාය චිත්තගොචරතාය සම්පයුත්තධම්මචිත්තතාය ච චිත්තං, මනනට්ඨෙත මනො, විජානනට්ඨෙත විඤ්ඤාණන්ති චුච්චති. නාලන්ති න සමත්ථො. අජ්ඣෙය්‍යිතන්ති තණ්හාය ගිලිත්වා පරිනිට්ඨපෙත්වා ගහිතං. මමායිතන්ති තණ්හාමමත්තෙන මම ඉදන්ති ගහිතං. පරාමට්ඨන්ති දිට්ඨියා පරාමසිත්වා ගහිතං. එතං මමාති තණ්හාගාහො, තෙන අට්ඨසතතණ්හාවිචරිතං ගහිතං හොති. එසොහමස්මිති මානගාහො, තෙන නව මානා ගහිතා හොන්ති. එසො මෙ අත්තාති දිට්ඨිගාහො, තෙන ද්වාසට්ඨි දිට්ඨියො ගහිතා හොන්ති. තස්මාති යස්මා එවං දීඝරත්තං ගහිතං, තස්මා නිබ්බන්දිතුං න සමත්ථො.

වරං, භික්ඛවෙනි ඉදං කස්මා ආහ? පයමඤ්ඤි තෙන රූපං පරිග්ගහෙතුං අයුත්තරූපං කතං, අරූපං යුත්තරූපං, අථ “තෙසං භික්ඛූනං රූපතො ගාහො නික්ඛමිත්වා අරූපං ගතො”ති ඤාත්වා තං නික්කඩ්ඪිතුං ඉමං දෙසනං ආරභි. තත්ථ අත්තතො උපගච්ඡෙය්‍යාති අත්තාති ගණ්හෙය්‍යා. භියෙය්‍යාපීති වස්සසතතො උද්ධමිපි. කස්මා පන භගවා එවමාහ? කිං අතිරෙකවස්සසතං තිට්ඨමානං රූපං නාම අත්ථී? නනු පයමවයෙ පචත්තං රූපං මජ්ඣිමවයං න පාපුණාති, මජ්ඣිමවයෙ පචත්තං පච්ඡිමවයං, පුරෙහත්තෙ පචත්තං පච්ඡාහත්තං, පච්ඡාහත්තෙ පචත්තං පයමයාමං, පයමයාමෙ පචත්තං මජ්ඣිමයාමං, මජ්ඣිමයාමෙ පචත්තං පච්ඡිමයාමං න පාපුණාති? තථා ගමනෙ

පවත්තං යානං, යානෙ පවත්තං නිසජ්ජං, නිසජ්ජාය පවත්තං සයනං න පාපුණාති. එකඉරියාපටෙපි පාදස්ස උද්ධරණෙ පවත්තං අතිහරණං, අතිහරණෙ පවත්තං චිතිහරණං, චිතිහරණෙ පවත්තං වොස්සජ්ජනං, වොස්සජ්ජනෙ පවත්තං සන්තික්ඛෙපනං, සන්තික්ඛෙපනෙ පවත්තං සන්තිරුජ්ඣානං න පාපුණාති, තත්ථ තත්ථෙව ඔධි ඔධි පබ්බං පබ්බං හුත්වා තත්තකපාලෙ පක්ඛිත්තතිලා විය පටපටායන්තා සඬබ්බා භිජ්ජන්තිති? සච්චමෙතං. යථා පන පදීපස්ස ජලතො ජාතා තං තං වට්ටිජ්ජදෙසං අනතික්කමිත්වා තත්ථ තත්ථෙව භිජ්ජති, අථ ච පන පවෙණ්ණසම්බන්ධවසෙන සබ්බරත්තිං ජලිතො පදීපොති වුවචති, එවමිධාපි පවෙණ්ණවසෙන අයම්පි කායො එවං චිරට්ඨිතිකො විය කත්වා දස්සිතො.

රත්තියා ච දිවසස්ස වාති රත්තිමිහි ච දිවසෙ ව. භූමිමත්ථෙ හෙතං සාමිච්චනං. අඤ්ඤදෙව උජ්ජජ්ජති, අඤ්ඤං නිරුජ්ඣතිති යං රත්තිං උජ්ජජ්ජති ච නිරුජ්ඣති ච, තතො අඤ්ඤදෙව දිවා උජ්ජජ්ජති ච නිරුජ්ඣති වාති අත්ථො. අඤ්ඤං උජ්ජජ්ජති, අනුජ්ජන්තමෙව අඤ්ඤං නිරුජ්ඣතිති එවං පන අත්ථො න ගහෙතබ්බො. “රත්තියා ච දිවසස්ස වා”ති ඉදං පුරිමපවෙණ්ණතො පරිත්තකං පවෙණ්ණං ගහෙත්වා පවෙණ්ණවසෙනෙව වුත්තං, එකරත්තිං පන එකදිවසං වා එකමෙව විත්තං යාතුං සමත්ථං නාම නත්ථී. එකස්මිඤ්ඤි අවිජරාක්ඛණෙ අනෙකානි විත්තකොට්ඨසතසහස්සානි උජ්ජජ්ජන්ති. වුත්තම්පි වෙතං මිලින්දපඤ්ඤෙහි —

“වාහසනං බො, මහාරාජ, විහීනං, අඬ්ඬවුළඤ්ඤ වාහා, විහිසත්තමිඤ්ඤානි, ද්වෙ ච තුම්බා, එකවිජරාක්ඛණෙ පවත්තස්ස විත්තස්ස එත්තකා විහී ලක්ඛං යජියමානා පරික්ඛයං පරියාදානං ගච්ඡෙය්‍යු”න්ති.

පවනෙති මහාවනෙ. තං මුඤ්ඤිත්වා අඤ්ඤං ගණ්භාති, තං මුඤ්ඤිත්වා අඤ්ඤං ගණ්භාතිති ඉමිනා න සො ගණ්භිතබ්බසාබං අලභිත්වා භූමිං ඔතරති. අථ බො තස්මිං මහාවනෙ විවරන්තො තං තං සාබං ගණ්භන්තොයෙව වරතීති අයමත්ථො දස්සිතො.

එවමෙව බොති එත්ථ ඉදං ඔපම්මසංසන්දනං — අරඤ්ඤමහාවනං විය හි ආරම්මණවනං වෙදිතබ්බං. තස්මිං වනෙ විවරණමක්කටො විය ආරම්මණවනෙ උජ්ජජ්ජනකවිත්තං. සාබාගහණං විය ආරම්මණෙ ලුබ්භනං. යථා සො අරඤ්ඤෙ විවරන්තො මක්කටො තං තං සාබං පහාය තං තං සාබං ගණ්භාති, එවමිදං ආරම්මණවනෙ විවරන්තං විත්තම්පි කදාචි රූපාරම්මණං ගහෙත්වා උජ්ජජ්ජති, කදාචි සද්දාදීසු අඤ්ඤතරං, කදාචි අතීතං, කදාචි අනාගතං වා

පව්වුප්පන්නං වා, තථා කදාපි අප්ඤ්ඤාත්තං, කදාපි බාහිරං. යථා ච සො අරඤ්ඤෙ විවරන්නො මක්කටො සාධං අලහිත්වා ඔරුය්හ භූමියං නිසින්නොති න වත්තබ්බො, එකං පන පණ්ණසාධං ගහෙත්වාච නිසීදති, එවමෙව ආරම්මණවනෙ විවරන්නං චිත්තමිපි එකං ඔලුබ්භාරම්මණං අලහිත්වා උප්පන්නන්ති න වත්තබ්බං, එකජාතියං පන ආරම්මණං ගහෙත්වාච උප්පජ්ජතීති වෙදිතබ්බං. එත්තාවතා ච පන භගවතා රූපතො නීහරිත්වා අරූපෙ ගාහො පතිට්ඨාපිතො, අරූපතො නීහරිත්වා රූපෙ.

ඉදානි තං උභයතො නික්කඩ්ඪිතුකාමො තත්ත්ව, භික්ඛවෙ, සුතවා අරියසාවකොති දෙසනං ආරභි. අයං පනත්ථො ආසීවිසදට්ඨුපමාය දීපෙතබ්බො – එකො කිර පුරිසො ආසීවිසෙන දට්ඨො, අථස්ස විසං හරිස්සාමීති ඡෙකො භිසක්කො ආගන්ත්වා වමනං කාරෙත්වා හෙට්ඨා ගරුළො, උපරි නාගොති මන්තං පරිවත්තෙත්වා විසං උපරි ආරොපෙසි. සො යාච අක්ඛිප්පදෙසා ආරුළුභභාවං ඤාත්වා “ඉතො පරං අභිරුහිතුං න දස්සාමි, දට්ඨට්ඨානෙයෙව යපෙස්සාමි”ති උපරි ගරුළො, හෙට්ඨා නාගොති මන්තං පරිවත්තෙත්වා කණ්ණෙ ධුමෙත්වා දණ්ඩකෙන පහරිත්වා විසං ඔතාරෙත්වා දට්ඨට්ඨානෙයෙව යපෙසි. තත්ත්වස්ස ධීතභාවං ඤාත්වා අගදලෙපෙන විසං නිම්මට්ඨත්වා න්භාපෙත්වා “සුඛී භොභී”ති වත්වා යෙනකාමං පක්කාමි.

තත්ථ ආසීවිසෙන දට්ඨස්ස කායෙ විසපතිට්ඨානං විය ඉමෙසං භික්ඛූනං රූපෙ අධිමත්තගාහකාලො, ඡෙකො භිසක්කො විය තථාගතො, මන්තං පරිවත්තෙත්වා උපරි විසස්ස ආරොපිතකාලො විය තථාගතෙන තෙසං භික්ඛූනං රූපතො ගාහං නීහරිත්වා අරූපෙ පතිට්ඨාපිතකාලො, යාච අක්ඛිප්පදෙසා ආරුළුභවිසස්ස උපරි අභිරුහිතුං අදත්වා පුන මන්තබලෙන ඔතාරෙත්වා දට්ඨට්ඨානෙයෙව යපනං විය සත්ථාරා තෙසං භික්ඛූනං අරූපතො ගාහං නීහරිත්වා රූපෙ පතිට්ඨාපිතකාලො. දට්ඨට්ඨානෙ ධීතස්ස විසස්ස අගදලෙපෙන නිම්මට්ඨනං විය උභයතො ගාහං නීහරණත්ථාය ඉමිස්සා දෙසනාය ආරද්ධකාලො වෙදිතබ්බො. තත්ථ නිබ්බින්නදං විරජ්ජතීති ඉමිනා මග්ගො කථිතො, විරාගා විමුච්චතීති ඵලං, විමුක්තස්මිත්තිආදිනා පච්චවෙක්ඛණා. පයමං.

2. දුතියඅස්සුතවාසුත්තවණ්ණනා

62. දුතියෙ සුඛවෙදනියන්ති සුඛවෙදනාය පච්චයං. එස්සන්ති චක්ඛුසම්ඵස්සාදිං. නත්ත ච චක්ඛුසම්ඵස්සො සුඛවෙදනාය පච්චයො න භොතීති? සහජාතපච්චයෙන න භොති, උපනිස්සයපච්චයෙන පන ජචනවෙදනාය භොති,

තං සන්ධායෙනං චුත්තං. සොතසම්ඵස්සාදීසුපි එසෙව නයො. තජ්ජන්ති තජ්ජාතිකං තස්සාරුජ්ජං, තස්ස ඵස්සස්ස අනුරුපන්ති අත්ථො. දුක්ඛවෙදනියන්තිආදි චුත්තනයෙනෙව වෙදිතබ්බං. සඬ්ඝට්ඨනසමොධානාති සඬ්ඝට්ඨනෙන වෙව සමොධානෙන ව, සඬ්ඝට්ඨනසම්පිණ්ඩනෙනාති අත්ථො. උස්මාති උණ්භාකාරො. තෙජො අභිනිබ්බත්තනීති අග්ගිචුණ්ණො නික්ඛමතීති න ගහෙතබ්බං, උස්මාකාරස්සෙව පන එතං වෙවචනං. තත්ථ ද්විත්තං කට්ඨානන්ති ද්විත්තං අරණීතං. තත්ථ අධොඅරණී විය වත්ථු, උත්තරාරණී විය ආරම්මණං, සඬ්ඝට්ඨනං විය එස්සො, උස්මාධාතු විය වෙදනා. දුතියං.

3. පුත්තමංසුපමසුත්තවණ්ණනා

63. තතියෙ වත්තාරොමෙ, භික්ඛවෙ, ආභාරාතිආදි චුත්තනයමෙව. යස්මා පනස්ස අට්ඨුජ්ජන්තිකො නික්ඛෙපො, තස්මා තං දස්සෙත්වාචෙත්ථ අනුපුබ්බපදවණ්ණනං කර්ස්සාමි. කතරාය පන ඉදං අට්ඨුජ්ජන්තියා නික්ඛිත්තන්ති? ලාභසක්කාරෙන. භගවතො කිර මහාලාභසක්කාරො උජ්ජජ්ජි, යථා තං වත්තාරො අසඬ්ඛොයො පුරිතදානපාරමීසඤ්චයස්ස. සබ්බදිසාසු භිස්ස යමකමහාමෙසො චුට්ඨන්තිවා මහොසං විය සබ්බපාරමියො “එකස්මිං අත්තභාවෙ විපාකං දස්සාමා”ති සම්පිණ්ඩිතා විය ලාභසක්කාරමහොසං නිබ්බත්තයිංසු. තතො තතො

අත්තපානායානවත්ථමාලාගන්ධවිලෙපනාදිහත්ථා ඛත්තියබ්බාග්මණාදයො ආගන්ත්වා, “කහං බුද්ධො, කහං භගවා, කහං දෙවදෙවො නරාසහො පුරිසසිහො”ති? භගවත්තං පරියෙසන්ති. සකටසතෙහිපි පච්චයෙ ආහරිත්වා ඔකාසං අලභමානා සමන්තා ගාචුතජ්ජමාණම්පි සකටධුරෙන සකටධුරං ආහච්ච තිට්ඨන්ති වෙව අනුජ්ජවත්තන්ති ව අන්ධකචින්ද්‍රාග්මණාදයො විය. සබ්බං ඛන්ධකෙ තෙසු තෙසු සුත්තෙසු ව ආගතනයෙන වෙදිතබ්බං.

යථා භගවතො, එවං භික්ඛුසඬ්ඝස්සාපි. චුත්තඤ්චෙනං -

“තෙන ඛො පන සමයෙන භගවා සක්කතො හොති ගරුකතො මානිතො පුජිතො අපචිතො ලාභී විවර-පිණ්ඩපාත-සෙනාසන-ගිලාන-පච්චය-හෙසජ්ජ-පරික්ඛාරානං. භික්ඛුසඬ්ඝොපි ඛො සක්කතො හොති...පෙ.... පරික්ඛාරාන”න්ති (උදා. 14; සං. නි. 2.70).

තථා “යාවතා ඛො, චුන්ද, එතරහි සඬ්ඝො වා ගණො වා ලොකෙ උජ්ජන්තො, නාහං, චුන්ද, අඤ්ඤං එකසඬ්ඝම්පි සමනුපස්සාමි එවං ලාභග්ගයසග්ගපත්තං යථරිවායං, චුන්ද, භික්ඛුසඬ්ඝො”ති (දී. නි. 3.176).

ස්වායං භගවතො ච සඤ්ඤාස්ස ච උප්පන්නො ලාභසක්කාරො එකතො භුත්වා ද්විත්තං මහානදීනං උදකං විය අප්පමෙය්‍යා අහොසි. අථ සත්ථා රහොගතො වින්තෙසි – “මහාලාභසක්කාරො අතීතවුද්ධානමිපි එවරුපො අහොසි, අනාගතානමිපි එවරුපො භවිස්සති. කිං නු ඛො භික්ඛු ආහාරපරිග්ගාහකෙන සතිසම්පජ්ඣාඤ්ඤාන සමන්තාගතා මජ්ඣන්තා නිව්ඡන්දරාගා භුත්වා ආහාරං පරිභුඤ්ජිතුං සක්කොන්ති, න සක්කොන්ති” ති?

සො අද්දස එකච්චෙ අධුනා පබ්බජිතෙ කුලපුත්තෙ අපච්චවෙක්ඛිත්වා ආහාරං පරිභුඤ්ජමානෙ. දිස්වානස්ස එතදහොසි – “මයා කප්පසතසහස්සාධිකානි චත්තාරි අසඬ්ඛෙය්‍යානි පාරමියො පුරෙන්නෙන න විවරාදිහෙතු පුරිතා, උත්තමඵලස්ස පන අරහත්තස්සත්ථාය පුරිතා. ඉමෙපි භික්ඛු මම සන්තිකෙ පබ්බජන්තා න විවරාදිහෙතු පබ්බජිතා, අරහත්තස්සෙව පන අත්ථාය පබ්බජිතා. තෙ ඉදානි අසාරමෙව සාරං අනත්ථමෙව ච අත්ථං කරොන්ති” ති එවමස්ස ධම්මසංවෙගො උද්පාදි. තතො වින්තෙසි – “සචෙ පඤ්චමං පාරාජිකං පඤ්ඤපෙතුං සක්කා අභවිස්ස, අපච්චවෙක්ඛිතාහාරපරිහොගො පඤ්චමං පාරාජිකං කත්වා පඤ්ඤපෙතබ්බො භවෙය්‍ය. න පන සක්කා එවං කාතුං, ධුවපටිසෙවනට්ඨානඤ්ඤෙනං සත්තානං. යථා පන කථිතෙ පඤ්චමං පාරාජිකං විය නං පස්සිස්සන්ති. එවං ධම්මාදාසං සංවරං මරියාදං යපෙස්සාමි, යං ආවජ්ජිත්වා ආවජ්ජිත්වා අනාගතෙ භික්ඛු චත්තාරො පච්චයෙ පච්චවෙක්ඛිත්වා පරිභුඤ්ජිස්සන්ති” ති. ඉමාය අට්ඨුප්පත්තියා ඉමං පුත්තමංසුපමසුත්තන්තං නික්ඛිපි. තත්ථ චත්තාරොමෙ, භික්ඛවෙ, ආහාරාතිආදි හෙට්ඨා චුත්තත්ථමෙව.

චත්තාරො පන ආහාරෙ විත්ථාරෙත්වා ඉදානි තෙසු ආදීනවං දස්සෙතුං කථංඤ්ච, භික්ඛවෙ, කබ්බිකාරො ආහාරො දට්ඨබ්බොතිආදිමාහ? තත්ථ ජායම්පතිකානි ජායා වෙව පති ව. පරිත්තං සම්බලන්ති පුට්ඨත්තසත්තුමොදකාදීනං අඤ්ඤතරං අප්පමත්තකං පාඨෙය්‍යං. කන්තාරමග්ගන්ති කන්තාරභූතං මග්ගං, කන්තාරෙ වා මග්ගං. කන්තාරන්ති වොරකන්තාරං වාලකන්තාරං අමනුස්සකන්තාරං නිරුද්ධකන්තාරං අප්පහක්ඛකන්තාරන්ති පඤ්චවිධං. තෙසු යත්ථ වොරහයං අත්ථි, තං වොරකන්තාරං. යත්ථ සීහබ්‍යග්ගාදයො වාලා අත්ථි, තං වාලකන්තාරං. යත්ථ බලවාමුඛයක්ඛිතිආදීනං අමනුස්සානං වසෙන භයං අත්ථි, තං අමනුස්සකන්තාරං. යත්ථ පාතුං වා න්හායිතුං වා උදකං නත්ථි, තං නිරුද්ධකන්තාරං. යත්ථ බාදිතබ්බං වා භුඤ්ජිතබ්බං වා අන්තමසො කන්දමුලාදිමත්තමිපි නත්ථි, තං අප්පහක්ඛකන්තාරං නාම. යත්ථ පනෙතං පඤ්චවිධමිපි භයං අත්ථි, තං කන්තාරමෙව. තං පනෙතං

එකාහද්විහතීහාදිවසෙන නිත්ථරිතබ්බමපි අත්ථි, න තං ඉධ අධිජ්ජෙතං. ඉධ පන නිරුද්ධකං අප්පහක්ඛං යොජනසතිකකන්තාරං අධිජ්ජෙතං. එවරුපෙ කන්තාරෙ මග්ගං. පටිපජ්ජෙය්‍යුන්ති ඡාතකභයෙන චෙව රොගභයෙන ච රාජභයෙන ච උපද්දුතා පටිපජ්ජෙය්‍යුං. “එතං කන්තාරං නිත්ථරිත්වා ධම්මිකස්ස රඤ්ඤො නිරුපද්දෙව රට්ඨෙ සුඛං වසිස්සාමා”ති මඤ්ඤමානා.

එකපුත්තකොති උක්ඛිපිත්වා ගහිතො අනුකම්පිතබ්බයුත්තො අථීරසරීරො එකපුත්තකො. වල්ලුරඤ්ච සොණ්ඩිකඤ්චාති සනසනට්ඨානතො ගහෙත්වා වල්ලුරං, අට්ඨිනිස්සිතසිරානිස්සිතට්ඨානාති ගහෙත්වා සුලමංසඤ්චාති අත්ථො. පටිපිසෙය්‍යුන්ති පහරෙය්‍යුං. කභං එකපුත්තකාති අයං තෙසං පරිදෙවනාකාරො.

අයං පනෙත්ථ භූතමත්ථං කත්වා ආදිතො පට්ඨාය සඬ්ඛෙපතො අත්ථවණ්ණනා – ද්වෙ කිර ඡායම්පතිකා පුත්තං ගහෙත්වා පරිත්තෙන පාඨෙය්‍යන යොජනසතිකං කන්තාරමග්ගං පටිපජ්ජිංසු. තෙසං පඤ්ඤාසයොජනාති ගන්ත්වා පාඨෙය්‍යං නිට්ඨාසි, තෙ බුජ්ජිපාසාතුරා විරලච්ඡායායං නිසිදිංසු. තතො පුරිසො හරියං ආහ – “හද්දෙ ඉතො සමන්තා පඤ්ඤාසයොජනාති ගාමො වා නිගමො වා නත්ථි. තස්මා යං තං පුරිසෙන කාතබ්බං බහුමපි කසිගොරක්ඛාදිකම්මං, න දානි සක්කා තං මයා කාතුං, එහි මං මාරෙත්වා උපඩ්ඨමංසං බාදිත්වා උපඩ්ඨං පාඨෙය්‍යං කත්වා පුත්තෙන සද්ධිං කන්තාරං නිත්ථරාහී”ති. පුන සාපි තං ආහ – “සාමි මයා දානි යං තං ඉත්ථියා කාතබ්බං බහුමපි සුත්තකන්තනාදිකම්මං, තං කාතුං න සක්කා, එහි මං මාරෙත්වා උපඩ්ඨමංසං බාදිත්වා උපඩ්ඨං පාඨෙය්‍යං කත්වා පුත්තෙන සද්ධිං කන්තාරං නිත්ථරාහී”ති. පුන සොපි තං ආහ – “හද්දෙ මාතුගාමමරණෙන ද්වින්තං මරණං පඤ්ඤායති. න හි මන්දො කුමාරො මාතරා විනා ජීවිතුං සක්කොති. යදි පන මයං ජීවාම. පුන දාරකං ලභෙය්‍යාම. හන්ද දානි පුත්තකං මාරෙත්වා, මංසං ගහෙත්වා කන්තාරං නිත්ථරාමා”ති. තතො මාතා පුත්තමාහ – “තාත, පිතුසන්තිකං ගච්ඡා”ති, සො අගමාසි. අට්ඨස්ස පිතා, “මයා ‘පුත්තකං පොසෙස්සාමි’ති කසිගොරක්ඛාදිහි අනප්පකං දුක්ඛමනුභූතං, න සක්කොමි අහං පුත්තං මාරෙතුං, ත්වංයෙව තව පුත්තං මාරෙහී”ති වත්වා, “තාත මාතුසන්තිකං ගච්ඡා”ති ආහ. සො අගමාසි. අට්ඨස්ස මාතාපි, “මයා පුත්තං පත්ථෙත්තියා ගොවතකුක්කුරවතදෙවතායාවනාදිහිපි තාව අනප්පකං දුක්ඛමනුභූතං, කො පන වාදො කුච්ඡිනා පරිහරන්තියා? න සක්කොමි අහං පුත්තං මාරෙතුං”න්ති වත්වා “තාත, පිතුසන්තිකමෙව ගච්ඡා”ති ආහ. එවං සො

ද්විත්තමත්තරා ගච්ඡන්තොයෙව මනො. තෙ තං දිස්වා පරිදෙවිත්වා
වුත්තනයෙන මංසානි ගහෙත්වා බාදන්තා පක්කමිංසු.

තෙසං සො පුත්තමංසාහාරො නවහි කාරණෙහි පටිකුලත්තා නෙව දවාය
හොති, න මදාය, න මණ්ඩනාය, න විභූසනාය, කෙවලං
කන්තාරනිත්ථරණත්ථායෙව හොති. කතමෙහි නවහි කාරණෙහි පටිකුලොති
වෙ? සජාතිමංසනාය ඤාතිමංසනාය පුත්තමංසනාය පියපුත්තමංසනාය
තරුණමංසනාය ආමකමංසනාය අභොගමංසනාය අලොණනාය අධුපිතනායාති.
එවඤ්ඤි තෙ නවහි කාරණෙහි පටිකුලං තං පුත්තමංසං බාදන්තා න සාරත්තා
ගිද්ධමානසා හුත්වා බාදිංසු, මජ්ඣිමනිකායෙවෙයෙව පන නිව්ඡන්දරාගපරිභොගෙ
ධීතා බාදිංසු. න අට්ඨන්තාරුවම්මනිස්සිතට්ඨානානි අපනෙත්වා ථුලථුලං
වරමංසමෙව බාදිංසු, හත්ථසම්පත්තං මංසමෙව පන බාදිංසු. න යාවදත්ථං
කණ්ඨප්පමාණං කත්වා බාදිංසු, ථොකං ථොකං පන එකදිවසං
යාපනමත්තමෙව බාදිංසු. න අඤ්ඤමඤ්ඤං මච්ඡරායන්තා බාදිංසු,
විගතමච්ඡෙරමලෙන පන පරිසුද්ධෙනෙව චෙතසා බාදිංසු. න අඤ්ඤං කිඤ්චි
මිගමංසං වා මොරමංසාදීනං වා අඤ්ඤතරං බාදාමානි සම්මුල්ලිතා බාදිංසු,
පියපුත්තමංසභාවං පන ජානන්තාව බාදිංසු. න “අභො වත මයං පුනපි එවරූපං
පුත්තමංසං බාදෙය්‍යාමා”ති පත්ථනං කත්වා බාදිංසු, පත්ථනං පන වීතිවත්තාව
හුත්වා බාදිංසු. න “එත්තකං කන්තාරෙ බාදිත්වා අවසිට්ඨං කන්තාරං
අතික්කම්ම ලොණම්බිලාදීහි යොජෙත්වා බාදිස්සාමා”ති සන්තිධිං අකංසු,
කන්තාරපරියොසානෙ පන “පුරෙ මහාජනො පස්සති”ති භූමියං වා නිබ්භිංසු,
අග්ගිනා වා කුප්පිංසු. න “කොච්ඡි අඤ්ඤො අම්හෙ විය එවරූපං පුත්තමංසං
බාදිතුං න ලහති”ති මානං වා දප්පං වා අකංසු, නිහතමානා පන නිහතදප්පා
හුත්වා බාදිංසු. “කිං ඉමිනා අලොණෙන අනම්බිලෙන අධුපිතෙන
දුග්ගන්ධෙනා”ති න භීලෙත්වා බාදිංසු, භීලනං පන වීතිවත්තා හුත්වා බාදිංසු. න
“තුය්හං භාගො මය්හං භාගො තව පුත්තො මම පුත්තො”ති අඤ්ඤමඤ්ඤං
අතිමඤ්ඤිංසු. සමග්ගා පන සම්මොදමානා හුත්වා බාදිංසු. ඉමං නෙසං එවරූපං
නිව්ඡන්දරාගාදිපරිභොගං සම්පස්සමානො සත්ථා භික්ඛුසඤ්ඤාමිති තං කාරණං
අනුජානාපෙත්තො තං කිං මඤ්ඤං, භික්ඛවෙ, අපි නු තෙ දවාය වා ආහාරං
ආහාරෙය්‍යුත්තිආදිමාහ. තත්ථ දවාය වානිආදීනි විසුද්ධිමග්ගෙ (විසුද්ධි. 1.18)
විත්ථාරිතානෙව. කන්තාරස්සාති නිත්තිණ්ණාවසෙසස්ස කන්තාරස්ස.

එවමෙව බොති නවත්තං පාටිකුලානං වසෙන පියපුත්තමංසසදිසො කත්වා
දට්ඨබ්බොති අත්ථො. කතමෙසං නවත්තං? ගමනපාටිකුලානාදීනං.
ගමනපාටිකුලානං පච්චවෙක්ඛන්තොපි කබ්බිකාරාහාරං පරිග්ගණ්හාති,

පරියෙසනපාටිකුලායතං

පච්චචෙක්ඛන්තොපි,

පරිභොගනිධානආසයපරිපක්කාපරිපක්කසම්මක්ඛණ්ණිස්සන්දපාටිකුලායතං

පච්චචෙක්ඛන්තොපි, තානි පනෙතානි ගමනපාටිකුලායතාදීනි විසුද්ධිමග්ගෙ (විසුද්ධි. 1.294) ආහාරපාටිකුලායතාදීදෙසෙ විත්ථාරිතානෙව. ඉති ඉමෙසං නවන්තං පාටිකුලායතං වසෙන පුත්තමංසුපමං කත්වා ආහාරො පරිභුඤ්ජිතබ්බො.

යථා තෙ ජායම්පතිකා පාටිකුලායං පියපුත්තමංසං බාදන්තා න සාරත්තා ගිද්ධමානසා හුත්වා බාදිංසු, මජ්ඣන්තභාවෙයෙව නිව්ඡන්දරාගපරිභොගෙ ධීතා බාදිංසු, එවං නිව්ඡන්දරාගපරිභොගං කත්වා පරිභුඤ්ජිතබ්බො. යථා ච තෙ න අට්ඨන්තාරුචම්මනිස්සිතං අපනෙත්වා ථුලථුලං වරමංසමෙව බාදිංසු, හත්ථසම්පත්තමෙව පන බාදිංසු, එවං සුක්ඛත්තමන්දබ්‍යඤ්ජනාදීනි පිට්ඨිහත්තොපන අපටික්ඛිපිත්වා වට්ටකෙන විය කුක්කුටෙන විය ච ඔධිං අදස්සෙත්වා තතො තතො සජ්ජිමංසාදිසංසට්ඨවරභොජනංයෙව විචිනිත්වා අභුඤ්ජන්තෙන සීහෙන විය සපදානං පරිභුඤ්ජිතබ්බො.

යථා ච තෙ න යාවදත්ථං කණ්ඨප්පමාණං බාදිංසු, ථොකං ථොකං පන එකෙකදිවසං යාපනමත්තමෙව බාදිංසු, එවමෙව ආහරහත්ථකාදිබ්‍රාහ්මණානං අඤ්ඤතරෙන විය යාවදත්ථං උදරාවදෙහකං අභුඤ්ජන්තෙන චතුන්තං පඤ්චන්තං වා ආලොපානං ඔකාසං යපෙත්වා ධම්මසෙනාපතිනා විය පරිභුඤ්ජිතබ්බො. සො කිර පඤ්චවත්තාලීස වස්සානි තිට්ඨමානො “පච්ඡාහත්තෙ අම්බිලුග්ගාරසමුට්ඨාපකං කත්වා එකදිවසම්පි ආහාරං න ආහාරෙසි”න්ති වත්වා සීහනාදං නදන්තො ඉමං ගාථමාහ –

“වත්තාරො පඤ්ච ආලොපෙ, අභුත්වා උදකං පිචෙ;

අලං ඵාසුචිහාරාය, පහිත්තස්ස හික්ඛුනො”ති. (ථෙරගා. 983);

යථා ච තෙ න අඤ්ඤමඤ්ඤං මච්ඡරායන්තා බාදිංසු, විගතමලමච්ඡෙරෙන පන පරිසුද්ධෙනෙව චෙතසා බාදිංසු, එවමෙව පිණ්ඩපාතං ලහිත්වා අමච්ඡරායිත්වා “ඉමං සබ්බං ගණ්හන්තස්ස සබ්බං දස්සාමි, උපඩ්ඨං ගණ්හන්තස්ස උපඩ්ඨං, සචෙ ගහිතාවසෙසො හවිස්සති, අත්තනා පරිභුඤ්ජිස්සාමි”ති සාරණීයධම්මෙ ධීතෙනෙව පරිභුඤ්ජිතබ්බො. යථා ච තෙ න “අඤ්ඤං කිඤ්චි මයං මිගමංසං වා මොරමංසාදීනං වා අඤ්ඤතරං බාදාමා”ති සම්මුල්ලා බාදිංසු, පියපුත්තමංසභාවං පන ජානන්තාව බාදිංසු, එවමෙව පිණ්ඩපාතං ලහිත්වා “අහං බාදාමි භුඤ්ජාමි”ති අත්තුපලද්ධිසම්මොහං අනුප්පාදෙත්වා

“කබ්බුකාරාභාරො න ජානාති ‘වාතුමහාභූතිකකායං වඩ්ඪෙය්මි’ති, කායොපි න ජානාති ‘කබ්බුකාරාභාරො මං වඩ්ඪෙය්මි’”ති, එවං සම්මොහං පහාය පරිභුඤ්ජිතබ්බො. සතිසම්පජ්ඣාදිවසෙනාපි වෙස අසම්මුල්ලෙනෙනෙව හුත්වා පරිභුඤ්ජිතබ්බො.

යථා ව තෙ න “අහො වත මයං පුනපි එවරූපං පුත්තමංසං බාදෙය්මාමා”ති පත්ථනං කත්වා බාදිංසු, පත්ථනං පන චිතිවත්තාව හුත්වා බාදිංසු, එවමෙව පණිතභොජනං ලද්ධා ‘අහො වතාහං ස්වෙපි පුනදිවසෙපි එවරූපං ලභෙය්මාමා’, ලුබ්භං වා පන ලද්ධා “භියොයා විය මෙ අජ්ජ පණිතභොජනං න ලද්ධ”න්ති පත්ථනං වා අනුසොචනං වා අකත්වා නිත්තණ්හෙන –

“අතීතං නානුසොවාමි, නජ්ජපජ්ජාමිනාගතං;

පච්චුජ්ජන්තෙන යාපෙමි, තෙන වණ්ණො පසිදති”ති. (ජා. 2.22.90) –

ඉමං ඔවාදං අනුස්සරන්තෙන “පච්චුජ්ජන්තෙනෙව යාපෙස්සාමි”ති පරිභුඤ්ජිතබ්බො.

යථා ව තෙ න “එත්තකං කන්තාරෙ බාදිත්වා අවසිට්ඨං කන්තාරං අතික්කම්ම ලොණම්බිලාදිහි යොජෙත්වා බාදිස්සාමා”ති සන්තිධිං අකංසු, කන්තාරපරියොසානෙ පන “පුරෙ මහාජනො පස්සති”ති භූමියං වා නිබ්ණංසු, අග්ගිනා වා ක්කාපයිංසු, එවමෙව –

“අත්තානමථො පානානං,

බාදනීයානං අථොපි වත්ථානං;

ලද්ධා න සන්තිධිං කසිරා,

න ව පරිත්තසෙ තාති අලභමානො”ති. (සු. නි. 930); –

ඉමං ඔවාදං අනුස්සරන්තෙන වතුසු පච්චයෙසු යං යං ලභති, තතො තතො අත්තතො යාපනමත්තං ගහෙත්වා, සෙසං සබ්බමචාරීනං විස්සජ්ජෙත්වා සන්තිධිං පරිවජ්ජන්තෙන පරිභුඤ්ජිතබ්බො. යථා ව තෙ න “කොචි අඤ්ඤො අම්හෙ විය එවරූපං පුත්තමංසං බාදිතුං න ලභති”ති මානං වා දජ්ජං වා අකංසු, නිහතමානා පන නිහතදජ්ජා හුත්වා බාදිංසු, එවමෙව පණිතභොජනං ලභිත්වා “අහමස්මි ලාභී විවරපිණ්ඩපාතාදීන”න්ති න මානො වා දජ්ජො වා කාතබ්බො. “නායං පබ්බජ්ජා විවරාදිහෙනු, අරහත්තහෙනු පනායං පබ්බජ්ජා”ති පච්චවෙක්ඛිත්වා නිහතමානදජ්ජෙනෙව පරිභුඤ්ජිතබ්බො.

යථා ච තෙ “කිං ඉමිනා අලොභෙන අනම්බිලෙන අධුපිතෙන දුග්ගන්ධෙනා”ති භිලෙක්ඛා න බාදිංසු, භිලනං පන චිතිවත්තා හුත්වා බාදිංසු, එවමෙව පිණ්ඩපාතං ලභිත්වා “කිං ඉමිනා අස්සගොණහත්තසදිසෙන ලුබ්භෙන නිරසෙන, සුචානදොණියං තං පක්ඛිපථා”ති එවං පිණ්ඩපාතං වා “කො ඉමං භුඤ්ජිස්සති, කාකසුනබාදිනං දෙහී”ති එවං දායකං වා අභිලෙක්ඛන්තෙ -

“ස පත්තපාණි විවරන්තො, අමුගො මුගසම්මතො;

අප්පං දානං න භිලෙයා, දාතාරං නාවජානියා”ති. (සු. නි. 718); -

ඉමං ඔවාදං අනුස්සරන්තෙන පරිභුඤ්ජිතබ්බො. යථා ච තෙ න “තුය්හං භාගො, මය්හං භාගො, තච පුත්තො මම පුත්තො”ති අඤ්ඤමඤ්ඤං අතිමඤ්ඤිංසු, සමග්ගා පන, සම්මොදමානා හුත්වා බාදිංසු, එවමෙවං පිණ්ඩපාතං ලභිත්වා යථා එකච්චො “කො තුම්භාදිසානං දස්සති නික්කාරණා උම්මාරෙසු පක්ඛලන්තානං ආභිණ්ඩන්තානං විජාතමානාපි වො දාතබ්බං න මඤ්ඤති, මයං පන ගතගතට්ඨානෙ පණිතානි විවරාදිති ලභාමා”ති සිලවන්තෙ සබ්බමචාරී අතිමඤ්ඤති, යං සන්ධාය වුත්තං -

“සො තෙන ලාභසක්කාරසිලොකෙන අභිභූතො පරියාදිණ්ණචිත්තො අඤ්ඤෙ පෙසලෙ භික්ඛු අතිමඤ්ඤති. තඤ්චි තස්ස, භික්ඛවෙ, මොසපුරිසස්ස හොති දීසරත්තං අභිතාය දුක්ඛායා”ති (සං. නි. 2.161).

එවං කඤ්චි අනතිමඤ්ඤිත්වා සබ්බෙහි සබ්බමචාරීහි සද්ධිං සමග්ගෙන සම්මොදමානෙන හුත්වා පරිභුඤ්ජිතබ්බං.

පරිඤ්ඤාතෙති ඤාතපරිඤ්ඤා තීරණපරිඤ්ඤා පහානපරිඤ්ඤාති ඉමාහි තීහි පරිඤ්ඤාහි පරිඤ්ඤාතෙ. කථං? ඉධ භික්ඛු “කබ්ලිකාරාහාරො නාම අයං සචන්ද්‍රකවසෙන ඔජට්ඨමකරූපං හොති, ඔජට්ඨමකරූපං කත්ථ පටිහඤ්ඤති? ජිව්හාපසාදෙ, ජිව්හාපසාදො කින්තිස්සිතො? චතුමහාභූතතිස්සිතො. ඉති ඔජට්ඨමකං ජිව්හාපසාදො තස්ස පච්චයාති මහාභූතානීති ඉමෙ ධම්මා රූපක්ඛන්ධො නාම, තං පරිග්ගණ්හතො උප්පන්නා එස්සපඤ්චමකා ධම්මා චත්තාරො අරූපක්ඛන්ධා. ඉති සබ්බෙපිමෙ පඤ්චක්ඛන්ධා සඬ්ඛෙපතො නාමරූපමත්තං හොති”ති පජානාති. සො තෙ ධම්මෙ සරසලක්ඛණතො චචන්ථපෙත්වා තෙසං පච්චයං පරියෙසන්තො අනුලොමපට්ලොමං පටිච්චසමුප්පාදං පස්සති. එත්තාවතානෙන කබ්ලිකාරාහාරමුබ්භෙන සප්පච්චයස්ස නාමරූපස්ස යාථාවතො දිට්ඨත්තා කබ්ලිකාරාහාරො ඤාතපරිඤ්ඤාය පරිඤ්ඤාතො හොති. සො තදෙව සප්පච්චයං නාමරූපං

අනිච්චං දුක්ඛං අනත්තානි තිණි ලක්ඛණානි ආරොපෙත්වා සත්තන්තං අනුපස්සනානං වසෙන සම්මසති. එත්තාවතානෙන සො තිලක්ඛණපට්ඨෙට්ඨසම්මසනඤාණසංඛිඛාතාය තීරණපරිඤ්ඤාය පරිඤ්ඤානො හොති. තස්මිංයෙව නාමරූපෙ ඡන්දරාගාවකඨ්ඨනෙන අනාගාමිමග්ගෙන පරිජානතා පහානපරිඤ්ඤාය පරිඤ්ඤානො හොතීති.

පඤ්චකාමගුණිකොති පඤ්චකාමගුණසම්භවො රාගො පරිඤ්ඤානො හොති. එත්ථ පන තිස්සො පරිඤ්ඤා එකපරිඤ්ඤා සබ්බපරිඤ්ඤා මූලපරිඤ්ඤාති. කතමා එකපරිඤ්ඤා? යො භික්ඛු ජීවිහාද්වායෙර එකරසතණ්භං පරිජානාති, තෙන පඤ්චකාමගුණිකො රාගො පරිඤ්ඤානොව හොතීති. කස්මා? තස්සායෙව තත්ථ උප්පජ්ජනතො. සායෙව හි තණ්හා වක්ඛුද්වායෙර උප්පන්නා රූපරාගො නාම හොති, සොතද්වායාදීසු උප්පන්නා සද්දරාගාදයො. ඉති යථා එකස්සෙව චොරස්ස පඤ්චමග්ගෙ හනතො එකස්මිං මග්ගෙ ගහෙත්වා සීසෙ ඡින්නො පඤ්චපි මග්ගා බෙමා හොන්ති, එවං ජීවිහාද්වායෙර රසතණ්භාය පරිඤ්ඤාතාය පඤ්චකාමගුණිකො රාගො පරිඤ්ඤානො හොතීති අයං එකපරිඤ්ඤා නාම.

කතමා සබ්බපරිඤ්ඤා? පත්තෙ පක්ඛිත්තපිණ්ඩපාතස්මිඤ්ඤි එකස්මිංයෙව පඤ්චකාමගුණිකරාගො ලබ්භති. කථං? පරිසුද්ධං තාවස්ස වණ්ණං ඔලොකයතො රූපරාගො හොති, උණ්භෙ සප්පිම්භි තත්ථ ආසිඤ්චන්තෙ පට්ඨොති සද්දො උට්ඨහති, තථාරූපං බාදනීයං වා බාදන්තස්ස මුරුමුරුති සද්දො උප්පජ්ජති, තං අස්සාදයතො සද්දරාගො. ජීරකාදිවසගන්ධං අස්සාදෙන්තස්ස ගන්ධරාගො, සාදුරසවසෙන රසරාගො. මුදුහොජනං එස්සවන්තන්ති අස්සාදයතො ඵොට්ඨබ්බරාගො. ඉති ඉමස්මිං ආහාරෙ සතිසම්පජ්ඤානෙ පරිග්ගහෙත්වා නිච්ඡන්දරාගපරිහොගෙන පරිභුත්තෙ සබ්බොපි සො පරිඤ්ඤානො හොතීති අයං සබ්බපරිඤ්ඤා නාම.

කතමා මූලපරිඤ්ඤා? පඤ්චකාමගුණිකරාගස්ස හි කබලිකාරාහාරො මූලං. කස්මා? තස්මිං සති තස්සුප්පත්තිතො. බ්‍රාහ්මණතිස්සහයෙ කිර ද්වාදස වස්සානි ජායම්පතිකානං උපනිජ්ඣානවිත්තං නාම නාහොසි. කස්මා? ආහාරමන්දතාය. හයෙ පන වූපසන්තෙ යොජනසතිකො තම්බපණ්ණිදීපො දාරකානං ජාතමඬ්ඨගලෙහි එකමඬ්ඨගලො අහොසි. ඉති මූලභූතෙ ආහාරෙ පරිඤ්ඤාතෙ පඤ්චකාමගුණිකො රාගො පරිඤ්ඤානොව හොතීති අයං මූලපරිඤ්ඤා නාම.

නත්ථී තං සංයොජනන්ති තෙන රාගෙන සද්ධිං පහානෙකට්ඨතාය පහීනත්තා නත්ථී. එවමයං දෙසනා යාව අනාගාමිමග්ගා කථිතා. “එත්තකෙන පන මා

වොසානං ආපජ්ජිංසු’ති එතෙසංයෙව රූපාදීනං වසෙන පඤ්චස්ස ඛන්ධෙස්ස විපස්සනං වඩ්ඪෙත්වා යාව අරහත්තා කථෙතුං වට්ටතීති. පට්ඨානාරො (නිට්ඨිතො).

දුතියෙ නිව්වම්මාති බුරතො පට්ඨාය යාව සිඬගමුලා සකලසරීරතො උද්දාලිතවම්මා කිංසුකරාසිවණ්ණා. කස්මා පන අඤ්ඤං හත්ථිඅස්සගොණාදිඋපමං අගහෙත්වා නිව්වම්මගාචුපමා ගහිතාති? තිතික්ඛිතුං අසමත්ථභාවදීපනත්ථං. මාතුගාමො හි උප්පන්නං දුක්ඛවෙදනං තිතික්ඛිතුං අධිවාසෙතුං න සක්කොති, එවමෙව එස්සාහාරො අබලො දුබ්බලොති දස්සනත්ථං සදිසමෙව උපමං ආහරි. කුට්ටන්ති සිලාකුට්ටාදීනං අඤ්ඤතරං. කුට්ටනිස්සිතා පාණා නාම උණ්ණනාහිසරබුමුසිකාදයො. රුක්ඛනිස්සිතාති උච්චාලිඬගපාණකාදයො. උදකනිස්සිතාති මච්ඡස්සංසුමාරාදයො. ආකාසනිස්සිතාති ඩංසමකසකාකකුලලාදයො. බාදෙය්‍යුන්ති ලුඤ්චිත්වා බාදෙය්‍යුං. සා තස්මිං තස්මිං යානෙ තං තංයානසන්නිස්සයමුලිකං පාණබාදනභයං සම්පස්සමානා නෙව අත්තතො සක්කාරසම්මානං, න පිට්ඨිපරිකම්මසරීරසම්බාහනඋණ්ණොදකාති ඉච්ඡති, එවමෙව හික්ඛු එස්සාහාරමුලකං කිලෙසපාණකබාදනභයං සම්පස්සමානො තෙභූමකඵස්සෙන අනත්ථිකො හොති.

එස්සෙ, හික්ඛවෙ, ආහාරෙ පරිඤ්ඤාතෙති තිහි පරිඤ්ඤාහි පරිඤ්ඤාතෙ. ඉධාපි තිස්සො පරිඤ්ඤා. තත්ථ “එස්සො සඬබාරක්ඛන්ධො, තංසම්පයුත්තා වෙදනා වෙදනාක්ඛන්ධො, සඤ්ඤා සඤ්ඤාක්ඛන්ධො, චිත්තං විඤ්ඤාණක්ඛන්ධො, තෙසං චත්ථාරම්මණාති රූපක්ඛන්ධො”ති එවං සජ්ජච්චයස්ස නාමරූපස්ස යාථාවතො දස්සනං ඤාතපරිඤ්ඤා. තත්ථෙව තිලක්ඛණං ආරොපෙත්වා සත්තන්නං අනුපස්සනානං වසෙන අනිව්වාදිතො තුලනං තීරණපරිඤ්ඤා. තස්මිංයෙව පන නාමරූපෙ ඡන්දරාගනික්කඩ්ඪනො අරහත්තමග්ගො පහානපරිඤ්ඤා. තිස්සො වෙදනාති එවං එස්සාහාරෙ තිහි පරිඤ්ඤාහි පරිඤ්ඤාතෙ තිස්සො වෙදනා පරිඤ්ඤාතාව හොන්ති තම්මුලකත්තා තංසම්පයුත්තත්තා ච. ඉති එස්සාහාරවසෙන දෙසනා යාව අරහත්තා කථිතා. දුතියාහාරො.

තතියෙ අඬගාරකාසුති අඬගාරානං කාසු. කාසුති රාසිපි වුව්චති ආවාටොපි.

“අඬගාරකාසුං අපරෙ ඵුණන්ති,

නරා රුදන්තා පරිදඩ්ඪගත්තා;

භයඤ්ඤි මං වින්දති සුත දිස්වා,

පුච්ඡාමි තං මාතලී දෙවසාරථි”ති. (ජා. 2.22.462); –

එත්ථ රාසි “කාසු”ති වුත්තො.

“කිත්තු සත්තරමානොව, කාසුං බනසි සාරථි”ති? (ජා. 2.22.3). –

එත්ථ ආවාටො. ඉධාපි අයමෙව අධිජ්ජෙතො. සාධිකපොරිසාති අතිරෙකපොරිසා පඤ්චරතනජ්ජමාණා. විතච්චිකානං විතදුමානන්ති එතෙනස්ස මහාපරිලාහනං දස්සෙති. ජාලාය වා හි දුමෙ වා සති වාතො සමුට්ඨාති, පරිලාහො මහා න හොති, තදභාවෙ වාතාභාවතො පරිලාහො මහා හොති. ආරකාවස්සාති දුරෙයෙව භවෙය්‍ය.

එවමෙව බොති එත්ථ ඉදං ඔපම්මසංසන්දනං – අභිගාරකාසු විය හි තෙභුමකවට්ටං දට්ඨබ්බං. ජීවිතුකාමො පුරිසො විය වට්ටනිස්සිතො බාලපුපුජ්ජනො. ද්වෙ බලවන්තො පුරිසා විය කුසලාකුසලකම්මං. තෙසං තං පුරිසං නානාබාහාසු ගහෙත්වා අභිගාරකාසුං උපකඩ්ඪනකාලො විය පුපුජ්ජනස්ස කම්මායුහනකාලො. කම්මඤ්ඤි ආයුහියමානමෙව පටිසන්ධිං ආකඩ්ඪති නාම. අභිගාරකාසුනිදානං දුක්ඛං විය කම්මනිදානං වට්ටදුක්ඛං වෙදිතබ්බං.

පරිඤ්ඤාතෙති තිහි පරිඤ්ඤාහි පරිඤ්ඤාතෙ. පරිඤ්ඤායොජනා පනෙත්ථ එස්සෙ වුත්තනයෙනෙව වෙදිතබ්බා. තිස්සො තණ්හාති කාමතණ්හා භවතණ්හා විභවතණ්හාති ඉමා පරිඤ්ඤාතා හොන්ති. කස්මා? තණ්හාමූලකත්තා මනොසඤ්චෙතනාය. න හි හෙතුමහි අජ්ජහීනෙ ඵලං පහියති. ඉති මනොසඤ්චෙතනාභාරවසෙනපි යාව අරහත්තා දෙසනා කථිතා. තතියාභාරො.

චතුත්ථෙ ආගුචාරිත්ති පාපචාරිං දොසකාරකං. කථං සො පුරිසොති සො පුරිසො කථංභූතො, කිං යාපෙති, න යාපෙතීති පුච්ඡති? තථෙව දෙව ජීවතීති යථා පුබ්බෙ, ඉදානිපි තථෙව ජීවති.

එවමෙව බොති ඉධාපි ඉදං ඔපම්මසංසන්දනං – රාජා විය හි කම්මං දට්ඨබ්බං, ආගුචාරී පුරිසො විය වට්ටසන්තිස්සිතො බාලපුපුජ්ජනො, තිණි සත්තිසතාති විය පටිසන්ධිවිඤ්ඤාණං, ආගුචාරිං පුරිසං “තිහි සත්තිසතෙහි භනථා”ති රඤ්ඤා ආණත්තකාලො විය කම්මරඤ්ඤා වට්ටසන්තිස්සිතපුපුජ්ජනං ගහෙත්වා පටිසන්ධියං පක්ඛිපනකාලො. තත්ථ කිඤ්චාපි තිණි සත්තිසතාති විය පටිසන්ධිවිඤ්ඤාණං, සත්තිසු පන දුක්ඛං නත්ථි, සත්තිහි පහටවණුමුලකං

අන්තරෙ එකො සන්ධි, සඬ්ඛාරානඤ්ච ආයතිභවස්ස ච අන්තරෙ එකො සන්ධිති වෙදිතබ්බො.

කුටාගාරන්ති එකකණ්ණිකං ගාභාපෙත්වා කතං අගාරං. කුටාගාරසාලාති ද්වෙ කණ්ණිකෙ ගහෙත්වා කතසාලා. එවමෙව බොති එත්ථ ඛිණාසවස්ස කම්මං සූරියරස්මිසමං වෙදිතබ්බං. සූරියරස්මි පන අත්ථි, සා කෙවලං පතිට්ඨාය අභාවෙන අප්පතිට්ඨා නාම ජාතා, ඛිණාසවස්ස කම්මං නත්ථිතාය එව අප්පතිට්ඨං. තස්ස හි කායාදයො අත්ථි, තෙහි පන කතකම්මං කුසලාකුසලං නාම න හොති, කිරියමත්තෙ යත්වා අවිපාකං හොති. එවමස්ස කම්මං නත්ථිතාය එව අප්පතිට්ඨං නාම ජාතන්ති. චතුත්ථං.

5. නගරසුත්තවණ්ණනා

65. පඤ්චමෙ නාමරූපෙ බො සති විඤ්ඤාණන්ති එත්ථ “සඬ්ඛාරෙසු සති විඤ්ඤාණ”න්ති ච “අවිජ්ජාය සති සඬ්ඛාරා”ති ච වත්තබ්බං භවෙය්‍ය, තදුභයමිපි න චුත්තං. කස්මා? අවිජ්ජාසඬ්ඛාරා හි තතියො භවො, තෙහි සද්ධිං අයං විපස්සනා න සට්ඨති. මහාපුරිසො හි පච්චුප්පන්තපඤ්චවොකාරවසෙන අභිනිවිට්ඨොති.

නනු ච අවිජ්ජාසඬ්ඛාරෙසු අදිට්ඨෙසු න සක්කා බුද්ධෙන භවිතුන්ති. සච්චං න සක්කා, ඉමිනා පන තෙ භවඋපාදානතණ්හාවසෙන දිට්ඨාව. තස්මා යථා නාම ගොධං අනුබන්ධන්තො පුරිසො තං කූපං පවිට්ඨං දිස්වා ඔතරිත්වා පවිට්ඨට්ඨානං බණිත්වා ගොධං ගහෙත්වා පක්කමෙය්‍ය, න පරභාගං බතෙය්‍ය, කස්මා? කස්සචි නත්ථිතාය. එවං මහාපුරිසොපි ගොධං අනුබන්ධන්තො පුරිසො විය බොධිපල්ලඬකෙ නිසින්තො ජරාමරණතො පට්ඨාය “ඉමස්ස අයං පච්චයො, ඉමස්ස අයං පච්චයො”ති පරියෙසන්තො යාව නාමරූපධම්මානං පච්චයං දිස්වා තස්සපි පච්චයං පරියෙසන්තො විඤ්ඤාණමෙව අද්දස. තතො “එත්තකො පඤ්චවොකාරභවවසෙන සම්මසනවාරො”ති විපස්සනං පටිනිවත්තෙසි, පරතො තුව්ඡකූපස්ස අභින්නට්ඨානං විය අවිජ්ජාසඬ්ඛාරද්වයං අත්ථි, තදෙනං භෙට්ඨා විපස්සනාය ගහිතත්තා පාටියෙක්කං සම්මසනූපගං න හොතීති න අග්ගහෙසි.

පච්චුදාවත්තතීති පටිනිවත්තති. කතමං පනෙත්ථ විඤ්ඤාණං පච්චුදාවත්තතීති? පටිසන්ධිවිඤ්ඤාණමිපි විපස්සනාවිඤ්ඤාණමිපි. තත්ථ පටිසන්ධිවිඤ්ඤාණං පච්චයතො පටිනිවත්තති, විපස්සනාවිඤ්ඤාණං ආරම්මණතො. උභයමිපි නාමරූපං නාතික්කමති, නාමරූපතො පරං න ගච්ඡති. එත්තාවතා ජායෙථ

වානිආදීසු විඤ්ඤාණෙ නාමරූපස්ස පච්චයෙ භොන්තෙ, නාමරූපෙ විඤ්ඤාණස්ස පච්චයෙ භොන්තෙ, ද්වීසුපි අඤ්ඤමඤ්ඤපච්චයෙසු භොන්තෙසු එත්තකෙන ඡායෙථ වා උපපජ්ජෙථ වා. ඉතො හි පරං කිමඤ්ඤං ඡායෙථ වා උපපජ්ජෙථ වා, නනු එතදෙව ඡායති ව උපපජ්ජති වාති?

එවං සද්ධිං අපරාපරවුත්තපට්ඨිනි පඤ්ච පදානි දස්සෙත්වා පුන තං එත්තාවතාති වුත්තමත්ථං නියායාතෙත්තො යදිදං නාමරූපපච්චයා විඤ්ඤාණං, විඤ්ඤාණපච්චයා නාමරූපන්ති වත්වා තතො පරං අනුලොමපච්චයාකාරවසෙන විඤ්ඤාණපච්චයා නාමරූපමූලකං ආයතිජරාමරණං දස්සෙතුං නාමරූපපච්චයා සලායතනන්තිආදිමාහ.

අඤ්ජසන්ති මග්ගස්සෙව වෙවචනං. උද්ධාපවත්තන්ති ආපතො උග්ගතත්තා උද්ධාපන්ති ලද්ධවොහාරෙන පාකාරවත්ථුනා සමන්තාගතං. රමණීයන්ති සමන්තා චතුත්තං ද්වාරානං අබ්භන්තරෙ ව නානාභණ්ඩානං සම්පත්තියා රමණීයං. මාපෙහීති මහාජනං පෙසෙත්වා වාසං කාරෙහි. මාපෙය්‍යාති වාසං කාරෙය්‍ය. කාරෙත්තො ව පයමං අට්ඨාරස මනුස්සකොට්ඨො පෙසෙත්වා “සම්පුණ්ණ”න්ති පුච්ඡිත්වා “න තාව සම්පුණ්ණ”න්ති වුත්තෙ අපරානි පඤ්චකුලානි පෙසෙය්‍ය. පුන පුච්ඡිත්වා “න තාව සම්පුණ්ණ”න්ති වුත්තෙ අපරානි පඤ්චපඤ්ඤාසකුලානි පෙසෙය්‍ය. පුන පුච්ඡිත්වා “න තාව සම්පුණ්ණ”න්ති වුත්තෙ අපරානි තිංස කුලානි පෙසෙය්‍ය. පුන පුච්ඡිත්වා “න තාව සම්පුණ්ණ”න්ති වුත්තෙ අපරං කුලසහස්සං පෙසෙය්‍ය. පුන පුච්ඡිත්වා “න තාව සම්පුණ්ණ”න්ති වුත්තෙ අපරානි එකාදසනභ්‍රතානි කුලානි පෙසෙය්‍ය. පුන පුච්ඡිත්වා “න තාව සම්පුණ්ණ”න්ති වුත්තෙ අපරානි චතුරාසීතිකුලසහස්සානි පෙසෙය්‍ය. පුන “සම්පුණ්ණ”න්ති පුච්ඡිතෙ, “මහාරාජ, කිං වදෙසී? මහත්තං නගරං අසම්බාධං, ඉමිනා නයෙන කුලානි පෙසෙත්වා න සක්කා පූරෙතුං, හෙරිං පන වරාපෙත්වා ‘අම්භාකං නගරං ඉමාය ව ඉමාය ව සම්පත්තියා සම්පන්නං, යෙ තත්ථ වසිතුකාමා, යථාසුඛං ගච්ඡන්තු, ඉමඤ්චිමඤ්ච පරිහාරං ලභිස්සන්ති’ති නගරස්ස වෙව චණ්ණං ලොකස්ස ව පරිහාරලාභං ඝොසාපෙථා”ති වදෙය්‍ය. සො එවං කරෙය්‍ය. තතො මනුස්සා නගරගුණඤ්චෙව පරිහාරලාභඤ්ච සුත්වා සබ්බදිසාහි සමොසරිත්වා නගරං පූරෙය්‍යුං. තං අපරෙන සමයෙන ඉද්ධඤ්චෙව අස්ස ඒතඤ්ච. තං සන්ධාය තදස්ස නගරං අපරෙන සමයෙන ඉද්ධඤ්චෙව ඒතඤ්චවානිආදි වුත්තං.

තත්ථ ඉද්ධන්ති සමිද්ධං සුභික්ඛං. ඒතන්ති සබ්බසම්පත්තීහි පුප්ඵිතං. බාහුජඤ්ඤන්ති බහුහි ඤාතබ්බං, බහුජනානං හිතං වා. “බහුජන”න්තිපි

පායො. ආකිණ්ණමනුස්සන්ති මනුස්සෙහි ආකිණ්ණං නිරන්තරං ථුට්ඨං. වුඩ්ඪිවෙපුල්ලප්පත්තන්ති වුඩ්ඪිප්පත්තඤ්චෙව වෙපුල්ලප්පත්තඤ්ච, සෙට්ඨභාවඤ්චෙව විපුලභාවඤ්ච පත්තං, දසසහස්සවක්කවාළෙ අග්ගනගරං ජාතන්ති අත්ථො.

එවමෙව බොති එත්ථ ඉදං ඔපම්මසංසන්දනං - අරඤ්ඤපවනෙ චරමානපුරිසො විය හි දීපඬිකරපාදමූලතො පට්ඨාය පාරමියො පුරයමානො මහාපුරිසො දට්ඨබ්බො, තස්ස පුරිසස්ස පුබ්බකෙහි මනුස්සෙහි අනුයාතමග්ගදස්සනං විය මහාසත්තස්ස අනුපුබ්බෙන බොධිපල්ලඬිකෙ නිසින්නස්ස පුබ්බභාගෙ අට්ඨඬිගිකස්ස විපස්සනාමග්ගස්ස දස්සනං, පුරිසස්ස තං එකපදිකමග්ගං අනුගච්ඡතො අපරභාගෙ මහාමග්ගදස්සනං විය මහාසත්තස්ස උපරිවිපස්සනාය විණ්ණන්තෙ ලොකුත්තරමග්ගදස්සනං, පුරිසස්ස තෙනෙව මග්ගෙන ගච්ඡතො පුරතො නගරදස්සනං විය තථාගතස්ස නිබ්බානනගරදස්සනං, බහිනගරං පනෙන්ථ අඤ්ඤෙන දිට්ඨං, අඤ්ඤෙන මනුස්සවාසං කතං, නිබ්බානනගරං සත්ථා සයමෙව පස්සි, සයං වාසමකාසි. තස්ස පුරිසස්ස චතුත්තං ද්වාරානං දිට්ඨකාලො විය තථාගතස්ස චතුත්තං මග්ගානං දිට්ඨකාලො, තස්ස චතුහි ද්වාරෙහි නගරං පටිට්ඨකාලො විය තථාගතස්ස චතුහි මග්ගෙහි නිබ්බානං පටිට්ඨකාලො, තස්ස නගරබ්හන්තරෙ භණ්ඩවචන්ථානකාලො විය තථාගතස්ස පටිච්චෙක්ඛණඤාණෙන පරොපණ්ණාසකුසලධම්මවචන්ථානකාලො. නගරස්ස අගාරකරණත්ථං කුලපරියෙසනකාලො විය සත්ථු ඵලසමාපත්තිතො ථුට්ඨාය වෙනෙයාසත්තෙ වොලොකනකාලො, තෙන පුරිසෙන යාවිතස්ස රඤ්ඤො එකං මහාකුටුම්භිකං දිට්ඨකාලො විය මහාබ්‍රහ්මුනා යාවිතස්ස භගවතො අඤ්ඤාසිකොණ්ඩඤ්ඤත්ථෙරං දිට්ඨකාලො, රඤ්ඤො මහාකුටුම්භිකං පක්කොසාපෙත්වා “නගරවාසං කරොහි”ති පහිතකාලො විය භගවතො එකස්මිං පච්ඡාහත්තෙ අට්ඨාරසයොජනමග්ගං ගන්ත්වා ආසාල්හිපුණ්ණමදිවසෙ බාරාණසියං ඉසිපතනං පවිසිත්වා ථෙරං කායසක්ඛිං කත්වා ධම්මං දෙසිතකාලො, මහාකුටුම්භිකෙන අට්ඨාරස පුරිසකොටියො ගහෙත්වා නගරං අජ්ඣාචුට්ඨකාලො විය තථාගතෙන ධම්මවක්කෙ පවත්තිතෙ ථෙරස්ස අට්ඨාරසහි බ්‍රහ්මකොට්ඨි සද්ධිං සොතාපත්තිඵලෙ පතිට්ඨිතකාලො, එවං නිබ්බානනගරං පට්ඨමං ආවාසිතං, තතො සම්පුණ්ණං නගරන්ති ප්‍රච්ඡිත්වා න තාවාති වුත්තෙ පඤ්ච කුලානි ආදිං කත්වා යාව චතුරාසිතිකුලසහස්සපෙසනං විය තථාගතස්ස පඤ්චමදිවසතො පට්ඨාය අනත්තලක්ඛණසුත්තාදීනි දෙසෙත්වා පඤ්චවග්ගියෙ ආදිං කත්වා යසපමුඛා පඤ්චපණ්ණාස කුලපුත්තා, තිංස හද්දවග්ගියා, සහස්සපුරාණජට්ලා,

බිම්බිසාරපමුබානි එකාදසපුරිසනහුතානි, තිරොකුට්ඨානුමොදනෙ
 චතුරාසිනිසහස්සානීති එත්තකස්ස ජනස්ස අරියමග්ගං ඔතාරෙත්වා
 නිබ්බානනගරං පෙසිතකාලො, අථ තෙන නයෙන නගරෙ අපුරියමානෙ හෙරිං
 වරාපෙත්වා නගරස්ස වණ්ණසොසනං කුලානං පරිහාරලාභසොසනං විය ව
 මාසස්ස අට්ඨ දිවසෙ තත්ථ තත්ථ නිසීදිත්වා ධම්මකථිකානං
 නිබ්බානවණ්ණස්ස වෙව නිබ්බානජපත්තානං
 ජාතිකත්තාරාදිනිත්ථරණානිසංසස්ස ව සොසනං, තතො සබ්බදිසාහි
 ආගන්ත්වා මනුස්සානං නගරසමොසරණං විය තත්ථ තත්ථ ධම්මකථං සුත්වා
 තතො තතො නික්ඛමිත්වා පබ්බජ්ජං ආදිං කත්වා අනුලොමපටිපදං
 පටිපන්නානං අපරිමාණානං කුලපුත්තානං නිබ්බානසමොසරණං දට්ඨබ්බං.

පුරාණං මග්ගන්ති අරියං අට්ඨච්ඡිගිකං මග්ගං. අයඤ්චි අරියමග්ගො
 පවාරණසුත්තෙ (සං. නි. 1.215) අවත්තමානකට්ඨෙත
 “අනුජපන්නමග්ගො”ති චුත්තො, ඉමස්මිං සුත්තෙ අවළඤ්ජනට්ඨෙත
 “පුරාණමග්ගො”ති. බ්‍රහ්මවරියන්ති සික්ඛත්තයසච්ඡගහං සකලසාසනං.
 ඉද්ධන්ති ඤානස්සාදෙන සමිද්ධං සුභික්ඛං. ඵීතන්ති අභිඤ්ඤාභරණෙහි
 පුජ්ඣිතං. විත්ථාරිකන්ති විත්ථිණ්ණං. බාහුජඤ්ඤන්ති බහුජනවිඤ්ඤෙය්‍යං. යාව
 දෙවමනුස්සෙහි සුජපකාසිතන්ති යාව දසසහස්සවක්කවාලෙ දෙවමනුස්සෙහි
 පරිවිජෙදො අත්ථි, එතස්මිං අන්තරෙ සුජපකාසිතං සුදෙසිතං තථාගතෙනානි.
 පඤ්චමං.

6. සම්මසසුත්තවණ්ණනා

66. ජට්ඨෙ ආමන්තෙසීති කස්මා ආමන්තෙසි? යස්මාස්ස සුබ්බමා
 තිලක්ඛණාහතා ධම්මදෙසනා උපට්ඨාසි. තස්මිං කිර ජනපදෙ මනුස්සා
 සහෙතුකා පඤ්ඤවන්තො. සිනිද්ධානි කිරෙත්ථ භොජනානි, තානිසෙවතො
 ජනස්ස පඤ්ඤා වඩ්ඪති, තෙ ගම්භීරං තිලක්ඛණාහතං ධම්මකථං පටිවිජ්ඣිතුං
 සමත්ථා භොන්ති. තෙනෙව හගවා දීඝමජ්ඣිමෙසු මහාසතිපට්ඨානානි (දී. නි.
 2.372 ආදයො) මහානිදානං (දී. නි. 2.95 ආදයො), ආනෙඤ්ජසජ්ජායං (ම. නි.
 3.66 ආදයො), සංයුත්තකෙ වුළුනිදානාදිසුත්තන්ති එවමාදීනි අඤ්ඤානි
 ගම්භීරානි සුත්තානි තත්ථෙව කථෙසි. සම්මසථ නොති සම්මසථ නු. අන්තරං
 සම්මසන්ති අබ්භන්තරං පච්චයසම්මසනං. න සො භික්ඛු හගවතො විත්තං
 ආරාධෙසීති පච්චයාකාරවසෙන බ්‍යාකාරාපෙතුකාමස්ස හගවතො තථා
 අබ්‍යාකරිත්වා ද්වත්තිංසාකාරවසෙන බ්‍යාකරොන්තො අජ්ඣාසයං ගහෙතුං
 නාසක්ඛි.

එතදවොවාති දෙසනා යථානුසන්ධිං න ගතා, දෙසනාය යථානුසන්ධිගමනත්ථං එතදවොව. තෙනහානන්ද, සුභාථාති ඉදං තෙපිටකෙ බුද්ධවචනෙ අසම්භින්නපදං. අඤ්ඤත්ථ හි එවං වුත්තං නාම නත්ථි. උපධිනිදානන්ති ඛන්ධුපධිනිදානං. ඛන්ධපඤ්චකඤ්භෙත්ථ උපධිති අධිජ්ජෙතං. උජ්ජජ්ජතීති ජායති. නිවිසතීති පුනජ්ජුතං පවත්තිවසෙන පතිට්ඨහති.

යං ඛො ලොකෙ පියරූපං සාතරූපන්ති යං ලොකස්මිං පියසභාවඤ්චෙව මධුරසභාවඤ්ච. වක්ඛුං ලොකෙතිආදීසු ලොකස්මිඤ්භි වක්ඛාදීසු මමත්තෙන අභිනිවිට්ඨා සත්තා සම්පත්තියං පතිට්ඨතා අත්තනො වක්ඛුං ආදාසාදීසු නිමිත්තග්ගහණානුසාරෙන විජ්ජසන්නපඤ්චපසාදං සුවණ්ණවිමානෙ උග්ගාටිතමණිසිහපඤ්ජරං විය මඤ්ඤන්ති, සොතං රජතපනාළිකං විය පාමඬගසුත්තං විය ව මඤ්ඤන්ති, තුඬගනාසාති ලද්ධවොහාරං සානං වට්ටෙන්වා යපිතහරිතාලවට්ටිං විය මඤ්ඤන්ති, ජීවහං රත්තකම්බලපටලං විය මුදුසිනිද්ධමධුරරසදං මඤ්ඤන්ති, කායං සාලලට්ඨිං විය සුවණ්ණතොරණං විය ව මඤ්ඤන්ති, මනං අඤ්ඤෙසං මනෙන අසදිසං උළාරං මඤ්ඤන්ති.

නිව්වතො අද්දක්ඛුන්ති නිව්වන්ති අද්දසංසු. සෙසපදෙසුපි එසෙව නයො. න පරිමුච්චිංසු දුක්ඛස්මාති සකලස්මාපි වට්ටදුක්ඛා න පරිමුච්චිංසු. දක්ඛිස්සන්තීති පස්සිස්සන්ති. ආපානීයකංසොති සරකස්ස නාමං. යස්මා පනෙත්ථ ආපං පිවන්ති, තස්මා “ආපානීයො”ති වුවචති. ආපානීයො ව සො කංසො වාති ආපානීයකංසො. සුරාමණ්ඩසරකස්සෙතං නාමං. “වණ්ණසම්පන්නො”තිආදිවචනතො පන කංසෙ යිතපානමෙව එවං වුත්තං. සම්මාහිතත්තොති සම්මෙන අභිතත්තො. සම්මපරෙතොති සම්මෙන ඵ්ථිට්ඨො, අනුගතොති අත්ථො. පිවතො හි ඛො තං ඡාදෙස්සතීති පිවන්තස්ස තං පානීයං වණ්ණාදිසම්පත්තියා රුචිස්සති, සකලසරීරං වා ඵරිත්වා තුට්ඨිං උජ්ජාදයමානං යස්සති. අජ්ජට්ඨිකාති අපච්චවෙක්ඛිත්වා.

එවමෙව ඛොති එත්ථ ඉදං ඔපම්මසංසන්දනං – ආපානීයකංසො විය හි ලොකෙ පියරූපං සාතරූපං ආරම්මණං දට්ඨබ්බං, සම්මාහිතත්තපුරිසො විය වට්ටනිස්සිතො පුට්ඨජ්ජනො, ආපානීයකංසෙන නිමන්තනපුරිසො විය ලොකෙ පියරූපෙන සාතරූපෙන ආරම්මණෙන නිමන්තකජනො, ආපානීයකංසෙ සම්පත්තිඤ්ච ආදීනවඤ්ච ආරොචෙන්තො ආපානකමනුස්සො විය ආවරියුපජ්ඣායාදිකො කල්‍යාණමිත්තො. යථෙව හි තස්ස පුරිසස්ස අපලොකිතමනුස්සො ආපානීයකංසෙ ගුණඤ්ච ආදීනවඤ්ච ආරොචෙති,

එවමෙව ආවරියො වා උපජ්ඣායො වා භික්ඛුනො පඤ්චස්ස කාමගුණෙස්ස අස්සාදඤ්ච නිස්සරණඤ්ච කට්ඨති.

තත්ථ යථා ආපාතියකංසමිහි ගුණෙ ව ආදීනවෙ ව ආරොවිතෙ සො පුරිසො පියවණ්ණාදිසම්පදායමෙව සඤ්ජාතවෙගො “සවෙ මරණං හවිස්සති, පච්ඡා ජානිස්සාමී”ති සහසා අප්පට්ඨිකාය තං පිට්ඨිතං මරණං වා මරණමත්තං වා දුක්ඛං නිගච්ඡති, එවමෙව, භික්ඛු, “පඤ්චස්ස කාමගුණෙස්ස දස්සනාදිවසෙන උප්පත්තසොමනස්සමත්තමෙව අස්සාදො, ආදීනවො පන දිට්ඨධම්මිකසම්පරායිකො ඛු නානප්පකාරො, අප්පස්සාදා කාමා ඛුදුක්ඛා ඛුපායාසා”ති එවං ආවරියුපජ්ඣායෙහි ආනිසංසඤ්ච ආදීනවඤ්ච කට්ඨත්වා — “සමණපට්ඨං පට්ඨජ්ජ, ඉන්ද්‍රියෙස්ස ගුත්තද්වාරො හව හොජනෙ මත්තඤ්ඤු ජාගරියං අනුයුත්තො”ති එවං ඔවදිතොපි අස්සාදබද්ධචිත්තතාය “සවෙ චුත්තප්පකාරො ආදීනවො හවිස්සති, පච්ඡා ජානිස්සාමී”ති ආවරියුපජ්ඣායෙ අපසාදෙන්වා උද්දෙසපරිපුච්ඡාදීනි වෙව චත්තපට්ඨත්තිඤ්ච පහාය ලොකාමිසකථං කට්ඨත්තො කාමෙ පරිභුඤ්ජිතුකාමතාය සික්ඛං පච්චක්ඛාය භීනායාවත්තති. තතො දුච්චරිතානි පුරන්තො සන්ධිච්ඡේදනාදිකාලෙ “වොරො අය”න්ති ගහෙන්වා රඤ්ඤො දස්සිතො ඉධෙව හත්ථපාදාදිඡේදනං පත්වා සම්පරායෙ චතුස්ස අපායෙස්ස මහාදුක්ඛං අනුභොති.

පාතියෙන වා විනෙතුන්ති සිතෙන වාරිනා හරිතුං. දධිමණ්ඩකෙනාති දධිමණ්ඩනමත්තෙන. හට්ඨලොණිකායාති සලොණෙන සත්තුපාතියෙන. ලොණසොචිරකෙනාති සබ්බධඤ්ඤඵලකළීරාදීනි පක්ඛිපිත්වා ලොණසොචිරකං නාම කරොන්ති, තෙන.

ඔපම්මසංසන්දනං පනෙත්ථ — සම්මාහිතත්තපුරිසො විය වට්ඨසන්තිස්සිතකාලෙ යොගාවචරො දට්ඨබ්බො, තස්ස පුරිසස්ස පට්ඨිකා ආපාතියකංසං පහාය පාතියාදීනි පිපාසස්ස විනොදනං විය භික්ඛුනො ආවරියුපජ්ඣායානං ඔවාදෙ යත්වා ඡද්චාරාදීනි පරිග්ගහෙන්වා අනුක්කමෙන විපස්සනං වඩ්ඤ්ජන්තස්ස අරහත්තඵලාධිගමො, පාතියාදීනි චත්තාරි පානානි විය හි චත්තාරො මග්ගා, තෙස්ස අඤ්ඤතරං පිට්ඨිතං සුරාපිපාසිතං විනොදෙන්වා සුඛිතො යෙන කාමං ගමනං විය බිණ්ණාසවස්ස චතුමග්ගපානං පිට්ඨිතං තණ්හං විනොදෙන්වා අගතපුබ්බං නිබ්බානදිසං ගමනකාලො වෙදිතබ්බො. ඡට්ඨං.

7. නළකලාපියුත්තවණ්ණනා

67. සත්තමෙ කිත්තු ඛො, ආවුසොති කස්මා පුච්ඡති? “එවං පුට්ඨො කථං නු ඛො ඛ්‍යාකරෙය්‍යා”ති. ථෙරස්ස අජ්ඣාසයජානනත්ථං. අපිච අතීතෙ ද්වෙ අග්ගසාවකා ඉමං පඤ්භං විනිච්ඡයිංසුති අනාගතෙ හික්ඛු ජානිස්සන්තීතිපි පුච්ඡති. ඉදානෙව ඛො මයන්ති ඉදං ථෙරො යස්ස නාමරූපස්ස විඤ්ඤාණං පච්චයොති චුත්තං, තදෙව නාමරූපං විඤ්ඤාණස්ස පච්චයොති චුත්තත්තා ආහ. නළකලාපියොති ඉධ පන අයකලාපාදිවසෙන උපමං අනාහරිත්වා විඤ්ඤාණනාමරූපානං අබලදුබ්බලභාවදස්සනත්ථං අයං උපමා ආහතා.

නිරොධො හොතීති එත්තකෙ යානෙ පච්චයුප්පන්තපඤ්චවොකාරහවවසෙන දෙසනා කටීතා. ඡත්තිංසාය වත්ථුභීති හෙට්ඨා විස්සජ්ජිතෙසු ද්වාදසසු පදෙසු එකෙකස්මිං තිණ්ණං තිණ්ණං වසෙන ඡත්තිංසාය කාරණෙහි. එත්ථ ච පට්ඨමො ධම්මකටීකගුණො, දුතියා පටිපත්ති, තතියං පටිපත්තිඵලං. තත්ථ පට්ඨමනෙයෙන දෙසනාසම්පත්ති කටීතා, දුතියෙන සෙක්ඛභූමි, තතියෙන අසෙක්ඛභූමීති. සත්තමං.

8. කොසම්බියුත්තවණ්ණනා

68. අට්ඨමෙ අඤ්ඤත්‍රෙවාති එකච්චො හි පරස්ස සද්දහිත්වා යං එස හණති, තං භූතන්ති ගණ්හාති. අපරස්ස නිසීදිත්වා චිත්තෙන්තස්ස යං කාරණං රුච්චති, සො “අත්ථි එත”න්ති රුචියා ගණ්හාති. එකො “විරකාලතො පට්ඨාය එවං අනුස්සවො අත්ථි, භූතමෙත”න්ති අනුස්සවෙන ගණ්හාති. අඤ්ඤස්ස විතක්කයතො එකං කාරණං උපට්ඨාති, සො “අත්ථෙත”න්ති ආකාරපරිවිතක්කෙන ගණ්හාති. අපරස්ස චිත්තයතො එකා දිට්ඨි උප්පජ්ජති, යායස්ස තං කාරණං නිජ්ඣායන්තස්ස ඛමති, සො “අත්ථෙත”න්ති දිට්ඨිනිජ්ඣානක්ඛන්තියා ගණ්හාති. ථෙරො පන පඤ්චපි එතාති කාරණාති පටික්ඛිපිත්වා පච්චක්ඛඤාණෙන පටිවිද්ධභාවං පුච්ඡන්තො අඤ්ඤත්‍රෙව, ආවුසො මුසිල, සද්ධායාතිආදිමාහ. තත්ථ අඤ්ඤත්‍රෙවාති සද්ධාදීති කාරණාති යපෙත්වා, විනා එතෙහි කාරණෙහීති අත්ථො. භවනිරොධො නිබ්බානන්ති පඤ්චක්ඛන්ධනිරොධො නිබ්බානං.

තුණ්හී අහොසීති ථෙරො ඛිණාසවො, අහං පන ඛිණාසවොති වා න වාති වා අවත්වා තුණ්හියෙව අහොසි. ආයස්මා නාරදො ආයස්මන්තං පට්ඨයං එතදවොවාති කස්මා අවොව? සො කිර වින්තෙසි – “භවනිරොධො නිබ්බානං

නාමාති සෙබෙහිපි ජාතිතබ්බො පඤ්ඤා එස, අයං පන ථෙරො ඉමං ථෙරං අසෙබ්භුමියා කාරෙති, ඉමං යානං ජානාපෙස්සාමි”ති එතං අවොච.

සම්මජ්ජපඤ්ඤාය සුදිට්ඨන්ති සහ විපස්සනාය මග්ගපඤ්ඤාය සුට්ඨු දිට්ඨං. න වම්හි අරහන්ති අනාගාමිමග්ගෙ ධීතත්තා අරහං න භොමිති දීපෙති. යං පනස්ස ඉදානි “භවතිරොධො නිබ්බාන”න්ති ඤාණං, තං එකුනවිසතියා පච්චවෙක්ඛණඤාණෙහි විමුක්තං පච්චවෙක්ඛණඤාණං. උද්දානොති විසතිංසහත්ථගමිහීරො පානීයකූපො. උදකචාරකොති උදකඋස්සිඤ්ඤවනචාරකො. උදකන්ති හි බො ඤාණං අස්සාති තීරෙ ධීතස්ස ඔලොකයතො එවං ඤාණං භවෙය්‍ය. න ච කායෙන චුසිත්වාති උදකං පන නීහරිත්වා කායෙන චුසිත්වා විහරිතුං න සක්කුණෙය්‍ය. උද්දානෙ උදකදස්සනං විය හි අනාගාමිනො නිබ්බානදස්සනං, සම්මාහිතත්තපුරිසො විය අනාගාමී, උදකචාරකො විය අරහත්තමග්ගො, යථා සම්මාහිතත්තපුරිසො උද්දානෙ උදකං පස්සති. එවං අනාගාමී පච්චවෙක්ඛණඤාණෙන “උපරි අරහත්තඵලසමයො නාම අත්ථි”ති ජානාති. යථා පන සො පුරිසො උදකචාරකස්ස නත්ථිතාය උදකං නීහරිත්වා කායෙන චුසිතුං න ලහති, එවං අනාගාමී අරහත්තමග්ගස්ස නත්ථිතාය නිබ්බානං ආරම්භණං කත්වා අරහත්තඵලසමාපත්තිං අප්පෙත්වා නිසීදිතුං න ලහති. අට්ඨමං.

9. උපයන්තිසුත්තවණ්ණනා

69. නවමෙ උපයන්තොති උදකවච්ඡිනසමයෙ උපරි ගච්ඡන්තො. මහානදියොති ගඬගායමුනාදිකා මහාසරිතායො. උපයාපෙතීති උපරි යාපෙති, වඬ්ඨෙති පුරෙතීති අත්ථො. අවිජ්ජා උපයන්තීති අවිජ්ජා උපරි ගච්ඡන්ති සඬ්ඛාරානං පච්චයො භවිතුං සක්කුණන්ති. සඬ්ඛාරෙ උපයාපෙතීති සඬ්ඛාරෙ උපරි යාපෙති වඬ්ඨෙති. එවං සබ්බපදෙසු අත්ථො වෙදිතබ්බො. අපයන්තොති අපගච්ඡන්තො ඔසරන්තො. අවිජ්ජා අපයන්තීති අවිජ්ජා අපගච්ඡමානා ඔසරමානා උපරි සඬ්ඛාරානං පච්චයො භවිතුං න සක්කුණන්ති අත්ථො. සඬ්ඛාරෙ අපයාපෙතීති සඬ්ඛාරෙ අපගච්ඡාපෙති. එස නයො සබ්බපදෙසු. නවමං.

10. සුසිමසුත්තවණ්ණනා

70. දසමෙ ගරුකතොති සබ්බෙහි දෙවමනුස්සෙහි පාසාණච්ඡත්තං විය විත්තෙන ගරුකතො. මානිකොති මනෙන පියායිතො. පූජිතොති චතුපච්චයපූජාය පූජිතො. අපචිතොති නිවචුත්තිකරණෙන අපචිතො.

සත්ථාරඤ්ඤි දිස්වා මනුස්සා භත්ථික්ඛන්ධාදීහි ඔතරන්ති මග්ගං දෙන්ති, අංසකුටතො සාටකං අපනෙන්නි, ආසනතො වුට්ඨහන්ති වන්දන්ති. එවං සො තෙහි අපචිතො නාම භොති. සුසීමොති එවංනාමකො වෙදඬිගෙසු කුසලො පණ්ඩිතපරිබ්බාජකො. එහි ත්වන්ති තෙසං කිර එතදභොසි – “සමණො ගොතමො න ජාතිගොත්තාදීනි ආගම්ම ලාභග්ගප්පත්තො ජාතො, කච්ඡෙට්ඨො පනෙස උත්තමකච්ඡිතාය සාවකානං ගන්ථං ඛන්ධිත්වා දෙති, තං තෙ උග්ගණ්හිත්වා උපට්ඨාකානං උපනිසින්නකථමපි අනුමොදනමපි සරහඤ්ඤමපිති එවමාදීනි කථෙන්නි, තෙ තෙසං පසන්නා ලාභං උපසංහරන්ති. සචෙ මයං යං සමණො ගොතමො ජානාති, තතො ථොකං ජානෙය්‍යාම, අත්තතො සමයං තත්ථ පක්ඛිපිත්වා මයමපි උපට්ඨාකානං කථෙය්‍යාම, තතො එතෙහි ලාභිතරා භවෙය්‍යාම. කො නු ඛො සමණස්ස ගොතමස්ස සන්තිකෙ පබ්බජිත්වා බිජ්ජමෙව උග්ගණ්හිතුං සක්ඛිස්සති”ති. තෙ එවං වින්තෙත්වා “සුසීමො පට්ඨෙලො”ති දිස්වා තං උපසඬකම්භිත්වා එවමාහංසු.

යෙනායස්මා ආනන්දො තෙනුපසඬකම්භි කස්මා උපසඬකම්? එවං කිරස්ස අභොසි, “කස්ස නු ඛො සන්තිකං ගන්ත්වා අහං ඉමං ධම්මං බිජ්ජං ලද්ධං සක්ඛිස්සාමි”ති? තතො වින්තෙසි – “සමණො ගොතමො ගරු තෙජ්ජස්සදො නියමමනුයුත්තො, න සක්කා අකාලෙ උපසඬකම්භිතුං, අඤ්ඤෙපි බහු ඛත්තියාදයො සමණං ගොතමං උපසඬකමන්ති, තස්මිමපි සමයෙ න සක්කා උපසඬකම්භිතුං. සාවකෙසුපිස්ස සාරිපුත්තො මහාපඤ්ඤො විපස්සනාලක්ඛණමහි එතදග්ගෙ යපිතො, මහාමොග්ගල්ලානො සමාධිලක්ඛණස්මි. එතදග්ගෙ යපිතො, මහාකස්සපො ධුතඬිගධරෙසු අනුරුද්ධො දිබ්බචක්ඛුකෙසු, පුණ්ණො මන්තාණිපුත්තො ධම්මකථිකෙසු, උපාලිත්ථෙරො විනයධරෙසු එතදග්ගෙ යපිතො, අයං පන ආනන්දො බහුස්සුතො තිපිටකධරො, සත්ථාපිස්ස තත්ථ තත්ථ කථිතං ධම්මං ආහරිත්වා කථෙති, පඤ්චසු යානෙසු එතදග්ගෙ යපිතො, අට්ඨන්තං වරානං ලාභී, චතුහි අව්ඡරියබ්භුතධම්මෙහි සමන්තාගතො, තස්ස සමීපං ගතො බිජ්ජං ධම්මං ලද්ධං සක්ඛිස්සාමි”ති. තස්මා යෙනායස්මා ආනන්දො තෙනුපසඬකම්.

යෙන භගවා තෙනුපසඬකම්භි කස්මා සයං අපබ්බාජෙත්වා උපසඬකම්? එවං කිරස්ස අභොසි – “අයං තිත්ථියසමයෙ පාටියෙක්කො ‘අහං සත්ථා’ති පටිජානන්තො වරති, පබ්බජිත්වා සාසනස්ස අලාභායපි පරිසක්කෙය්‍ය. න ඛො පනස්සාහං අජ්ඣාසයං ආජානාමි, සත්ථා ජානිස්සති”ති. තස්මා තං ආදාය යෙන භගවා තෙනුපසඬකම්. තෙනභානන්ද, සුසීමං පබ්බාජෙත්වා සත්ථා කිර

වින්තෙසි – “අයං පරිබ්බාජකො තිත්ථියසමයෙ ‘අභං පාටියෙක්කො සත්ථා’ති පටිජානමානො වරති, ‘ඉධ මග්ගබ්බන්මවරියං වරිතුං ඉච්ඡාමි’ති කිර වදති. කිං නු බො මයි පසන්නො, උදාහු මය්භං සාවකෙසු, උදාහු මය්භං වා මම සාවකානං වා ධම්මකථාය පසන්නො”ති? අට්ඨස්ස එකට්ඨානෙපි පසාදාභාවං ඤත්වා, “අයං මම සාසනෙ ධම්මං ථෙවනස්සාමිති පබ්බජති. ඉතිස්ස ආගමනං අපරිසුද්ධං; නිජ්ඵත්ති නු බො කිදිසා”ති? ඔලොකෙන්නො “කිඤ්චාපි ‘ධම්මං ථෙවනස්සාමි’ති පබ්බජති, කතිපාහෙනෙව පන සට්ඨන්වා අරහත්තං ගණ්හිස්සති”ති ඤත්වා “තෙනභානන්ද, සුසිමං පබ්බාජෙථා”ති ආභ.

අඤ්ඤා බ්‍යාකතා භොතීති තෙ කිර භික්ඛු සත්ථු සන්නිකෙ කම්මට්ඨානං ගහෙත්වා තෙමාසං වස්සං වසන්නා තස්මිංයෙව අන්තොතෙමාසෙ සට්ඨන්තා වායමන්නා අරහත්තං පටිලභිංසු. තෙ “පටිලද්ධගුණං සත්ථු ආරොවෙස්සාමා”ති පචාරිතපචාරණා සෙනාසනං සංසාමෙත්වා සත්ථු සන්නිකං ආගන්ත්වා අත්තනො පටිලද්ධගුණං ආරොවෙසුං. තං සන්ධායෙන චුත්තං. අඤ්ඤාති අරහත්තස්ස නාමං. බ්‍යාකතාති ආරොචිතා. අස්සොසීති සො කිර ඕභිතසොතො හුත්වා තෙසං තෙසං භික්ඛුනං ධීතට්ඨානං ගච්ඡති තං තං කථං සුණ්තුකාමො. යෙන තෙ භික්ඛු තෙනුපසඬකමීති කස්මා උපසඬකමි? තං කිරස්ස පවත්තිං සුත්වා එතදභොසි – “අඤ්ඤා නාම ඉමස්මිං සාසනෙ පරමජ්ජමාණං සාරභූතා ආචරියමුට්ඨි මඤ්ඤෙ භවිස්සති, පුච්ඡිත්වා නං ජානිස්සාමි”ති. තස්මා උපසඬකමි.

අනෙකච්ඡිතන්ති අනෙකච්චිධං. ඉද්ධිච්චිධන්ති ඉද්ධිකොට්ඨාසං. ආච්චාභං තිරොභාවන්ති ආච්චාභං ගහෙත්වා තිරොභාවං, තිරොභාවං ගහෙත්වා ආච්චාභං කාතුං සක්කොථාති පුච්ඡති. තිරොකුට්ටන්ති පරකුට්ටං. ඉතරපදද්වයෙපි එසෙව නයො. උම්මුජ්ජනිමුජ්ජන්ති උම්මුජ්ජනඤ්ච නිමුජ්ජනඤ්ච. පල්ලඬකෙනාති පල්ලඬකඛන්ධනෙන. කමථාති නිසිදිතුං වා ගන්තුං වා සක්කොථාති පුච්ඡති? පක්ඛි සකුණොති පක්ඛියුත්තො සකුණො. අයමෙත්ථ සඬබ්බෙපො, විත්ථාරතො පන ඉමස්ස ඉද්ධිච්චිධස්ස, ඉතො පරෙසං දිබ්බසොතාදීනඤ්ච වණ්ණනානායො විසුද්ධිමග්ගෙ චුත්තනායෙන වෙදිතබ්බොති.

සන්නා විමොක්ඛාති අඬගසන්නතාය වෙව ආරම්මණසන්නතාය ච සන්නා ආරුජ්ජවිමොක්ඛා. කායෙන චුසිත්වාති නාමකායෙන චුසිත්වා පටිලභිත්වා. පඤ්ඤාවිමුත්තා බො මයං, ආචුසොති, ආචුසො, මයං නිජ්ඣානකා සුක්ඛවිපස්සකා පඤ්ඤාමත්තෙනෙව විමුත්තාති දස්සෙති. ආජානෙය්‍යාසි වා

ත්වං, ආවුසො සුසිම, න වා ත්වං ආජානෙය්‍යාසීති කස්මා එවමාහංසු? එවං කිරිනෙසං අහොසි – “මයං ඉමස්ස අජ්ඣාසයං ගහෙත්වා කථෙතුං න සක්ඛිස්සාම, දසබ්බං පන පුච්ඡිත්වා නික්කඨිමො භවිස්සති”ති. ධම්මට්ඨිතිඤ්ඤාණන්ති විපස්සනාඤ්ඤාණං, තං පටමතරං උප්පජ්ජති. නිබ්බානෙ ඤ්ඤාණන්ති විපස්සනාය විශේෂාණන්තෙ පවත්තමග්ගඤ්ඤාණං, තං පච්ඡා උප්පජ්ජති. තස්මා භගවා එවමාහ.

ආජානෙය්‍යාසි වාතිආදි කස්මා වුත්තං? විනාපි සමාධිං එවං ඤ්ඤාණුප්පත්තිදස්සනත්ථං. ඉදඤ්ඤි වුත්තං හොති – සුසිම, මග්ගො වා එලං වා න සමාධිනිස්සන්දො, න සමාධිආනිසංසො, න සමාධිස්ස නිජ්ජත්ති, විපස්සනාය පනෙසො නිස්සන්දො, විපස්සනාය ආනිසංසො, විපස්සනාය නිජ්ජත්ති, තස්මා ආජානෙය්‍යාසි වා ත්වං, න වා ත්වං ආජානෙය්‍යාසි, අථ ඛො ධම්මට්ඨිතිඤ්ඤාණං පුබ්බෙ, පච්ඡා නිබ්බානෙ ඤ්ඤාණන්ති.

ඉදානිස්ස පටිච්චෙධහබ්බතං ඤත්වා තෙපරිවට්ටං ධම්මදෙසනං දෙසෙන්නො තං කිං මඤ්ඤසි, සුසිම? රූපං නිව්චං වා අනිව්චං වාතිආදිමාහ? තෙ පරිවට්ටදෙසනාවසානෙ පන ථෙරො අරහත්තං පත්තො. ඉදානිස්ස අනුයොගං ආරොපෙන්නො ජාතිපච්චයා ජරාමරණන්ති, සුසිම, පස්සසීතිආදිමාහ. අපි පන ත්වං, සුසිමාති ඉදං කස්මා ආරහි? නිජ්ඣානකානං සුක්ඛවිපස්සකභික්ඛුනං පාකට්ඨකරණත්ථං. අයඤ්ඤෙත්ථ අධිජ්ජායො – න කෙවලං ත්වමෙව නිජ්ඣානකො සුක්ඛවිපස්සකො, එතෙපි භික්ඛු එවරූපායෙවාති. සෙසං සබ්බත්ථ පාකට්ඨෙවාති. දසමං.

මහාවග්ගො සත්තමො.

8. සමණව්‍යාභ්මණවග්ගො

1. ජරාමරණසුත්තාදිවග්ගො

71-72. සමණව්‍යාභ්මණවග්ගෙ ජරාමරණාදීසු එකෙකපදවසෙන එකෙකං කත්වා එකාදස සුත්තානි වුත්තානි, තානි උත්තානත්ථානෙවාති.

සමණව්‍යාභ්මණවග්ගො අට්ඨමො.

9. අන්තරපෙය්‍යාලං

1. සත්ථුසුත්තාදිවණ්ණනා

73. ඉතො පරං “සත්ථා පරියෙසිතබ්බො” නිදාදිනයප්පවත්තා ද්වාදස අන්තරපෙය්‍යාලවග්ගා නාම භොන්ති. තෙ සබ්බෙපි තථා තථා බුද්ධිකානානං චෙනෙය්‍යපුග්ගලානං අප්පකාසයවසෙන චුත්තා. තත්ථ සත්ථාති බුද්ධො වා භොතු සාවකො වා, යං නිස්සාය මග්ගඤ්ඤාණං ලහති, අයං සත්ථා නාම, සො පරියෙසිතබ්බො. සික්ඛා කරණීයාති තිව්ධාපි සික්ඛා කාතබ්බා. යොගාදිසු යොගොති පයොගො. ඡන්දොති කත්තුකම්‍යතාකුසලච්ඡන්දො. උස්සොල්භීති සබ්බසහං අධිමත්තවීරියං. අප්පට්ඨානීති අනිවත්තනා. ආතප්පන්ති කිලෙසතාපනවීරියමෙව. සාතච්චන්ති සතතකිරියං. සතීති ජරාමරණාදිවසෙන චතුසච්චපරිග්ගාහිකා සති. සම්පජ්ඤ්ඤන්ති තාදිසමෙව ඤාණං. අප්පමාදොති සච්චභාවනාය අප්පමාදො. සෙසං සබ්බත්ථ උත්තානමෙවාති.

අන්තරපෙය්‍යාලො නවමො.

නිදානසංයුත්තවණ්ණනා නිට්ඨිතා.

2. අභිසමයසංයුත්තං

1. නබ්බිබාසුත්තවග්ගණනා

74. අභිසමයසංයුත්තස්ස පටිමෙ නබ්බිබාසන්ති මංසට්ඨානෙන විමුත්තෙන නබ්බිගෙ. නබ්බිබා ච නාම ලොකියානං මහතීපි හොති, සත්ථු පන රත්තූප්පලපත්තකොටි විය සුබ්බමා. කථං පනෙත්ථ පංසු පතිට්ඨිතොති? අධිට්ඨානබලෙන. භගවතා හි අත්ථං ඤාපෙතුකාමෙන අධිට්ඨානබලෙන තත්ථ පතිට්ඨාපිතො. සතිමං කලන්ති මහාපට්ඨියා පංසුං සතකොට්ඨාසෙ කත්වා තතො එකකොට්ඨාසං. පරතොපි එසෙව නයො. අභිසමෙතාවිතොති පඤ්ඤාය අරියසච්චානි අභිසමෙත්වා ධීතස්ස. පුරිමං දුක්ඛක්ඛන්ධං පරික්ඛිණං පරියාදිණ්ණං උපනිධායාති එතදෙව බහුතරං දුක්ඛං, යදිදං පරික්ඛිණන්ති එවං පටිමං වුත්තං දුක්ඛක්ඛන්ධං උපනිධාය, ඤාණෙන තං තස්ස සන්තිකෙ යපෙත්වා උපපරික්ඛියමානොති අත්ථො. කතමං පනෙත්ථ පුරිමදුක්ඛං නාම? යං පරික්ඛිණං. කතමං පන පරික්ඛිණං? යං පටිමමග්ගස්ස අභාවිතත්තා උප්පජ්ජෙය්‍ය. කතමං පන උපනිධාය? යං සත්තසු අත්තභාවෙසු අපායෙ අට්ඨමඤ්ච පටිසන්ධිං ආදිං කත්වා යත්ථ කත්ථවි උප්පජ්ජෙය්‍ය, සබ්බං තං පරික්ඛිණන්ති වෙදිතබ්බං. සත්තක්ඛන්තූන්ති සත්ත වාරෙ, සත්තසු අත්තභාවෙසුති අත්ථො. පරමතාති ඉදමස්ස පරං පමාණන්ති දස්සෙති. මහත්ථීයොති මහතො අත්ථස්ස නිජ්ඣාදකො. පටිමං.

2. පොක්ඛරණීසුත්තවග්ගණනා

75. දුතියෙ පොක්ඛරණීති වාපි. උබ්බෙධෙනාති ගම්භීරතාය. සමතිත්තිකාති මුඛවට්ටිසමා. කාකපෙය්‍යාති සක්කා හොති තීරෙ ධීතෙන කාකෙන පකතියාපි මුඛතුණ්ඩිකං ඔතාරෙත්වා පාතුං. දුතියං.

3. සංභෙජ්ජඋදකසුත්තාදිවග්ගණනා

76-77. තතියෙ යත්ථිමාති යස්මිං සම්භිජ්ජට්ඨානෙ ඉමා. සංසන්දන්තීති සමාගන්ත්වා සන්දන්ති. සමෙත්තීති සමාගච්ඡන්ති. ද්වෙ වා ති වාති ද්වෙ වා තිණි වා. උදකචුසිතානීති උදකබ්න්දුනි. සංභෙජ්ජඋදකන්ති අඤ්ඤාහි නදිහි සද්ධිං සම්භින්නට්ඨානෙ උදකං. චතුත්ථං උත්තානත්ථමෙව. තතියචතුත්ථානි.

5. පට්ඨිසුත්තාදිවග්ගණනා

78-84. පඤ්චමෙ මහාපට්ඨියාති චක්කවාලබ්භන්තරාය මහාපට්ඨියා උද්ධරිත්වා. කොලට්ඨිමත්තියොති පදරට්ඨිපමාණා. ගුළිකාති මත්තිකගුළිකා.

සංයුත්තනිකායෙ නිදානවග්ග-අට්ඨකථා අභිසමයසංයුත්තං
 උපනික්ඛිපෙය්‍යාති එකස්මිං යානෙ යිපෙය්‍යා. ඡට්ඨාදීසු චුත්තනයෙනෙව
 අත්ථො වෙදිතඛිබ්බො. පරියොසානෙ පන
 අඤ්ඤතිත්ථීයසමණුමුභ්මණපරිබ්බාජකානං අධිගමොති බාහිරකානං
 සඛිබ්බාපි ගුණාධිගමො පයමමග්ගෙන අධිගතගුණානං සතභාගමිපි
 සහස්සභාගමිපි සතසහස්සභාගමිපි න උපගච්ඡති. පඤ්චමාදීනි.

අභිසමයසංයුත්තවණ්ණනා නිට්ඨිතා.

3. ධාතුසංයුත්තං

1. නානත්තවග්ගො

1. ධාතුනානත්තසුත්තවග්ගො

85. ධාතුසංයුත්තස්ස පයමෙ නිස්සත්තට්ඨසුඤ්ඤතට්ඨසඬ්ඛානෙන සභාවට්ඨයෙන ධාතූනි ලද්ධනාමානං ධම්මානං නානාසභාවො ධාතුනානත්තං. චක්ඛුධාතූතිආදීසු චක්ඛුපසාදො චක්ඛුධාතු, රූපාරම්මණං රූපධාතු, චක්ඛුපසාදවත්ථුකං චිත්තං චක්ඛුවිඤ්ඤාණධාතු. සොතපසාදො සොතධාතු, සද්දාරම්මණං සද්දධාතු, සොතපසාදවත්ථුකං චිත්තං සොතවිඤ්ඤාණධාතු. ඝානපසාදො ඝානධාතු, ගන්ධාරම්මණං ගන්ධධාතු, ඝානපසාදවත්ථුකං චිත්තං ඝානවිඤ්ඤාණධාතු. ජීවිහාපසාදො ජීවිහාධාතු, රසාරම්මණං රසධාතු, ජීවිහාපසාදවත්ථුකං චිත්තං ජීවිහාවිඤ්ඤාණධාතු. කායපසාදො කායධාතු, ථොට්ඨබ්බාරම්මණං ථොට්ඨබ්බධාතු, කායපසාදවත්ථුකං චිත්තං කායවිඤ්ඤාණධාතු. තිස්සො මනොධාතුයො මනොධාතු, වෙදනාදයො තයො ඛන්ධා සුමුරුපානි නිබ්බානඤ්ච ධම්මධාතු, සබ්බමිපි මනොවිඤ්ඤාණං මනොවිඤ්ඤාණධාතූති. එත්ථ ච සොළස ධාතුයො කාමාවචරා, අවසානෙ ද්වෙ චතුභූමිකාති. පයමං.

2. එස්සනානත්තසුත්තවග්ගො

86. දුතියෙ උප්පජ්ජති එස්සනානත්තන්ති නානාසභාවො එස්සො උප්පජ්ජති. තත්ථ චක්ඛුසම්ඵස්සාදයො චක්ඛුවිඤ්ඤාණාදිසම්පයුත්තා, මනොසම්ඵස්සො මනොද්වාරෙ පයමජ්ජනසම්පයුත්තො, තස්මා. මනොධාතුං පටිච්චාති මනොද්වාරාවජ්ජනං කිරියාමනොවිඤ්ඤාණධාතුං පටිච්ච පයමජ්ජනසම්ඵස්සො උප්පජ්ජතිති අයමෙත්ථ අත්ථො. දුතියං.

3. නොඑස්සනානත්තසුත්තවග්ගො

87. තතියෙ නො මනොසම්ඵස්සං පටිච්ච උප්පජ්ජති මනොධාතූති මනොද්වාරෙ පයමජ්ජනසම්පයුත්තං එස්සං පටිච්ච ආවජ්ජනකිරියාමනොවිඤ්ඤාණධාතු නො උප්පජ්ජතිති එවමත්ථො දට්ඨබ්බො. තතියං.

4. වෙදනානානත්තසුත්තවග්ගො

88. චතුත්ථෙ චක්ඛුසම්ඵස්සජා වෙදනාති සම්පට්ඨිජනමනොධාතුතො පටියාය සබ්බාපි තස්මිං ද්වාරෙ වෙදනා චත්තෙය්‍යුං, නිබ්බත්තිඵාසුකත්ථං පන

අනන්තරං සම්පට්ඨිතනවෙදනමෙව ගහෙතුං වට්ටනීති වුත්තං. මනොසම්ඵස්සං පට්ඨිවාති මනොද්වාරො ආවජ්ජනසම්ඵස්සං පට්ඨිව පයමජ්ජනවෙදනා, පයමජ්ජනසම්ඵස්සං පට්ඨිව දුතියජ්ජනවෙදනාති අයමධිජ්ජායො. චතුත්ථං.

5. දුතියවෙදනානානත්තසුත්තවණ්ණනා

89. පඤ්චමෙ තතියවතුත්ථෙසු වුත්තනයාව එකතො කත්වා දෙසිතාති. ඉති දුතියාදීසු චතුසු සුත්තෙසු මනොධාතුං මනොධාතුති අගහත්වා මනොද්වාරාවජ්ජනං මනොධාතුති ගහිතං. සබ්බානි වෙතාති තථා තථා කථිතෙ බුජ්ඣනකානං අජ්ඣාසයෙන දෙසිතාති. ඉතො පරෙසුපි එසෙව නයො. පඤ්චමං.

6. බාහිරධාතුනානත්තසුත්තවණ්ණනා

90. ඡට්ඨෙ පන පඤ්ච ධාතුයො කාමාවචරා, ධම්මධාතු චතුභූමිකාති. ඡට්ඨං.

7. සඤ්ඤානානත්තසුත්තවණ්ණනා

91. සත්තමෙ රූපධාතුති ආපාථෙ පතිතං අත්තනො වා පරස්ස වා සාටකවෙයනාදිවත්ථුකං රූපාරම්මණං. රූපසඤ්ඤාති චක්ඛුවිඤ්ඤාණසම්පයුත්තා සඤ්ඤා. රූපසඤ්ඤාපොති සම්පට්ඨිතාදිහි තිහි විත්තෙහි සම්පයුත්තො සඤ්ඤා. රූපච්ඡන්දොති රූපෙ ඡන්දිකතට්ඨෙත ඡන්දො. රූපපරිලාභොති රූපෙ අනුඛතට්ඨෙත පරිලාභො. රූපපරියෙසනාති පරිලාභෙ උජ්ජන්තෙ සන්දිට්ඨසම්භත්තෙ ගහත්වා තස්ස රූපස්ස පටිලාභත්ථාය පරියෙසනා. එත්ථ ච සඤ්ඤාසඤ්ඤාපඡන්දා එකජවනවාරෙපි නානාජවනවාරෙපි ලබ්භන්ති, පරිලාභපරියෙසනා පන නානාජවනවාරෙයෙව ලබ්භන්ති. එවං බො, භික්ඛවෙ, ධාතුනානත්තන්ති එත්ථ ච එවං රූපාදිනානාසභාවං ධාතුං පට්ඨිව රූපසඤ්ඤාදිනානාසභාවසඤ්ඤා උජ්ජන්තිති ඉමිනා නයෙන අත්ථො වෙදිතබ්බො. සත්තමං.

8. නොපරියෙසනානානත්තසුත්තවණ්ණනා

92. අට්ඨමෙ නො ධම්මපරියෙසනං පට්ඨිව උජ්ජන්ති ධම්මපරිලාභොති එවං ආගතං පටිසෙධමත්තමෙව නානං. අට්ඨමං.

9. බාහිරඵස්සනානත්තසුත්තාදිවණ්ණනා

93-94. නවමෙ උජ්ජන්ති රූපසඤ්ඤාති වුත්තජ්ජකාරො ආරම්මණෙ උජ්ජන්ති සඤ්ඤා. රූපසඤ්ඤාපොති තස්මිංයෙව ආරම්මණෙ තිහි විත්තෙහි සම්පයුත්තසඤ්ඤා. රූපසම්ඵස්සොති තදෙවාරම්මණං චූසමානො ඵස්සො.

වෙදනාති තදෙව ආරම්මණං අනුභවමානා වෙදනා. ඡන්දාදයො චුත්තනයාව. රූපලාභොති පරියෙසිත්වා ලද්ධං සහ තණ්හාය ආරම්මණං “රූපලාභො”ති චුත්තං. අයං තාව සබ්බසංඛාතිකනයො එකස්මිං යෙවාරම්මණෙ සබ්බධම්මානං උප්පත්තිවසෙන චුත්තො. අපරො ආගන්තුකාරම්මණමිස්සකො හොති – රූපසංඝ්ඤා රූපසංඛිකප්පො එස්සො වෙදනාති ඉමෙ තාව චත්තාරො ධම්මා ධූවපරිභොගෙ නිබද්ධාරම්මණෙ හොන්ති. නිබද්ධාරම්මණඤ්චි ඉට්ඨං කත්තං මනාපං පියං යංකිඤ්චි විය උපට්ඨාති, ආගන්තුකාරම්මණං පන යංකිඤ්චි සමානම්පි බොහෙත්වා තිට්ඨති.

තත්ත්වං චත්ථු – එකො කිර අමච්චපුත්තො ගාමියෙහි පරිවාරිතො ගාමමජ්ඣෙකෙ යත්වා කම්මං කරොති. තස්මිඤ්චස්ස සමයෙ උපාසිකා නදිං ගන්ත්වා න්හත්වා අලඬිකතපටියත්තා ධාතිගණපරිවුතා ගෙහං ගච්ඡති. සො දුරතො දිස්වා “ආගන්තුකමාතුගාමො භවිස්සති”ති සඤ්ඤා උප්පාදෙත්වා “ගච්ඡ, භණෙ ජානාහි, කා එසා”ති පුරිසං පෙසෙසි. සො ගන්ත්වා තං දිස්වා පච්චාගතො, “කා එසා”ති පුට්ඨො යථාසභාවං ආරොචෙසි. එවං ආගන්තුකාරම්මණං බොහෙති. තස්මිං උප්පත්තො ඡන්දො රූපඡන්දො නාම, තදෙව ආරම්මණං කත්වා උප්පත්තො පරිලාභො රූපපරිලාභො නාම, සභායෙ ගණ්හිත්වා තස්ස පරියෙසනං රූපපරියෙසනා නාම, පරියෙසිත්වා ලද්ධං සහ තණ්හාය ආරම්මණං රූපලාභො නාම.

උරුවල්ලියවාසී චූළතිස්සත්ථෙරො පනාහ – “කිඤ්චාපි භගවතා එස්සවෙදනා පාළියා මජ්ඣෙකෙ ගහිතා, පාළිං පන පරිවට්ටෙත්වා චුත්තප්පකාරෙ ආරම්මණෙ උප්පන්නා සඤ්ඤා රූපසඤ්ඤා, තස්මිංයෙව සංඛිකප්පො රූපසංඛිකප්පො තස්මිං ඡන්දො රූපච්ඡන්දො, තස්මිං පරිලාභො රූපපරිලාභො, තස්මිං පරියෙසනා රූපපරියෙසනා, පරියෙසිත්වා ලද්ධං සහ තණ්හාය ආරම්මණං රූපලාභො. එවං ලද්ධාරම්මණෙ පන චූසනං එස්සො, අනුභවනං වෙදනා. රූපසම්ඵස්සො රූපසම්ඵස්සජා වෙදනාති ඉදං ද්වයං ලබ්භති”ති. අපරම්පි අවිභූතවාරං නාම ගණ්හන්ති. ආරම්මණඤ්චි සාණිපාකාරෙහි වා පරික්ඛිත්තං තිණපණ්ණාදිහි වා පටිච්ඡන්තං හොති, තං “උපඬ්ඨං දිට්ඨං මෙ ආරම්මණං, සුට්ඨු නං පස්සිස්සාමි”ති ඔලොකයතො තස්මිං ආරම්මණෙ උප්පන්නා සඤ්ඤා රූපසඤ්ඤා නාම. තස්මිංයෙව උප්පන්නා සංඛිකප්පාදයො රූපසංඛිකප්පාදයො නාමාති වෙදිතබ්බා. එත්ථාපි ච සඤ්ඤාසංඛිකප්පඵස්සවෙදනාඡන්දා එකජවනවාරෙපි නානාජවනවාරෙපි ලබ්භන්ති, පරිලාභපරියෙසනාලාභා නානාජවනවාරෙයෙවාති. දසමං උත්තානමෙවාති. නවමදසමාති.

නානත්තවග්ගො පඨමො.

2. දුතියවග්ගො

1. සත්තධාතුසුත්තවග්ගො

95. දුතියවග්ගස්ස පයමෙ ආභාධාතුති ආලෝකධාතු. ආලෝකස්සපි ආලෝකකසිණෙ පරිකම්මං කත්වා උප්පන්නජ්ඣානස්සාපිති සභාරම්මණස්ස ඥානස්ස එතං නාමං. සුභධාතුති සුභකසිණෙ උප්පන්නජ්ඣානවසෙන සභාරම්මණජ්ඣානමෙව.

ආකාසානඤ්චායතනධාතු.

ආකාසානඤ්චායතනමෙව

සඤ්ඤාවෙදයිතනිරොධොව

සඤ්ඤාවෙදයිතනිරොධධාතු. ඉති භගවා අනුසන්ධිකුසලස්ස භික්ඛුනො තත්ථ නිසිදිත්වා පඤ්භං පුච්ඡිතුකාමස්ස ඔකාසං දෙන්තො දෙසනං නිට්ඨාපෙසි.

අන්ධකාරං පටිච්චාති අන්ධකාරො හි ආලෝකෙන පරිච්ඡින්නො, ආලෝකොපි අන්ධකාරෙන. අන්ධකාරෙන හි සො පාකටො හොති. තස්මා “අන්ධකාරං පටිච්ච පඤ්ඤායති” ති ආහ. අසුභං පටිච්චාති එත්ථාපි එසෙව නයො. අසුභඤ්ඤි සුභෙන, සුභඤ්ච අසුභෙන පරිච්ඡින්නං, අසුභෙ සති සුභං පඤ්ඤායති, තස්මා එවමාහ. රූපං පටිච්චාති රූපාවචරසමාපත්තිං පටිච්ච. රූපාවචරසමාපත්තියා හි සති ආකාසානඤ්චායතනසමාපත්ති නාම හොති රූපසමතික්කමො වා, තස්මා එවමාහ. විඤ්ඤාණඤ්චායතනධාතුආදීසුපි එසෙව නයො. නිරොධං පටිච්චාති චතුත්තං ඛන්ධානං පටිසඬ්ඛාඅප්පවත්තිං පටිච්ච. ඛන්ධනිරොධඤ්ඤි පටිච්ච නිරොධසමාපත්ති නාම පඤ්ඤායති, න ඛන්ධපවත්තිං, තස්මා එවමාහ. එත්ථ ච චතුත්තං ඛන්ධානං නිරොධොව නිරොධසමාපත්තීති වෙදිතබ්බො.

කථං සමාපත්ති පත්තබ්බාති කථං සමාපත්තියො කීදිසා සමාපත්තියො නාම භුත්වා පත්තබ්බාති? සඤ්ඤාසමාපත්ති පත්තබ්බාති සඤ්ඤාය අත්ථිභාවෙන සඤ්ඤාසමාපත්තියො සඤ්ඤාසමාපත්තියො නාම භුත්වා පත්තබ්බා. සඬ්ඛාරාවසෙසසමාපත්ති පත්තබ්බාති සුමුමසඬ්ඛාරානං අවසිට්ඨතාය සඬ්ඛාරාවසෙසසමාපත්ති නාම භුත්වා පත්තබ්බා. නිරොධසමාපත්ති පත්තබ්බාති නිරොධොව නිරොධසමාපත්ති නිරොධසමාපත්ති නාම භුත්වා පත්තබ්බාති අත්ථො. පයමං.

2. සනිදානසුත්තවග්ගො

96. දුතියෙ සනිදානන්ති භාවනපුංසකමෙතං, සනිදානො සපච්චයො භුත්වා උප්පජ්ජතීති අත්ථො. කාමධාතුං, භික්ඛවෙ, පටිච්චාති එත්ථ කාමචිතක්කොපි කාමධාතු කාමාවචරධම්මාපි, විසෙසතො සබ්බාකුසලමිපි. යථාහ —

“තත්ථ කතමා කාමධාතු? කාමපටිසංයුත්තො තක්කො විතක්කො සඬකප්පො අප්පනා බ්‍යප්පනා චෙතසො අභිනිරොපනා මිච්ඡාසඬකප්පො, අයං වුච්චති කාමධාතු. හෙට්ඨතො අවිච්චිතරයං පරියන්තං කරිත්වා උපරිතො පරනිම්මිතවසවත්තී දෙවෙ අන්තොකරිත්වා යං එතස්මිං අන්තරෙ එත්ථාවචරා එත්ථ පරියාපන්තා ඛන්ධධාතුආයතනා රූපා වෙදනා සඤ්ඤා සඬබ්‍රා විඤ්ඤාණං, අයං වුච්චති කාමධාතු. සබ්බෙපි අකුසලා ධම්මා කාමධාතු”ති (විභ. 182).

එත්ථ සබ්බසඬගාහිකා අසම්භින්නාති ද්වෙ කථා භොන්ති. කථං? කාමධාතුග්ගහණෙන හි බ්‍යාපාදධාතුවිහිංසාධාතුයො ගහිතා භොන්තිති අයං සබ්බසඬගාහිකා. තාසං පන ද්වින්නං ධාතුනං විසුං ආගතත්තා සෙසධම්මා කාමධාතූති අයං අසම්භින්නකථා. අයමිධ ගහෙනබ්බා ඉමං කාමධාතුං ආරම්මණවසෙන වා සම්පයොගවසෙන වා පටිච්ච කාමසඤ්ඤා නාම උප්පජ්ජති. කාමසඤ්ඤං පටිච්චාති කාමසඤ්ඤං පන සම්පයොගවසෙන වා උපනිස්සයවසෙන වා පටිච්ච කාමසඬකප්පො නාම උප්පජ්ජති. ඉමිනා නයෙන සබ්බපදෙසු අත්ථො වෙදිතබ්බො. තිහි යානෙහිති තිහි කාරණෙහි. මිච්ඡා පටිපජ්ජතිති අයාථාවපටිපදං අනියානිකපටිපදං පටිපජ්ජති.

බ්‍යාපාදධාතුං, හික්ඛවෙති එත්ථ බ්‍යාපාදවිතක්කොපි බ්‍යාපාදධාතු බ්‍යාපාදොපි. යථාහ —

“තත්ථ කතමා බ්‍යාපාදධාතු? බ්‍යාපාදපටිසංයුත්තො තක්කො විතක්කො...පෙ.... අයං වුච්චති බ්‍යාපාදධාතු. දසසු ආසාතවත්ථුසු විත්තස්ස ආසාතො පටිවිරොධො කොපො පකොපො...පෙ.... අනත්තමනතා විත්තස්ස, අයං වුච්චති බ්‍යාපාදධාතු”ති (විභ. 182).

ඉමං බ්‍යාපාදධාතුං සහජාතපච්චයාදිවසෙන පටිච්ච බ්‍යාපාදසඤ්ඤා නාම උප්පජ්ජති. සෙසං පුරිමනයෙනෙව වෙදිතබ්බං.

විහිංසාධාතුං, හික්ඛවෙති එත්ථ විහිංසාවිතක්කොපි විහිංසාධාතු විහිංසාපි. යථාහ —

“තත්ථ කතමා විහිංසාධාතු? විහිංසාපටිසංයුත්තො තක්කො විතක්කො...පෙ.... අයං වුච්චති විහිංසාධාතු. ඉධෙකච්චො පාණිනා වා ලෙඬ්ඬුනා වා දණ්ඨෙන වා සත්ථෙත වා රජ්ජයා වා අඤ්ඤතරඤ්ඤතරෙන වා සත්තෙ විහෙයෙති. යා එවරූපා හෙය්නා විහෙය්නා හිංසනා විහිංසනා රොසනා පරූපසාතො, අයං වුච්චති විහිංසාධාතු”ති (විභ. 182).

ඉමං විහිංසාධාතුං සහජාතපච්චයාදිවසෙන පටිච්ච විහිංසාසඤ්ඤා නාම උප්පජ්ජති. සෙසමිධාපි පුරිමනායෙනෙව වෙදිතබ්බං.

තිණදායෙති තිණගහනෙ අරඤ්ඤෙ. අනයඛ්‍යසනන්ති අවුඬිඨිං විනාසං. එවමෙව ඛොති එත්ථ සුක්ඛතිණදායො විය ආරම්මණං දට්ඨබ්බං, තිණුක්කා විය අකුසලසඤ්ඤා, තිණකට්ඨනිස්සිතා පාණා විය ඉමෙ සත්තා. යථා සුක්ඛතිණදායෙ යපිතං තිණුක්කං බිජ්ජං වායමිත්වා අනිබ්බාපෙන්තස්ස තෙ පාණා අනයඛ්‍යසනං පාපුණන්ති. එවමෙව යෙ සමණා වා බ්‍රාහ්මණා වා උප්පන්නං අකුසලසඤ්ඤං වික්ඛම්භනතදඩ්ගසමුච්ඡෙදප්පහානෙනි නප්පජ්ජන්ති, තෙ දුක්ඛං විහරන්ති.

විසමගතන්ති රාගවිසමාදීනි අනුගතං අකුසලසඤ්ඤං. න බිජ්ජමෙව පජ්ජන්ති වික්ඛම්භනාදිවසෙන සිසං නප්පජ්ජන්ති. න විනොදෙතීති න නිහරති. න ඛ්‍යන්තිකරොතීති හඬගමත්තමිපි අනවසෙසෙන්තො න විගතන්තං කරොති. න අනභාවං ගමෙතීති න අනුභාවං ගමෙති. එවං සබ්බපදෙසු න – කාරො ආහරිතබ්බො. පාටිකඬ්ඛාති පාටිකඬ්ඛිතබ්බා ඉච්ඡිතබ්බා.

නෙක්ඛම්මධාතුං, භික්ඛවෙනි එත්ථ නෙක්ඛම්මවිතක්කොපි නෙක්ඛම්මධාතු සබ්බෙපි කුසලා ධම්මා. යථාහ –

“තත්ථ කතමා නෙක්ඛම්මධාතු? නෙක්ඛම්මපටිසංයුත්තො තක්කො විතක්කො...පෙ.... සම්මාසඬ්ඛජ්ජො, අයං වුච්චති නෙක්ඛම්මධාතු”ති (විහ. 182).

ඉධාපි දුට්ඨා කථා. නෙක්ඛම්මධාතුග්ගහණෙන භි ඉතරාපි ද්වෙ ධාතුයො ගහණං ගච්ඡන්ති කුසලධම්මපරියාපන්නන්තා, අයං සබ්බසඬ්ඛාහිකා. තා පන ධාතුයො විසුං දීපෙතබ්බාති තා යපෙත්වා සෙසා සබ්බකුසලා නෙක්ඛම්මධාතූති අයං අසම්භින්නා. ඉමං නෙක්ඛම්මධාතුං සහජාතාදිපච්චයවසෙන පටිච්ච නෙක්ඛම්මසඤ්ඤා නාම උප්පජ්ජති. සඤ්ඤාදීනි පටිච්ච විතක්කාදයො යථානුරූපං.

අඛ්‍යාපාදධාතුං, භික්ඛවෙනි එත්ථ අඛ්‍යාපාදවිතක්කොපි අඛ්‍යාපාදධාතු අඛ්‍යාපාදොපි. යථාහ –

“තත්ථ කතමා අඛ්‍යාපාදධාතු? අඛ්‍යාපාදපටිසංයුත්තො තක්කො...පෙ.... අයං වුච්චති අඛ්‍යාපාදධාතු. යා සත්තෙසු මෙත්ති මෙත්තායනා මෙත්තායිතන්තං මෙත්තාවෙතොවිමුත්ති, අයං වුච්චති අඛ්‍යාපාදධාතු”ති (විහ. 182).

ඉමං අබ්‍යාපාදධාතුං පටිච්ච වුත්තනයෙනෙව අබ්‍යාපාදසඤ්ඤා නාම උප්පජ්ජති.

අවිහිංසාධාතුං, භික්ඛවෙනි එත්ථාපි අවිහිංසාවිතක්කොපි අවිහිංසාධාතු කරුණාපි. යථාහ -

“තත්ථ කතමා අවිහිංසාධාතු? අවිහිංසාපටිසංයුත්තො තක්කො...පෙ.... අයං වුච්චති අවිහිංසාධාතු. යා සත්තෙසු කරුණා කරුණායනා කරුණායිතත්තං කරුණාවෙනොවිමුත්ති, අයං වුච්චති අවිහිංසාධාතු”ති (විහ. 182).

ඉමං අවිහිංසාධාතුං පටිච්ච වුත්තනයෙනෙව අවිහිංසාසඤ්ඤා නාම උප්පජ්ජති. සෙසං සබ්බත්ථ වුත්තානුසාරෙනෙව වෙදිතබ්බං. දුතියං.

3. ගිඤ්ජකාවසථසුත්තවණ්ණනා

97. තතියෙ ධාතුං, භික්ඛවෙනි ඉතො පට්ඨාය අජ්ඣාසයං ධාතුති දිපෙති. උප්පජ්ජති සඤ්ඤාති අජ්ඣාසයං පටිච්ච සඤ්ඤා උප්පජ්ජති, දිට්ඨි උප්පජ්ජති, විතක්කො උප්පජ්ජති. ඉධාපි “කච්චානො පඤ්භං පුච්ඡිස්සති”ති තස්ස ඔකාසදානත්ථං එත්තාවතාව දෙසනං නිට්ඨාපෙසි. අසම්මාසම්බුද්ධෙසුති ඡසු සත්ථාරෙසු. සම්මාසම්බුද්ධාති මයමස්ම සම්මාසම්බුද්ධාති. කිං පටිච්ච පඤ්ඤායතීති කිස්මිං සති භොතීති? සත්ථාරානං උප්පන්නං දිට්ඨිං පුච්ඡති. අසම්මාසම්බුද්ධෙසු තෙසු සම්මාසම්බුද්ධා එතෙති එවං උප්පන්නං තිත්ථියසාවකානම්පි දිට්ඨිං පුච්ඡතියෙව.

ඉදානි යස්මා තෙසං අවිජ්ජාධාතුං පටිච්ච සා දිට්ඨි භොති, අවිජ්ජාධාතු ව නාම මහතී ධාතු, තස්මා මහතිං ධාතුං පටිච්ච තස්සා උප්පත්තිං දිපෙන්නො මහතී ඛො එසාතිආදිමාහ. භීනං, කච්චාන, ධාතුං පටිච්චාති භීනං අජ්ඣාසයං පටිච්ච. පණ්ඩිති විත්තට්ඨපනං. සා පනෙසා ඉත්ථිභාවං වා මක්කටාදිතිරච්ඡානභාවං වා පත්ථෙන්නස්ස උප්පජ්ජති. භීනො පුග්ගලොති යස්සෙතෙ භීනා ධම්මා උප්පජ්ජන්ති, සබ්බො සො පුග්ගලොපි භීනො නාම. භීනා වාචාති යා තස්ස වාචා, සාපි භීනා. භීනං ආචික්ඛතීති සො ආචික්ඛන්නොපි භීනමෙව ආචික්ඛති, දෙසෙන්නොපි භීනමෙව දෙසෙතීති සබ්බපදානි යොජෙතබ්බානි. උපපත්තීති ද්වෙ උපපත්තියො පටිලාභො ව නිබ්බත්ති ව. නිබ්බත්ති භීනකුලාදිවසෙන වෙදිතබ්බා, පටිලාභො විත්තුප්පාදක්ඛණෙ භීනත්තිකවසෙන. කථං? තස්ස හි පඤ්චසු නිවකුලෙසු උප්පජ්ජනතො භීනා නිබ්බත්ති, වෙස්සසුද්දකුලෙසු උප්පජ්ජනතො මජ්ඣිමා, බත්තියබ්‍රාහ්මණකුලෙසු උප්පජ්ජනතො පණිකා. ද්වාදසාකුසලවිත්තුප්පාදානං පන පටිලාභතො භීනො පටිලාභො, තෙභූමකධම්මානං පටිලාභතො මජ්ඣිමො, නවලොකුත්තරධම්මානං

පටිලාභතො පණිතො. ඉමස්මිං පන යානෙ නිබ්බත්ති යෙව අධිප්පෙතාති. තති යං.

4. භීනාධිමුත්තිකසුත්තවණ්ණනා

98. චතුත්ථෙපෙ සංසන්දන්තීති එකතො භොන්ති. සමෙන්තීති සමාගච්ඡන්ති, නිරන්තරා භොන්ති. භීනාධිමුත්තිකාති භීනජ්ඣාසයා. කල්‍යාණාධිමුත්තිකාති කල්‍යාණජ්ඣාසයා. චතුත්ථං.

5. වඨ්ඨකමසුත්තවණ්ණනා

99. පඤ්චමෙ පස්සථ තොති පස්සථ නු. සබ්බෙ ඛො එතෙති සාරිපුත්තත්ථෙපෙරො භගවතා “එතදග්ගං, භික්ඛවෙ, මම සාවකානං භික්ඛුනං මහාපඤ්ඤානං යදිදං සාරිපුත්තො”ති (අ. නි. 1.189) මහාපඤ්ඤෙසු එතදග්ගෙ යපිතො. ඉති නං “ඛන්ධන්තරං ධාත්වන්තරං ආයතනන්තරං සතිපට්ඨානබොධිපක්ඛියධම්මන්තරං තිලක්ඛණාහතං ගම්භීරං පඤ්ඤං පුච්ඡිස්සාමා”ති මහාපඤ්ඤාව පරිවාරෙන්නි. සොපි තෙසං පථවිං පත්ථරෙන්නො විය සිනෙරුපාදතො වාලිකං උද්ධරන්නො විය චක්කවාළපබ්බතං භින්දන්නො විය සිනෙරුං උක්ඛිපන්නො විය ආකාසං විත්ථාරෙන්නො විය චන්දිමසුරියෙ උට්ඨාපෙන්නො විය ච පුච්ඡිතපුච්ඡිතං කථෙති. තෙන වුත්තං “සබ්බෙ ඛො එතෙ, භික්ඛවෙ, භික්ඛු මහාපඤ්ඤා”ති.

මහාමොග්ගල්ලානොපි භගවතා “එතදග්ගං, භික්ඛවෙ, මම සාවකානං භික්ඛුනං ඉද්ධිමන්තානං යදිදං මහාමොග්ගල්ලානො”ති ඉද්ධිමන්තෙසු එතදග්ගෙ යපිතො. ඉති නං “පරිකම්මං ආනිසංසං අධිට්ඨානං විකුබ්බනං පුච්ඡිස්සාමා”ති ඉද්ධිමන්තොව පරිවාරෙන්නි. සොපි තෙසං වුත්තනයෙනෙව පුච්ඡිතපුච්ඡිතං කථෙති. තෙන වුත්තං “සබ්බෙ ඛො එතෙ, භික්ඛවෙ, භික්ඛු මහිද්ධිකා”ති.

මහාකස්සපොපි භගවතා “එතදග්ගං, භික්ඛවෙ, මම සාවකානං භික්ඛුනං ධුතවාදානං යදිදං මහාකස්සපො”ති ධුතවාදෙසු එතදග්ගෙ යපිතො. ඉති නං “ධුතඬ්ඨපරිභාරං ආනිසංසං සමොධානං අධිට්ඨානං භෙදං පුච්ඡිස්සාමා”ති ධුතවාදාව පරිවාරෙන්නි. සොපි තෙසං තථෙව පුච්ඡිතපුච්ඡිතං බ්‍යාකරොති. තෙන වුත්තං “සබ්බෙ ඛො එතෙ, භික්ඛවෙ, භික්ඛු ධුතවාදා”ති.

අනුරුද්ධත්ථෙපෙරොපි භගවතා “එතදග්ගං, භික්ඛවෙ, මම සාවකානං භික්ඛුනං දිබ්බචක්ඛුකානං යදිදං අනුරුද්ධො”ති (අ. නි. 1.192) දිබ්බචක්ඛුකෙසු එතදග්ගෙ යපිතො. ඉති නං “දිබ්බචක්ඛුස්ස පරිකම්මං ආනිසංසං උපක්කිලෙසං පුච්ඡිස්සාමා”ති දිබ්බචක්ඛුකාව පරිවාරෙන්නි. සොපි තෙසං

තට්ඨෙ පුච්ඡිතපුච්ඡිතං කට්ඨෙති. තෙන වුත්තං “සබ්බෙ ඛො එතෙ, භික්ඛවෙ, භික්ඛු දිබ්බවක්ඛුකා”ති.

පුණ්ණත්ථෙරොපි භගවතා “එතදග්ගං, භික්ඛවෙ, මම සාවකානං භික්ඛුනං ධම්මකථිකානං යදිදං පුණ්ණො මන්තාණිපුත්තො”ති (අ. නි. 1.196) ධම්මකථිකෙසු එතදග්ගෙ යපිතො. ඉති නං “ධම්මකථාය සඬ්ඛෙපච්ඡත්ථාරගම්භිරුත්තානවිචිත්‍රකථාදීසු තං තං ආකාරං පුච්ඡස්සාමා”ති ධම්මකථිකාව පරිවාරෙන්නි. සොපි තෙසං “ආවුසො, ධම්මකථිකෙන නාම ආදිතො පරිසං වණ්ණෙතො වට්ටති, මජ්ඣෙ සුඤ්ඤතං පකාසෙතො, අන්තෙ චතුසච්චවසෙන කුටං ගණ්හිතු”න්ති එවං තං තං ධම්මකථානං ආචික්ඛති. තෙන වුත්තං “සබ්බෙ ඛො එතෙ, භික්ඛවෙ, භික්ඛු ධම්මකථිකා”ති.

උපාලිත්ථෙරොපි භගවතා “එතදග්ගං, භික්ඛවෙ, මම සාවකානං භික්ඛුනං විනයධරානං යදිදං උපාලි”ති (අ. නි. 1.228) විනයධරෙසු එතදග්ගෙ යපිතො. ඉති නං “ගරුකලහුකං සතෙකිච්ඡඅතෙකිච්ඡං ආපත්තානාපත්තිං පුච්ඡස්සාමා”ති විනයධරාව පරිවාරෙන්නි. සොපි තෙසං පුච්ඡිතපුච්ඡිතං තට්ඨෙ කට්ඨෙති. තෙන වුත්තං “සබ්බෙ ඛො එතෙ, භික්ඛවෙ, භික්ඛු විනයධරා”ති.

ආනන්දත්ථෙරොපි භගවතා “එතදග්ගං, භික්ඛවෙ, මම සාවකානං භික්ඛුනං බහුස්සුතානං යදිදං ආනන්දො”ති (අ. නි. 1.223) බහුස්සුතෙසු එතදග්ගෙ යපිතො. ඉති නං “දසවිධං බ්‍යඤ්ජනවුද්ධිං අට්ඨුප්පත්තිං අනුසන්ධිං පුබ්බාපරං පුච්ඡස්සාමා”ති බහුස්සුතාව පරිවාරෙන්නි. සොපි තෙසං “ඉදං එවං වත්තබ්බං, ඉදං එවං ගහෙතබ්බං”න්ති සබ්බං කට්ඨෙති. තෙන වුත්තං “සබ්බෙ ඛො එතෙ, භික්ඛවෙ, භික්ඛු බහුස්සුතා”ති.

දෙවදත්තො පන පාපිච්ඡො ඉච්ඡාපකතො, තෙන නං “කුලසඬ්ඛගණ්හනපරිහාරං නානප්පකාරකං කොහඤ්ඤතං පුච්ඡස්සාමා”ති පාපිච්ඡාව පරිවාරෙන්නි. සොපි තෙසං තං තං නියාමං ආචික්ඛති. තෙන වුත්තං “සබ්බෙ ඛො එතෙ, භික්ඛවෙ, භික්ඛු පාපිච්ඡා”ති.

කස්මා පනෙතෙ අවිදුරෙ වඩ්ඤ්ඤිති. “දෙවදත්තො සත්ථරි පදුට්ඨවිත්තො අනත්ථමිපි කාතුං උපක්කමෙය්‍යා”ති ආරක්ඛග්ගභණ්ණත්ථං. අථ දෙවදත්තො කස්මා වඩ්ඤ්ඤිති? “අකාරකො අයං, යදි කාරකො භවෙය්‍ය, න ඉධ ආගච්ඡෙය්‍යා”ති අත්තතො කතදොසපට්ච්ඡාදනත්ථං. කිං පන දෙවදත්තො භගවතො අනත්ථං කාතුං සමත්ථො, භගවතො වා ආරක්ඛකිච්චං අත්ථිති? නත්ථි. තෙන වුත්තං “අට්ඨානමෙතං, ආනන්ද, අනවකාසො, යං තථාගතො පරුපක්කමෙන පරිනිබ්බාසෙය්‍යා”ති (වුළුව. 341). භික්ඛු පන සත්ථරි

ගාරවෙන ආගතා. තෙනෙව භගවා එවං වත්වා “විස්සජ්ජෙහි, ආනන්ද, භික්ඛුසඬ්ඨස්” න්ති විස්සජ්ජාපෙසි. පඤ්චමං.

6. සගාථාසුත්තවණ්ණනා

100. ඡට්ඨෙ ගුලො ගුලංන සංසන්දති සමෙතීති සමුද්දන්තරෙ ජනපදන්තරෙ වක්කවාළන්තරෙ ධිතොපි වණ්ණෙනපි ගන්ධෙනපි රසෙනපි නානත්තං අනුපගච්ඡන්තො සංසන්දති සමෙති, එකසදිසොව හොති නිරන්තරො. සෙසෙසුපි එසෙව නයො. අයං පන අනිට්ඨඋපමා භීනජ්ඣාසයානං භීනඅජ්ඣාසයස්ස සරික්ඛවාදස්සනත්ථං ආහවා, බීරාදිවිසිට්ඨොපමා කල්‍යාණජ්ඣාසයානං අජ්ඣාසයස්ස සරික්ඛවාදස්සනත්ථං.

සංසග්ගාති දස්සනසවනසංසග්ගාදිවත්ථුකෙන තණ්හාස්තෙනෙන. වනො ජාතොති කිලෙසවනං ජාතං. අසංසග්ගෙන ඡීජ්ජතීති එකතො යානනිසජ්ජාදීති අකරොන්තස්ස අසංසග්ගෙන අදස්සනෙන ඡීජ්ජති. සාධුඡීවීති පරිසුද්ධඡීවිතං ඡීවමානො. සභාවසෙති සභවාසං වසෙය්‍ය. ඡට්ඨං.

7. අස්සද්ධසංසන්දනසුත්තවණ්ණනා

101. සත්තමෙ අස්සද්ධා අස්සද්ධෙහිතිආදීසු බුද්ධෙ වා ධම්මෙ වා සඬ්ඨෙ වා සද්ධාවිරහිතා නිරොජා නිරසා පුග්ගලා සමුද්දස්ස ඔරිමතීරෙ ධිතා පාරිමතීරෙපි ධිතෙහි අස්සද්ධෙහි සද්ධිං තාය අස්සද්ධතාය එකසදිසා නිරන්තරා හොන්ති. තථා අභිරිකා භින්තමරියාදා අලජ්ජිපුග්ගලා අභිරිකෙහි, අනොත්තජ්ජිතො පාපකිරියාය අභායමානා අනොත්තජ්ජිති, අප්පස්සුතා සුතවිරහිතා අප්පස්සුතෙහි, කුසිතා ආලසියපුග්ගලා කුසිතෙහි, මුට්ඨස්සතිතො භත්තනික්ඛිත්තකාකමංසනික්ඛිත්තසිඬ්ඨගාලසදිසා මුට්ඨස්සතිති, දුප්පඤ්ඤා ඛන්ධාදිපරිච්ඡෙදිකාය පඤ්ඤාය අභාවෙන නිප්පඤ්ඤා තාදිසෙහෙව දුප්පඤ්ඤෙහි, සද්ධාසම්පන්නා චෙතියවන්දනාදිකිච්චපසුතා සද්ධෙහි, හිරිමනා ලජ්ජිපුග්ගලා හිරිමනෙහි, ඔත්තජ්ජිතො පාපහිරුකා ඔත්තජ්ජිති, බහුස්සුතා සුතධරා ආගමධරා තත්තිපාලකා වංසානුරක්ඛකා බහුස්සුතෙහි, ආරද්ධවීරියා පරිපුණ්ණපරක්කමා ආරද්ධවීරියෙහි, උපට්ඨිතස්සතී සබ්බකිච්චපරිග්ගාහිකාය සතියා සමන්තාගතා උපට්ඨිතස්සතීති, පඤ්ඤවන්තො මහාපඤ්ඤෙහි වජිරූපමඤ්ඤාණෙහි පඤ්ඤවන්තෙහි සද්ධිං දුරෙ ධිතාපි තාය පඤ්ඤාසම්පත්තියා සංසන්දන්ති සමෙත්ති. සත්තමං.

8-12. අස්සද්ධමුලකසුත්තාදිවණ්ණනා

102-106. අට්ඨමාදීනි තෙයෙව අස්සද්ධාදිධම්මෙ තිකවසෙන කත්වා දෙසිනානි. තත්ථ අට්ඨමෙ අස්සද්ධාදිමූලකා කණ්භපක්ඛසුක්කපක්ඛවසෙන පඤ්ච තිකා වුත්තා, නවමෙ අහිරිකමූලකා වත්තාරො. දසමෙ අනොත්තප්පමූලකා තයො, එකාදසමෙ අප්පස්සුතමූලකා ද්වෙ, ද්වාදසමෙ කුසීතමූලකො එකො තිකො වුත්තොති සබ්බෙපි පඤ්චසු සුත්තන්තෙසු පන්තරස තිකා භොන්ති. පන්තරස වෙනෙ සුත්තන්තාතිපි වදන්ති. අයං තිකපෙය්‍යාලො නාම. අට්ඨමාදීනි.

දුතියො වග්ගො.

3. කම්මපථවග්ගො

1-2. අසමාහිතසුත්තාදිවණ්ණනා

107-108. ඉතො පරෙසු පයමං අස්සද්ධාදිපඤ්චකවසෙන වුත්තං, තථා දුතියං. පයමෙ පන අසමාහිතපදං චතුත්ථං, දුතියෙ දුස්සීලපදං. එවං වුච්චමානෙ බුද්ධකතසුග්ගලානං අජ්ඣාසයෙන හි එතානි වුත්තානි. එත්ථ අසමාහිතාති උපචාරප්පනාසමාධිරහිතා. දුස්සීලාති නිස්සීලා. පයමදුතියානි.

3-5. පඤ්චසික්ඛාපදසුත්තාදිවණ්ණනා

109-111. තතියං පඤ්චකම්මපථවසෙන බුද්ධකතානං අජ්ඣාසයවසෙන වුත්තං, චතුත්ථං සත්තකම්මපථවසෙන, පඤ්චමං දසකම්මපථවසෙන. තත්ථ තතියෙ සුරාමෙරයමජ්ජප්පමාදට්ඨායිනොති සුරාමෙරයසඬ්ඛාතං මජ්ජං යාය පමාදවෙතනාය පිවන්ති, සා “සුරාමෙරයමජ්ජප්පමාදො”ති වුච්චති, තස්මිං තිට්ඨන්තිති සුරාමෙරයමජ්ජප්පමාදට්ඨායිනො. අයං තාවෙන්ථ අසාධාරණපදස්ස අත්ථො.

පඤ්චමෙ පාණං අතිපානෙන්තිති පාණාතිපාතිනො, පාණසාතිකාති අත්ථො. අදින්තං ආදියන්තිති අදින්තාදායිනො, පරස්සභාරිනොති අත්ථො. වත්ථුකාමෙසු කිලෙසකාමෙන මිච්ඡා වරන්තිති කාමෙසුමිච්ඡාවාරිනො. මුසා වදන්තිති මුසාවාදිනො, පරෙසං අත්ථහඤ්ජකං තුච්ඡං අලිකං වාවං භාසිතාරොති අත්ථො. පිසුණා වාවා එතෙසන්ති පිසුණුවාවා. මම්මච්ඡෙදිකා එරුසා වාවා එතෙසන්ති එරුසුවාවා. සම්ඵං නිරත්ථකං වචනං පලපන්තිති සම්ඵප්පලාපිනො. අහිජ්ඣායන්තිති අහිජ්ඣාලුනො, පරහණ්ඨෙ ලුඛනසීලාති අත්ථො. ඛ්‍යාපන්තං පුතිභූතං විත්තමෙනෙසන්ති ඛ්‍යාපන්තවිත්තා. මිච්ඡා පාපිකා විඤ්ඤගරහිතා එතෙසං දිට්ඨිති මිච්ඡාදිට්ඨිකා, කම්මපථපරියාපන්තාය

“නත්ථි දින්න” න්තිආදිවත්ථුකාය මිච්ඡත්තපරියාපන්නාය අනියායානිකදිට්ඨියා සමන්නාගතාති අත්ථො. සම්මා සොහනා විඤ්ඤාපසත්ථා එතෙසං දිට්ඨිති සම්මාදිට්ඨිකා, කම්මපථපරියාපන්නාය “අත්ථි දින්න” න්තිආදිකාය කම්මස්සකදිට්ඨියා සම්මත්තපරියාපන්නාය මග්ගදිට්ඨියා ච සමන්නාගතාති අත්ථො. ඉදං තාවෙත්ථ අනුත්තානානං පදානං පදවණ්ණනාමත්තං.

යො පන තෙසං පාණාතිපාතො අදින්නාදානං කාමෙසුමිච්ඡාවාරො මුසාවාදො පිසුණුවාවා ඵරුසාවාවා සම්ඵප්පලාපො අභිජ්ඣා ඛ්‍යාපාදො මිච්ඡාදිට්ඨිති කණ්හපක්ඛෙ දසවිධො අත්ථො හොති. තත්ථ පාණස්ස අතිපාතො පාණාතිපාතො, පාණවධො පාණසාතොති චුත්තං හොති. පාණොති චෙත්ථ වොහාරතො සත්තො, පරමත්ථතො ජීවිතින්ද්‍රියං. තස්මිං පන පාණෙ පාණසඤ්ඤිතො ජීවිතින්ද්‍රියපච්ඡෙදකඋපක්කමසමුට්ඨාපිකා කායචච්ච්චාරානං අඤ්ඤතරද්වාරප්පවත්තා වධකචෙතනා පාණාතිපාතො. සො ගුණවිරහිතෙසු තිරච්ඡානගතාදීසු පාණෙසු බුද්දකෙ පාණෙ අප්පසාවජ්ජො, මහාසරීරෙ මහාසාවජ්ජො. කස්මා? පයොගමහන්නතාය, පයොගසමත්තෙපි වත්ථුමහන්නතාය. ගුණවත්තෙසු මනුස්සාදීසු අප්පගුණෙ අප්පසාවජ්ජො, මහාගුණෙ මහාසාවජ්ජො. සරීරගුණානං පන සමහාවෙ සති කිලෙසානං උපක්කමානඤ්ච මුදුතාය අප්පසාවජ්ජො, තිබ්බතාය මහාසාවජ්ජොති චෙදිතබ්බො.

තස්ස පඤ්ච සම්භාරා හොන්ති – පාණො, පාණසඤ්ඤිතා, වධකචිත්තං, උපක්කමො, තෙන මරණන්ති. ඡ පයොගා සාහත්ථිකො, ආණත්තිකො, නිස්සග්ගියො, ථාවරො, විජ්ජාමයො, ඉද්ධිමයොති. ඉමස්මිං පනත්ථෙ විත්ථාරියමානෙ අතිප්පසඤ්ඤො හොති, තස්මා තං න විත්ථාරයාම, අඤ්ඤඤ්ච ඵවරුපං. අත්ථිකෙහි පන සමත්තපාසාදිකං විනයට්ඨකථං (පාරා. අට්ඨ. 172) ඔලොකෙත්වා ගහෙතබ්බො.

අදින්නස්ස ආදානං අදින්නාදානං, පරස්සහරණං ථෙය්‍යං චොරිකාති චුත්තං හොති. තත්ථ අදින්නන්ති පරපරිග්ගහිතං, යත්ථ පරො යථාකාමකාරිතං ආපජ්ජන්තො අදණ්ඩාරහො අනුපවජ්ජො හොති. තස්මිං පන පරපරිග්ගහිතෙ පරපරිග්ගහිතසඤ්ඤිතො තදාදායකඋපක්කමසමුට්ඨාපිකා ථෙය්‍යචෙතනා අදින්නාදානං. තං හීනෙ පරසන්නකෙ අප්පසාවජ්ජං, පණිතෙ මහාසාවජ්ජං. කස්මා? වත්ථුපණිතතාය. වත්ථුසමත්තෙ සති ගුණාධිකානං සන්නකෙ වත්ථුස්මිං මහාසාවජ්ජං, තං තං ගුණාධිකං උපාදාය තතො තතො හීනගුණස්ස සන්නකෙ වත්ථුස්මිං අප්පසාවජ්ජං.

තස්ස පඤ්ච සම්භාරා භොන්ති - පරපරිග්ගහිතං, පරපරිග්ගහිතසඤ්ඤිකා, ටෙය්‍යාවිත්තං, උපක්කමො, තෙන හරණන්ති. ඡ පයොගා සාහත්ථිකාදයොව. තෙ ව ඛො යථානුරූපං ටෙය්‍යාවහාරො, පසස්භාවහාරො, පටිච්ඡන්තාවහාරො, පරිකප්පාවහාරො, කුසාවහාරොති ඉමෙසං අවහාරානං වසෙන පවත්තාති අයමෙත්ථ සඬබ්බෙපො, විත්ථාරො පන සමන්තපාසාදිකායං (පාරා. අට්ඨ. 92) වුත්තො.

කාමෙසුථිච්ඡාවාරොති එත්ථ පන කාමෙසුති මෙටුනසමාවාරෙසු. ථිච්ඡාවාරොති එකන්තනින්දිතො ලාමකාවාරො. ලක්ඛණතො පන අසද්ධම්මාධිප්පායෙන කායද්වාරප්පවත්තා අගමනීයට්ඨානවිතික්කමචෙනතා කාමෙසුථිච්ඡාවාරො. තත්ථ අගමනීයට්ඨානං නාම පුරිසානං තාව මාතුරක්ඛිතා පිතුරක්ඛිතා මාතාපිතුරක්ඛිතා භාතුරක්ඛිතා හගිනිරක්ඛිතා ඤාතිරක්ඛිතා ගොත්තරක්ඛිතා ධම්මරක්ඛිතා සාරක්ඛා සපරිදණ්ඩාති මාතුරක්ඛිතාදයො දස, ධනක්කිතා ඡන්දවාසිනී භොගවාසිනී පටවාසිනී ඔදපත්තකිනී ඔහතවුම්ඛටා දාසී ව හරියා ව කම්මකාරී ව හරියා ව ධජාහටා මුහුත්තිකාති එතා ධනක්කිතාදයො දසාති විසති ඉත්ථිසො. ඉත්ථිසු පන ද්විත්තං සාරක්ඛසපරිදණ්ඩානං, දසන්තඤ්ච ධනක්කිතාදීනන්ති ද්වාදසන්තං ඉත්ථිනං අඤ්ඤෙ පුරිසා. ඉදං අගමනීයට්ඨානං නාම. සො පනෙස ථිච්ඡාවාරො සීලාදිගුණරහිතෙ අගමනීයට්ඨානෙ අප්පසාවජ්ජො, සීලාදිගුණසම්පන්නෙ මහාසාවජ්ජො. තස්ස චත්තාරො සම්භාරා - අගමනීයවත්ථු, තස්මිං සෙවනවිත්තං, සෙවනප්පයොගො, මග්ගෙනමග්ගපටිපත්තිඅධිවාසනන්ති. එකො පයොගො සාහත්ථිකො එව.

මුසාති විසංවාදනපුරෙක්ඛාරස්ස අත්ථහඤ්ජනකො වචිපයොගො කායප්පයොගො වා, විසංවාදනාධිප්පායෙන පනස්ස පරවිසංවාදනකායවචිපයොගසමුට්ඨාපිකා චෙනතා, මුසාවාදො. අපරො නයො - මුසාති අභූතං අතච්ඡං වත්ථු. වාදොති තස්ස භූතතො තච්ඡතො විඤ්ඤාපනං. ලක්ඛණතො පන අතථං වත්ථුං තථතො පරං විඤ්ඤාපෙතුකාමස්ස තථාවිඤ්ඤත්තිසමුට්ඨාපිකා චෙනතා මුසාවාදො. සො යමත්ථං හඤ්ජති, තස්ස අප්පතාය අප්පසාවජ්ජො, මහන්තතාය මහාසාවජ්ජො. අපි ව ගහට්ඨානං අත්තතො සන්තකං අදාතුකාමතාය නත්ථිතිආදිනයප්පවත්තො අප්පසාවජ්ජො, සක්ඛිතා හුත්වා අත්ථහඤ්ජනත්ථං වුත්තො මහාසාවජ්ජො. පබ්බජිතානං අප්පකම්පි තෙලං වා සප්පිං වා ලහිත්වා හසාධිප්පායෙන “අප්ප ගාමෙ තෙලං නදී මඤ්ඤෙ සන්දති”ති පුරණකථානයෙන පවත්තො අප්පසාවජ්ජො, අදිට්ඨංයෙව පන “දිට්ඨ”න්තිආදිනා නයෙන වදන්තානං මහාසාවජ්ජො. තස්ස චත්තාරො සම්භාරා භොන්ති - අතථං වත්ථු, විසංවාදනවිත්තං, තජ්ජො

වායාමො, පරස්ස තදත්ථවිජානනන්ති. එකො පයොගො සාහත්ථිකොව. සො කායෙන වා කායපට්ඨද්ධෙන වා වාචාය වා පරවිසංවාදකකිරියාකරණෙ දට්ඨබ්බො. තාය වෙ කිරියාය පරො තමත්ථං ජානාති, අයං කිරියාසමුට්ඨාපිකවෙනනාක්ඛණෙයෙව මුසාවාදකම්මුනා බජ්ඣති.

පිසුණුවාවාතිආදීසු යාය වාචාය, යස්ස තං වාවං භාසති, තස්ස හදයෙ අත්තනො පියභාවං, පරස්ස ව සුඤ්ඤභාවං කරොති, සා පිසුණුවාවා. යාය පන අත්තානම්පි පරම්පි ඵරුසං කරොති, යා වාවා සයම්පි ඵරුසා, නෙව කණ්ණසුඛා න හදයඬගමා, අයං ඵරුසවාචා. යෙන පන සම්ථං පලපති නිරත්ථකං, සො සම්ථජ්ජලාපො. තෙසං මූලභූතා වෙනනාපි පිසුණුවාදිනාමමෙව ලහති. සා එව ව ඉධ අධිජ්ජෙතාති.

තත්ථ සංකිලිට්ඨවිත්තස්ස පරෙසං වා හෙදාය, අත්තනො පියකම්යතාය වා කායවච්ඡයොගසමුට්ඨාපිකා වෙනනා පිසුණුවාවා. සා යස්ස හෙදං කරොති, තස්ස අජ්ජගුණතාය අජ්ජසාවජ්ජා, මහාගුණතාය මහාසාවජ්ජා. තස්සා චත්තාරො සම්භාරා – භින්දිතබ්බො පරො, ඉති ඉමෙ නානා භවිස්සන්ති, විනා භවිස්සන්තිති හෙදපුරෙක්ඛාරතා, ඉති අහං පියො භවිස්සාමි විස්සාසිකොති පියකම්යතා වා, තජ්ජො වායාමො, තස්ස තදත්ථවිජානනන්ති.

පරස්ස මම්මවිජෙදකකායවච්ඡයොගසමුට්ඨාපිකා එකත්තඵරුසවෙනනා ඵරුසවාචා. තස්සා ආවිභාවත්ථමීදං චත්ථු – එකො කිර දාරකො මාතු වචනං අනාදිගිත්වා අරඤ්ඤං ගච්ඡති. මාතා තං නිවත්තෙතුං අසක්කොන්ති, “චණ්ඩා තං මහිංසි අනුබන්ධතු”ති අක්කොසි. අට්ඨස්ස තට්ඨෙව අරඤ්ඤෙ මහිංසි උට්ඨාසි. දාරකො, “යං මම මාතා මුඛෙන කට්ඨෙසි, තං මා හොතු, යං විත්තෙන විත්තෙසි, තං හොතු”ති සච්චකිරියං අකාසි. මහිංසි තත්ථෙව බද්ධා විය අට්ඨාසි. එවං මම්මවිජෙදකොපි පයොගො විත්තසණ්ඨතාය ඵරුසවාචා න හොති. මාතාපිතරො හි කදාපි පුත්තකෙ එවං වදන්ති – “වොරා වො බණ්ඩාබණ්ඩිකං කරොන්තු”ති, උජ්ජලපත්තම්පි ව නෙසං උපරි පතන්තං න ඉච්ඡන්ති. ආවරියුපජ්ඣායා ව කදාපි නිස්සිතකෙ එවං වදන්ති – “කිං ඉමෙ අහිරිකා අනොත්තජ්ජිනො චරන්ති, නිද්ධමථ නෙ”ති. අථ ව නෙසං ආගමාධිගමසම්පත්තිං ඉච්ඡන්ති. යථා ව විත්තසණ්ඨතාය ඵරුසවාචා න හොති, එවං වචනසණ්ඨතාය අඵරුසවාචාපි න හොති. න හි මාරාපෙතුකාමස්ස “ඉමං සුඛං සයාපෙථා”ති වචනං අඵරුසවාචා හොති. විත්තඵරුසතාය පනෙසා ඵරුසවාචාව. සා යං සන්ධාය පවත්තිතා, තස්ස අජ්ජගුණතාය අජ්ජසාවජ්ජා, මහාගුණතාය මහාසාවජ්ජා. තස්සා තයො සම්භාරා – අක්කොසිතබ්බො පරො, කුපිතවිත්තං, අක්කොසනාති.

අනත්ථවිඤ්ඤාපිකා

කායවච්ඡයොගසමුට්ඨාපිකා

අකුසලචෙතනා

සම්ඵජ්ජලාපො.

සො

ආසෙවනමන්දතාය

අජ්ජසාවජ්ජො,

ආසෙවනමහන්තතාය මහාසාවජ්ජො. තස්ස ද්වෙ සම්භාරා – භාරතයුද්ධ-
සීතාහරණාදි-නිරත්ථකකථා-පුරෙක්ඛාරතා, තථාරූපිකථාකථනඤ්චාති.

අභිජ්ඣායතීති අභිජ්ඣා. පරහණ්ඩාහිමුඛි භුත්වා තත්තීන්තතාය පවත්තතීති
අත්ථො. සා “අහො වතිදං මමස්සා”ති එවං පරහණ්ඩාහිජ්ඣායනලක්ඛණා
අදින්නාදානං විය අජ්ජසාවජ්ජා මහාසාවජ්ජා ව. තස්ස ද්වෙ සම්භාරා
පරහණ්ඩං අත්තනො පරිණාමනඤ්ච. පරහණ්ඩවත්ථුකෙ හි ලොභෙ
උජ්ජන්තෙපි න තාව කම්මපථහෙදො හොති, යාව න “අහො වතිදං
මමස්සා”ති අත්තනො පරිණාමෙතිති.

හිතසුඛං ඛ්‍යාපාදයතීති, ඛ්‍යාපාදො. සො පරචිනාසාය මනොපදොසලක්ඛණො.
ඵරුසවාචා විය අජ්ජසාවජ්ජො මහාසාවජ්ජො ව. තස්ස ද්වෙ සම්භාරා
පරසත්තො ව, තස්ස ව චිනාසචිත්තා. පරසත්තවත්ථුකෙ හි කොධෙ
උජ්ජන්තෙපි න තාව කම්මපථහෙදො හොති, යාව න “අහො වතායං
උච්ඡිජ්ජෙය්‍යා විනස්සෙය්‍යා”ති තස්ස චිනාසං චිත්තෙති.

යථාභූච්චගහණාභාවෙන මිච්ඡා පස්සතීති මිච්ඡාදිට්ඨි. සා “නත්ථි
දින්න”ත්තිආදිනා නයෙන විපරීතදස්සනලක්ඛණා සම්ඵජ්ජලාපො විය
අජ්ජසාවජ්ජා මහාසාවජ්ජා ව. අපි ව අනියතා අජ්ජසාවජ්ජා, නියතා
මහාසාවජ්ජා. තස්ස ද්වෙ සම්භාරා – වත්ථුනො ව ගහිතාකාරවිපරීතතා යථා ව
නං ගණ්භාති, තථාභාවෙන තස්සා උපට්ඨානන්ති.

ඉමෙසං පන දසන්තං අකුසලකම්මපථානං ධම්මතො කොට්ඨාසතො
ආරම්මණතො වෙදනාතො මූලතොති පඤ්චභාකාරෙහි විනිච්ඡයො
වෙදිතබ්බො. තත්ථ ධම්මතොති එතෙසු හි පටිපාටියා සත්ත චෙතනාධම්මාව
හොන්ති, අභිජ්ඣාදයො තිස්සො චෙතනාසම්පයුත්තා. කොට්ඨාසතොති
පටිපාටියා සත්ත, මිච්ඡාදිට්ඨි වාති ඉමෙ අට්ඨ කම්මපථා එව හොන්ති, නො
මූලානි, අභිජ්ඣාඛ්‍යාපාදා කම්මපථා වෙව මූලානි ව. අභිජ්ඣා හි මූලං පත්වා
ලොභො අකුසලමූලං හොති, ඛ්‍යාපාදො දොසො අකුසලමූලං.

ආරම්මණතොති පාණාතිපාතො ජීවිතින්ද්‍රියාරම්මණතො සඬ්ඛාරාරම්මණො
හොති, අදින්නාදානං සත්තාරම්මණං වා සඬ්ඛාරාරම්මණං වා, මිච්ඡාවාරො
ථොට්ඨබ්බවසෙන සඬ්ඛාරාරම්මණොව, සත්තාරම්මණොතිපි එකෙ. මුසාවාදො
සත්තාරම්මණො වා සඬ්ඛාරාරම්මණො වා, තථා පිසුණවාචා. ඵරුසවාචා
සත්තාරම්මණොව. සම්ඵජ්ජලාපො දිට්ඨසුතමුතවිඤ්ඤාතවසෙන

සත්තාරම්මණො වා සඬබ්බාරාරම්මණො වා, තථා අභිජ්ඣා. ඛ්‍යාපාදො සත්තාරම්මණොව. මිච්ඡාදිට්ඨි තෙභ්‍රමකධම්මවසෙන සඬබ්බාරාරම්මණො.

වෙදනාකොති පාණාතිපාතො දුක්ඛවෙදනො හොති. කිඤ්චාපි හි රාජානො චොරං දිස්වා හසමානාපි “ගච්ඡං නං සාතෙථා”ති වදන්ති, සන්නිට්ඨාපකච්ඡන්තො පන නෙසං දුක්ඛසම්පයුත්තාව හොති. අදින්නාදානං තිවෙදනං, මිච්ඡාවාරො සුඛමජ්ඣක්තවසෙන ද්විවෙදනො, සන්නිට්ඨාපකච්ඡන්තෙ පන මජ්ඣක්තවෙදනො න හොති. මුසාවාදො තිවෙදනො, තථා පිසුණුවාවා ඵරුසුවාවා දුක්ඛවෙදනා, සම්ඵජ්ජලාපො තිවෙදනො, අභිජ්ඣා සුඛමජ්ඣක්තවසෙන ද්විවෙදනා, තථා මිච්ඡාදිට්ඨි. ඛ්‍යාපාදො දුක්ඛවෙදනො.

මූලකොති පාණාතිපාතො දොසමොභවසෙන ද්විමූලකො හොති, අදින්නාදානං දොසමොභවසෙන වා ලොභමොභවසෙන වා, මිච්ඡාවාරො ලොභමොභවසෙන. මුසාවාදො දොසමොභවසෙන වා ලොභමොභවසෙන වා, තථා පිසුණුවාවා සම්ඵජ්ජලාපො ව. ඵරුසුවාවා දොසමොභවසෙන, අභිජ්ඣා මොභවසෙන එකමූලා, තථා ඛ්‍යාපාදො. මිච්ඡාදිට්ඨි ලොභමොභවසෙන ද්විමූලාති.

පාණාතිපාතා පටිවිරතාතිආදීසු පාණාතිපාතාදයො චුත්තත්ථා එව. යාය පන විරතියා එතෙ පටිවිරතා නාම හොන්ති, සා හෙදතො තිට්ඨා හොති සම්පත්තවිරති සමාදානවිරති සමුච්ඡෙදවිරතීති. තත්ථ අසමාදින්නසික්ඛාපදානං අත්තතො ජාතිවයබාහුසච්චාදීනි පච්චවෙක්ඛිත්වා “අයුත්තං අම්භාකං ඵවරූපං කාතු”න්ති සම්පත්තං වත්ථුං අවිතික්කමන්තානං උජ්ජජ්ජමානා විරති සම්පත්තවිරතීති වෙදිතබ්බා සිහළදීපෙ වක්කනඋපාසකස්ස විය. තස්ස කිර දහරකාලෙයෙව මාතු රොගො උජ්ජජ්ජී. වෙජ්ජෙන ව “අල්ලසසකමංසං ලද්ධුං වට්ටති”ති චුත්තං. තතො වක්කනස්ස භාතා “ගච්ඡ තාත ඛෙත්තං ආභිණ්ඩාහී”ති වක්කනං පෙසෙසි. සො තත්ථ ගතො. තස්මිඤ්ච සමයෙ එකො සසො තරුණසස්සං බාදිතුං ආගතො හොති. සො තං දිස්වා වෙගෙන ධාවන්තො වල්ලියා බද්ධො “කිරි කිරි”ති සද්දමකාසි. වක්කතො තෙන සද්දෙන ගන්ත්වා තං ගහෙත්වා චින්තෙසි “මාතු හෙසජ්ජං කරොමි”ති. පුන චින්තෙසි – “න මෙතං පතිරූපං, ය්වාහං මාතු ජීවිතකාරණා පරං ජීවිතා වොරොපෙය්‍යා”න්ති. අථ නං “ගච්ඡ අරඤ්ඤෙ සසෙහි සද්ධිං තිණොදකං පරිභුඤ්ජා”ති මුඤ්චි. භාතරා ව “කිං තාත සසො ලද්ධො”ති? පුච්ඡිතො තං පවත්ති. ආචික්ඛි. තතො නං භාතා පරිභාසි. සො මාතු සන්නිකං ගන්ත්වා, “යතොහං ජාතො, නාභිජානාමි සඤ්චිච්ච පාණං ජීවිතා වොරොපෙතා”ති සච්චං වත්වා අට්ඨාසි, තාවදෙව වස්ස මාතා අරොගා අහොසි.

සමාදින්නසික්ඛාපදානං පන සික්ඛාපදසමාදානෙ ච තතුත්තරි ච අත්තනො ජීවිතං පරිච්චජිත්වා චත්ථුං අවිතික්කමන්තානං උප්පජ්ජමානා විරති සමාදානවිරතීති වෙදිතබ්බො, උත්තරවඩ්ඪමානපබ්බතවාසීඋපාසකස්ස විය. සො කිර අමබරියවිහාරවාසීපිඨගලබුද්ධරක්ඛිතත්ථෙරස්ස සන්තිකෙ සික්ඛාපදානි ගහෙත්වා බෙත්තං කසති. අථස්ස ගොණො නට්ඨො, සො තං ගවෙසන්තො උත්තරවඩ්ඪමානපබ්බතං ආරුහි, තත්තූ නං මහාසජ්ජො අග්ගහෙසි. සො චිත්තෙසි – “ඉමාය තිබ්බිණාය වාසියා සිසං ඡිත්තාමි”ති. පුන චිත්තෙසි – “න මෙතං පතිරුපං, ය්වාහං භාවනීයස්ස ගරුතො සන්තිකෙ සික්ඛාපදං ගහෙත්වා හින්දෙය්‍ය”න්ති. එවං යාවතතියං චිත්තෙත්වා – “ජීවිතං පරිච්චජාමි, න සික්ඛාපද”න්ති අංසෙ යපිතං තිබ්බිණදණ්ඩවාසිං අරඤ්ඤෙ ඡඩ්ඨෙසි. තාවදෙව මහාවාළො නං මුඤ්චිත්වා අගමාසිති.

අරියමග්ගසම්පයුක්තා පන විරති සමුච්ඡෙදවිරතීති වෙදිතබ්බො, යස්සා උප්පත්තිතො පහුති පාණං සාතෙස්සාමිති අරියපුග්ගලානං චිත්තමපි න උප්පජ්ජතිති.

යථා ච අකුසලානං, එවං ඉමෙසමිපි කුසලකම්මපථානං ධම්මතො කොට්ඨාසතො ආරම්මණතො වෙදනාතො මූලතොති පඤ්චභාකාරෙහි විනිච්ඡයො වෙදිතබ්බො. තත්ථ ධම්මතොති එතෙසු හි පටිපාටියා සත්ත වෙනනාපි වට්ටන්ති විරතියොපි, අන්තෙ තයො වෙනනාසම්පයුක්තාව.

කොට්ඨාසතොති පටිපාටියා සත්ත කම්මපථා එව, න මූලානි, අන්තෙ තයො කම්මපථා වෙව මූලානි ච. අනභිජ්ඣා හි මූලං පත්වා අලොභො කුසලමූලං හොති, අධ්‍යාපාදො අදොසො කුසලමූලං, සම්මාදිට්ඨි අමොහො කුසලමූලං.

ආරම්මණතොති පාණාතිපාතාදීනං. ආරම්මණානෙව එතෙසං ආරම්මණානි. විතික්කමිතබ්බවත්ථුතොයෙව හි විරති නාම හොති. යථා පන නිබ්බානාරම්මණො අරියමග්ගො කිලෙසෙ පජහති, එවං ජීවිතින්ද්‍රියාදිආරම්මණාපෙතෙ කම්මපථා පාණාතිපාතාදීනි දුස්සීලානි පජහන්තිති වෙදිතබ්බො.

වෙදනාතොති සබ්බෙ සුඛවෙදනා වා හොන්ති මජ්ඣිමනිකායෙ වා. කුසලං පත්වා හි දුක්ඛවෙදනා නාම නත්ථි.

මූලතොති පටිපාටියා සත්ත ඤාණසම්පයුක්තචිත්තෙන විරමන්තස්ස අලොභඅදොසඅමොහවසෙන තිමූලා හොන්ති, ඤාණවිජ්ජයුක්තචිත්තෙන විරමන්තස්ස ද්විමූලා. අනභිජ්ඣා ඤාණසම්පයුක්තචිත්තෙන විරමන්තස්ස ද්විමූලා හොති, ඤාණවිජ්ජයුක්තචිත්තෙන එකමූලා. අලොභො පන අත්තනාව

අත්තනො මූලං න හොති. අබ්‍යාපාදෙපි එසෙව නයො. සම්මාදිට්ඨි අලොභඅදොසවසෙන ද්විමූලාවාති. තතියාදීනි.

6. අට්ඨකථාසුත්තවණ්ණනා

112. ඡට්ඨං අට්ඨමග්ගඨගවසෙන බුද්ධිකානං අජ්ඣාසයවසෙන චුත්තං. ඡට්ඨං.

7. දසඨගසුත්තවණ්ණනා

113. සත්තමං දසමිච්ඡත්තසම්මත්තවසෙන. තත්ථ මිච්ඡාඤාණිනොති මිච්ඡාපච්චවෙක්ඛණෙන සමන්තාගතාති අත්ථො. මිච්ඡාවිමුත්තිනොති අනියානිකවිමුත්තිනො කුසලවිමුත්තිති ගහෙත්වා යිතා. සම්මාඤාණිනොති සම්මාපච්චවෙක්ඛණා. සම්මාවිමුත්තිනොති නියානිකාය ඵලවිමුත්තියා සමන්තාගතාති. සත්තමං.

කම්මපථවග්ගො තතියො.

4. චතුත්ථවග්ගො

1. චතුර්ධාතුසුත්තවණ්ණනා

114. චතුත්ථවග්ගස්ස පයමෙ පථවීධාතූති පතිට්ඨාධාතු. ආපොධාතූති ආබන්ධනධාතු. තෙජොධාතූති පරිපාවනධාතු. වායොධාතූති විත්ථම්භනධාතු. අයමෙත්ථ සඬ්ඛෙපො, විත්ථාරතො පන වීසතිකොට්ඨාසාදිවසෙන එතා කථෙතඛිබ්බා. පයමං.

2. පුබ්බෙසම්බොධසුත්තවණ්ණනා

115. දුතියෙ අයං පථවීධාතූයා අස්සාදොති අයං පථවීධාතූනිස්සයො අස්සාදො. ස්වායං කායං අබ්භුන්තාමෙත්වා උදරං පසාරෙත්වා, “ඉධ මෙ අඬ්ගුලං පවෙසිතුං වායමථා”ති වා හත්ථං පසාරෙත්වා, “ඉමං නාමෙතුං වායමථා”ති වා වදති, එවං පවත්තානං වසෙන වෙදිතඛිබ්බො. අනිච්චාතිආදීසු හුත්වා අභාවාකාරෙන අනිච්චා, පටිපිළනාකාරෙන දුක්ඛා, සභාවවිගමාකාරෙන විපරිණාමධම්මා. අයං පථවීධාතූයා ආදීනවොති යෙන ආකාරෙන සා අනිච්චා දුක්ඛා විපරිණාමධම්මා, අයමාකාරො පථවීධාතූයා ආදීනවොති අත්ථො. ඡන්දරාගචිතයො ඡන්දරාගජ්ජහානන්ති නිබ්බානං ආගම්ම පථවීධාතූයා ඡන්දරාගො විනීයති වෙව පභීයති ව, තස්මා නිබ්බානමස්සා නිස්සරණං.

අයං ආපොධාතුයා අස්සාදොති අයං ආපොධාතුනිස්සයො අස්සාදො. ස්වායං අඤ්ඤං ආපොධාතුයා උපද්ද්වනං දිස්වා, “කිං අයං නිපන්තකාලතො පට්ඨාය පස්සාවට්ඨානාහිමුඛො නික්ඛමති චෙව පවිසති ච, අප්පමත්තකම්පිස්ස කම්මං කරොන්තස්ස සෙදතිත්තං වත්ථං පිළෙතඛිඛතාකාරං පාපුණාති, අනුමොදනමත්තම්පි කථෙන්නස්ස තාලවණ්ටං ගණ්හිතඛිඛං හොති, මයං පන සායං නිපන්තා පාතොව උට්ඨහාම, මාසපුණ්ණසටො විය නො සරීරං, මහාකම්මං කරොන්තානං සෙදමත්තම්පි නො න උප්පජ්ජති, අසනිසද්දෙන විය ධම්මං කථෙන්නානං සරීරෙ උසුමාකාරමත්තම්පි නො නත්ථි”ති එවං පවත්තානං වසෙන වෙදිතඛිඛො.

අයං තෙජොධාතුයා අස්සාදොති අයං තෙජොධාතුනිස්සයො අස්සාදො. ස්වායං සීතගහණිකෙ දිස්වා, “කිං ඉමෙ කිඤ්චිදෙව යාගුහත්තඛජ්ජමත්තං අජ්ඣෙකාහරිත්වා උද්ධකුච්ඡිතො නිසීදිත්වා සඛ්ඛරත්තිං අභිගාරකටාහං පරියෙසන්ති, ඵ්ඨිතමත්තෙසුපි සරීරෙ පතිතෙසු අභිගාරකටාහං ඔත්ථරිත්වා පාරුපිත්වා නිපජ්ජන්ති? මයං පන අනිථද්ධම්පි මංසං වා පූවං වා බාදාම, කුච්ඡිපුරං හත්තං භුඤ්ජාම, තාවදෙව නො සඛ්ඛං ඵෙණපිණ්ඩො විය විලියති, සත්තාභවද්දලිකාය වත්තමානාය සරීරෙ සීතානුදහනමත්තම්පි නො නත්ථි”ති එවං පවත්තානං වසෙන වෙදිතඛිඛො.

අයං වායොධාතුයා අස්සාදොති අයං වායොධාතුනිස්සයො අස්සාදො. ස්වායං අඤ්ඤෙ වාතභීරුකෙ දිස්වා, “ඉමෙසං අප්පමත්තකම්පි කම්මං කරොන්තානං අනුමොදනමත්තම්පි කථෙන්නානං සරීරං වාතො විජ්ඣති, ගාචුතමත්තම්පි අද්ධානං ගතානං හත්ථපාදා සීදන්ති, පිට්ඨි රුජ්ජති, කුච්ඡිවාතසීසවාතකණ්ණවාතාදීහි නිව්චුපද්දතා තෙලථාණිතාදීහි වාතහෙසජ්ජානෙව කරොන්තා අනිනාමෙන්නි, අම්භාකං පන මහාකම්මං කරොන්තානම්පි තියාමරත්තිං ධම්මං කථෙන්නානම්පි එකදිවසෙනෙව දස යොජනානි ගච්ඡන්තානම්පි හත්ථපාදසංසීදනමත්තං වා පිට්ඨිරුජ්ජනමත්තං වා න හොති”ති, එවං පවත්තානං වසෙන වෙදිතඛිඛො. එවං පවත්තා හි එතා ධාතුයො අස්සාදෙන්ති නාම.

අඛිඤ්ඤාසින්නි අභිවිසිට්ඨෙන ඤාණෙන අඤ්ඤාසිං. අනුත්තරං සම්මාසම්බොධින්නි උත්තරවිරහිතං සඛ්ඛසෙට්ඨං සම්මා සාමඤ්ච බොධිං, අථ වා පසත්ථං සුන්දරඤ්ච බොධිං. බොධිති රුක්ඛොපි මග්ගොපි සඛ්ඛඤ්ඤාඤාණම්පි නිබ්බානම්පි. “බොධිරුක්ඛමුලෙ පට්ඨානිසම්බුද්ධො”ති (මහාව. 1; උදා. 1) ච “අන්තරා ච බොධිං අන්තරා ච ගය”න්ති (මහාව. 11; ම.නි. 1.285) ච ආගතට්ඨානෙසු හි රුක්ඛො බොධිති

වුවවති. “බොධි වුවවති චතුසු මග්ගෙසු ඤාණ”න්ති (වුළුති. බග්ගවිසාණසුත්තනිද්දෙස 121) ආගතට්ඨානෙ මග්ගො. “පජ්ජොති බොධිං වරහිරිමෙධසො”ති (දී. නි. 3.217) ආගතට්ඨානෙ සබ්බඤ්ඤාඤ්ඤාණං. “පත්වාන බොධිං අමතං අසඬ්ඛන”න්ති ආගතට්ඨානෙ නිබ්බානං. ඉධ පන භගවතො අරහත්තමග්ගො අධිජ්ජෙතො.

සාවකානං අරහත්තමග්ගො අනුත්තරා බොධි හොති, න හොතීති? න හොති. කස්මා? අසබ්බගුණදායකත්තා. තෙසඤ්ඤි කස්සචි අරහත්තමග්ගො අරහත්තඵලමෙව දෙති, කස්සචි තිස්සො විජ්ජා, කස්සචි ඡ අභිඤ්ඤා, කස්සචි චතස්සො පටිසම්භිදා, කස්සචි සාවකපාරමීඤ්ඤාණං. පච්චෙකඛුද්ධානම්පි පච්චෙකබොධිඤ්ඤාණමෙව දෙති. ඛුද්ධානං පන සබ්බගුණසම්පත්තිං දෙති අභිසෙකො විය රඤ්ඤො සබ්බලොකිස්සරියභාවං. තස්මා අඤ්ඤස්ස කස්සචිපි අනුත්තරා බොධි න හොති.

අභිසම්ඛුද්ධොති පච්චඤ්ඤාසිත්ති “අභිසම්ඛුද්ධො අහං පත්තො පටිච්ඡ්ඤාත්වා යිතො”ති ඵලං පටිජානිං. ඤාණඤ්ඤං පන මෙ දස්සනං උද්පාදීති අධිගතගුණදස්සනසමත්ථං පච්චෙකඤ්ඤාණඤ්ඤං මෙ උද්පාදි. අකුප්පා මෙ විමුක්තීති “අයං මය්හං අරහත්තඵලවිමුක්ති අකුප්පා”ති ඵලං ඤාණං උද්පාදි. තත්ථ ද්විභාකාරෙහි අකුප්පතා වෙදිතබ්බා කාරණතො ච ආරම්මණතො ච. සා හි චතුහි මග්ගෙහි සමුච්ඡින්නකිලෙසානං පුන අනිවත්තනතාය කාරණතොපි අකුප්පා, අකුප්පධම්මං නිබ්බානං ආරම්මණං කත්වා පවත්තතාය ආරම්මණතොපි අකුප්පා. අන්තිමාති පච්ඡිමා. නත්ථි දානි පුනබ්බවොති ඉදානි පුන අඤ්ඤො භවො නාම නත්ථිති.

ඉමස්මිං සුත්තෙ චත්තාරි සච්චානි කථිතානි. කථං? චතුසු හි ධාතුසු අස්සාදො සමුදයසච්චං, ආදීනවො දුක්ඛසච්චං, නිස්සරණං නිරොධසච්චං, නිරොධජ්ජානනො මග්ගො මග්ගසච්චං. විත්ථාරවසෙනපි කථෙතුං වට්ටති යෙව. ඵත්ථ හි යං පට්ඨිධාතුං පට්ඨිච උප්පජ්ජති සුඛං සොමනස්සං, අයං පට්ඨිධාතුයා අස්සාදොති පහානපට්ඨෙධො සමුදයසච්චං. යා පට්ඨිධාතු අනිච්චා දුක්ඛා විපරිණාමධම්මා, අයං පට්ඨිධාතුයා, ආදීනවොති පරිඤ්ඤාපට්ඨෙධො දුක්ඛසච්චං. යො පට්ඨිධාතුයා ඡන්දරාගචිතයො ඡන්දරාගජ්ජහානං, ඉදං පට්ඨිධාතුයා නිස්සරණන්ති සච්ඡිකිරියාපට්ඨෙධො නිරොධසච්චං. යා ඉමෙසු තිස්සු යානෙසු දිට්ඨි සඬ්ඤ්ඤා වාචා කම්මන්තො ආජීවො වායාමො සති සමාධි, අයං භාවනාපට්ඨෙධො මග්ගසච්චන්ති. දුතියං.

3. අවරිංසුත්තවණ්ණනා

116. තතියෙ අවරින්ති ඤාණවාරෙන අවරිං, අනුභවනවාරෙනාති අත්ථො. යාවතාති යත්තකො. තතියං.

4. නොවෙදංසුත්තවණ්ණනා

117. චතුත්ථෙ නිස්සටාතිආදීනි ආදිතො චුත්තපට්ඨෙසෙධෙන යොජෙත්වා “න නිස්සටා, න විසංයුත්තා, න විජ්ජමුත්තා, න විමරියාදිකතෙන චෙතසා විහරිංසු”ති එවං වෙදිතබ්බානි. දුතියනෙයෙ විමරියාදිකතෙනාති නිම්මරියාදිකතෙන. තත්ථ දුට්ඨා මරියාදා කිලෙසමරියාදා වට්ටමරියාදානි. තත්ථ ච යස්ස උපඨිඨා කිලෙසා පහීනා, උපඨිඨා අජ්ජහීනා, වට්ටං වා පන උපඨිඨං පහීනං, උපඨිඨං අජ්ජහීනං, තස්ස චිත්තං පහීනකිලෙසෙ වා වට්ටං වා සන්ධාය විමරියාදිකතං, අජ්ජහීනකිලෙසෙ වා වට්ටං වා සන්ධාය න විමරියාදිකතං. ඉධ පන උභයස්සාපි පහීනත්තා “විමරියාදිකතෙන චෙතසා”ති චුත්තං, මරියාදං අකත්වා යිතෙන අතික්කන්තමරියාදෙන චෙතසාති අත්ථො. ඉති තීසුපි ඉමෙසු සුත්තෙසු චතුසච්චමෙව කථිතං. චතුත්ථං.

5. එකන්තදුක්ඛසුත්තවණ්ණනා

118. පඤ්චමෙ එකන්තදුක්ඛාති අතික්කමිත්වා යිතස්ස තත්තකාරො විය එකන්තෙනෙව දුක්ඛා. දුක්ඛානුපතිතාති දුක්ඛෙන අනුපතිතා. දුක්ඛාවක්කන්තාති දුක්ඛෙන ඔක්කන්තා ඔතිණ්ණා. සුඛාති සුඛවෙදනාය පච්චයභූතා. එවං සබ්බත්ථ අත්ථො වෙදිතබ්බො. ඉමස්මිං සුත්තෙ දුක්ඛලක්ඛණං කථිතං. පඤ්චමං.

6-10. අහිනන්දසුත්තාදිවණ්ණනා

119-123. ඡට්ඨසත්තමෙසු විචට්ටං, අවසානෙ තීසු චතුසච්චමෙවාති. ඡට්ඨාදීනි. චතුත්ථො වග්ගො.

ධාතුසංයුත්තවණ්ණනා නිට්ඨිතා.

4. අනමතග්ගසංයුත්තං

1. පයමවග්ගො

1. තිණකට්ඨසුත්තවණ්ණනා

124. අනමතග්ගසංයුත්තස්ස පයමෙ අනමතග්ගොති අනු අමතග්ගො, වස්සසතං වස්සසහස්සං ඤාණෙන අනුගන්ත්වාපි අමතග්ගො අවිදිතග්ගො, නාස්ස සක්කා ඉතො වා එත්තො වා අග්ගං ජානිතුං, අපරිච්ඡින්නපුබ්බාපරකොට්ඨකොති අත්ථො. සංසාරොති ඛන්ධාදීනං අවිච්ඡින්නප්පවත්තා පටිපාටි. පුබ්බා කොටි න පඤ්ඤායතීති පුරිමමරියාදා න දිස්සති. යදග්ගෙන වස්ස පුරිමා කොටි න පඤ්ඤායති, පච්ඡිමාපි තදග්ගෙනෙව න පඤ්ඤායති, වෙමජ්ඣෙයෙව පන සත්තා සංසරන්ති. පරියාදානං ගච්ඡෙය්‍යාති ඉදං උපමාය බුද්දකත්තා වුත්තං. බාහිරසමයස්මිඤ්ඤි අත්ථො පරිත්තො හොති, උපමා මහති. “හත්ථි විය අයං ගොණො, ගොණො විය සුකරො, සමුද්දො විය තළාක”න්ති හි වුත්තෙ න තෙසං තාදිසං පමාණං හොති. බුද්ධසමයෙ පන උපමා පරිත්තා, අත්ථො මහා. පාළියඤ්ඤි එකො ජම්බුදීපො ගහිතො, එවරූපානං පන ජම්බුදීපානං සතෙපි සහස්සෙපි සතසහස්සෙපි තිණාදීනි තෙන උපක්කමෙන පරියාදානං ගච්ඡෙය්‍යං, න ත්වෙව පුරිසස්ස මාතු මාතරොති. දුක්ඛං පච්චනුභුතන්ති තුම්හෙහි දුක්ඛං අනුභුතං. තිබ්බන්ති තස්සෙව වෙවචනං. ඛ්‍යාසනන්ති ඤාතිඛ්‍යාසනාදිඅනෙකවිධං. කට්ඨිති සුසානං, පට්ඨියෙව වා. සා හි පුනප්පුනං මරන්තෙහි සරිරනික්ඛෙපෙන වඩ්ඪිතා. අලමෙවාති යුත්තමෙව. පයමං.

2. පට්ඨිසුත්තවණ්ණනා

125. දුතියෙ මහාපට්ඨිත්ති වක්කවාළපරියන්තං මහාපට්ඨිං. නික්ඛිපෙය්‍යාති තං පට්ඨිං හින්දිත්වා වුත්තප්පමාණං ගුලිකං කරිත්වා එකමන්තං යපෙය්‍යා. දුතියං.

3. අස්සුසුත්තවණ්ණනා

126. තතියෙ කන්දන්තානන්ති සසද්දං රුදමානානං. පස්සන්තන්ති සන්දිතං පවත්තං. චතුසු මහාසමුද්දෙසුති සිනෙරුරස්මිති පරිච්ඡින්නෙසු චතුසු මහාසමුද්දෙසු. සිනෙරුරස්ස හි පාචිතපස්සං රජතමයං, දක්ඛිණපස්සං මණිමයං, පච්ඡිමපස්සං එලිකමයං, උත්තරපස්සං සුවණ්ණමයං. පුබ්බදක්ඛිණපස්සෙහි නික්ඛන්තා රජතමණිරස්මියො එකතො හුත්වා මහාසමුද්දපිට්ඨෙන ගන්ත්වා වක්කවාළපබ්බතං ආභවිව තිට්ඨන්ති, දක්ඛිණපච්ඡිමපස්සෙහි නික්ඛන්තා මණිඑලිකරස්මියො, පච්ඡිමුත්තරපස්සෙහි නික්ඛන්තා එලිකසුවණ්ණරස්මියො,

උත්තරපාවිතපස්සෙහි නික්ඛන්තා සුවණ්ණරජතරස්මියො එකතො භුත්වා මහාසමුද්දපිට්ඨයෙන ගන්ත්වා චක්කවාලපබ්බතං ආභවිව තිට්ඨන්ති. තාසං රස්මීනං අන්තරෙසු චත්තාරො මහාසමුද්දා භොන්ති. තෙ සන්ධාය චුත්තං “චතුසු මහාසමුද්දෙසු”ති. ඤාතිබ්‍යසනන්තිආදීසු බ්‍යසනන්ති විඅසනං, විනාසොති අත්ථො. ඤාතීනං බ්‍යසනං ඤාතිබ්‍යසනං, භොගානං බ්‍යසනං භොගබ්‍යසනං. රොගො පන සයමෙව ආරොග්‍යං වියසති විනාසෙතීති බ්‍යසනං, රොගොව බ්‍යසනං රොගබ්‍යසනං. තතියං.

4. බීරසුත්තවණ්ණනා

127. චතුත්ථෙ මාතුථඤ්ඤන්ති එකනාමිකාය මනුස්සමාතු බීරං. ඉමෙසඤ්ඤි සත්තානං ගණ්ඩුප්පාදකිපිල්ලිකාදීසු වා මච්ඡකච්ඡපාදීසු වා පක්ඛිජාතෙසු වා නිබ්බත්තකාලෙ මාතුබීරමෙව නත්ථී, අප්පසුමහිංසාදීසු නිබ්බත්තකාලෙ බීරං අත්ථී, තථා මනුස්සෙසු. තත්ථ අපාදිකාලෙ ච මනුස්සෙසු වාපි “දෙවී සුමනා තිස්සා”ති එවං නානානාමිකානං කුච්ඡියං නිබ්බත්තකාලෙ අග්ගභෙත්වා තිස්සාති එකනාමිකාය එව මාතු කුච්ඡියං නිබ්බත්තකාලෙ පීතං ථඤ්ඤං චතුසු මහාසමුද්දෙසු උදකතො බහුතරන්ති වෙදිතබ්බං. චතුත්ථං.

5. පබ්බතසුත්තවණ්ණනා

128. පඤ්චමෙ සක්කා පන, භන්තෙති සො කිර හික්ඛු වින්තෙසි – “සත්ථා අනමතග්ගස්ස සංසාරස්ස දීඝතමත්තා ‘න සුකරං න සුකර’න්ති කථෙතියෙව, කථං නච්ඡින්නද්ධි, සක්කා නු බො උපමං කාරාපෙතු”න්ති. තස්මා එවමාභ. කාසිකෙනාති තයො කප්පාසංසු එකතො ගභෙත්වා කන්තිතසුත්තමයෙන අතිසුමුමවත්ථෙත. තෙන පන පරිමට්ඨෙ කිත්තකං බීයෙය්‍යාති. සාසපමත්තං. පඤ්චමං.

6. සාසපසුත්තවණ්ණනා

129. ඡට්ඨෙ ආයසං නගරන්ති ආයසෙන පාකාරෙන පරික්ඛිත්තං නගරං, න පන අන්තො ආයසෙහි එකභූමිකාදිපාසාදෙහි ආකිණ්ණන්ති දට්ඨබ්බං. ඡට්ඨං.

7. සාවකසුත්තවණ්ණනා

130. සත්තමෙ අනුස්සරෙය්‍යුන්ති එකෙන කප්පසතසහස්සෙ අනුස්සරිතෙ අපරො තස්ස ධීතට්ඨානතො අඤ්ඤං සතසහස්සං, අඤ්ඤොපි අඤ්ඤන්ති එවං චත්තාරොපි චත්තාරිසතසහස්සාති අනුස්සරෙය්‍යුං. සත්තමං.

8-9. ගඬිගාසුත්තාදිවණ්ණනා

131-132. අට්ඨමෙ යා එතස්මිං අන්තරෙ වාලිකාති යා එතස්මිං ආයාමතො පඤ්චයොජනසතිකෙ අන්තරෙ වාලිකා. නවමෙ චත්තබ්බං නත්ථි. අට්ඨමනවමාති.

10. පුග්ගලසුත්තවණ්ණනා

133. දසමෙ අට්ඨිකඬිකලොතිආදීනි තිණ්ඨි රාසිවෙච්චනානෙව. ඉමෙසං පන සත්තානං සඅට්ඨිකාලතො අනට්ඨිකාලොච ඛහුතරො. ගණ්ඩුප්පාදකාදිපාණහුතානඤ්ඡි එතෙසං අට්ඨිමෙව නත්ථි, මච්ඡකච්ඡපාදිහුතානං පන අට්ඨිමෙව ඛහුතරං, තස්මා අනට්ඨිකාලඤ්ච ඛහුඅට්ඨිකාලඤ්ච අග්ගහෙත්වා සමට්ඨිකාලොච ගහෙතබ්බො. උත්තරො ගිජ්ඣකුට්ඨසාති ගිජ්ඣකුට්ඨස උත්තරපස්සෙ යීතො. මගධානං ගිරිබ්බජෙති මගධරට්ඨස්ස ගිරිබ්බජෙ, ගිරිපරික්ඛෙජෙ යීතොති අත්ථො. සෙසං සබ්බත්ථ උත්තානමෙවාති. දසමං.

පයමො වග්ගො.

2. දුතියවග්ගො

1. දුග්ගතසුත්තවණ්ණනා

134. දුතියවග්ගස්ස පයමෙ දුග්ගතන්ති දලිද්දං කපණං. දුරුපෙතන්ති දුස්සණ්ඨානෙහි හත්ථපාදෙහි උපෙනං. පයමං.

2. සුඛිතසුත්තවණ්ණනා

135. දුතියෙ සුඛිතන්ති සුඛසමප්පිතං මහද්ධනං මහාභොගං. සුසප්පිතන්ති අලඬිකතපටියත්තං හත්ථික්ඛන්ධගතං මහාපරිවාරං. දුතියං.

3. තිංසමත්තසුත්තවණ්ණනා

136. තතියෙ පාවෙය්‍යකාති පාවෙය්‍යදෙසවාසීතො. සබ්බෙ ආරඤ්ඤිකාතිආදීසු ධුතඬිගසමාදානවසෙන තෙසං ආරඤ්ඤිකාදිභාවො වෙදිතබ්බො. සබ්බෙ සසංයොජනාති සබ්බෙ සබන්ධනා, කෙච් සොතාපන්නා, කෙච් සකදාගාමීනො, කෙච් අනාගාමීනො. තෙසු හි පුපුජ්ජනො වා ඛිණාසවො වා නත්ථි. භුන්තන්තිආදීසු සෙතකාලාදිවණ්ණෙසු එකෙකවණ්ණකාලොච ගහෙතබ්බො. පාරිපන්ථකාති පරිපන්ථෙ තිට්ඨනකා පන්ථසාතවොරා. පාරදාරිකාති පරදාරවාරිත්තං ආපජ්ජනකා. තතියං.

4-9. මාතුසුත්තාදිවණ්ණනා

137-142. චතුත්ථාදීසු ලිඛිගනියමෙන වෙච චක්කවාළනියමෙන ච අත්ථො වෙදිතබ්බො. පුරිසානඤ්චි මාතුගාමකාලො, මාතුගාමානඤ්ච පුරිසකාලොති එවමෙත්ථ ලිඛිගනියමො. ඉමම්භා චක්කවාළා සත්තා පරචක්කවාළං, පරචක්කවාළා ච ඉමං චක්කවාළං සංසරන්ති. තෙසු ඉමස්මිං චක්කවාළෙ මාතුගාමකාලෙ මාතුභූතඤ්ඤෙව දස්සෙන්නො යො නමාතාභූතපුබ්බොති ආභ. යො නපිතාභූතපුබ්බොතිආදීසුපි එසෙව නයො. චතුත්ථාදීනි.

10. වෙසුල්ලපබ්බතසුත්තවණ්ණනා

143. දසමෙ භූතපුබ්බන්ති අතීතකාලෙ එකං අපදානං ආභරිත්වා දස්සෙති. සමඤ්ඤා උදපාදීති පඤ්ඤන්ති අහොසි. චතුහෙන ආරොහන්තීති ඉදං ථාමමජ්ඣිමෙ සන්ධාය වුත්තං. අග්ගන්ති උත්තමං. හද්දයුගන්ති සුන්දරයුගලං. තීහෙන ආරොහන්තීති එත්තාවතා කිර ද්විත්තං බුද්ධානං අන්තරෙ යොජනං පථවී උස්සන්තා, සො පබ්බතො තියොජනුබ්බෙධො ජාතො.

අප්පං වා භියොයාති වස්සසතතො උත්තරිං අප්පං දස වා වීසං වා වස්සානි. පුන වස්සසතමෙව ජීවනකො නාම නත්ථි, උත්තමකොටියා පන සට්ඨි වා අසීති වා වස්සානි ජීවන්ති. වස්සසතං පන අප්පත්වා පඤ්චවස්සදසවස්සාදිකාලෙ මීයමානාව බහුකා. එත්ථ ච කකුසන්ධො භගවා චත්තාලීසවස්සසහස්සායුකකාලෙ, කොණාගමනො තිංසවස්සසහස්සායුකකාලෙ නිබ්බත්තොති ඉදං අනුපුබ්බෙන පරිභිනසදිසං කතං, න පන එවං පරිභිනං, වඩ්ඪිත්වා වඩ්ඪිත්වා පරිභිනන්ති වෙදිතබ්බං. කථං? කකුසන්ධො තාව භගවා ඉමස්මිංයෙව කප්පෙ චත්තාලීසවස්සසහස්සායුකකාලෙ නිබ්බත්තො ආයුජ්ජමාණං පඤ්ච කොටියාසෙ කත්වා චත්තාරො යත්වා පඤ්චමෙ විජ්ජමානෙයෙව පරිනිබ්බුතො. තං ආයු පරිභායමානං දසවස්සකාලං පත්වා පුන වඩ්ඪමානං අසඬ්ඛෙය්‍යං හුත්වා තතො පරිභායමානං තිංසවස්සසහස්සායුකකාලෙ යීතං, තදා කොණාගමනො නිබ්බත්තො. තස්මිම්පි තථෙව පරිනිබ්බුතෙ තං ආයු දසවස්සකාලං පත්වා පුන වඩ්ඪමානං අසඬ්ඛෙය්‍යං හුත්වා පරිභායමානං වීසවස්සසහස්සකාලෙ යීතං, තදා කස්සපො භගවා නිබ්බත්තො. තස්මිම්පි තථෙව පරිනිබ්බුතෙ තං ආයු දසවස්සකාලං පත්වා පුන වඩ්ඪමානං අසඬ්ඛෙය්‍යං හුත්වා පරිභායමානං වස්සසතකාලං පත්තං, අථ අම්භාකං සම්මාසම්බුද්ධො නිබ්බත්තො. එවං අනුපුබ්බෙන පරිභායමානං වඩ්ඪිත්වා වඩ්ඪිත්වා පරිභිනන්ති වෙදිතබ්බං. තත්ථ ච යං ආයුපරිමාණෙසු මන්දෙසු බුද්ධා නිබ්බත්තන්ති, තෙසම්පි තදෙව ආයුපරිමාණං භොතීති. දසමං.

සංයුක්තනිකායෙ

නිදානවග්ග-අට්ඨකථා

අනමතග්ගසංයුක්තං

දුතියො වග්ගො.

අනමතග්ගසංයුක්තවණ්ණනා නිට්ඨිතා.

5. කස්සපසංයුත්තං

1. සන්තුට්ඨසුත්තවණ්ණනා

144. කස්සපසංයුත්තස්ස පටිමෙ සන්තුට්ඨායන්ති සන්තුට්ඨො අයං. ඉතරිතරෙනාති න ථුලසුඛමලුඛපණ්ණිතරිපිණ්ණානං යෙන කෙනවි, අථ බො යථාලද්ධාදීනං ඉතරිතරෙන යෙන කෙනවි සන්තුට්ඨොති අත්ථො. විවරස්මිඤ්ඤි තයො සන්තොසා යථාලාභසන්තොසො යථාබලසන්තොසො යථාසාරුප්පසන්තොසොති. පිණ්ඩපාතාදීසුපි එසෙව නයො.

තෙසං අයං පහෙදසංවණ්ණනා – ඉධ භික්ඛු විවරං ලහති සුන්දරං වා අසුන්දරං වා, සො තෙනෙව යාපෙති, අඤ්ඤං න පත්ථෙති, ලහන්තොපි න ගණ්භාති. අයමස්ස විවරෙ යථාලාභසන්තොසො. අථ පන පකතිවිරුද්ධො වා හොති ආබාධජරාභිභූතො වා, ගරුච්චරං පාරුපන්තො කිලමති, සො සභාගෙන භික්ඛුනා සද්ධිං තං පරිවත්තෙන්වා ලුහුකෙන යාපෙන්තොපි සන්තුට්ඨොව හොති. අයමස්ස විවරෙ යථාබලසන්තොසො. අපරො පණ්ණිතපච්චයලාභී හොති, සො පටිට්ඨිවරාදීනං අඤ්ඤතරං මහග්ගච්චරං බහුනි වා විවරාති ලභිත්වා – “ඉදං ථෙරානං චිරපබ්බජිතානං, ඉදං බහුස්සුතානං අනුරූපං, ඉදං ගිලානානං, ඉදං අප්පලාභීනං හොතු” ති දත්වා තෙසං පුරාණච්චරං වා සඬකාරකූටාදිතො වා පන නත්තකාති උච්චිතිත්වා තෙහි සඬසාටිං කත්වා ධාරෙන්තොපි සන්තුට්ඨොව හොති. අයමස්ස විවරෙ යථාසාරුප්පසන්තොසො.

ඉධ පන භික්ඛු පිණ්ඩපාතං ලහති ලුඛං වා පණ්ණිතං වා, සො තෙනෙව යාපෙති, අඤ්ඤං න පත්ථෙති, ලහන්තොපි න ගණ්භාති. අයමස්ස පිණ්ඩපාතෙ යථාලාභ සන්තොසො. යො පන අත්තතො පකතිවිරුද්ධං වා බ්‍යාධිවිරුද්ධං වා පිණ්ඩපාතං ලහති, යෙනස්ස පරිභුත්තෙන අභාසු හොති, සො සභාගස්ස භික්ඛුනො තං දත්වා තස්ස භත්ථතො සප්පායභොජනං භුත්වා සමණධම්මං කරොන්තොපි සන්තුට්ඨොව හොති. අයමස්ස පිණ්ඩපාතෙ යථාබලසන්තොසො. අපරො බහුං පණ්ණිතං පිණ්ඩපාතං ලහති, සො තං විවරං විය චිරපබ්බජිත-බහුස්සුත-අප්පලාභගිලානානං දත්වා, තෙසං වා සෙසකං පිණ්ඩාය වා වරිත්වා මිස්සකාභාරං භුඤ්ජන්තොපි සන්තුට්ඨොව හොති. අයමස්ස පිණ්ඩපාතෙ යථාසාරුප්පසන්තොසො.

ඉධ පන භික්ඛු සෙනාසනං ලහති මනාපං වා අමනාපං වා, සො තෙන නෙව සොමනස්සං න පටිසං උප්පාදෙති, අත්තමසො තිණසන්ථාරකෙනාපි යථාලද්ධෙතෙව තුස්සති. අයමස්ස සෙනාසනෙ යථාලාභසන්තොසො. යො පන අත්තතො පකතිවිරුද්ධං වා බ්‍යාධිවිරුද්ධං වා සෙනාසනං ලහති, යත්ථස්ස

වසතො අථාසු හොති, සො තං සභාගස්ස භික්ඛුනො දත්වා තස්ස සන්තකෙ සප්පායසෙනාසනෙ වසන්තොපි සන්තුට්ඨොව හොති. අයමස්ස සෙනාසනෙ යථාබලසන්තොසො. අපරො මහාපුඤ්ඤො ලෙණමණ්ඩපකුටාගාරාදීනි බහුනි පණ්ණසෙනාසනානි ලහති, සො තානි චීවරාදීනි විය චිරපබ්බජිතබහුස්සුතඅප්පලාහගිලානානං දත්වා යත්ථ කත්ථවි වසන්තොපි සන්තුට්ඨොව හොති. අයමස්ස සෙනාසනෙ යථාසාරුප්පසන්තොසො. යොපි “උත්තමසෙනාසනං නාම පමාදට්ඨානං, තත්ථ නිසින්නස්ස ටීනමිද්ධං ඔක්කමති, නිද්දාහිභූතස්ස පටිබුජ්ඣතො පාපවිතක්කා පාතුභවන්ති”ති පටිසඤ්චික්ඛිත්වා තාදිසං සෙනාසනං පත්තමිති න සම්පට්ඨිති, සො තං පටික්ඛිපිත්වා අබ්භොකාසරුක්ඛමුලාදීසු වසන්තො සන්තුට්ඨොව හොති. අයමිති සෙනාසනෙ යථාසාරුප්පසන්තොසො.

ඉධ පන භික්ඛු හෙසජ්ජං ලහති ලුඛං වා පණ්ණං වා, සො යං ලහති තෙනෙව තුස්සති, අඤ්ඤං න පත්ථෙති, ලහන්තොපි න ගණ්භාති. අයමස්ස ගිලානපච්චයෙ යථාලාභසන්තොසො. යො පන තෙලෙනත්ථිකො ථාණිතං ලහති, සො තං සභාගස්ස භික්ඛුනො දත්වා තස්ස හත්ථතො තෙලං ගහෙත්වා වා අඤ්ඤදෙව වා පරියෙසිත්වා හෙසජ්ජං කරොන්තොපි සන්තුට්ඨොව හොති. අයමස්ස ගිලානපච්චයෙ යථාබලසන්තොසො. අපරො මහාපුඤ්ඤො බහුං තෙලමුදුථාණිතාදිපණ්ණහෙසජ්ජං ලහති, සො තං චීවරං විය චිරපබ්බජිත-බහුස්සුත-අප්පලාහගිලානානං දත්වා තෙසං ආහතෙන යෙන කෙනවි යාපෙන්නොපි සන්තුට්ඨොව හොති. යො පන එකස්මිං භාජනෙ මුත්තහරිතකං යාපෙත්වා එකස්මිං චතුමුදුරං “ගණ්භ, හත්තෙ, යදිච්ඡසි”ති වුච්චමානො සවස්ස තෙසු අඤ්ඤතරෙනපි රොගො වුපසම්මති, අථ “මුත්තහරිතකං නාම බුද්ධාදිහි වණ්ණිත”න්ති චතුමුදුරං පටික්ඛිපිත්වා මුත්තහරිතකෙන හෙසජ්ජං කරොන්තො පරමසන්තුට්ඨොව හොති. අයමස්ස ගිලානපච්චයෙ යථාසාරුප්පසන්තොසො. ඉති ඉමෙ තයො සන්තොසෙ සන්ධාය “සන්තුට්ඨායං, භික්ඛවෙ, කස්සපො ඉතරිතරෙන චීවරෙනා”ති වුත්තං.

වණ්ණවාදීනි එකො සන්තුට්ඨො හොති, සන්තොසස්ස වණ්ණං න කථෙති. එකො න සන්තුට්ඨො හොති, සන්තොසස්ස වණ්ණං කථෙති. එකො නෙව සන්තුට්ඨො හොති, න සන්තොසස්ස වණ්ණං කථෙති. එකො සන්තුට්ඨො ව හොති, සන්තොසස්ස ව වණ්ණං කථෙති. අයං තාදිසොති දස්සෙතුං ඉතරිතරචීවරසන්තුට්ඨියා ව වණ්ණවාදීනි වුත්තං. අනෙසනන්ති දුතෙය්‍යපභිණ්ණගමනානුයොගප්පහෙදං නානප්පකාරං අනෙසනං. අලද්ධාති අලහිත්වා. යථා ව එකච්චො “කථං නු ඛො චීවරං ලහිස්සාමි”ති පුඤ්ඤවන්තෙහි භික්ඛුහි සද්ධිං එකතො හුත්වා කොභඤ්ඤං කරොන්තො

උත්තස්සති පරිත්තස්සති, අයං එවං අලද්ධා ච වීවරං න පරිත්තස්සති. ලද්ධා වාති ධම්මෙන සමෙන ලභිත්වා. අගධිතොති විගතලොභගෙධො. අමුච්ඡිතොති අධිමත්තතණ්හාය මුච්ඡං අනාපන්නො. අනප්ඤ්ඤාපන්නොති තණ්හාය අනොත්ථට්ඨො අපරියොනද්ධො. ආදීනවදස්සාවීති අනෙසනාපත්තියඤ්ච ගධිතපරිභොගෙ ච ආදීනවං පස්සමානො. නිස්සරණපඤ්ඤොති, “යාවදෙව සිත්තස්ස පටිසාකායා”ති චුත්තනිස්සරණමෙව ජානන්නො පරිභුඤ්ජතීති අත්ථො. ඉතරීතරෙන පිණ්ඩපාතෙනාතිආදීසුපි යථාලද්ධාදීනං යෙන කෙනචි පිණ්ඩපාතෙන, යෙන කෙනචි සෙනාසනෙන, යෙන කෙනචි ගිලානපච්චයභෙසජ්ජපරික්ඛාරෙනාති එවමත්ථො දට්ඨබ්බො.

කස්සපෙන වා හි වො, හික්ඛවෙ, ඔවදිස්සාමීති එත්ථ යථා මහාකස්සපත්ථෙරො චතුසු පච්චයෙසු තිහි සන්නොසෙහි සන්තුට්ඨො, තුම්හෙපි තථාරූපා භවථාති ඔවදන්තො කස්සපෙන ඔවදති නාම. යො වා පනස්ස කස්සපසදිසොති එත්ථාපි යො වා පනඤ්ඤොපි කස්සපසදිසො මහාකස්සපත්ථෙරො විය චතුසු පච්චයෙසු තිහි සන්නොසෙහි සන්තුට්ඨො භවෙය්‍යා, තුම්හෙපි තථාරූපා භවථාති ඔවදන්තො කස්සපසදිසෙන ඔවදති නාම. තථත්තාය පටිපජ්ජිතබ්බන්ති “සම්මාසම්බුද්ධස්ස ඉමාය ඉමස්මිං සන්තුට්ඨිසුත්තෙ චුත්තසල්ලෙඛාවාරපටිපත්තියා කථනං නාම භාරො, අම්භාකම්පි ඉමං පටිපත්තිං පරිපුරං කත්වා පුරණං භාරොයෙව, ආගතො ඛො පන භාරො ගහෙතබ්බො”ති චිත්තෙත්වා යථා මයා කථිතං, තථත්තාය තථාභාවාය තුම්හෙහිපි පටිපජ්ජිතබ්බන්ති. පයමං.

2. අනොත්තජ්ජිසුත්තවණ්ණනා

145. දුතියෙ අනාතාපීති යං වීරියං කිලෙසෙ ආතපති, තෙන රහිතො. අනොත්තජ්ජිති නිබ්භයො කිලෙසුප්පත්තිතො කුසලානුප්පත්තිතො ච භයරහිතො. සම්බොධායාති සම්බුජ්ඣනත්ථාය. නිබ්බානායාති නිබ්බානසච්ඡිකිරියාය. අනුත්තරස්ස යොගක්ඛෙමස්සාති අරහත්තස්ස තඤ්චි අනුත්තරඤ්චෙව චතුහි ච යොගෙහි ඛෙමං.

අනුප්පන්නාතිආදීසු යෙ පුබ්බෙ අප්පට්ඨලද්ධපුබ්බං වීවරාදිං වා පච්චයං උපට්ඨාකසද්ධිවිහාරික-අත්තෙවාසිනං වා අඤ්ඤතරතො මනුඤ්ඤවත්ථුං පටිලභිත්වා තං සුභං සුඛන්ති අයොනියො ගණ්හන්තස්ස අඤ්ඤතරං වා පන අනනුභූතපුබ්බං ආරම්මණං යථා තථා වා අයොනියො ආවජ්ජෙන්නස්ස ලොභාදයො පාපකා අකුසලා ධම්මා උප්පජ්ජන්ති, තෙ අනුප්පන්නාති වෙදිතබ්බා. අඤ්ඤථා හි අනමතග්ගෙ සංසාරෙ අනුප්පන්නා නාම පාපකා ධම්මා නත්ථි. අනුභූතපුබ්බෙපි ච වත්ථුම්භි ආරම්මණෙ වා යස්ස පකතිබුද්ධියා

වා උද්දෙසපරිපුච්ඡාය වා පරියත්තිනවකම්මයොනිසොමනසිකාරානං වා අඤ්ඤතරවසෙන පුබ්බෙ අනුප්පජ්ජිත්වා පච්ඡා තාදිසෙන පච්චයෙන සහසා උප්පජ්ජන්ති, ඉමෙපි “අනුප්පන්නා උප්පජ්ජමානා අනත්ථාය සංවත්තෙය්‍යු”න්ති වෙදිතබ්බා. තෙසුයෙව පන චත්ථාරම්මණෙසු පුනස්පුනං උප්පජ්ජමානා නප්පභීයන්ති නාම, තෙ “උප්පන්නා අප්පභීයමානා අනත්ථාය සංවත්තෙය්‍යු”න්ති වෙදිතබ්බා. අයමෙත්ථ සඬබ්බෙපො, විත්ථාරතො පන උප්පන්නානුප්පන්නභෙදො ච පහානප්පහානවිධානඤ්ච සබ්බං විසුද්ධිමග්ගෙ ඤාණදස්සනවිසුද්ධිනිද්දෙසෙ කථිතං.

අනුප්පන්නා මෙ කුසලා ධම්මාති අප්පට්ඨද්ධාපි සීලසමාධිමග්ගඵලසඬබ්බානා අනවජ්ජධම්මා. උප්පන්නාති තෙයෙව පට්ඨද්ධා. නිරුජ්ඣමානා අනත්ථාය සංවත්තෙය්‍යුන්ති තෙ සීලාදිධම්මා පරිහානිවසෙන පුන අනුප්පන්නියා නිරුජ්ඣමානා අනත්ථාය සංවත්තෙය්‍යුන්ති වෙදිතබ්බා. එත්ථ ච ලොකියා පරිහායන්ති, ලොකුත්තරානං පරිහානි නත්ථිති. “උප්පන්නානං කුසලානං ධම්මානං ධීතියා”ති ඉමස්ස පන සම්මප්පධානස්ස වසෙනායං දෙසනා කතා. දුතියමග්ගො වා සීසං අනුප්පජ්ජමානො, පඨමමග්ගො නිරුජ්ඣමානො අනත්ථාය සංවත්තෙය්‍යාති එවම්පෙත්ථ අත්ථො දට්ඨබ්බො. ඉති ඉමස්මිං සුත්තෙ ඉමෙ චත්තාරො සම්මප්පධානා පුබ්බහාගවිපස්සනාවසෙන කථිතාති. දුතියං.

3. වන්දුපමසුත්තවණ්ණනා

146. තතියෙ වන්දුපමාති වන්දසදිසා හුත්වා. කිං පරිමණ්ඩලතාය? නො, අපිච ඛො යථා වන්දො ගගනතලං පක්ඛන්දමානො න කෙනචි සද්ධිං සන්ථවං වා සිනෙහං වා ආලයං වා නිකන්තිං වා පත්ථනං වා පරිපුට්ඨානං වා කරොති, න ච න හොති මහාජනස්ස පියො මනාපො, තුම්හෙපි එවං කෙනචි සද්ධිං සන්ථවාදීනං අකරණෙන බහුජනස්ස පියා මනාපා වන්දුපමා හුත්වා ඛත්තියකුලාදීනි චත්තාරි කුලානි උපසඬකමථාති අත්ථො. අපිච යථා වන්දො අන්ධකාරං විධමති, ආලොකං ඵරති, එවං කිලෙසන්ධකාරවිධමනෙන ඤාණාලොකඵරණෙන වාපි වන්දුපමා හුත්වාති එවමාදීහිපි නයෙහි එත්ථ අත්ථො දට්ඨබ්බො.

අපකස්සෙව කායං අපකස්ස චිත්තන්ති තෙනෙව සන්ථවාදීනං අකරණෙන කායඤ්ච චිත්තඤ්ච අපකස්සිත්වා, අපනෙත්වාති අත්ථො. යො හි හික්ඛු අරඤ්ඤෙපි න වසති, කාමචිතක්කාදයොපි විතක්කෙති, අයං නෙව කායං අපකස්සති, න චිත්තං. යො හි අරඤ්ඤෙපි ඛො විහරති, කාමචිතක්කාදයො පන විතක්කෙති, අයං කායමෙව අපකස්සති, න චිත්තං. යො ගාමන්තෙ වසති,

කාමචිතක්කාදයොපි ඛො න ච චිතක්කෙති, අයං චිත්තමෙව අපකස්සති, න කායං. යො පන අරඤ්ඤෙ වෙච චසති, කාමචිතක්කාදයො ච න චිතක්කෙති, අයං උභයමිපි අපකස්සති. එවරුපා භුත්වා කුලානි උපසඬකමථාති දීපෙත්තො “අපකස්සෙව කායං අපකස්ස චිත්ත”න්ති ආහ.

නිව්චනවකාති නිව්චං නවකාව, ආගන්තුකසදිසා එව භුත්වාති අත්ථො. ආගන්තුකො හි පටිපාටියා සම්පත්තගෙනං පටිසිත්වා සචෙ නං සරසාමිකා දිස්වා, “අම්භාකං පුත්තභාතරො විජ්ජවාසං ගතා එවං විවරිංසු”ති අනුකම්පමානා නිසීදාපෙත්වා භොජෙත්ති, භුත්තමත්තොයෙව “තුම්භාකං භාජනං ගණ්හථා”ති උට්ඨාය පක්කමති, න තෙහි සද්ධිං සන්ථවං වා කරොති, න කිව්චකරණියානි වා සංවිදහති, එවං තුම්භෙපි පටිපාටියා සම්පත්තසරං පටිසිත්වා යං ඉරියාපටෙසු පසන්නා මනුස්සා දෙනති, තං ගහෙත්වා ඡින්නසන්ථවා, තෙසං කිව්චකරණියෙ අඛ්‍යාවථා භුත්වා නික්ඛමථාති දීපෙති.

ඉමස්ස පන නිව්චනවකභාවස්ස ආවිභාවත්ථං ද්වෙභාතිකවත්ථු කට්ඨකඛිං – වසාලනගරගාමතො කිර ද්වෙ භාතිකා නික්ඛමීත්වා පබ්බජිතා, තෙ චූළනාගත්ථෙරො ච මහානාගත්ථෙරො වාති පඤ්ඤායිංසු. තෙ චිත්තලපබ්බතෙ තිංස වස්සානි වසිත්වා අරහත්තං පත්තා “මාතරං පස්සිස්සාමා”ති ආගන්ත්වා වසාලනගරවිහාරෙ වසිත්වා පුනදිවසෙ මාතුගාමං පිණ්ඩාය පටිසිංසු. මාතාපි තෙසං උඵඬකෙන යාගුං නීහරිත්වා එකස්ස පත්තෙ ආකිරි. තස්සා තං ඔලොකයමානාය පුත්තසිනෙහො උජ්ජජ්ජි. අථ නං ආහ – “ත්වං, තාත, මය්හං පුත්තො මහානාගො”ති. ථෙරො “පච්ඡිමං ථෙරං පුච්ඡ උපාසිකෙ”ති වත්වා පක්කාමි. පච්ඡිමථෙරස්සපි යාගුං දත්වා, “තාත, ත්වං මය්හං පුත්තො චූළනාගො”ති පුච්ඡි? ථෙරො “කිං, උපාසිකෙ, පුරිමං ථෙරං න පුච්ඡසි”ති? වත්වා පක්කාමි. එවං මාතරාපි සද්ධිං ඡින්නසන්ථවො හික්ඛු නිව්චනවකො නාම භොති.

අජ්ජගඛිභාති න පගඛිභා, අට්ඨට්ඨානෙන කායපාගඛිභියෙන, චතුට්ඨානෙන වට්ඨපාගඛිභියෙන, අනෙකට්ඨානෙන මනොපාගඛිභියෙන ච වීරහිතාති අත්ථො. අට්ඨට්ඨානං කායපාගඛිභියං නාම සඬ්ඝගණපුග්ගල-භොජනසාලා-ජන්තාසරනභානතිත්ථ-හික්ඛාචාරමග්ග-අන්තරසරජ්ජවෙසනෙසු කායෙන අජ්ජතිරුපකරණං. සෙය්‍යථිදං – ඉධෙකච්චො සඬ්ඝමජ්ඣෙ පල්ලත්ථිකාය වා නිසීදති පාදෙ පාදං ආධායිත්වා වාති එවමාදි (මහානි. 165). තථා ගණමජ්ඣෙ. ගණමජ්ඣෙති චතුපරිසසන්නිපාතෙ වා පුත්තන්නිකගණාදිසන්නිපාතෙ වා. තථා වුඬ්ඨිතරෙ පුග්ගලෙ. භොජනසාලාය පන වුඬ්ඨානං ආසනං න දෙති, නවානං ආසනං පටිබාහති. තථා ජන්තාසරෙ. වුඬ්ඬෙ චෙත්ථ අනාපුච්ඡා අග්ගිජලනාදීති කරොති. න්භානතිත්ථෙ ච යදිදං “දහරො වුඬ්ඬොති පමාණං

අකත්වා ආගතපටිපාටියා න්‍යායිතබ්බ’න්ති චුත්තං, තම්පි අනාදියන්තො පච්ඡා ආගන්ත්වා උදකං ඔතරිත්වා වුඨ්ඨෙව ච නචෙ ච බාධති. භික්ඛාචාරමග්ගෙ පන අග්ගාසනඅග්ගොදකඅග්ගපිණ්ඩානං අත්ථාය පුරතො ගච්ඡති බාහාය බාහං පහරන්තො. අන්තරසරප්පචෙසනෙ වුඨ්ඨෙහි පට්ඨමතරං පටිසති, දහරෙහි සද්ධිං කායකීලනකං කරොතිති එවමාදි.

චතුට්ඨානං වච්ඡාගබ්භියං නාම සඤ්ඤාගුණපුග්ගලඅන්තරසරෙසු අප්පතිරුපවාචානිච්ඡාරණං. සෙය්‍යාටීදං – ඉධෙකච්චො සඤ්ඤාමජ්ඣෙ අනාපුච්ඡා ධම්මං භාසති. තථා පුබ්බෙ චුත්තප්පකාරස්ස ගුණස්ස මජ්ඣෙ පුග්ගලස්ස ච සන්තිකෙ, තත්ථෙව මනුස්සෙහි පඤ්ඤා පුට්ඨො වුඨ්ඨතරං අනාපුච්ඡා විස්සජ්ජෙති. අන්තරසරෙ පන ‘ඉත්ථන්තාමෙ කිං අත්ථි? කිං යාගු, උදාහු බාදනීයං භොජනීයං? කිං මෙ දස්සසි? කිං අප්ප බාදිස්සාම? කිං භුඤ්ජිස්සාම? කිං පිට්ඨස්සාම?’තිආදීති භාසති.

අනෙකට්ඨානං මනොපාගබ්භියං නාම තෙසු තෙසු යානෙසු කායවාචාහි අප්පකාරං අනාපජ්ජිත්වාපි මනසාව කාමචිතක්කාදීනං චිතක්කනං. අපිච දුස්සීලස්සෙව සතො ‘සීලවාති මං ජනො ජානාතු’ති එවං පචත්තා පාපිච්ඡතාපි මනොපාගබ්භියං. ඉති සබ්බෙසම්පි ඉමෙසං පාගබ්භියානං අභාවෙන අප්පගබ්භා හුත්වා උපසඤ්ඤාමථානි වදති.

ජරුදපානන්ති ජිණ්ණකූපං. පබ්බතවිසමන්ති පබ්බතෙ විසමං පපාතට්ඨානං. නදිවිදුග්ගන්ති නදියා විදුග්ගං ජින්නතට්ඨානං. අපකස්සෙව කායන්ති තාදිසානි යානානි යො බ්බිඨාදිපසුතො කායං අනපකස්ස එකතොභාරියං අකත්වාච වායුපත්ථම්භකං අග්ගාභාපෙත්වා චිත්තම්පි අනපකස්ස ‘එත්ථ පතීතො හත්ථපාදහඤ්ජනාදීති පාපුණාති’ති අනාදීනවදස්සාවිතාය අනුබ්බෙසෙත්වා සම්පියායමානො ඔලොකෙති, සො පතීත්වා හත්ථපාදහඤ්ජනාදිඅනත්ථං පාපුණාති. යො පන උදකත්ථිකො වා අඤ්ඤෙන වා කෙනචි කිච්චෙන ඔලොකෙතුකාමො කායං අපකස්ස එකතො භාරියං කත්වා වායුපත්ථම්භකං ගාභාපෙත්වා, චිත්තම්පි අපකස්ස ආදීනවදස්සනෙන සංචෙසෙත්වා ඔලොකෙති, සො න පතති, යථාරූපිං ඔලොකෙත්වා සුඛී යෙනකාමං පක්කමති.

එවමෙව බොති එත්ථ ඉදං ඔපම්මසංසන්දනං – ජරුදපානාදයො විය හි චත්තාරි කුලානි, ඔලොකනපුරිසො විය භික්ඛු. යථා අනපකට්ඨකායචිත්තො තානි ඔලොකෙත්තො පුරිසො තත්ථ පතති, එවං අරක්ඛිතෙහි කායාදීහි කුලානි උපසඤ්ඤාමන්තො භික්ඛු කුලෙසු බජ්ඣති, තතො නානප්පකාරං සීලපාදහඤ්ජනාදිඅනත්ථං පාපුණාති. යථා පන අපකට්ඨකායචිත්තො පුරිසො

තත්ථ න පතති, එවං රක්ඛිතෙනෙව කායෙන රක්ඛිතෙහි චිත්තෙහි රක්ඛිතාය වාචාය සුඡ්පට්ඨිතාය සතියා අපකට්ඨකායචිත්තො භුත්වා කුලානි උපසඬ්ඨකමන්තො භික්ඛු කුලෙසු න ඛජ්ඣති. අථස්ස යථා තත්ථ අපතිතස්ස පුරිසස්ස, න පාදා භඤ්ජන්ති, එවං සීලපාදො න භිජ්ජති. යථා භත්ථා න භඤ්ජන්ති, එවං සද්ධාභත්ථො න භිජ්ජති. යථා කුච්ඡි න භිජ්ජති, එවං සමාධිකුච්ඡි න භිජ්ජති. යථා සීසං න භිජ්ජති, එවං ඤාණසීසං න භිජ්ජති, යථා ච තං බාණුකණ්ටකාදයො න විජ්ඣන්ති, එවමිමං රාගකණ්ටකාදයො න විජ්ඣන්ති. යථා සො නිරුපද්දවො යථාරුචි ඔලොකෙත්වා සුඛී යෙනකාමං පක්කමති, එවං භික්ඛු කුලානි නිස්සාය වීචරාදයො පච්චයෙ පටිසෙවන්තො කම්මට්ඨානං වඩ්ඤෙත්වා සඬ්ඛාරෙ සම්මසන්තො අරහත්තං පත්වා ලොකුත්තරසුඛෙන සුඛිතො යෙනකාමං අගතපුබ්බං නිබ්බානදිසං ගච්ඡති.

ඉදානි යො භිනාධිමුත්තිකො මිච්ඡාපටිපන්නො එවං වදෙය්‍ය “සම්මාසම්බුද්ධො ‘තිවිධං පාගබ්භියං පභාය නිච්චනවකත්තෙන චන්ද්‍රපමා කුලානි උපසඬ්ඨකමථා’ති වදන්තො අට්ඨානෙ යපෙති, අසය්‍යං භාරං ආරොපෙති, යං න සක්කා කාතුං තං කාරෙති”ති, තස්ස වාදපථං පච්ඡන්දිත්වා, “සක්කා එවං කාතුං, අත්ථි එවරුපො භික්ඛු”ති දස්සෙන්නො කස්සපො, භික්ඛවෙතිආදිමාහ.

ආකාසෙ පාණිං වාලෙසීති නිලෙ ගගනන්තරෙ යමකවිජ්ජුතං වාරයමානො විය හෙට්ඨාභාගං උපරිභාගං උභතොපස්සෙසු පාණිං සඤ්චාරෙසි. ඉදඤ්ච පන තෙපිටකෙ බුද්ධවචනෙ අසම්භින්නපදං නාම. අත්තමනොති තුට්ඨචිත්තො සකමනො, න දොමනස්සෙන පච්ඡන්දිත්වා ගහිතමනො. කස්සපස්ස, භික්ඛවෙති ඉදම්පි පුරිමනෙයෙනෙව පරවාදං පච්ඡන්දිත්වා අත්ථි එවරුපො භික්ඛුති දස්සනත්ථං වුත්තං.

පසන්නාකාරං කරෙය්‍යුන්ති වීචරාදයො පච්චයෙ දදෙය්‍යුං. තථත්තාය පටිපජ්ජෙය්‍යුන්ති සීලස්ස ආගතට්ඨානෙ සීලං පුරයමානා, සමාධිවිපස්සනා මග්ගඵලානං ආගතට්ඨානෙ තානි තානි සම්පාදයමානා තථාභාවාය පටිපජ්ජෙය්‍යුං. අනුදයන්ති රක්ඛණභාවං. අනුකම්පන්ති මුදුවිත්තතං. උභයඤ්චෙතං කාරුඤ්ඤස්සෙව වෙච්චනං. කස්සපො, භික්ඛවෙති ඉදම්පි පුරිමනෙයෙනෙව පරවාදං පච්ඡන්දිත්වා අත්ථි එවරුපො භික්ඛුති දස්සනත්ථං වුත්තං. කස්සපෙන වානි එත්ථ චන්දොපමාදිවසෙන යොජනං කත්වා පුරිමනෙයෙනෙව අත්ථො වෙදිතබ්බො. තතියං.

4. කුලපකසුත්තවණ්ණනා

147. චතුත්ථෙ කුලපකොති කුලසරානං උපගන්තා. දෙන්තුයෙව මෙති දෙන්තුයෙව මය්හං. සන්දියතීති අට්ඨියති පිළියති. සෙසමෙත්ථ චුත්තනසානුසාරෙනෙව වෙදිතබ්බං. චතුත්ථං.

5. ජිණ්ණසුත්තවණ්ණනා

148. පඤ්චමෙ ජිණ්ණොති ථෙරො මහල්ලකො. ගරුකානීති තං සත්ථු සන්තිකා ලද්ධකාලතො පටියාය ජිත්තභින්නටියානෙ සුත්තසංසිඛිතෙන වෙව අග්ගළදානෙන ච අනෙකානි පටලානි හුත්වා ගරුකානි ඡාතානි. නිබ්බසනානීති පුබ්බෙ භගවතා නිවාසෙත්වා අපනීතතාය එවංලද්ධනාමානි. තස්මාති යස්මා ත්වං ජිණ්ණො වෙව ගරුපංසුකුලො ව. ගහපතානීති පංසුකුලිකඛිගං විස්සජ්ජෙත්වා ගහපතීහි දින්නචීවරානි ධාරෙහීති වදති. නිමන්තනානීති පිණ්ඩපාතිකඛිගං විස්සජ්ජෙත්වා සලාකහත්තාදීනි නිමන්තනානි භුඤ්ජාහීති වදති. මම ච සන්තිකෙති ආරඤ්ඤිකඛිගං විස්සජ්ජෙත්වා ගාමන්තසෙනාසනෙයෙව වසාහීති වදති.

නනු ච යථා රාජා සෙනාපතිං සෙනාපතිටියානෙ යපෙත්වා තස්ස රාජුපටියානාදිනා අත්තනො කම්මෙන ආරාධෙන්තස්සෙව තං යානන්තරං ගහෙත්වා අඤ්ඤස්ස දදමානො අයුත්තං නාම කරොති, එවං සත්ථා මහාකස්සපත්ථෙරස්ස පච්චුග්ගමනත්ථාය තිගාචුතං මග්ගං ගන්ත්වා රාජගහස්ස ච නාළන්දාය ච අත්තරෙ බහුපුත්තකරුක්ඛමුලෙ නිසින්තො තීහි ඔවාදෙහි උපසම්පාදෙත්වා තෙන සද්ධිං අත්තනො චීවරං පරිවත්තෙත්වා ථෙරං ඡාතිආරඤ්ඤිකඛිගඤ්චෙව ඡාතිපංසුකුලිකඛිගඤ්ච අකාසි, සො තස්මිං කත්තුකමාසනාජන්දෙන සත්ථු චිත්තං ආරාධෙන්තස්සෙව පංසුකුලාදීනි විස්සජ්ජාපෙත්වා ගහපතිචීවරපටිග්ගහණාදීසු නියොජෙන්නො අයුත්තං නාම කරොතීති. න කරොති. කස්මා? අත්තජ්ඣාසයත්තා. න හි සත්ථා ධුතඬිගානි විස්සජ්ජාපෙතුකාමො, යථා පන අසට්ඨිතා හෙරිආදයො සද්දං න විස්සජ්ජෙත්ති, එවං අසට්ඨිතා එවරුපා පුග්ගලා න සිහනාදං නදන්තීති නදාපෙතුකාමො සිහනාදජ්ඣාසයෙන එවමාහ. ථෙරොපි සත්ථු අජ්ඣාසයානුරූපෙනෙව “අහං බො, භන්තෙ, දීසරත්තං ආරඤ්ඤිකො වෙවා” තිආදිනා නයෙන සිහනාදං නදති.

දිට්ඨධම්මසුඛවිහාරන්ති දිට්ඨධම්මසුඛවිහාරො නාම ආරඤ්ඤිකස්සෙව ලබ්භති, නො ගාමන්තවාසිනො. ගාමන්තස්මිඤ්හි වසන්නො දාරකසද්දං සුණාති, අසජ්ජායරුපානි පස්සති, අසජ්ජායෙ සද්දෙ සුණාති, තෙනස්ස අනභිරති උප්පජ්ජති. ආරඤ්ඤිකො පන ගාචුතං වා අඬ්ඬයොජනං වා අතික්කමිත්වා

අරඤ්ඤං අජ්ඣේදාගාහෙත්වා වසන්තො දීපිබ්බාග්ගසීහාදීනං සද්දෙ සුඤ්ඤානි,
යෙසං සවනපච්චයා අමානුසිකාසවනරති උප්පජ්ජති. යං සන්ධාය චුත්තං -

“සුඤ්ඤාගාරං පච්චියස්ස, සන්තචිත්තස්ස භික්ඛුනො;

අමානුසී රතී හොති, සම්මා ධම්මං විපස්සතො.

“යතො යතො සම්මසති, ඛන්ධානං උදයබ්බයං;

ලහතී පිතිපාමොජ්ජං, අමතං තං විජානතං. (ධ. ප. 373-374);

“පුරතො පච්ඡතො වාපි, අපරො වෙ න විජ්ජති;

තත්ථෙව ඵාසු භවති, එකස්ස රමතො වනෙ” ති.

තථා පිණ්ඩපාතිකස්සෙව ලබ්භති, නො අපිණ්ඩපාතිකස්ස. අපිණ්ඩපාතිකො හි
අකාලචාරී හොති, තුරිතචාරං ගච්ඡති, පරිවත්තෙති, පලිබුද්ධොව ගච්ඡති, තත්ථ
ව බහුසංසයො හොති. පිණ්ඩපාතිකො පන න අකාලචාරී හොති, න තුරිතචාරං
ගච්ඡති, න පරිවත්තෙති, අපලිබුද්ධොව ගච්ඡති, තත්ථ ව න බහුසංසයො
හොති.

කථං? අපිණ්ඩපාතිකො හි ගාමනො දුරවිහාරෙ වසමානො කාලස්සෙව “යාගුං
වා පාරිවාසිකභත්තං වා ලච්ඡාමි, ආසනසාලාය වා පන උද්දෙසභත්තාදීසු
කිඤ්චිදෙව මය්හං පාපුණ්ණස්සති” ති මක්කටකසුත්තානි ඡිත්තදන්තො
සයිතගොරුපාති උට්ඨාපෙන්නො පාතොව ගච්ඡන්නො අකාලචාරී හොති.
මනුස්සෙ ඛේතකම්මාදීනං අත්ථාය ගෙහා නික්ඛන්තෙයෙව සම්පාපුණ්ණං
මිගං අනුඛන්ධන්තො විය වෙගෙන ගච්ඡන්නො තුරිතචාරී හොති. අන්තරා
කිඤ්චිදෙව දිස්වා “අසුකඋපාසකො වා අසුකඋපාසිකා වා ගෙහෙ, නො
ගෙහෙ” ති පුච්ඡති, “නො ගෙහෙ” ති සුත්වා “ඉදානි කුතො ලභිස්සාමි” ති?
අග්ගිදඩ්ඨො විය පවෙධති, සයං පච්ඡිමදිසං ගන්තුකාමො පාචිනදිසාය සලාකං
ලභිත්වා අඤ්ඤං පච්ඡිමදිසාය ලද්ධසලාකං උපසඩ්ධම්මිත්වා, “භන්තෙ, අහං
පච්ඡිමදිසං ගම්ස්සාමි, මම සලාකං තුම්හෙ ගණ්හං, තුම්හාකං සලාකං මය්හං
දෙවා” ති සලාකං පරිවත්තෙති. එකං වා පන සලාකභත්තං ආහරිත්වා
පරිභුඤ්ජන්තො “අපරස්සාපි සලාකභත්තස්ස පත්තං දෙවා” ති මනුස්සෙහි
චුත්තෙ, “භන්තෙ, තුම්හාකං පත්තං දෙව, අහං මය්හං පත්තෙ භත්තං
පක්ඛිපිත්වා තුම්හාකං පත්තං දස්සාමි” ති අඤ්ඤස්ස පත්තං දාපෙත්වා භත්තෙ
ආහං අත්තනො පත්තෙ පක්ඛිපිත්වා පත්තං පටිදෙන්තො පත්තං
පරිවත්තෙති නාම. විහාරෙ රාජරාජමහාමත්තාදියො මහාදානං දෙන්ති, ඉමිනා
ව භියෙයා දුරගාමෙ සලාකා ලද්ධා, තත්ථ අගච්ඡන්තො පුන සත්තාහං සලාකං
න ලභතීති අලාභභයෙන ගච්ඡති, එවං ගච්ඡන්තො පලිබුද්ධො භුත්වා ගච්ඡති

නාම. යස්ස වෙස සලාකහත්තාදිනො අත්ථාය ගච්ඡති, “තං දස්සන්ති නු බො මෙ, උදාහු න දස්සන්ති, පණිතං නු බො දස්සන්ති, උදාහු ලුබ්බං, ථොකං නු බො, උදාහු බහුකං, සීතලං නු බො, උදාහු උණ්භ”න්ති එවං තත්ථ ව බහුසංසයො හොති.

පිණ්ඩපාතිකො පන කාලස්සෙව වුට්ඨාය වත්තපට්ඨත්තං කත්වා සරීරං පට්ඨග්ගිත්වා වසනට්ඨානං පටිසිත්වා කම්මට්ඨානං මනසිකත්වා කාලං සල්ලක්ඛෙත්වා මහාජනස්ස උච්චිකහික්ඛාදීනි දාතුං පහොනකකාලෙ ගච්ඡති න අකාලවාරී හොති, එකෙකං පදවාරං ඡ කොට්ඨාසෙ කත්වා විපස්සන්තො ගච්ඡති න තුරිතවාරී හොති, අත්තනො ගරුභාවෙන “අසුකො ගෙහෙ, න ගෙහෙ”ති න පුච්ඡති, සලාකහත්තාදීනියෙව න ගණ්භාති. අගණ්භන්තො කිං පරිවත්තෙස්සති? න අඤ්ඤස්ස වසෙන පලිබුද්ධොව හොති, කම්මට්ඨානං මනසිකරොන්තො යථාරූපි ගච්ඡති, ඉතරො විය න බහුසංසයො හොති. එකස්මිං ගාමෙ වා වීථියා වා අලහිත්වා අඤ්ඤත්ථ වරති. තස්මිම්පි අලහිත්වා අඤ්ඤත්ථ වරන්තො මිස්සකොදනං සඬිකඬිසීත්වා අමතං විය පරිභුඤ්ජීත්වා ගච්ඡති.

පංසුකුලිකස්සෙව ලබ්භති, නො අපංසුකුලිකස්ස. අපංසුකුලිකො හි වස්සාවාසිකං පරියෙසන්තො වරති, න සෙනාසනසප්පායං පරියෙසති. පංසුකුලිකො පන න වස්සාවාසිකං පරියෙසන්තො වරති, සෙනාසනසප්පායමෙව පරියෙසති. තෙවීවරිකස්සෙව ලබ්භති, න ඉතරස්ස. අතෙවීවරිකො හි බහුභණ්ඩො බහුපරික්ඛාරො හොති, තෙනස්ස ඵාසුචිභාරො නත්ථී. අප්පිච්ඡාදීනඤ්චෙව ලබ්භති, න ඉතරෙසන්ති. තෙන වුත්තං – “අත්තනො ව දිට්ඨධම්මසුඛවිහාරං සම්පස්සමානො”ති. පඤ්චමං.

6. ධ්වාදසුත්තවණ්ණනා

149. ඡට්ඨෙ අහං වාති කස්මා ආහ? ථෙරං අත්තනො යානෙ යපනත්ථං. කිං සාරිපුත්තමොග්ගල්ලානා නත්ථීති? අත්ථී. එවං පනස්ස අහොසි “ඉමෙ න වීරං යස්සන්ති, කස්සපො පන වීසවස්සසතායුකො, සො මගී පරිනිබ්බුතෙ සත්තපණ්ණිගුහායං නිසිදිත්වා ධම්මවිනයසඬිගහං කත්වා මම සාසනං පඤ්චවස්සසහස්සපරිමාණකාලපවත්තනකං කරිස්සති, අත්තනො තං යානෙ යපෙමි, එවං හික්ඛු කස්සපස්ස සුස්සුසිතබ්බං මඤ්ඤිස්සන්ති”ති. තස්මා එවමාහ. දුබ්බවාති දුක්ඛෙන වත්තබ්බා. දොවචස්සකරණෙහීති දුබ්බවභාවකරණෙහි. අප්පදක්ඛිණග්ගාහිනොති අනුසාසනිං සුත්වා පදක්ඛිණං න ගණ්භන්ති යථානුසිට්ඨං න පටිපජ්ජන්ති, අප්පටිපජ්ජන්තා වාමගාහිනො නාම ජාතාති දස්සෙති. අච්චාවදන්තෙති අතික්කම්ම වදන්තෙ, සුතපරියත්තිං

නිස්සාය අතිවිය වාදං කරොන්තෙනි අත්ථො. කො ඛුතරං භාසිස්සතීති ධම්මං කථෙත්තො කො ඛුං භාසිස්සති, කිං ත්වං, උදාහු අහන්ති? කො සුන්දරතරන්ති, එකො ඛුං භාසන්තො අසහිතං අමධුරං භාසති, එකො සහිතං මධුරං, තං සන්ධායාහ “කො සුන්දරතර”න්ති? එකො පන ඛුඤ්ඤව සුන්දරඤ්ඤව කථෙත්තො චිරං න භාසති, ලහුඤ්ඤව උට්ඨාති, එකො අද්ධානං පාපෙති, තං සන්ධායාහ “කො චිරතර”න්ති? ඡට්ඨං.

7. දුතියඔවාදසුත්තවණ්ණනා

150. සත්තමෙ සද්ධාති ඔකප්පනසද්ධා. වීරියන්ති කායිකචෙතසිකං වීරියං. පඤ්ඤාති කුසලධම්මජානනපඤ්ඤා. න සන්ති භික්ඛු ඔවාදකාති ඉමස්ස පුග්ගලස්ස ඔවාදකා අනුසාසකා කලායාණමිත්තා නත්ථීති ඉදං, හන්තෙ, පරිභානන්ති දස්සෙති. සත්තමං.

8. තතියඔවාදසුත්තවණ්ණනා

151. අට්ඨමෙ තථා හි පනාති පුබ්බෙ සොචචස්සතාය, එතරහි ව දොචචස්සතාය කාරණපට්ඨපනෙ නිපාතො. තත්ත්වාති තෙසු ථෙරෙසු. කො නාමායං භික්ඛුති කො නාමො අයං භික්ඛු? කිං තිස්සත්ථෙරො කිං නාගත්ථෙරොති? තත්ත්වාති තස්මිං එවං සක්කාරෙ කයිරමානෙ. තථත්තායාති තථාභාවාය, ආරඤ්ඤිකාදිභාවායාති අත්ථො. සබ්බමචාරිකාමොති “ඉමෙ මං පරිවාරෙත්වා වරන්තු”ති එවං කාමෙති ඉච්ඡති පත්ථෙති සබ්බමචාරිකාමො. තථත්තායාති ලාභසක්කාරනිබ්බත්තනත්ථාය. බ්‍රහ්මචාරුපද්දවෙනාති යො සබ්බමචාරීනං චතුසු පච්චයෙසු අධිමත්තච්ඡන්දරාගො උපද්දවොති වුව්චති, තෙන උපද්දතා. අභිපත්ථනාති අධිමත්තපත්ථනා. බ්‍රහ්මචාරිඅභිපත්ථනෙනාති බ්‍රහ්මචාරීනං අධිමත්තපත්ථනාසංඛාතෙන චතුපච්චයභාවෙන. අට්ඨමං.

9. කොනාහිඤ්ඤසුත්තවණ්ණනා

152. නවමෙ යාවදෙව ආකඨ්ඨමිති යාවදෙව ඉච්ඡාමි. යාති පන ඉතො පරං විච්චිවෙව කාමෙහිතිආදිනා නයෙන චත්තාරි රූපාවචරජ්ඣානාති, සබ්බසො රූපසඤ්ඤානං සමතික්කමාතිආදිනා නයෙන චතස්සො අරූපසමාපත්තියො, සබ්බසො නෙවසඤ්ඤානාසඤ්ඤායතනං සමතික්කමිම සඤ්ඤාවෙදයිතනිරොධන්ති එවං නිරොධසමාපත්ති, අනෙකච්ඡිතං ඉද්ධිවිධන්තිආදිනා නයෙන පඤ්ඤා ලොකිකාහිඤ්ඤා ව චුත්තා. තත්ථ යං චත්තබ්බං සියා, තං සබ්බං අනුපදවණ්ණනාය වෙච භාවනාවිධානෙන ව සද්ධිං විසුද්ධිමග්ගෙ (විසුද්ධි. 1.69) විත්ථාරිතමෙව. ඡළහිඤ්ඤාය පන ආසවානං

බයාති ආසවානං බයෙන. අනාසවන්ති ආසවානං අපච්චයභූතං.
 වෙනොවිමුත්තින්ති අරහත්තඵලසමාධිං. පඤ්ඤාවිමුත්තින්ති
 අරහත්තඵලපඤ්ඤං. නවමං.

10. උපස්සයසුත්තවණ්ණනා

153. දසමෙ ආයාම, හන්තෙති කස්මා භික්ඛුනීඋපස්සයගමනං යාවති? න
 ලාභසක්කාරහෙතු, කම්මට්ඨානත්ථිකා පනෙත්ථ භික්ඛුනියො අත්ථි, තා
 උස්සුක්කාපෙත්වා කම්මට්ඨානං කථාපෙස්සාමිති යාවති. නනු ච සො සයම්පි
 තෙපිටකො බහුස්සුතො, කිං සයං කථෙතුං න සක්කොතීති? නො න
 සක්කොති. බුද්ධපටිභාගස්ස පන සාවකස්ස කථං සද්ධාතබ්බං
 මඤ්ඤස්සන්තිති යාවති. බහුකිච්චො ත්වං බහුකරණියොති කිං ථෙරො
 නවකම්මාදිපසුතො, යෙන නං ඵවමාහාති? නො, සත්ථරි පන පරිනිබ්බුතෙ
 චතස්සො පරිසා ආනන්දත්ථෙරං උපසඬකමිත්වා, “හන්තෙ, ඉදානි කස්ස
 පත්තච්චරං ගහෙත්වා චරථ, කස්ස පරිවෙණං සම්මජ්ජථ, කස්ස මුඛොදකං
 දෙථා”ති රොදන්ති පරිදෙවන්ති. ථෙරො “අනිච්චා සඬබාරා, වුද්ධසරීරෙපි
 නිල්ලජ්ජොව මච්චුරාජා පහරි. ඵසා සඬබාරානං ධම්මතා, මා සොචිත්ථ, මා
 පරිදෙවිත්ථා”ති පරිසං සඤ්ඤාපෙති. ඉදමස්ස බහුකිච්චං. තං සන්ධාය ථෙරො
 ඵවමාහ. සන්දස්සෙසීති පටිපත්තිගුණං දස්සෙසි. සමාදපෙසීති ගණ්හාපෙසි.
 සමුත්තෙපෙසීති සමුස්සාහෙසි. සම්පහංසෙසීති පටිලද්ධගුණෙන මොදාපෙසි.

පුල්ලතිස්සාති සරිරෙන පුලා, නාමෙන තිස්සා. වෙදෙහමුනිනොති
 පණ්ඩිතමුනිනො. පණ්ඩිතො හි ඤාණසඬබාතෙන වෙදෙන ඊහති
 සබ්බකිච්චාති කරොති, තස්මා “වෙදෙහො”ති වුච්චති. වෙදෙහො ච සො මුනි
 වාති, වෙදෙහමුනි. ධම්මං භාසිතබ්බං මඤ්ඤතීති තිපිටකධරස්ස
 ධම්මහණ්ඩාගාරිකස්ස සම්මුඛෙ සයං අරඤ්ඤවාසී පංසුකුලිකො සමානො
 “ධම්මකථිකො අහ”න්ති ධම්මං භාසිතබ්බං මඤ්ඤති. ඉදං කිං පන, කථං
 පනාති? අවජානමානා භණති. අස්සොසීති අඤ්ඤෙන ආගන්ත්වා
 ආරොචිතවසෙන අස්සොසි. ආගමෙහි ත්වං, ආවුසොති තිට්ඨ ත්වං, ආවුසො.
 මා තෙ සඬසො උත්තරි උපපරික්ඛීති මා භික්ඛුසඬසො අතිරෙකඛකාසෙ තං
 උපපරික්ඛීති. ඉදං වුත්තං හොති – “ආනන්දෙන බුද්ධපටිභාගො සාවකො
 වාරිතො, ඵකා භික්ඛුනී න වාරිතා, තාය සද්ධිං සන්ථවො වා සිනෙහො වා
 හවිස්සති”ති මා තං සඬසො ඵවං අමඤ්ඤීති.

ඉදානි අත්තනො බුද්ධපටිභාගභාවං දීපෙන්තො තං කිං මඤ්ඤසි,
 ආවුසොතිආදිමාහ? සත්තරතනන්ති සත්තහත්ථජ්ජමාණං. නාගන්ති හත්ථිං.
 අඬ්ඬපිට්ඨරතනං වාති අඬ්ඬරතනෙන ඌනඅට්ඨරතනං, පුරිමපාදතො පට්ඨාය

යාව කුමිහා විදත්ථාධිකසත්තහත්ථුබ්බොධන්ති අත්ථො. තාලපත්තිකායාති තරුණතාලපණ්ණෙන. චචිත්ථාති චුතා, න මතා වා නට්ඨා වා, බුද්ධපටිභාගස්ස පන සාවකස්ස උපවාදං වත්වා මහාකස්සපත්ථෙරෙ ඡහි අභිඤ්ඤාහි සිහනාදං නදන්තෙ තස්සා කාසාවාති කණ්ටකසාබා විය කච්ඡුසාබා විය ච සරීරං බාදිතුං ආරද්ධාති, තාති භාරෙත්වා සෙනකාති නිවත්ථක්ඛණෙයෙවස්සා චිත්තස්සාදො උදපාදීති. දසමං.

11. ඵ්වරසුත්තවණ්ණනා

154. එකාදසමෙ දක්ඛිණාගිරිස්මිත්ති රාජගහං පරිවාරෙත්වා ධීතස්ස ගිරිතො දක්ඛිණභාගෙ ජනපදො දක්ඛිණාගිරි නාම, තස්මිං වාරිකං වරතීති අත්ථො. වාරිකා ච නාම දුට්ඨා හොති තුරිතවාරිකා ච අතුරිතවාරිකා ච. තත්ථ යං එකච්චො එකං කාසාවං නිවාසෙත්වා එකං පාරුපිත්වා පත්තඵ්වරං අංසෙ ලග්ගෙත්වා ඡත්තං ආදාය සරීරතො සෙදෙහි පග්ගරන්තෙහි දිවසෙන සත්තට්ඨයොජනාති ගච්ඡති, යං වා පන බුද්ධා කිඤ්චිදෙව බොධනෙයාසත්තං දිස්වා යොජනසතම්පි යොජනසහස්සම්පි ඛණෙන ගච්ඡන්ති, එසා තුරිතවාරිකා නාම. දෙවසිකං පන ගාචුතං අඬ්ඨයොජනං තිගාචුතං යොජනන්ති එත්තකං අද්ධානං අජ්ජතනාය නිමන්තනං අධිවාසයතො ජනසඬ්ගහං කරොතො ගමනං, එසා අතුරිතවාරිකා නාම. අයං ඉධ අධිජ්ජෙතා.

නනු ච ථෙරො පඤ්චවීසති වස්සාති ඡායා විය දසබ්බස්ස පච්ඡතො පච්ඡතො ගච්ඡන්තොව අහොසි, “කහං ආනන්දො”ති වචනස්ස ඔකාසමෙව න අදාසි, සො කිස්මිං කාලෙ හික්ඛුසඬ්ඝෙන සද්ධිං වාරිකං වරිතුං ඔකාසං ලහතීති? සත්ථු පරිනිබ්බානසංවච්ඡරෙ. පරිනිබ්බුතෙ කිර සත්ථරි මහාකස්සපත්ථෙරො සත්ථු පරිනිබ්බාතෙ සන්තිපතිතස්ස හික්ඛුසඬ්ඝස්ස මජ්ඣෙ නිසීදිත්වා ධම්මවිනයසඬ්ගායනත්ථං පඤ්චසතෙ හික්ඛු උච්චිනිත්වා, “ආචුසො, මයං රාජගහෙ වස්සං වසන්තා ධම්මවිනයං සඬ්ගායස්සාම, තුම්හෙ පුරෙ වස්සුපනායිකාය අත්තතො පලිබොධං උච්ඡින්නිත්වා රාජගහෙ සන්තිපතථා”ති වත්වා අත්තතා රාජගහං ගතො. ආනන්දත්ථෙරොපි භගවතො පත්තඵ්වරං ආදාය මහාජනං සඤ්ඤාපෙන්නො සාවත්ථීං ගන්ත්වා තතො නික්ඛම්ම රාජගහං ගච්ඡන්තො දක්ඛිණාගිරිස්මිං වාරිකං වරි. තං සන්ධායෙනං චුත්තං.

යෙභුයොන කුමාරභූතාති යෙ තෙ භීනායාවත්තා නාම, තෙ යෙභුයොන කුමාරකා දහරා තරුණා එකවස්සිකද්වෙවස්සිකා හික්ඛු වෙව අනුපසම්පන්නකුමාරකා ච. කස්මා පනෙතෙ පබ්බජිතා, කස්මා භීනායාවත්තාති? තෙසං කිර මාතාපිතරො චිත්තෙසුං – “ආනන්දත්ථෙරො සත්ථු විස්සාසිකො අට්ඨ වරෙ යාවිත්වා උපට්ඨහති, ඉච්ඡිතිච්ඡිතට්ඨානං

සත්ථාරං ගහෙත්වා ගන්තුං සක්කොති, අම්භාකං දාරකෙ එතස්ස සන්තිකෙ පබ්බාපෙම, සො සත්ථාරං ගහෙත්වා ආගමිස්සති, තස්මිං ආගතෙ මයං මහාසක්කාරං කාතුං ලභිස්සාමා”ති. ඉමිනා තාව කාරණෙන තෙසං ඤාතකා තෙ පබ්බාපෙසුං. සත්ථරි පන පරිනිබ්බුතෙ තෙසං සා පත්ථනා උපවිජින්නා, අථ තෙ එකදිවසෙනෙව උප්පබ්බාපෙසුං.

යථාභිරත්තන්ති යථාරුචියා යථාඅප්ඤ්ඤාසයෙන. තිකභොජනං පඤ්ඤත්තන්ති, ඉදං “ගණභොජනෙ අඤ්ඤත්තර සමයා පාවිත්තිය”න්ති (පාවි. 211). ඉදං සන්ධාය වුත්තං. තත්ථ හි තිණ්ණං ජනානං අකප්පියනිමන්තනං සාදිශිත්වා එකතො පටිග්ගණ්හන්තානම්පි අනාපත්ති, තස්මා “තිකභොජන”න්ති වුත්තං.

දුම්මඬිකුතං පුග්ගලානං නිග්ගහායාති දුස්සිලපුග්ගලානං නිග්ගණ්හනත්ථං. පෙසලානං භික්ඛුතං ඵාසුචිහාරායාති දුම්මඬිකුතං නිග්ගහෙනෙව පෙසලානං උපොසථපචාරණා වත්තන්ති, සමග්ගවාසො හොති, අයං තෙසං ඵාසුචිහාරො හොති, ඉමස්ස ඵාසුචිහාරස්ස අත්ථාය. මා පාපිච්ඡා පක්ඛං නිස්සාය සඬ්ඝං භින්දෙය්‍යුන්ති යථා දෙවදත්තො සපරිසො කුලෙසු විඤ්ඤාපෙත්වා භුඤ්ජන්තො පාපිච්ඡෙ නිස්සාය සඬ්ඝං භින්දි, එවං අඤ්ඤෙපි පාපිච්ඡා ගණබන්ධෙන කුලෙසු විඤ්ඤාපෙත්වා භුඤ්ජමානා ගණං වඩ්ඪෙත්වා තං පක්ඛං නිස්සාය මා සඬ්ඝං භින්දෙය්‍යුන්ති, ඉති ඉමිනා කාරණෙන පඤ්ඤත්තන්ති අත්ථො. කුලානුද්දයනය වාති භික්ඛුසඬ්ඝෙ උපොසථපචාරණං කත්වා සමග්ගවාසං වසන්තෙ මනුස්සා සලාකහත්තාදීනි දත්වා සග්ගපරායණා භවන්ති, ඉති ඉමාය කුලානුද්දයනය ච පඤ්ඤත්තන්ති අත්ථො.

සස්සසාතං මඤ්ඤෙ වරසීති සස්සං සාතෙන්තො විය ආභිණ්ඩසි. කුලුපසාතං මඤ්ඤෙ වරසීති කුලානි උපසාතෙන්තො විය හනන්තො විය ආභිණ්ඩසි. ඔලුප්පතීති විසෙසෙන පලුප්පතීති හිප්පතී. පලුප්පතීති බො තෙ, ආවුසො, නවප්පායාති, ආවුසො, එතෙ තුය්හං පායෙන යෙභුයොන නවකා එකවස්සිකදුවස්සිකා දහරා වෙව සාමණෙරා ච පලුප්පතීති හිප්පතීති. න වායං කුමාරකො මත්තමඤ්ඤාසීති අයං කුමාරකො අත්තතො පමාණං න ජානාතීති ථෙරං තප්පෙන්තො ආහ.

කුමාරකවාදා න මුච්චාමාති කුමාරකවාදතො න මුච්චාම. තථා හි පන ත්වන්ති ඉදමස්ස එවං වත්තබ්බතාය කාරණදස්සනත්ථං වුත්තං. අයඤ්ඤෙත්ථ අධිප්පායො – යස්මා ත්වං ඉමෙහි නවෙහි භික්ඛුහි ඉන්ද්‍රියසංවරරහිතෙහි සද්ධිං විවරසී, තස්මා කුමාරකෙහි සද්ධිං විවරන්තො කුමාරකොති වත්තබ්බතං අරහසීති.

අඤ්ඤතිත්ථීයපුබ්බො සමානොති ඉදං යස්මා ථෙරස්ස ඉමස්මිං සාසනෙ නෙව ආවරියො න උපජ්ඣායො පඤ්ඤායති, සයං කාසායාති ගහෙත්වා නික්ඛන්තො, තස්මා අනත්තමනතාය අඤ්ඤතිත්ථීයපුබ්බතං ආරොපයමානා ආහ.

සහසාති එත්ථ රාගමොහවාරොපි සහසාවාරො, ඉදං පන දොසවාරවසෙන වුත්තං. අප්පට්ඨිකාති අප්පච්චවෙක්ඛිත්වා, ඉදානි අත්තනො පබ්බජ්ජං සොධෙත්තො යත්වාහං, ආවුසොතිආදිමාහ. තත්ථ අඤ්ඤං සත්ථාරං උද්දිසිතුන්ති යපෙත්වා හගවත්තං අඤ්ඤං මය්හං සත්ථාති එවං උද්දිසිතුං න ජානාමි. සම්බාධො සරාවාසොතිආදීසු සවෙපි සට්ඨිහත්ථෙ සරෙ යොජනසතන්තරෙපි වා ද්වෙ ජායම්පතිකා වසන්ති, තථාපි තෙසං සකිඤ්චනසපලිබොධට්ඨෙත සරාවාසො සම්බාධොයෙව. රජාපථොති රාගරජාදීනං උට්ඨානට්ඨානන්ති මහාඅට්ඨකථායං වුත්තං. “ආගමනපථො”තිපි වත්තුං වට්ටති. අලග්ගනට්ඨෙත අබ්භොකාසො වියාති අබ්භොකාසො. පබ්බජ්ජො හි කුටාගාරරතනමයපාසාදදෙවවිමානාදීසු පිහිතද්වාරවාතපානෙසු පටිච්ඡන්තෙසු වසන්තොපි නෙව ලග්ගති න සජ්ජති න බජ්ඣති, තෙන වුත්තං “අබ්භොකාසො පබ්බජ්ජා”ති. අපිච්ච සම්බාධො සරාවාසො කුසලකිරියාය ඔකාසාභාවතො රජාපථො අසංවුතසඤ්ඤාරට්ඨානං විය රජානං, කිලෙසරජානං සන්නිපාතට්ඨානතො, අබ්භොකාසො පබ්බජ්ජා කුසලකිරියාය යථා සුඛං ඔකාසසබ්භාවතො.

නයිදං සුකරං...පෙ.... පබ්බජෙය්‍යන්ති එත්ථ අයං සඤ්ඤෙපකථා – යදෙනං සික්ඛත්තයබ්බමචරියං එකමපි දිවසං අබ්බංධං කත්වා වරිමකචිත්තං පාපෙතබ්බතාය එකන්තපරිපුණ්ණං වරිතබ්බං, එකදිවසමපි ව කිලෙසමලෙන අමලීනං කත්වා වරිමකචිත්තං පාපෙතබ්බතාය එකන්තපරිපුණ්ණද්ධං, සඤ්ඤිකං ලිඛිතසඤ්ඤිකසදිසං ධොතසඤ්ඤිකසප්පට්ඨාගං වරිතබ්බං, ඉදං න සුකරං අගාරං අජ්ඣාචසතා අගාරමජ්ඣෙකෙ වසන්තෙන එකන්තපරිපුණ්ණං...පෙ.... වරිතුං, යංනුනාහං කෙසමස්සුං ඔහාරෙත්වා කසායරසපිතතාය කාසායාති බ්බමචරියං චරන්තානං අනුච්ඡවිකාති වත්ථාති අච්ඡාදෙත්වා පරිදහිත්වා අගාරස්මා නික්ඛමිත්වා අනගාරියං පබ්බජ්ජෙය්‍යන්ති. එත්ථ ව යස්මා අගාරස්ස හිතං කසිවණ්ණජාදිකමමං අගාරියන්ති වුච්චති, තං පබ්බජ්ජාය නත්ථි, තස්මා පබ්බජ්ජා අනගාරියාති ඤාතබ්බා, තං අනගාරියං. පබ්බජෙය්‍යන්ති පටිපජ්ජෙය්‍යං.

පට්ඨිලොකිකානන්ති ජිණ්ණපිලොකිකානං තෙරසහත්ථොපි හි නවසාටකො දසානං ඡින්නකාලතො පට්ඨාය පිලොකිකාති වුච්චති. ඉති මහාරහාති වත්ථාති

ඡන්දිත්වා කතං සඬ්ඝාටිං සන්ධාය “පට්ටිලොතිකානං සඬ්ඝාටි”න්ති වුත්තං. අද්ධානමග්ගපට්ටිපන්නොති අඬ්ඬයොජනතො පට්ඨාය මග්ගො අද්ධානන්ති වුවචති, තං අද්ධානමග්ගං පට්ටිපන්නො, දීඝමග්ගං පට්ටිපන්නොති අත්ථො.

ඉදානි යථා එස පබ්බජිතො, යථා ච අද්ධානමග්ගං පට්ටිපන්නො, ඉමස්සත්ථස්ස ආවිභාවත්ථං අභිනීභාරතො පට්ඨාය අනුපුබ්බිකථා කථෙතබ්බො – අතීතෙ කිර කප්පසතසහස්සමත්ථකෙ පදුමුත්තරො නාම සත්ථා උදපාදි, තස්මිං භංසවතීනගරං උපනිස්සාය ඛෙමෙ මීගදායෙ විහරන්තෙ වෙදෙහො නාම කුටුම්භිකො අසීතිකොට්ඨනවිභවො පාතොව සුභොජනං භුඤ්ජිත්වා උපොසථඬ්ඝානි අධිට්ඨාය ගන්ධපුප්ඵාදීනි ගහෙත්වා විහාරං ගන්ත්වා සත්ථාරං පුජෙත්වා චන්දිත්වා එකමන්තං නිසීදි. තස්මිං ඛණෙ සත්ථා මහානිසහත්ථෙරං නාම තතියසාවකං “එතදග්ගං, භික්ඛවෙ, මම සාවකානං භික්ඛුනං ධුතවාදානං යදිදං නිසභො”ති එතදග්ගෙ යථෙසි. උපාසකො තං සුත්වා පසන්නො ධම්මකථාවසානෙ මහාජනෙ උට්ඨාය ගතෙ සත්ථාරං චන්දිත්වා, “භන්තෙ, ස්වෙ මය්හං භික්ඛං අධිවාසෙථා”ති ආහ. මහා බො, උපාසක, භික්ඛුසඬ්ඝොති. කිත්තකො භගවාති. අට්ඨසට්ඨිභික්ඛුසතසහස්සන්ති. භන්තෙ, එකං සාමණෙරම්පි විහාරෙ අසෙසෙත්වා භික්ඛං අධිවාසෙථාති. සත්ථා අධිවාසෙසි. උපාසකො සත්ථු අධිවාසනං විදිත්වා ගෙහං ගන්ත්වා මහාදානං සජ්ජෙත්වා පුනදිවසෙ සත්ථු කාලං ආරොවාපෙසි. සත්ථා පත්තච්චරමාදාය භික්ඛුසඬ්ඝපරිවුතො උපාසකස්ස සරං ගන්ත්වා පඤ්ඤත්තාසනෙ නිසින්තො දක්ඛිණොදකාවසානෙ යාගුහත්තාදීනි සම්පට්ච්ඡන්තො භත්තවිස්සග්ගං අකාසි. උපාසකොපි සත්ථු සන්තිකෙ නිසීදි.

තස්මිං අන්තරෙ මහානිසහත්ථෙරො පිණ්ඩාය වරන්තො තමෙව වීරීං පට්ටිපජ්ජි. උපාසකො දිස්වා උට්ඨාය ගන්ත්වා ථෙරං චන්දිත්වා “පත්තං, භන්තෙ, නො දෙථා”ති ආහ. ථෙරො පත්තං අදාසි. භන්තෙ, ඉධෙව පට්ටිපථ, සත්ථාපි ගෙහෙ නිසින්තොති. න වට්ටිස්සති උපාසකාති. උපාසකො ථෙරස්ස පත්තං ගහෙත්වා පිණ්ඩපාතස්ස පුරෙත්වා නීහරිත්වා අදාසි. තතො ථෙරං අනුගන්ත්වා නිවත්තො සත්ථු සන්තිකෙ නිසීදිත්වා එවමාහ – “භන්තෙ, මහානිසහත්ථෙරො ‘සත්ථා ගෙහෙ නිසින්තො’ති වුත්තෙපි පට්ටිපත්තුං න ඉච්ඡි, අත්ථි නු බො එතස්ස තුම්භාකං ගුණෙහි අතිරෙකො ගුණො”ති. බුද්ධානඤ්ච වණ්ණමච්ඡෙරං නාම නත්ථි. අථ සත්ථා එවමාහ – “උපාසක, මයං භික්ඛං ආගමයමානා ගෙහෙ නිසීදාම, සො භික්ඛු න එවං නිසීදිත්වා භික්ඛං උදික්ඛති. මයං ගාමන්තසෙනාසනෙ වසාම, සො අරඤ්ඤස්මිංයෙව වසති. මයං ඡන්තෙ වසාම, සො අබ්භොකාසම්භියෙව වසති. ඉති තස්ස අයඤ්ච අයඤ්ච ගුණො”ති මහාසමුද්දං පුරයමානොව කථෙසි. උපාසකො පකතියාපි ජලමානදීපො

තෙලෙන ආසින්නො විය සුට්ඨුතරං පසන්නො භුත්වා වින්නෙසි – “කිං මය්හං අඤ්ඤාය සම්පත්තියා, අනාගතෙ එකස්ස බුද්ධස්ස සන්නිකෙ ධුතවාදානං අග්ගභාවත්ථාය පත්ථනං කරිස්සාමි”ති?

සො පුනපි සත්ථාරං නිමන්තෙත්වා තෙනෙව නියාමෙන සත්ත දිවසානි දානං දත්වා සත්තමෙ දිවසෙ අට්ඨසට්ඨිහික්ඛුසතසහස්සස්ස තිච්චරානි දත්වා සත්ථු පාදමුලෙ නිපජ්ජිත්වා එවමාහ – “යං මෙ, භන්නෙ, සත්ත දිවසානි දානං දෙන්තස්ස මෙත්තං කායකම්මං මෙත්තං වජිකම්මං මෙත්තං මනොකම්මං, ඉමිනාහං න අඤ්ඤං දෙවසම්පත්තිං වා සක්කමාරබ්බමසම්පත්තිං වා පත්ථෙමි, ඉදං පන මෙ කම්මං අනාගතෙ එකස්ස බුද්ධස්ස සන්නිකෙ මහානිසභත්ථෙරෙන පත්තට්ඨානන්තරං පාපුණනත්ථාය තෙරසධුතඨගධරානං අග්ගභාවස්ස පච්චයො භොතු”ති. සත්ථා “මහන්නං යානං ඉමිනා පත්ථිතං, සම්ප්ඤ්ඤාසිති නු ඛො”ති ඔලොකෙන්තො සම්ප්ඤ්ඤානභාවං දිස්වා ආහ – “මනාපං තෙ යානං පත්ථිතං, අනාගතෙ සතසහස්සකප්පමත්ථකෙ ගොතමො නාම බුද්ධො උප්පජ්ජිස්සති, තස්ස ත්වං තතියසාවකො මහාකස්සපත්ථෙරො නාම භවිස්සසි”ති. තං සුත්වා උපාසකො “බුද්ධානං ද්වෙ කථා නාම නත්ථි”ති පුනදිවසෙ පත්තබ්බං විය තං සම්පත්තිං අමඤ්ඤිත්ථ. සො යාවතායුකං සීලං රක්ඛිත්වා තත්ථ කාලඨිකතො සග්ගෙ නිබ්බත්ති.

තතො පට්ඨාය දෙවමනුස්සෙසු සම්පත්තිං අනුභවන්තො ඉතො එකනවුතිකප්පෙ විපස්සිමිහි සම්මාසම්බුද්ධෙ බන්ධුමතීනගරං නිස්සාය බෙමෙ මිගදායෙ විහරන්තෙ දෙවලොකා වට්ඨත්වා අඤ්ඤතරස්මිං පරිජිණ්ණෙ බ්‍රාහ්මණකුලෙ නිබ්බත්ති. තස්මිඤ්ච කාලෙ “විපස්සි භගවා සත්තමෙ සත්තමෙ සංවච්ඡරෙ ධම්මං කථෙති”ති මහන්නං කොලාහලං භොති. සකලජම්බුදීපෙ දෙවතා “සත්ථා ධම්මං කථෙස්සති”ති ආරොචෙන්ති, බ්‍රාහ්මණො තං සාසනං අස්සොසි. තස්ස ච නිවාසනසාටකො එකො භොති, තථා බ්‍රාහ්මණියා, පාරුපනං පන ද්විත්තමපි එකමෙව. සකලනගරෙ “එකසාටකබ්‍රාහ්මණො”ති පඤ්ඤායති. බ්‍රාහ්මණානං කෙනවිදෙව කිච්චෙන සන්නිපාතෙ සති බ්‍රාහ්මණිං ගෙහෙ යපෙත්වා සයං ගච්ඡති, බ්‍රාහ්මණීනං සන්නිපාතෙ සති සයං ගෙහෙ තිට්ඨති, බ්‍රාහ්මණී තං වත්ථං පාරුපිත්වා ගච්ඡති. තස්මිං පන දිවසෙ බ්‍රාහ්මණො බ්‍රාහ්මණිං ආහ – “භොති, කිං රත්තිං ධම්මස්සවනං සුණිස්සසි දිවා”ති? “මයං මාතුගාමජාතිකා නාම රත්තිං සොතුං න සක්කොම, දිවා සොස්සාමි”ති බ්‍රාහ්මණං ගෙහෙ යපෙත්වා වත්ථං පාරුපිත්වා උපාසිකාහි සද්ධිං දිවා ගන්ත්වා සත්ථාරං වන්දිත්වා එකමන්තෙ නිසින්තා ධම්මං සුත්වා උපාසිකාහියෙව සද්ධිං ආගමාසි. අථ බ්‍රාහ්මණො බ්‍රාහ්මණිං ගෙහෙ යපෙත්වා වත්ථං පාරුපිත්වා විහාරං ගතො.

තස්මිං ච සමයෙ සත්ථා පරිසමජ්ඣෙ අලඬකතධම්මාසනෙ සන්තිසින්නො චිත්තබ්භිනිං ආදාය ආකාසගඬිගං ඔතාරෙන්නො විය සිනෙරුං මත්ථං කත්වා සාගරං නිම්මටෙන්නො විය ධම්මකථං කටෙති. බ්‍රාහ්මණස්ස පරිසන්නෙ නිසින්නස්ස ධම්මං සුණන්නස්ස පට්ඨානස්මිංයෙව සකලසරීරං පුරයමානා පඤ්චවණ්ණා පිති උජ්ජජ්ජි. සො පාරුතවත්ථං සඬ්ඝරිත්වා “දසබලස්ස දස්සාමි”ති චිත්තෙසි. අට්ඨස්ස ආදීනවසහස්සං දස්සයමානං මච්ඡෙරං උජ්ජජ්ජි, සො “බ්‍රාහ්මණියා ච මය්හඤ්ච එකමෙව චත්ථං, අඤ්ඤං කිඤ්චි පාරුපනං නත්ථි, අපාරුපිත්වා ච නාම බහි වරිතුං න සක්කා”ති සබ්බථාපි අදාතුකාමො අහොසි. අට්ඨස්ස නික්ඛන්නෙ පට්ඨානමෙ මජ්ඣිමයාමෙපි තටෙව පිති උජ්ජජ්ජි, සො තටෙව ච චිත්තෙත්වා තටෙව අදාතුකාමො අහොසි. අට්ඨස්ස මජ්ඣිමයාමෙ නික්ඛන්නෙ පච්ඡිමයාමෙපි තටෙව පිති උජ්ජජ්ජි, සො “තරණං වා හොතු මරණං වා, පච්ඡාපි ජානිස්සාමි”ති චත්ථං සඬ්ඝරිත්වා සත්ථු පාදමුලෙ යපෙසි. තතො වාමහත්ථං ආභුජිත්වා දක්ඛිණෙන හත්ථෙන තික්ඛත්තුං අජ්ථොටෙත්වා “ජිතං මෙ ජිතං මෙ”ති තයො වාරෙ නදි.

තස්මිඤ්ච සමයෙ බන්ධුමරාජා ධම්මාසනස්ස පච්ඡතො අත්තොසාණියං නිසින්නො ධම්මං සුණාති. රඤ්ඤො ච නාම “ජිතං මෙ”ති සද්දො අමනාපො හොති. සො පුරිසං පෙසෙසි “ගච්ඡ එතං පුච්ඡ කිං වදෙසි”ති? සො තෙන ගන්ත්වා පුච්ඡිතො ආහ – “අවසෙසා හත්ථියානාදීනි ආරුය්හ අසිවම්මාදීනි ගහෙත්වා පරසෙනං ජිනන්ති, න තං අච්ඡරියං, අහං පන පච්ඡතො ආගච්ඡන්නස්ස කුට්ඨොණස්ස මුග්ගරෙන සීසං හින්දිත්වා තං පලාපෙන්නො විය මච්ඡෙරවිත්තං මද්දිත්වා පාරුතවත්ථං දසබලස්ස අදාසිං, තං මෙ මච්ඡරියං ජිතං”න්ති ආහ. පුරිසො ගන්ත්වා තං පවත්ති. රඤ්ඤො ආරොචෙසි. රාජා ආහ – “අම්හෙ හණෙ දසබලස්ස අනුරූපං න ජානිම්හා, බ්‍රාහ්මණො පන ජානී”ති චත්ථයුගමිපි පෙසෙසි. තං දිස්වා බ්‍රාහ්මණො චිත්තෙසි – “අයං මය්හං තුණ්හී නිසින්නස්ස පට්ඨං කිඤ්චි අදත්වා සත්ථු ගුණෙ කටෙන්නස්ස අදාසි, සත්ථු ගුණෙ පටිච්ච උජ්ජන්නෙන මය්හං කො අත්ථො”ති තමිපි චත්ථයුගං දසබලස්සෙව අදාසි. රාජා “කිං බ්‍රාහ්මණෙන කතං”න්ති? පුච්ඡිත්වා, “තමිපි තෙන චත්ථයුගං තථාගතස්සෙව දින්නං”න්ති සුත්වා අඤ්ඤානි ද්වෙ චත්ථයුගානි පෙසෙසි. සො තානිපි අදාසි. රාජා අඤ්ඤානිපි චත්තාරිති එවං යාව ද්වත්තිංස චත්ථයුගානි පෙසෙසි. අථ බ්‍රාහ්මණො “ඉදං වඩ්ඨෙත්වා ගහණං විය හොති”ති අත්තතො අත්ථාය එකං බ්‍රාහ්මණියා අත්ථාය එකන්ති ද්වෙ චත්ථයුගානි ගහෙත්වා තිංස යුගානි තථාගතස්සෙව අදාසි. තතො පට්ඨාය ච සත්ථු විස්සාසිකො ජාතො.

අථ නං රාජා එකදිවසං සීතසමයෙ සත්ථු සන්තිකෙ ධම්මං සුඤ්ඤානං දිස්වා සතසහස්සග්ගසනිකං අත්තනො පාරුතං රත්තකම්බලං දත්වා ආභ - “ඉතො පට්ඨාය ඉදං පාරුපිත්වා ධම්මං සුඤ්ඤානී”ති. සො “කිං මෙ ඉමිනා කම්බලෙන ඉමස්මිං පුත්තිකායෙ උපනීතො”ති? විත්තෙත්වා, අත්තොගන්ධකුටියං තථාගතමඤ්චස්ස උපරි විතානං කත්වා අගමාසි. අථ එකදිවසං රාජා පාතොව විහාරං ගන්ත්වා අත්තොගන්ධකුටියං සත්ථු සන්තිකෙ නිසීදි. තස්මිඤ්ච සමයෙ ඡබ්බිකායා බුද්ධරස්මියො කම්බලං පටිභඤ්ඤත්ති, කම්බලො අතිවිය විරොචති. රාජා උද්ධං ඔලොකෙන්තො සඤ්ජානිත්වා ආභ - “හත්තෙ, අම්භාකං එස කම්බලො, අම්භෙහි එකසාටකබ්‍රාහ්මණස්ස දින්නො”ති. තුම්භෙහි, මහාරාජ, බ්‍රාහ්මණො පුජිතො, බ්‍රාහ්මණො අභං පුජිතොති. රාජා “බ්‍රාහ්මණො යුත්තකං අඤ්ඤාසි, න මය”න්ති පසිදිත්වා යං මනුස්සානං උපකාරභූතං, තං සබ්බං අට්ඨට්ඨකං කත්වා සබ්බට්ඨකං නාම දානං දත්වා පුරොහිතට්ඨානෙ යපෙසි. සොපි “අට්ඨට්ඨකං නාම චතුසට්ඨි හොති”ති චතුසට්ඨි සලාකහත්තාති උපනිබන්ධාපෙත්වා යාවජීවං දානං දත්වා සීලං රක්ඛිත්වා තතො වුතො සග්ගෙ නිබ්බන්ති.

පුන තතො වුතො ඉමස්මිං කස්සෙ කොණාගමනස්ස ච භගවතො කස්සපදසබ්බලස්ස වාති ද්විත්තං බුද්ධානං අත්තරෙ බාරාණසියං කුටුම්භියසරෙ නිබ්බන්තො, සො වුද්ධිමන්වාය සරාවාසං වසන්තො එකදිවසං අරඤ්ඤෙ ජඩ්ඝවිහාරං වරති. තස්මිඤ්ච සමයෙ පච්චෙකබුද්ධො නදීතීරෙ විවරකම්මං කරොන්තො අනුචානෙ අප්පහොන්තෙ සඩ්ඝරිත්වා යපෙතුං ආරද්ධො. සො දිස්වා, “කස්මා, හත්තෙ, සඩ්ඝරිත්වා යපෙථා”ති? ආභ. අනුචානො නප්පහොතිති. “ඉමිනා, හත්තෙ, කරොථා”ති සාටකං දත්වා, “නිබ්බත්තනිබ්බත්තට්ඨානෙ මෙ කෙනචි පරිහානි මා හොතු”ති පත්ථනං පට්ඨපෙසි. සරෙපිස්ස භගිනියා සද්ධිං හරියාය කලහං කරොන්ති යා පච්චෙකබුද්ධො පිණ්ඩාය පාවිසි.

අථස්ස භගිනී පච්චෙකබුද්ධස්ස පිණ්ඩපාතං දත්වා තස්ස හරියං සන්ධාය “එවරූපං බාලං යොජනසතෙන පරිවජ්ජෙය්‍ය”න්ති පත්ථනං පට්ඨපෙසි. සා ගෙහද්වාරෙ ධීතා තං සුත්වා, “ඉමාය දින්නං හත්තං එස මා භුඤ්ජතු”ති පත්තං ගහෙත්වා පිණ්ඩපාතං ඡඩ්ඛෙත්වා කලලස්ස පුරෙත්වා අදාසි. ඉතරා දිස්වා, “බාලෙ මං තාව අක්කොස වා පහර වා. එවරූපස්ස පන ද්වෙ අසඩ්ඛෙය්‍යාති පූරිතපාරමිස්ස පත්තතො හත්තං ඡඩ්ඛෙත්වා කලලං දාතුං න යුත්ත”න්ති ආභ. අථස්ස හරියාය පටිසඩ්ධානං උප්පජ්ජි. සා “තිට්ඨථ, හත්තෙ”ති කලලං ඡඩ්ඛෙත්වා පත්තං ධොවිත්වා ගන්ධවුණ්ණෙන උබ්බට්ටෙත්වා පවරස්ස චතුමධුරස්ස පුරෙත්වා උපරි ආසිත්තෙන පදුමගබ්භවණ්ණෙන සප්පිනා

විජ්ජොතමානං පච්චෙකඛුද්ධස්ස භත්ථෙ යපෙත්වා, “යථා අයං පිණ්ඩපාතො ඕභාසජාතො, එවං ඕභාසජාතං මෙ සරීරං භොතු”ති පත්ථනං පට්ඨපෙසි. පච්චෙකඛුද්ධො අනුමොදිත්වා ආකාසං පක්ඛන්දි. තෙපි ඡායම්පතිකා යාවතායුකං කුසලං කත්වා සග්ගෙ නිබ්බත්තිත්වා පුන තතො චචිත්වා උපාසකො බාරාණසියං අසිතිකොට්ඨිභවස්ස සෙට්ඨිනො පුත්තො හුත්වා නිබ්බත්ති, ඉතරා තාදිසස්සෙව ධිතා හුත්වා නිබ්බත්ති.

තස්ස වුද්ධිප්පත්තස්ස තමෙව සෙට්ඨිධිතරං ආනයිංසු. තස්සා පුබ්බෙ අදින්නවිපාකස්ස තස්ස කම්මස්ස ආනුභාවෙන පතිකුලං පට්ඨමත්තාය උම්මාරබ්භත්තරෙ සකලසරීරං උග්ගාටිතවච්චකුටි විය දුග්ගන්ධං ඡාතං. සෙට්ඨිකුමාරො “කස්සායං ගන්ධො”ති පුච්ඡිත්වා “සෙට්ඨිකඤ්ඤායා”ති සුත්වා “නිහරථ නිහරථා”ති ආභතනියාමෙනෙව කුලසරං පෙසෙසි. සා එතෙනෙව නිභාරෙන සත්තසු යානෙසු පටිනිවත්තිතා චින්තෙසි – “අහං සත්තසු යානෙසු පටිනිවත්තා. කිං මෙ ජීවිතෙනා”ති? අත්තතො ආභරණභණ්ඩං භඤ්ජාපෙත්වා සුවණ්ණිට්ඨකං කාරෙසි රතනායතං විදන්ටිච්චිත්ථතං චතුරඨගුලුබ්බෙධං. තතො හරිතාලමනොසිලාපිණ්ඩං ගහෙත්වා අට්ඨ උප්පලභත්ථකෙ ආදාය කස්සපදසබලස්ස චෙතියකරණට්ඨානං ගතා. තස්මිඤ්ච බණෙ එකා ඉට්ඨකපන්ති පරික්ඛිපිත්වා ආගච්ඡමානා සට්ඨිට්ඨකාය උභාතා භොති. සෙට්ඨිධිතා වඨ්ඨකිං ආහ – “ඉමං ඉට්ඨකං එත්ථ යපෙථා”ති. අම්ම, හද්දකෙ කාලෙ ආගතාසි, සයමෙව යපෙහීති. සා ආරුය්හ තෙලෙන හරිතාලමනොසිලං යොජෙත්වා තෙන බන්ධනෙන ඉට්ඨකං පතිට්ඨපෙත්වා උපරි අට්ඨහි උප්පලභත්ථකෙහි පූජං කත්වා චන්දිත්වා, “නිබ්බත්තනිබ්බත්තට්ඨානෙ මෙ කායතො චන්දනගන්ධො වායතු, මුඛතො උප්පලගන්ධො”ති පත්ථනං කත්වා, චෙතියං චන්දිත්වා, පදක්ඛිණං කත්වා අගමාසි.

අථ තස්මිංයෙව බණෙ යස්ස සෙට්ඨිපුත්තස්ස පයමං ගෙහං නිතා, තස්ස තං ආරබ්භ සති උදපාදි. නගරෙපි නක්ඛත්තං සංසුට්ඨං භොති. සො උපට්ඨාකෙ ආහ – “තදා ඉධ ආනීතා සෙට්ඨිධිතා අත්ථි, කහං සා”ති? “කුලගෙහෙ සාමි”ති. “ආනෙථ නං, නක්ඛත්තං කිළිස්සාමා”ති. තෙ ගන්ත්වා, තං චන්දිත්වා ධිතා “කිං, තාතා, ආගතත්ථා”ති? තාය පුට්ඨා තං පචත්තිං ආචික්ඛිංසු. “තාතා, මයා ආභරණභණ්ඩෙන චෙතියං පූජිතං, ආභරණං මෙ නත්ථි”ති. තෙ ගන්ත්වා සෙට්ඨිපුත්තස්ස ආරොචෙසුං. “ආනෙථ නං, පිළුන්ධනං ලභිස්සාමා”ති. තෙ ආනයිංසු. තස්සා සහ සරප්පවෙසෙන සකලගෙහං චන්දනගන්ධඤ්චෙව නිලුප්පලගන්ධඤ්ච වාසි.

සෙට්ඨිපුත්තො තං පුච්ඡි – “පයමං තව සරීරතො දුග්ගන්ධො වායි, ඉදානි පන තෙ සරීරතො චන්දනගන්ධො, මුඛතො උප්පලගන්ධො වායති. කිං එත”න්ති? සා ආදිතො පටියාය අත්තතො කතකම්මං ආරොචෙසි. සෙට්ඨිපුත්තො “නිශ්ශානිකං චත බුද්ධානං සාසන”න්ති පසිදිත්වා යොජනිකං සුවණ්ණචෙතියං කම්බලකඤ්චුකෙන පරික්ඛිපිත්වා තත්ථ තත්ථ රථචක්කප්පමාණෙහි සුවණ්ණපදුමෙහි අලඬිකරි. තෙසං ද්වාදසහත්ථා ඔලම්බකා භොන්ති. සො තත්ථ යාවතායුකං යත්වා සග්ගෙ නිබ්බත්තිත්වා තතො වුතො බාරාණසිතො යොජනමත්තෙ යානෙ අඤ්ඤතරස්මිං අමච්චකුලෙ නිබ්බත්ති. සෙට්ඨිකඤ්ඤා දෙවලොකතො චචිත්වා රාජකුලෙ ජෙට්ඨධීතා හුත්වා නිබ්බත්ති.

තෙසු වයප්පත්තෙසු කුමාරස්ස වසනගාමෙ නක්ඛත්තං සංසුට්ඨං, සො මාතරං ආහ – “සාටකං මෙ අම්ම දෙහි, නක්ඛත්තං කිලිස්සාමි”ති. සා ධොතවත්ථං නීහරිත්වා අදාසි. “අම්ම පුලං ඉද”න්ති. අඤ්ඤං නීහරිත්වා අදාසි, තම්පි පටික්ඛිපි. අඤ්ඤං නීහරිත්වා අදාසි, තම්පි පටික්ඛිපි. අථ නං මාතා ආහ – “තාත, යාදිසෙ ගෙහෙ මයං ජාතා, නත්ථි තො ඉතො සුබ්බමතරස්ස පටිලාභාය පුඤ්ඤ”න්ති. “ලහනට්ඨානං ගච්ඡාමි අම්මා”ති. “පුත්ත අහං අප්පෙව තුය්හං බාරාණසිනගරෙ රජ්ජපටිලාභම්පි ඉච්ඡාමි”ති. සො මාතරං චන්දිත්වා ආහ – “ගච්ඡාමි අම්මා”ති. “ගච්ඡ, තාතා”ති. එවං කිරස්සා චිත්තං අභොසි – “කහං ගම්ප්පති, ඉධ වා එත්ථ වා ගෙහෙ නිසිදිස්සති”ති? සො පන පුඤ්ඤනියාමෙන නික්ඛම්ත්වා බාරාණසිං ගන්ත්වා උය්‍යානෙ මඬිගලසිලාපට්ටෙ සසීසං පාරුපිත්වා නිපජ්ජි. සො වා බාරාණසිරඤ්ඤො කාලඬිකතස්ස සත්තමො දිවසො භොති.

අමච්චා රඤ්ඤො සරීරකිච්චං කත්වා රාජඬිගණෙ නිසිදිත්වා මන්තයිංසු – “රඤ්ඤො එකා ධිතාව අත්ථි, පුත්තො නත්ථි. අරාජකං රජ්ජං න තිට්ඨති. කො රාජා භොති”ති මන්තෙත්වා, “ත්ථං භොහි, ත්ථං භොහි”ති. පුරොහිතො ආහ – “බහුං ඔලොකෙතුං න වට්ටති, චුස්සරථං විස්සජ්ජෙමා”ති. තෙ කුමුදවණ්ණෙ චත්තාරො සින්ධුවෙ යොජෙත්වා, පඤ්චවිධං රාජකකුඩගණ්ඩං සෙනච්ඡත්තඤ්ච රථස්මිංයෙව යපෙත්වා රථං විස්සජ්ජෙත්වා පච්ඡතො තූරියානි පග්ගණ්භාපෙසුං. රථො පාවිනද්වාරෙන නික්ඛම්ත්වා උය්‍යානාහිමුඛො අභොසි, “පරිවයෙන උය්‍යානාහිමුඛො ගච්ඡති, නිවත්තෙමා”ති කෙචි ආහංසු. පුරොහිතො “මා නිවත්තයිත්ථා”ති ආහ. රථො කුමාරං පදක්ඛිණං කත්වා ආරොහනසජ්ජො හුත්වා අට්ඨාසි. පුරොහිතො පාරුපනකණ්ණං අපනෙත්වා පාදතලානි ඔලොකෙත්තො “තිට්ඨතු අයං දීපො, ද්විසහස්සදීපපරිවාරෙසු චතුසු දීපෙසු එස රජ්ජං කාතුං යුත්තො”ති

වත්වා, “පුනපි තුරියානි පග්ගණ්භාථ පුනපි පග්ගණ්භාථා”ති තික්ඛත්තුං තුරියානි පග්ගණ්භාපෙසි.

අථ කුමාරො මුඛං විවරිත්වා ඔලොකෙන්වා, “කෙන කම්මෙන ආගතත්වා”ති? ආහ. “දෙව, තුම්භාකං රජ්ජං පාපුණාති”ති. “රාජා කහ”න්ති. “දෙවත්තං ගතො සාමී”ති. “කති දිවසා අතික්කන්තා”ති? “අජ්ජ සත්තමො දිවසො”ති. “පුත්තො වා ධිතා වා නත්ථී”ති. “ධිතා අත්ථී දෙව, පුත්තො නත්ථී”ති. “තෙන හි කරිස්සාමි රජ්ජ”න්ති. තෙ තාවදෙව අභිසෙකමණ්ඩපං කත්වා රාජධිතරං සබ්බාලඤ්ඤාකාරෙහි අලඤ්ඤාකරිත්වා උය්‍යානං ආනෙත්වා කුමාරස්ස අභිසෙකං අකංසු.

අථස්ස කතාභිසෙකස්ස සතසහස්සග්ගසනිකං වත්ථං උපහරිංසු. සො “කිමිදං, තාතා”ති? ආහ. “නිවාසනවත්ථං දෙවා”ති. “නනු, තාතා, ථූල”න්ති. “මනුස්සානං පරිභොගවත්ථෙසු ඉතො සුමුමතරං නත්ථී දෙවා”ති. “තුම්භාකං රාජා එවරුපං නිවාසෙසි”ති? “ආම, දෙවා”ති. “න මඤ්ඤෙ පුඤ්ඤවා තුම්භාකං රාජා, සුවණ්ණහිඬිගාරං ආහරථ, ලභිස්සාම වත්ථ”න්ති. සුවණ්ණහිඬිගාරං ආහරිංසු. සො උට්ඨාය හත්ථෙ ධොවිත්වා, මුඛං වික්ඛාලෙන්වා, හත්ථෙන උදකං ආදාය, පුරත්ථිමදිසාය අබ්භුක්කිරි, සනපථවිං හින්දිත්වා අට්ඨ කප්පරුක්ඛා උට්ඨහිංසු. පුන උදකං ගහෙන්වා දක්ඛිණං පච්ඡිමං උත්තරන්ති එවං වතස්සො දිසා අබ්භුක්කිරි, සබ්බදිසාසු අට්ඨ අට්ඨ කත්වා ද්වත්තිංස කප්පරුක්ඛා උට්ඨහිංසු. සො එකං දිබ්බදුස්සං නිවාසෙන්වා එකං පාරුපිත්වා “නන්දරඤ්ඤො විජිතෙ සුත්තකන්තිකා ඉත්ථියො මා සුත්තං කන්තිංසුති එවං හෙරිං වාරාපෙථා”ති වත්වා, ඡත්තං උස්සාපෙන්වා, අලඤ්ඤාකතපටියත්තො හත්ථික්ඛන්ධවරගතො නගරං පවිසිත්වා, පාසාදං ආරුය්හ මහාසම්පත්තිං අනුභවි.

එවං කාලෙ ගච්ඡන්තෙ එකදිවසං දෙවී රඤ්ඤො සම්පත්තිං දිස්වා, “අහො තපස්සී”ති කාරුඤ්ඤාකාරං දස්සෙසි. “කිමිදං දෙවී”ති? ච පුට්ඨා, “අතිමහතී, දෙව, සම්පත්ති, අතීතෙ බුද්ධානං සද්දහිත්වා කල්‍යාණං අකත්ථ, ඉදානි අනාගතස්ස පච්චයං කුසලං න කරොථා”ති? ආහ. “කස්ස දස්සාමි? සීලවත්තො නත්ථී”ති. “අසුඤ්ඤො, දෙව, ජම්බුදීපො අරහන්තෙහි, තුම්භෙ දානමෙව සජ්ජෙථ, අහං අරහන්තෙ ලච්ඡාමී”ති ආහ. රාජා පුනදිවසෙ පාචිනද්වාරෙ දානං සජ්ජාපෙසි. දෙවී පාතොව උපොසථඬිගානි අධිට්ඨාය උපරිපාසාදෙ පුරත්ථාහිමුඛා උරෙන නිපජ්ජිත්වා – “සචෙ එතිස්සා දිසාය අරහන්තො අත්ථී, ආගච්ඡන්තු අම්භාකං හික්ඛං ගණ්හන්තු”ති ආහ. තස්සං දිසායං අරහන්තො නාහෙසුං. තං සක්කාරං කපණ්දධිකයාවකානං අදංසු.

පුනදිවසෙ දක්ඛිණද්වාරෙ දානං සජ්ජෙත්වා තට්ඨ අකාසි, පුනදිවසෙ පච්ඡිමද්වාරෙ. උත්තරද්වාරෙ සජ්ජිතදිවසෙ පන දෙවියා තට්ඨ නිමන්තෙත්ති යා හිමවත්තෙ වසන්තානං පදුමවතියා පුත්තානං පඤ්චසතානං පච්චෙකඛුද්ධානං ජෙට්ඨකො මහාපදුමපච්චෙකඛුද්ධො භාතිකෙ ආමන්තෙසි “මාරිසා, නන්දරාජා තුම්හෙ නිමන්තෙති, අධිවාසෙථ තස්සා”ති. තෙ අධිවාසෙත්වා පුනදිවසෙ අනොතත්තදහෙ මුඛං ධොවිත්වා ආකාසෙන ආගන්ත්වා උත්තරද්වාරෙ ඔතරිංසු. මනුස්සා ගන්ත්වා “පඤ්චසතා, දෙව, පච්චෙකඛුද්ධා ආගතා”ති රඤ්ඤො ආරොචෙසුං. රාජා සද්ධිං දෙවියා ගන්ත්වා වන්දිත්වා පත්තං ගහෙත්වා පච්චෙකඛුද්ධෙ පාසාදං ආරොපෙත්වා තෙසං දානං දත්වා හත්තකිච්චාවසානෙ රාජා සඨිසංථරස්ස, දෙවී සඨිසනවකස්ස පාදමුලෙ නිපජ්ජිත්වා, “අය්‍යා පච්චයෙහි න කිලමිස්සන්ති, මයං පුඤ්ඤෙන න භාගිස්සාම, අම්භාකං යාවජීවං ඉධ නිවාසාය පටිඤ්ඤං දෙවා”ති පටිඤ්ඤං කාරෙත්වා උය්‍යානෙ පඤ්ච පණ්ණසාලාසතානි පඤ්ච වඨකමනසතානීති සබ්බාකාරෙන නිවාසට්ඨානං සම්පාදෙත්වා තත්ථ වසාපෙසුං.

එවං කාලෙ ගච්ඡන්තෙ රඤ්ඤො පච්චන්තො කුපිතො. “අහං පච්චන්තං වූපසමෙතං ගච්ඡාමි, ත්වං පච්චෙකඛුද්ධෙසු මා පමජ්ජී”ති දෙවිං ඔවදිත්වා ගතො. තස්මිං අනාගතෙයෙව පච්චෙකඛුද්ධානං ආයුසඨ්ඨාරා බිණා. මහාපදුමපච්චෙකඛුද්ධො තියාමරත්ති. කුමාරකිලං කිලිත්වා අරුණුග්ගමනෙ ආලම්බනඵලකං ආලම්බිත්වා ධීතකොව අනුපාදිසෙසාය නිබ්බානධාතුයා පරිනිබ්බායි, එතෙනුපායෙන සෙසාපිති සබ්බෙපි පරිනිබ්බතා. පුනදිවසෙ දෙවී පච්චෙකඛුද්ධානං නිසිදනට්ඨානං හරිතුපලිත්තං කාරෙත්වා පුජ්ජානි විකිරිත්වා ධූපං දත්වා තෙසං ආගමනං ඔලොකයන්ති නිසින්නා ආගමනං අපස්සන්ති පුරිසං පෙසෙසි – “ගච්ඡ, තාත, ජානාහි, කිං අය්‍යානං කිඤ්චි අඵාසුක”න්ති? සො ගන්ත්වා මහාපදුමස්ස පණ්ණසාලාය ද්වාරං විවරිත්වා තත්ථ අපස්සන්තො වඨකමනං ගන්ත්වා ආලම්බනඵලකං නිස්සාය ධීතං දිස්වා වන්දිත්වා, “කාලො, හන්තෙ”ති ආහ. පරිනිබ්බතසරීරං කිං කට්ඨස්සති? සො “නිද්දායති මඤ්ඤ”ති ගන්ත්වා පිට්ඨිපාදෙ හත්ථෙන පරාමසි. පාදානං සීතලතාය චෙව ථද්ධතාය ච පරිනිබ්බතභාවං ඤත්වා දුතියස්ස සන්තිකං අගමාසි, එවං තතියස්සාති සබ්බෙසං පරිනිබ්බතභාවං ඤත්වා රාජකුලං ගතො. “කහං, තාත, පච්චෙකඛුද්ධා”ති? පුට්ඨො “පරිනිබ්බතා, දෙවී”ති ආහ. දෙවී කන්දන්ති රොදන්ති නික්ඛමිත්වා නාගරෙහි සද්ධිං තත්ථ ගන්ත්වා සාධුකිලිතං කාරෙත්වා පච්චෙකඛුද්ධානං සරීරකිච්චං කත්වා ධාතුයො ගහෙත්වා චෙතියං පතිට්ඨාපෙසි.

රාජා පච්චන්තං වූපසමෙත්වා ආගතො පච්චුග්ගමනං ආගතං දෙවං පුච්ඡි “කිං, හද්දෙ, පච්චෙකඛුද්දෙධස්ස නප්පමජ්ජි, නිරොගා අය්‍යා”ති? “පරිනිබ්බතා දෙවා”ති. රාජා චින්තෙසි – “ඵවරූපානම්පි පණ්ඩිතානං මරණං උප්පජ්ජති, අම්භාකං කුතො මොක්ඛො”ති? සො නගරං අගන්ත්වා උය්‍යානමෙව පවිසිත්වා ජෙට්ඨපුත්තං පක්කොසාපෙත්වා තස්ස රජ්ජං පටියාදෙත්වා සයං සමණකපබ්බජ්ජං පබ්බජි, දෙවීපි “ඉමස්මිං පබ්බජිතෙ අහං කිං කරිස්සාමි”ති? තත්ථෙව උය්‍යානෙ පබ්බජිතා. ද්වෙපි ඤානං භාවෙත්වා තතො වුතා බ්‍රහ්මලොකෙ නිබ්බත්තිංසු.

තෙසු තත්ථෙව වසන්තෙසු අම්භාකං සත්ථා ලොකෙ උප්පජ්ජිත්වා පවත්තිතවරධම්මවක්කො අනුපුබ්බෙන රාජගහං පාවිසි. අයං පිප්පලිමාණුවො මගධරට්ඨෙ මහාතිත්ථබ්‍රාහ්මණගාමෙ කපිලබ්‍රාහ්මණස්ස අග්ගමහෙසියා කුච්ඡිමිහි නිබ්බත්තො, අයං හද්දා කාපිලානී මද්දරට්ඨෙ සාගලනගරෙ කොසියගොත්තබ්‍රාහ්මණස්ස අග්ගමහෙසියා කුච්ඡිස්මිං නිබ්බත්තා. තෙසං බො අනුක්කමෙන වච්ඡිමානානං පිප්පලිමාණුවස්ස වීසතිමෙ වස්සෙ හද්දාය සොළසමෙ වස්සෙ සම්පත්තෙ මාතාපිතරො පුත්තං ඔලොකෙත්වා, “තාත, ත්වං වයප්පත්තො, කුලවංසො නාම පතිට්ඨපෙනබ්බො”ති අතිවිය නිප්පිළයිංසු. මාණුවො ආහ – “මය්හං සොතපථෙ ඵවරූපං කථං මා කථෙථ. අහං යාව තුම්හෙ ධරථ, තාව පටිජග්ගිස්සාමි, තුම්භාකං පච්ඡතො නික්ඛමිත්වා පබ්බජිස්සාමි”ති. තෙ කතිපාහං අතික්කමිත්වා පුත කථයිංසු, සොපි තථෙව පටික්ඛිපි. පුත කථයිංසු, පුතපි පටික්ඛිපි. තතො පටියාය මාතා නිරන්තරං කථෙතියෙව.

මාණුවො “මම මාතරං සඤ්ඤාපෙස්සාමි”ති රත්තසුවණ්ණස්ස නික්ඛසහස්සං දත්වා සුවණ්ණකාරෙහි එකං ඉත්ථීරූපං කාරාපෙත්වා තස්ස මජ්ජනසට්ඨනාදිකම්මපරියොසානෙ තං රත්තවත්ථං නිවාසාපෙත්වා වණ්ණසම්පත්තෙහි පුප්පෙහි වෙව නානාඅලඬකාරෙහි ව අලඬකාරාපෙත්වා මාතරං පක්කොසාපෙත්වා ආහ – “අම්ම ඵවරූපං ආරම්මණං ලහන්තො ගෙහෙ වසාමි, අලහන්තො න වසාමි”ති. පණ්ඩිතා බ්‍රාහ්මණී චින්තෙසි – “මය්හං පුත්තො පුඤ්ඤවා දින්නදානො කතාහිනීභාරො, පුඤ්ඤං කරොන්තො න එකකොව අකාසි, අද්ධා එතෙන සහ කතපුඤ්ඤා සුවණ්ණරූපකපටිභාගා හවිස්සති”ති අට්ඨ බ්‍රාහ්මණෙ පක්කොසාපෙත්වා සබ්බකාමෙහි සන්තප්පෙත්වා සුවණ්ණරූපකං රථං ආරොපෙත්වා, “ගච්ඡථ, තාතා, යත්ථ අම්භාකං ජාතිගොත්තභොගෙහි සමානකුලෙ ඵවරූපං දාරිකං පස්සථ, ඉමමෙව සුවණ්ණරූපකං, පණ්ණාකාරං කත්වා දෙථා”ති උය්‍යාපෙසි.

තෙ “අම්භාකං නාම එතං කම්ම”න්ති නික්ඛමිත්වා, “කත්ථ ගමිස්සාමා”ති වින්තෙත්වා, “මද්දරට්ඨං නාම ඉත්ථාකරො, මද්දරට්ඨං ගමිස්සාමා”ති මද්දරට්ඨෙය සාගලනගරං අගමිංසු. තත්ථ තං සුවණ්ණරූපකං න්භානතිත්ථෙයං පෙත්වා එකමන්තං නිසීදිංසු. අථ හද්දාය ධාතී හද්දං න්භාපෙත්වා අලඬකරිත්වා සිරිගබ්භෙ නිසීදාපෙත්වා න්භායිතුං ආගච්ඡන්ති තං රූපකං දිස්වා, “අය්‍යධිතා මෙ ඉධාගතා”ති සඤ්ඤාය තජ්ජෙත්වා “දුබ්බිනිතෙ, කිං ත්වං ඉධාගතා”ති? තලසත්තිකං උග්ගිරිත්වා, “ගච්ඡ සීස”න්ති ගණ්ඩපස්සෙ පහරි. හත්ථො පාසාණෙ පටිහතො විය කම්පිත්ථ. සා පටික්කමිත්වා “එවං ථද්ධං නාම මහාගීවං දිස්වා, ‘අය්‍යධිතා මෙ’ති සඤ්ඤං උජ්ජාදෙසිං, අය්‍යධිතාය හි මෙ අයං නිවාසනපටිග්ගානිකාපි අයුක්තා”ති ආහ. අථ නං තෙ මනුස්සා පරිවාරෙත්වා “එවරූපා තෙ සාමිධිතා”ති පුච්ඡිංසු. “කිං එසා, ඉමාය සතගුණෙන සහස්සගුණෙන මය්හං අය්‍යා අභිරූපතරා, ද්වාදසහත්ථෙ ගබ්භෙ නිසින්නාය පදීපකීච්චං නත්ථී, සරිරොභාසෙනෙව තමං විධමතී”ති. “තෙන හි ආගච්ඡා”ති තං බුජ්ජං ගහෙත්වා සුවණ්ණරූපකං රථං ආරොපෙත්වා කොසියගොත්තස්ස සරද්වාරෙ යත්වා ආගමනං නිවෙදයිංසු.

බ්‍රාහ්මණො පටිසන්ථාරං කත්වා, “කුතො ආගතත්ථා”ති? පුච්ඡී. “මගධරට්ඨෙය මහාතිත්ථගාමෙ කපිලබ්‍රාහ්මණස්ස සරතො”ති. “කිං කාරණා ආගතා”ති. “ඉමිතා නාම කාරණෙනා”ති. “කල්‍යාණං, තාතා, සමජාතිගොත්තවිභවො අම්භාකං බ්‍රාහ්මණො, දස්සාමි දාරික”න්ති පණ්ණාකාරං ගණ්හි. තෙ කපිලබ්‍රාහ්මණස්ස සාසනං පහිණිංසු – “ලද්ධා දාරිකා, කත්තබ්බං කරොථා”ති. තං සාසනං සුත්වා පිජ්ජලිමාණවස්ස ආරොචයිංසු – “ලද්ධා කිර දාරිකා”ති. මාණවො “අහං න ලහිස්සාමිති වින්තෙසිං, ඉමෙ ලද්ධාති ච වදන්ති, අනත්ථිකො හුත්වා පණ්ණං පෙසිස්සාමි”ති රහොගතො පණ්ණං ලිඛි, “හද්දා අත්තනො ජාතිගොත්තහොගානුරූපං සරාවාසං ලහතු, අහං නික්ඛමිත්වා පබ්බජිස්සාමි, මා පච්ඡා විජ්ජට්ඨාරිති අහොසී”ති. හද්දාපි “අසුකස්ස කිර මං දාතුකාමා”ති සුත්වා රහොගතා පණ්ණං ලිඛි, “අය්‍යපුත්තො අත්තනො ජාතිගොත්තහොගානුරූපං සරාවාසං ලහතු. අහං නික්ඛමිත්වා පබ්බජිස්සාමි, මා පච්ඡා විජ්ජට්ඨාරි අහොසී”ති. ද්වෙපි පණ්ණානි අත්තරාමග්ගෙ සමාගච්ඡිංසු. “ඉදං කස්ස පණ්ණං”න්ති? පිජ්ජලිමාණවෙන හද්දාය පහිතන්ති. “ඉදං කස්ස පණ්ණං”න්ති? හද්දාය පිජ්ජලිමාණවස්ස පහිතන්ති ච චුත්තෙ ද්වෙපි වාචෙත්වා, “පස්සථ දාරකානං කම්ම”න්ති ථාලෙත්වා අරඤ්ඤෙ ඡඩ්ඛෙත්වා සමානපණ්ණං ලිඛිත්වා ඉතො ච එත්තො ච පෙසෙසුං. ඉති තෙසං අනිච්ඡමානානංයෙව සමාගමො අහොසී.

තංදිවසංයෙව ච මාණුවොපි එකං පුජ්ඵදාමං ගන්ථාපෙසි, හද්දාපි එකං ගන්ථාපෙසි. තානි ආසනමජ්ඣෙකං යපෙත්වා භුත්තසායමාසා උභොපි “සයනං ආරුහිස්සාමා”ති සමාගන්ත්වා මාණුවො දක්ඛිණපස්සෙන සයනං ආරුහි. හද්දා වාමපස්සෙන ආරුහිත්වා ආහ – “යස්ස පස්සෙ පුජ්ඵානි මිලායන්ති, තස්ස රාගචිත්තං උජ්ජන්තන්ති විජානිස්සාම, ඉමං පුජ්ඵදාමං න අල්ලියිතබ්බං”න්ති. තෙ පන අඤ්ඤමඤ්ඤස්ස සරීරසම්ඵස්සහයෙන තියාමරත්තිං නිද්දං අනොක්කමන්තාව වීතිනාමෙත්ති, දිවා පන භසිතමත්තම්පි න භොති. තෙ ලොකාමිසෙන අසංසට්ඨා යාව මාතෘපිතරො ධරන්ති, තාව කුටුම්භං අවිචාරෙන්වා තෙසු කාලඬකතෙසු විචාරයිංසු. මහතී මාණුවස්ස සම්පත්ති, එකදිවසං සරීරං උබ්බට්ටෙන්වා ඡඩ්ඛෙතබ්බං සුවණ්ණවුණ්ණමෙව මගධනාළියා ද්වාදසනාළිමත්තං ලද්ධං වට්ටති. යන්තබ්බද්ධානි සට්ඨි මහාතළාකානි, කම්මන්තො ද්වාදසයොජනිකො, අනුරාධපුරජපමාණා වුද්දස දාසගාමා, වුද්දස හත්ථානිකා, වුද්දස අස්සානිකා, වුද්දස රථානිකා.

සො එකදිවසං අලඬකතං අස්සං ආරුහි මහාජනපරිවුතො කම්මන්තං ගන්ත්වා බෙත්තකොටියං යීතො නඬගලෙහි හින්තට්ඨානතො කාකාදයො සකුණො ගණ්ඩුජ්ජාදකාදිපාණො උද්ධරිත්වා බාදන්තෙ දිස්වා, “තාතා, ඉමෙ කිං බාදන්ති”ති පුච්ඡි. “ගණ්ඩුජ්ජාදකෙ අය්‍යා”ති. “එතෙහි කතං පාපං කස්ස භොති”ති? “තුම්භාකං, අය්‍යා”ති. සො චින්තෙසි – “සවෙ එතෙහි කතං පාපං මය්හං භොති, කිං මෙ කරස්සති සත්තඅසීතිකොට්ඨනං? කිං ද්වාදසයොජනො කම්මන්තො, කිං යන්තබ්බද්ධානි සට්ඨි මහාතළාකානි, කිං වුද්දස ගාමා? සබ්බමෙතං හද්දාය කාපිලානියා නිය්‍යාතෙත්වා නික්ඛමිත්වා පබ්බජිස්සාමි”ති.

හද්දාපි කාපිලානී තස්මිං බණ්ණ අබ්භන්තරවත්ථුම්භි තයො තිලකුම්භෙ පත්ථරාපෙත්වා ධාතීහි පරිවුතා නිසින්තා කාකෙ තිලපාණකෙ බාදමානෙ දිස්වා, “අම්මා කිං ඉමෙ බාදන්ති”ති? පුච්ඡි. “පාණකෙ අය්‍යා”ති. “අකුසලං කස්ස භොති”ති? “තුම්භාකං, අය්‍යා”ති. සා චින්තෙසි – “මය්හං චතුහත්ථවත්ථං නාළිකොදනමත්තඤ්ච ලද්ධං වට්ටති, යදි ච පනෙතං එත්තකෙන ජනෙන කතං අකුසලං මය්හං භොති, හවසහස්සෙනපි වට්ටතො සීසං උක්ඛිපිතුං න සක්කා, අය්‍යපුත්තෙ ආගතමත්තෙයෙව සබ්බං තස්ස නිය්‍යාතෙත්වා නික්ඛමිම පබ්බජිස්සාමි”ති.

මාණුවො ආගන්ත්වා න්හත්වා පාසාදං ආරුහි මහාරහෙ පල්ලඬකෙ නිසීදි, අථස්ස වක්කවත්තිතො අනුවඡවිකං භොජනං සජ්ජයිංසු. ද්වෙපි භුඤ්ජිත්වා පරිජනෙ නික්ඛන්තෙ රහොගතා ඵාසුකට්ඨානෙ නිසීදිංසු. තතො මාණුවො හද්දං ආහ – “හද්දෙ, ත්වං ඉමං සරං ආගච්ඡන්ති කිත්තකං ධනං ආහරී”ති? “පඤ්චපණ්ණාස සකට්ඨසහස්සානි අය්‍යා”ති. “එතං සබ්බං, යා ච ඉමස්මිං සරෙ

සත්තආසීතිකොටියො, යන්තබ්බදා සට්ඨිතළාකාදිහෙදා සම්පත්ති අත්ථි, සබ්බං තුය්හංයෙව නියායාතෙමි”ති. “තුම්හෙ පන අයායා”ති. “අහං පබ්බජිස්සාමි”ති. “අයායා අහමිපි තුම්හාකංයෙව ආගමනං ඔලොකයමානා නිසින්නා, අහමිපි පබ්බජිස්සාමි”ති. තෙසං ආදිත්තපණ්ණකුටි විය තයො භවා උපට්ඨහිංසු. තෙ “පබ්බජිස්සාමා”ති වත්වා අන්තරාපණතො කසායරසපිතානි වත්ථානි මත්තිකාපත්තෙ ව ආහරාපෙත්වා අඤ්ඤමඤ්ඤං කෙසෙ ඔහාරෙත්වා, “යෙ ලොකෙ අරහත්තො, තෙ උද්දිස්ස අම්හාකං පබ්බජිජා”ති පබ්බජිත්වා ථවිකාසු පත්තෙ ඔසාපෙත්වා අංසෙ ලග්ගෙත්වා පාසාදතො ඔතරිංසු. ගෙහෙ දාසෙසු ව කම්මකාරෙසු ව න කොචි සඤ්ජානි.

අථ තෙ බ්‍රාහ්මණගාමතො නික්ඛම්ම දාසගාමද්වාරෙන ගච්ඡන්තෙ ආකප්පකුත්තවසෙන දාසගාමවාසිනො සඤ්ජානිංසු. තෙ රුදන්තා පාදෙසු නිපතිත්වා “කිං අම්හෙ අනාථෙ කරොථ අයායා”ති? ආහංසු. “මයං, භණ්ණ ‘ආදිත්තපණ්ණසාලා විය තයො භවා’ති පබ්බජිම්හා, සථෙ තුම්හෙසු එකෙකං භුජිස්සං කරොම, වස්සසතම්පි නප්පහොති, තුම්හෙව තුම්හාකං සීසං ධොවිත්වා භුජිස්සා හුත්වා ජීවථා”ති වත්වා තෙසං රොදන්තානංයෙව පක්කමිංසු. ථෙරො පුරතො ගච්ඡන්තො නිවත්තිත්වා ඔලොකෙත්තො චිත්තෙසි – “අයං භද්දා කාපිලානි සකලජම්බුදීපග්ගනිකා ඉත්ථි මය්හං පච්ඡන්තො ආගච්ඡති. යානං බො පනෙනං විජ්ජති, යං කොචිදෙව එවං චිත්තෙයා ‘ඉමෙ පබ්බජිත්වාපි විනා භවිතුං න සක්කොන්ති, අනනුච්ඡවිකං කරොන්ති”ති. “කොචි වා පන මනං පදුසෙත්වා අපායපුරකො භවෙයා. ඉමං පහාය මයා ගන්තුං වට්ඨති”ති චිත්තං උප්පාදෙසි.

සො පුරතො ගච්ඡන්තො ද්වෙධාපථං දිස්වා තස්ස මත්ථකෙ අට්ඨාසි. භද්දාපි ආගන්ත්වා වන්දිත්වා අට්ඨාසි. අථ නං ආහ – “භද්දෙ, තාදිසිං ඉත්ථිං මම පච්ඡන්තො ආගච්ඡන්ති. දිස්වා, ‘ඉමෙ පබ්බජිත්වාපි විනා භවිතුං න සක්කොන්ති’ති චිත්තෙත්වා අම්හෙසු පදුට්ඨචිත්තො මහාජනො අපායපුරකො භවෙයා. ඉමස්මිං ද්වෙධාපථෙ ත්වං එකං ගණ්හ, අහං එකෙන ගම්ස්සාමි”ති. “ආම, අයා, පබ්බජිතානං මාතුගාමො නාම මලං, ‘පබ්බජිත්වාපි විනා න භවන්ති’ති අම්හාකං දොසං පස්සන්ති, තුම්හෙ එකං මග්ගං ගණ්හථ, විනා භවිස්සාමා”ති නික්ඛත්තුං පදක්ඛිණං කත්වා වතුසු යානෙසු පඤ්චපතිට්ඨිතෙන වන්දිත්වා දසනබසමොධානසමුප්පලං අඤ්ජලිං පග්ගය්හ, “සතසහස්සකප්පප්පමාණෙ අද්ධානෙ කතො මිත්තසන්ථවො අජ්ජ හිජ්ජති”ති වත්වා, “තුම්හෙ දක්ඛිණජාතිකා නාම, තුම්හාකං දක්ඛිණමග්ගො වට්ඨති, මයං මාතුගාමා නාම වාමජාතිකා, අම්හාකං වාමමග්ගො වට්ඨති”ති වන්දිත්වා මග්ගං පටිපන්නා. තෙසං ද්වෙධාභූතකාලෙ අයං මහාපථවී “අහං

චක්කවාලගිරිසිනෙරුපබ්බතො ධාරෙතුං සක්කොත්තිපි තුම්භාකං ගුණෙ ධාරෙතුං න සක්කොමි''ති වදන්ති විය විරවමානා අකම්පි, ආකාසෙ අසනිසද්දො විය පවත්ති, චක්කවාලපබ්බතො උන්නදි.

සම්මාසම්බුද්ධො වෙළවනමහාවිහාරෙ ගන්ධකුටියං නිසින්තො පට්ඨිකම්පනසද්දං සුත්වා, “කස්ස නු ඛො පට්ඨි කම්පති”ති? ආවජ්ජෙත්තො “පිප්පලිමාණො ච හද්දා ච කාපිලානී මං උද්දිස්ස අප්පමෙය්‍යං සම්පත්තිං පහාය පබ්බජිතා, තෙසං වියොගට්ඨානෙ උභින්නම්පි ගුණබලෙන අයං පට්ඨිකම්පො ජාතො, මයාපි එතෙසං සභිගහං කාතුං වට්ටති”ති ගන්ධකුටිතො නික්ඛම්ම සයමෙව පත්තචීවරං ආදාය, අසීතිමහාටේරෙසු කඤ්චි අනාමන්තෙත්වා තිගාචුතං මග්ගං පච්චුග්ගමනං කත්වා රාජගහස්ස ච නාළන්දාය ච අන්තරෙ බහුපුත්තකනිග්‍රොධරුක්ඛමුලෙ පල්ලඬ්ඛං ආභූජිත්වා නිසිදි. නිසිදන්තො පන අඤ්ඤතරො පංසුකුලිකො විය අනිසිදිත්වා බුද්ධවෙසං ගහෙත්වා අසීතිහත්වා සනබුද්ධරස්මියො විස්සජ්ජෙත්තො නිසිදි. ඉති තස්මිං බණෙ පණ්ණාසත්තසකටචක්කකුටාගාරාදිප්පමාණා බුද්ධරස්මියො ඉතො විතො ච විජ්ජන්දන්තියො විධාවන්තියො චන්දිමසහස්සසූරියසහස්සඋග්ගමනකාලො විය කුරුමානා තං වනන්තරං එකොහාසං අකංසු. ද්වන්තිංසමහාපුරිසලක්ඛණානං සිරියා සමුප්පලිතතාරාගණං විය ගගනං, සුපුප්පිතකමලකුචලයං විය සලිලං, වනන්තරං විරොචිත්ථ. නිග්‍රොධරුක්ඛස්ස නාම ඛන්ධො සෙනො හොති, පත්තානි නීලානි පක්කානි රත්තානි. තස්මිං පන දිවසෙ සතසාබො නිග්‍රොධරුක්ඛො සුවණ්ණවණ්ණො අහොසි.

ඉති යා සා අද්ධානමග්ගප්පට්පන්තොති පදස්ස අත්ථං වත්වා, “ඉදානි යථා එස පබ්බජිතො, යථා ච අද්ධානමග්ගං පට්පන්තො. ඉමස්ස අත්ථස්ස ආවිභාවත්ථං අභිනිහාරතො පට්ඨාය අයං අනුපුබ්බිකථා කථෙතබ්බා”ති චුත්තා, සා එවං වෙදිතබ්බා.

අන්තරා ච රාජගහං අන්තරා ච නාළන්දන්ති රාජගහස්ස ච නාළන්දාය ච අන්තරෙ. සත්ථාරඤ්ච වතාහං පස්සෙය්‍යං හගවන්තමෙව පස්සෙය්‍යන්ති සථෙ අහං සත්ථාරං පස්සෙය්‍යං, ඉමංයෙව හගවන්තං පස්සෙය්‍යං. න හි මෙ ඉතො අඤ්ඤත සත්ථාරා හවිතුං සක්කාති. සුගතඤ්ච වතාහං පස්සෙය්‍යං හගවන්තමෙව පස්සෙය්‍යන්ති සථෙ අහං සම්මාපට්පත්තියා සුට්ඨු ගතත්තා සුගතං නාම පස්සෙය්‍යං, ඉමංයෙව හගවන්තං පස්සෙය්‍යං. න හි මෙ ඉතො අඤ්ඤත සුගතෙන හවිතුං සක්කාති. සම්මාසම්බුද්ධඤ්ච වතාහං පස්සෙය්‍යං හගවන්තමෙව පස්සෙය්‍යන්ති සථෙ අහං සම්මා සාමඤ්ච සච්චානි බුද්ධත්තා

සම්මාසම්බුද්ධං නාම පස්සෙය්‍යාං, ඉමංයෙව භගවත්තං පස්සෙය්‍යාං. න හි මෙ ඉතො අඤ්ඤාන සම්මාසම්බුද්ධොන භවිතුං සක්කාති අයමෙත්ථ අධිජ්ජායො. එවං දස්සනෙනෙව “භගවති ‘අයං සත්ථා, අයං සුගතො, අයං සම්මාසම්බුද්ධො’ති නික්කඬ්ඛො අහං, ආවුසො, අහොසි”න්ති දීපෙති. සත්ථා මෙ, භන්තෙති ඉදං කිඤ්චාපි ද්වෙ වාරෙ ආගතං, තික්ඛන්තුං පන චුත්තන්ති වෙදිතබ්බං. ඉමිනා හි සො “එවං තික්ඛන්තුං සාවකත්තං සාවෙසිං, ආවුසො”ති දීපෙති.

අජානඤ්ඤවාති අජානමානොව. දුතියපදෙපි එසෙව නයො. මුද්ධාපි තස්ස විපතෙය්‍යාති යස්ස අඤ්ඤස්ස “අජානංයෙව ජානාමි”ති පටිඤ්ඤස්ස බාහිරකස්ස සත්ථුනො එවං සබ්බවෙතසා සමන්තාගතො පසන්නචිත්තො සාවකො එවරූපං පරමනිපච්චකාරං කරෙය්‍ය, තස්ස චණ්ටඡින්නතාලපක්කං විය ගීවතො මුද්ධාපි විපතෙය්‍ය, සත්තධා පන එලෙය්‍යාති අත්ථො. කිං වා එතෙන, සචෙ මහාකස්සපත්ථෙරො ඉමිනා චිත්තජ්ජසාදෙන ඉමං පරමනිපච්චකාරං මහාසමුද්දස්ස කරෙය්‍ය, තත්තකපාලෙ පක්ඛිත්තඋදකඛිත්ථු විය විලයං ගච්ඡෙය්‍ය. සචෙ චක්කවාළස්ස කරෙය්‍ය, ථුසමුට්ඨි විය විකිරෙය්‍ය. සචෙ සිනෙරූපබ්බතස්ස කරෙය්‍ය, කාකතුණ්ඨෙන පහට්ඨිට්ඨමුට්ඨි විය විද්ධංසෙය්‍ය. සචෙ මහාපථවියා කරෙය්‍ය, වාතාහතභස්මපුඤ්ජො විය විකිරෙය්‍ය. එවරූපොපි පන ථෙරස්ස නිපච්චාකාරො සත්ථු සුවණ්ණචණ්ණෙ පාදපිට්ඨෙ ලොමමත්තමිපි විකොපෙතුං නාසක්ඛි. තිට්ඨතු ව මහාකස්සපො, මහාකස්සපසදිසානං හික්ඛුනං සහස්සමිපි සතසහස්සමිපි නිපච්චාකාරදස්සනෙන නෙව දසබ්බස්ස පාදපිට්ඨෙ ලොමමත්තමිපි විකොපෙතුං පංසුකුලච්චරෙ වා අංසුමත්තමිපි වාලෙතුං සක්කොති. එවං මහානුභාවො හි සත්ථා.

තස්මාතිහ තෙ කස්සපාති යස්මා අහං ජානන්තො එව “ජානාමි”ති, පස්සන්තො එව ව “පස්සාමි”ති වදාමි, තස්මා, කස්සප, තයා එවං සික්ඛිතබ්බං. තිබ්බන්ති බහලං මහන්තං. හිරොත්තජ්ජන්ති හිරි ව ඔත්තජ්ජඤ්ච. පච්චුපට්ඨිතං භවිස්සතීති පට්ඨමතරමෙව උපට්ඨිතං භවිස්සති. යො හි ථෙරාදීසු හිරොත්තජ්ජං උපට්ඨපෙත්වා උපසඬ්ඨකමති ථෙරාදයොපි තං සහිරිකා සමත්තජ්ජා ව හුත්වා උපසඬ්ඨකමන්තීති අයමෙත්ථ ආනිසංසො. කුසලුපසංහිතන්ති කුසලසන්නිස්සිතං. අට්ඨිං කත්ථාති අත්තානං තෙන ධම්මෙන අට්ඨිකං කත්ථා, තං වා ධම්මං “එස මය්හං අත්ථො”ති අට්ඨිං කත්ථා. මනසි කත්ථාති චිත්තෙ යපෙත්වා. සබ්බවෙතසා සමන්තාහරිත්ථාති චිත්තස්ස ථොකමිපි බහි ගන්තුං අදෙන්තො සබ්බෙන සමන්තාහාරචිත්තෙන සමන්තාහරිත්ථා. ඔහිතසොතොති යපිතසොතො, ඤාණසොතඤ්ච පසාදසොතඤ්ච ඔදහිත්වා මයා දෙසිතං ධම්මං.

සක්කච්චමෙව සුණිස්සාමිති එවඤ්ඤි තෙ සික්ඛිතබ්බං. සාතසහගතා ච මෙ කායගතාසතීති අසුභෙසු වෙච ආනාපානෙ ච පයමජ්ඣානවසෙන සුඛසම්පයුත්තා කායගතාසතී. යො ච පනායං තිවිධො ඔවාදො, ථෙරස්ස අයමෙව පබ්බජ්ජා ච උපසම්පදා ච අහොසි.

සරණොති සකිලෙසො සඉණො හුත්වා. රට්ඨපිණ්ඩං භුඤ්ජිත්ති සද්ධාදෙයාං භුඤ්ජිං. චත්තාරො හි පරිභොගා ථෙය්‍යපරිභොගො ඉණපරිභොගො දායජ්ජපරිභොගො සාම්පරිභොගොති. තත්ථ දුස්සීලස්ස සඬ්ඝමජ්ඣෙ නිසිදිත්වා භුඤ්ජන්තස්සාපි පරිභොගො ථෙය්‍යපරිභොගො නාම. කස්මා? චතුසු පච්චයෙසු අනිස්සරතාය. සීලවතො අපච්චවෙක්ඛිතපරිභොගො ඉණපරිභොගො නාම. සත්තන්තං සෙධානං පරිභොගො දායජ්ජපරිභොගො නාම. ඛිණාසවස්ස පරිභොගො සාම්පරිභොගො නාම. ඉති ඛිණාසවොච සාම් හුත්වා අනාණො පරිභුඤ්ජති. ථෙරො අත්තනා පුටුජ්ජනෙන හුත්වා පරිභුත්තපරිභොගං ඉණපරිභොගංයෙව කරොන්තො එවමාහ. අට්ඨමියා අඤ්ඤා උදපාදීති අට්ඨමෙ දිවසෙ අරහත්තඵලං උජ්ජජ්ජි.

අථ බො, ආචුසො, හගවා මග්ගා ඔක්කම්මාති මග්ගතො ඔක්කමනං පයමතරං තංදිවසෙයෙව අහොසි, අරහත්තාධිගමො පච්ජා. දෙසනාවාරස්ස පන එවං ආගතත්තා අරහත්තාධිගමො පයමං දීපිතො. කස්මා පන හගවා මග්ගා ඔක්කන්තොති? එවං කිරස්ස අහොසි “ඉමං හික්ඛුං ජාතිආරඤ්ඤිකං ජාතිපංසුකුලිකං ජාතිඵකාසනිකං කරස්සාමි”ති. තස්මා ඔක්කම්.

මුදුකා බො ත්‍යායන්ති මුදුකා බො තෙ අයං. ඉමඤ්ච පන වාවං හගවා තං වීචරං පදුමපුජ්ඵචණ්ණෙන පාණිනා අත්තන්තෙන පරාමසන්තො ආහ. කස්මා එවමාහාති? ථෙරෙන සහ වීචරං පරිචත්තෙතුකාමතාය. කස්මා පරිචත්තෙතුකාමො ජාතොති? ථෙරං අත්තනො යානෙ යපෙතුකාමතාය. ථෙරො පන යස්මා වීචරස්ස වා පත්තස්ස වා චණ්ණෙ කථිතෙ “ඉමං තුම්භාකං ගණ්හථා”තිවචනං වාරිත්තමෙව, තස්මා “පටිග්ගණ්හාතු මෙ, හන්තෙ, හගවා”ති ආහ. ධාරෙස්සසි පන මෙ ත්වං, කස්සප, සාණාති පංසුකුලානි නිබ්බසනානීති, කස්සප, ත්වං ඉමානි පරිභොගජිණ්ණානි පංසුකුලානි පාරුපිතුං සක්ඛිස්සසිති වදති. තඤ්ච බො න කායබලං සන්ධාය, පටිපත්තිපුරණං පන සන්ධාය එවමාහ. අයඤ්ඤෙත්ථ අධිජ්ජායො – අහං ඉමං වීචරං පුණ්ණං නාම දාසිං පාරුපිත්වා ආමකසුසානෙ ඡඩ්ඨිතං තං සුසානං පටිසිත්වා තුම්බමත්තෙහි පාණකෙහි සම්පරිකිණ්ණං තෙ පාණකෙ විධුනිත්වා මහාඅරියවංසෙ යත්වා අග්ගහෙසිං, තස්ස මෙ ඉමං වීචරං ගහිතදිවසෙ දසසහස්සවක්කවාලෙ මහාපථවී මහාවිරවං විරවමානා කම්පිත්ථ, ආකාසො තට්ඨධායි, චක්කවාලදෙවතා

සාධුකාරමදංසු, “ඉමං චීවරං ගණ්හන්තෙන භික්ඛුනා ජාතිපංසුකුලිකෙන ජාතිආරඤ්ඤිකෙන ජාතිඵකාසනිකෙන ජාතිසපදානචාරිකෙන භවිතුං වට්ටති, ත්වං ඉමස්ස චීවරස්ස අනුච්ඡවිකං කාතුං සක්ඛිස්සසී”ති. ටෙරොපි අත්තනා පඤ්චන්තං හත්ථිනං බලං ධාරෙති, සො තං අතක්කයිත්වා “අහමෙතං පටිපත්තිං පුරෙස්සාමි”ති උස්සාහෙන සුගතචීවරස්ස අනුච්ඡවිකං කාතුකාමො “ධාරෙස්සාමහං, හන්තෙ”ති ආහ. පටිපජ්ජිත්ති පටිපන්නොස්මි. එවං පන චීවරපරිවත්තනං කත්වා ච ටෙරෙන පාරුතචීවරං හගවා පාරුපි, සත්ථු චීවරං ටෙරො. තස්මිං සමයෙ මහාපට්ඨි උදකපරියන්තං කත්වා උන්නදන්ති කම්පිත්ථ.

හගවතො පුත්තොතිආදීසු ටෙරො හගවන්තං නිස්සාය අරියාය ජාතියා ජාතොති හගවතො පුත්තො. උරෙන වසිත්වා මුඛතො නික්ඛන්තඔවාදවසෙන පබ්බජ්ජාය ටෙව උපසම්පදාය ච පතිට්ඨිතත්තා ඔරසො මුඛතො ජාතො. ඔවාදධම්මතො ජාතත්තා ඔවාදධම්මෙන ච නිමිඨිතත්තා ධම්මජො ධම්මනිමිඨිතො. ඔවාදධම්මදායාදං නවලොකුත්තරධම්මදායාදමෙව චා අරහතීති ධම්මදායාදො . පටිග්ගහිතානි සාණානි පංසුකුලානීති සත්ථාරා පාරුතං පංසුකුලචීවරං පාරුපනත්ථාය පටිග්ගහිතං.

සම්මා වදමානො වදෙය්‍යාති යං පුග්ගලං “හගවතො පුත්තො”තිආදීහි ගුණෙහි සම්මා වදමානො වදෙය්‍ය, මමං තං සම්මා වදමානො වදෙය්‍ය, අහං ඵචරුපොති. එත්තාවතා ටෙරෙන පබ්බජ්ජා ච පරිසොධිතා හොති. අයඤ්ඤෙත්ථ අධිජ්ජායො – ආවුසො, යස්ස න උපජ්ඣායො පඤ්ඤායති, න ආචරියො, කිං සො අනුපජ්ඣායො අනාවරියො ත්භාපිතමුණ්ඩකො සයංගහිතකාසාවො “තිත්ථියපක්කන්තකො”ති සඬ්ඛං ගතො එවං තිගාචුතං මග්ගං පච්චුග්ගමනං ලහති, තීහි ඔවාදෙහි පබ්බජ්ජං චා උපසම්පදං චා ලහති, කායෙන කායං චීවරපරිවත්තනං ලහති? පස්ස යාව දුබ්භාසිතං වචනං ථුල්ලනන්දාය භික්ඛුනියාති. එවං පබ්බජ්ජං සොධෙත්වා ඉදානි ඡහි අහිඤ්ඤාහි සිහනාදං නදිතුං අහං බො, ආවුසොතිආදිමාහ. සෙසං පුරිමනයෙතෙව වෙදිතබ්බං. එකාදසමං.

12. පරංමරණසුත්තවණ්ණනා

155. ද්වාදසමෙ තථාගතොති සත්තො. න හෙතං, ආවුසො, අත්ථසංහිතන්ති, ආවුසො, එතං දිට්ඨිගතං අත්ථසන්තිස්සිතං න හොති. නාදිබ්‍රහ්මවරියකන්ති මග්ගබ්‍රහ්මවරියස්ස පුබ්බභාගපටිපදාපි න හොති. එතඤ්ඤි, ආවුසො, අත්ථසංහිතන්ති, ආවුසො, එතං චතුසච්චකම්මට්ඨානං අත්ථසන්තිස්සිතං. එතං ආදිබ්‍රහ්මවරියකන්ති එතං මග්ගබ්‍රහ්මවරියස්ස ආදි පුබ්බභාගපටිපදා. ද්වාදසමං.

13. සද්ධම්මප්පතිරූපකසුත්තවණ්ණනා

156. තෙරසමෙ අඤ්ඤාය සණ්ඨනිංසුති අරහත්තෙ පතිට්ඨනිංසු.
සද්ධම්මප්පතිරූපකන්ති ද්වෙ සද්ධම්මප්පතිරූපකානි
අධිගමසද්ධම්මප්පතිරූපකඤ්ච පරියත්තිසද්ධම්මප්පතිරූපකඤ්ච. තත්ථ -

“ඕභාසෙ චෙව ඤාණෙ ච, පිතියා ච විකම්පති;

පස්සද්ධියා සුඛෙ චෙව, යෙහි චිත්තං පචෙධති.

“අධිමොක්ඛෙ ච පග්ගාහෙ, උපට්ඨානෙ ච කම්පති;

උපෙක්ඛාවජ්ජනාය චෙව, උපෙක්ඛාය ච නිකන්තියා.

“ඉමානි දස යානානි, පඤ්ඤා යස්ස පරිචිතා;

ධම්මුද්ධච්චකුසලො හොති, න ච සම්මොහ ගච්ඡති”ති. (පටි. ම. 2.7); -

ඉදං විපස්සනාඤාණස්ස උපක්කිලෙසජාතං අධිගමසද්ධම්මප්පතිරූපකං නාම.
තිස්සො පන සඬ්භිතියො අනාරුල්භං ධාතුකථා ආරම්මණකථා අසුභකථා
ඤාණවත්ථුකථා විජ්ජාකරණ්ඩකොති ඉමෙහි පඤ්චහි කථාවත්ථුහි පරිබාහිරං
ගුල්භවිතයං ගුල්භවෙස්සන්තරං ගුල්භමහොසධං වණ්ණපිටකං
අඬ්ගුලිමාලපිටකං රට්ඨපාලගජ්ජිතං ආලවකගජ්ජිතං වෙදල්ලපිටකන්ති
අබුද්ධච්චනං පරියත්තිසද්ධම්මප්පතිරූපකං නාම.

ජාතරූපප්පතිරූපකන්ති සුවණ්ණරසවිධානං ආරක්ඛට්ඨයං සුවණ්ණවණ්ණං
ආහරණජාතං. ඡණකාලෙසු හි මනුස්සා “ආහරණහණ්ඩකං ගණ්හිස්සාමා”ති
ආපණං ගච්ඡන්ති. අථ තෙ ආපණිකා එවං වදන්ති, “සචෙ තුම්හෙ
ආහරණත්ථිකා, ඉමානි ගණ්හථ. ඉමානි හි සනානි චෙව වණ්ණවන්තානි ච
අප්පග්ගානි චා”ති. තෙ තෙසං සුත්වා, “කාරණං ඉමෙ වදන්ති, ඉමානි
පිළන්ධිත්වා සක්කා නක්ඛන්තං කිළිතුං, සොහන්ති චෙව අප්පග්ගානි චා”ති
තානි ගහෙන්වා ගච්ඡන්ති. සුවණ්ණහණ්ඩං අවික්කියමානං නිදහින්වා
ධ්වපෙතබ්බං හොති. එවං තං ජාතරූපප්පතිරූපකෙ උප්පන්නෙ අන්තරධායති
නාම.

අථ සද්ධම්මස්ස අන්තරධානං හොතීති අධිගමසද්ධම්මස්ස
පටිපත්තිසද්ධම්මස්ස පරියත්තිසද්ධම්මස්සාති තිවිධස්සාපි සද්ධම්මස්ස
අන්තරධානං හොති. පට්ඨමබ්බියඤ්ඤි හික්ඛු පටිසම්භිදප්පත්තා අහෙසුං. අථ
කාලෙ ගච්ඡන්තෙ පටිසම්භිදා පාපුණිතුං න සක්ඛිංසු, ඡළහිඤ්ඤා අහෙසුං.
තතො ඡ අහිඤ්ඤා පාපුණිතුං අසක්කොන්තා තිස්සො විජ්ජා පාපුණිංසු. ඉදානි
කාලෙ ගච්ඡන්තෙ තිස්සො විජ්ජා පාපුණිතුං අසක්කොන්තා ආසවක්ඛයමන්තං

පාපුණිස්සන්ති. තම්පි අසක්කොන්තා අනාගාමිඵලං, තම්පි අසක්කොන්තා සකදාගාමිඵලං, තම්පි අසක්කොන්තා සොතාපත්තිඵලං. ගච්ඡන්තෙ කාලෙ සොතාපත්තිඵලම්පි පත්තුං න සක්ඛිස්සන්ති. අථ නෙසං යදා විපස්සනා ඉමෙහි උපක්කිලෙසෙහි උපක්කිලිට්ඨා ආරද්ධමත්තාව යස්සති, තදා අධිගමසද්ධම්මො අන්තරහිතො නාම භවිස්සති.

පයමබොධියඤ්ඤි භික්ඛු චතුත්තං පටිසම්භිදානං අනුච්ඡවිකං පටිපත්තිං පූරයිංසු. ගච්ඡන්තෙ කාලෙ තං අසක්කොන්තා ඡන්තං අභිඤ්ඤානං, තම්පි අසක්කොන්තා තිස්සන්තං විජ්ජානං, තම්පි අසක්කොන්තා අරහත්තඵලමත්තස්ස. ගච්ඡන්තෙ පන කාලෙ අරහත්තස්ස අනුච්ඡවිකං පටිපත්තිං පූරෙතුං අසක්කොන්තා අනාගාමිඵලස්ස අනුච්ඡවිකං පටිපත්තිං පූරෙස්සන්ති, තම්පි අසක්කොන්තා සකදාගාමිඵලස්ස, තම්පි අසක්කොන්තා සොතාපත්තිඵලස්ස. යදා පන සොතාපත්තිඵලස්සපි අනුච්ඡවිකං පටිපදං පූරෙතුං අසක්කොන්තා සීලපාරිසුද්ධිමත්තෙව යස්සන්ති, තදා පටිපත්තිසද්ධම්මො අන්තරහිතො නාම භවිස්සති.

යාව පන තෙපිට්ඨකං බුද්ධචචනං චත්තති, න තාව සාසනං අන්තරහිතන්ති චත්තුං චට්ටති. තිට්ඨන්තු තිණි වා, අභිධම්මපිට්ඨකෙ අන්තරහිතෙ ඉතරෙසු ද්විසු තිට්ඨන්තෙසුපි අන්තරහිතන්ති න චත්තබ්බමෙව. ද්විසු අන්තරහිතෙසු විනයපිට්ඨකමත්තෙ ධීතෙපි, තත්ත්ව පිට්ඨකපරිවාරෙසු අන්තරහිතෙසු උභතොවිභවිගමත්තෙ, මහාවිනයෙ අන්තරහිතෙ ද්විසු පාතිමොක්ඛෙසු චත්තමානෙසුපි සාසනං අනන්තරහිතමෙව. යදා පන ද්වෙ පාතිමොක්ඛා අන්තරධායිස්සන්ති, අථ පරියත්තිසද්ධම්මස්ස අන්තරධානං භවිස්සති. තස්මිං අන්තරහිතෙ සාසනං අන්තරහිතං නාම භොති. පරියත්තියා හි අන්තරහිතාය පටිපත්ති අන්තරධායති, පටිපත්තියා අන්තරහිතාය අධිගමො අන්තරධායති. කිං කාරණා? අයඤ්ඤි පරියත්ති පටිපත්තියා පච්චයො භොති, පටිපත්ති අධිගමස්ස. ඉති පටිපත්තිතොපි පරියත්තිමෙව පමාණං.

නනු ච කස්සපසම්මාසම්බුද්ධකාලෙ කපිලො නාම අනාරාධකභික්ඛු “පාතිමොක්ඛං උද්දිසිස්සාමි”ති බීජනිං ගහෙත්වා ආසනෙ නිසින්නො “අත්ථි ඉමස්මිං චත්තන්තා”ති පුච්ඡි, අථ තස්ස භයෙන යෙසම්පි පාතිමොක්ඛො චත්තති, තෙපි “මයං චත්තාමා”ති අචත්වා “න චත්තාමා”ති වදිංසු, සො බීජනිං යපෙත්වා උට්ඨායාසනා ගතො, තදා සම්මාසම්බුද්ධස්ස සාසනං ඔසක්කිතන්ති? කිඤ්චාපි ඔසක්කිතං, පරියත්ති පන එකන්තෙතෙව පමාණං. යථා හි මහතො තළාකස්ස පාළියා ථීරාය උදකං න යස්සතීති න චත්තබ්බං, උදකෙ සති පද්මාදීනි පුජ්ථානි න පුජ්ථිස්සන්තිති න චත්තබ්බං, එවමෙව මහාතළාකස්ස ථීරපාළිසදිසෙ තෙපිට්ඨකෙ බුද්ධචචනෙ සති මහාතළාකෙ

උදකසදිසා පටිපත්තිපුරකා කුලපුත්තා නත්ථිති න වත්තබ්බා, තෙසු සති මහාතළාකෙ පදුමාදිති පුජ්ථාති විය සොනාපන්නාදයො අරියපුග්ගලා නත්ථිති න වත්තබ්බාති එවං එකන්තතො පරියත්තියෙව පමාණං.

පට්ඨිධාතුති ද්වෙ සතසහස්සාති වත්තාරි ව නහුතාති බහලා මහාපට්ඨි. ආපොධාතුති පට්ඨිතො පට්ඨාය යාව සුභකිණ්හබ්බුග්ගමලොකා උග්ගතං කස්සපිනාසකං උදකං. තෙජොධාතුති පට්ඨිතො පට්ඨාය යාව ආහස්සරබ්බුග්ගමලොකා උග්ගතො කස්සපිනාසකො අග්ගි. වායොධාතුති පට්ඨිතො පට්ඨාය යාව වෙහස්ඵලබ්බුග්ගමලොකා උග්ගතො කස්සපිනාසකො වායු. එතෙසු හි එකධම්මොපි සත්ථු සාසනං අන්තරධාපෙතුං න සක්කොති, තස්මා එවමාහ. ඉධෙව තෙ උප්පජ්ජන්ති ලොහතො ලොහබාදකං මලං විය ඉමස්මිං මය්හංයෙව සාසනෙ තෙ උප්පජ්ජන්ති. මොසපුරිසාති තුව්ඡපුරිසා.

ආදිකෙනෙව ඔපිලවතීති එත්ථ ආදිකෙනාති ආදානෙන ගහණෙන. ඔපිලවතීති නිමුජ්ජති. ඉදං චුත්තං හොති – යථා උදකවරා නාවා හණ්ඩං ගණ්හන්ති නිමුජ්ජති, එවං පරියත්තිආදීනං පුරණෙන සද්ධම්මස්ස අන්තරධානං න හොති. පරියත්තියා හි භායමානාය පටිපත්ති භායති, පටිපත්තියා භායමානාය අධිගමො භායති. පරියත්තියා පුරයමානාය පරියත්තිධරා පුග්ගලා පටිපත්තිං පුරෙන්නි, පටිපත්තිපුරකා අධිගමං පුරෙන්නි. ඉති නවවන්දො විය පරියත්තියාදීසු වඩ්ඪමානාසු මය්හං සාසනං වඩ්ඪති යෙවාති දස්සෙති.

ඉදාති යෙහි ධම්මෙහි සද්ධම්මස්ස අන්තරධානඤ්චෙව යිති ව හොති, තෙ දස්සෙන්නො පඤ්ච බොතිආදිමාහ. තත්ථ ඔක්කමනීයාති අවක්කමනීයා, හෙට්ඨාගමනීයාති අත්ථො. සත්ථරි අගාරවාතිආදීසු අගාරවාති ගාරවරහිතා. අප්පතිස්සාති අප්පතිස්සයා අනිවචුත්තිකා. තත්ථ යො වෙතියඬගණං ආරොහන්නො ඡත්තං ධාරෙති, උපාහනං ධාරෙති, අඤ්ඤතො ඔලොකෙත්වා කථං කථෙන්නො ගච්ඡති, අයං සත්ථරි අගාරවො නාම.

යො ධම්මස්සවනස්ස කාලෙ සඬ්ඝුට්ඨෙ දහරසාමණෙරෙහි පරිවාරිතො නිසීදති, අඤ්ඤාති වා නවකම්මාදිති කරොති, ධම්මස්සවනග්ගෙ නිසින්නො නිද්දායති, වික්ඛින්නො වා අඤ්ඤං කථෙන්නො නිසීදති, අයං ධම්මෙ අගාරවො නාම.

යො ථෙරුපට්ඨානං ගන්ත්වා, අවන්දිත්වා නිසීදති, හත්ථපල්ලත්ථිකං දුස්සපල්ලත්ථිකං කරොති, අඤ්ඤං වා පන හත්ථපාදකුක්කුච්චං කරොති, වුඩ්ඪානං සන්තිකෙ අනජ්ඣිට්ඨො කථෙති, අයං සඬ්ඝෙ අගාරවො නාම.

තිස්සො පන සික්ඛා අපුරෙන්නොව සික්ඛාය අගාරවො නාම හොති. අට්ඨ සමාපත්තියො අනිබ්බත්තෙන්නො තාසං වා පන නිබ්බත්තනත්ථාය පයොගං

සංයුත්තනිකායෙ

නිදානවග්ග-අට්ඨකථා

කස්සපසංයුත්තං

අකරොන්තො

සමාධිස්ථිං

අභාරවො

නාම.

සුක්කපක්ඛො

චුත්තවිපල්ලාසෙනෙව වෙදිතඛිබ්බොති. තෙරසමං.

කස්සපසංයුත්තවණ්ණනා නිට්ඨිතා.

6. ලාභසක්කාරසංයුත්තං

1. පට්ඨවග්ගො

1. දාරුණසුත්තවණ්ණනා

157. ලාභසක්කාරසංයුත්තස්ස පට්ඨෙ දාරුණොති ථද්ධො. ලාභසක්කාරසිලොකොති එත්ථ ලාභො නාම චතුපච්චයලාභො. සක්කාරොති තෙසංයෙව සුකතානං සුසඬ්ඛතානං ලාභො. සිලොකොති චණ්ණසොසො. කට්ඨකොති තිබ්බිණො. ඵරුසොති බරො. අන්තරාසිකොති අන්තරායකරො. පට්ඨමං.

2. බලිසසුත්තවණ්ණනා

158. දුතියෙ බාලිසිකොති බලිසං ගහෙත්වා වරමානො මච්ඡසාතකො. ආමිසගතන්ති ආමිසමක්ඛිතං. ආමිසවක්ඛුති ආමිසෙ චක්ඛු දස්සනං අස්සාති ආමිසවක්ඛු. ගිලබලිසොති ගිලිතබලිසො. අනයං ආපන්නොති දුක්ඛං පත්තො. බ්‍යසනං ආපන්නොති විනාසං පත්තො. යථාකාමකරණීයොති යථාකාමෙන යථාරුචියා යථෙව නං බාලිසිකො ඉච්ඡති, තථෙවස්ස කත්තබ්බොති අත්ථො. යථාකාමකරණීයො පාපිමකොති යථා කිලෙසමාරස්ස කාමො, එවං කත්තබ්බො, නිරයං වා තිරච්ඡානායොතිං වා පෙත්තිවිසයං වා පාපෙතබ්බො. දුතියං.

3-4. කුම්මසුත්තාදිවණ්ණනා

159-160. තතියෙ මහාකුම්මකුලන්ති මහන්තං අට්ඨිකච්ඡපකුලං. අගමාසීති “එත්ථ අද්ධා කිඤ්චි බාදිතබ්බං අත්ථී, තං මච්ඡරායන්තො මං එස නිවාරෙති”ති සඤ්ඤාය අගමාසි. පපතායාති පපතා වුවචති දීඝරජ්ජුකබද්ධො අයකන්තකොසකෙ දණ්ඩකං පට්ඨෙසෙත්වා ගභිතො කණ්ණිකසල්ලසණ්ඨානො, අයකණ්ටකො, යස්මිං චෙගෙන පතිත්වා කටාහෙ ලග්ගමත්තෙ දණ්ඩකො නික්ඛමති, රජ්ජුකො එකාබද්ධො ගච්ඡතෙව. සො කුම්මොති සො විද්ධකුම්මො. යෙන සො කුම්මොති උදකසද්දං සුත්වා සාසඬ්ඛකට්ඨානං භවිස්සතීති නිවත්තිත්වා යෙන සො අත්ථකාමො කුම්මො. න දානි ත්වං අම්භාකන්ති ඉදානි ත්වං අමිත්තහත්ථං ගතො, න අම්භාකං සන්තකොති අත්ථො. එවං සල්ලපන්නානංයෙව ච තෙසං නාවාය ධීතො ලුද්දො රජ්ජුකං ආකඬ්ඪිත්වා කුම්මං ගහෙත්වා යථාකාමං අකාසී. සෙසමෙත්ථ ඉතො අනන්තරසුත්තෙ ව උත්තානමෙව. තතියවතුත්ථානි.

5. මිලිභකසුත්තවණ්ණනා

161. පඤ්චමෙ මිලිභකාති ගුප්තපාණකා. ගුප්තාදීති ගුප්තඝක්ඛා. ගුප්තපුරාති අන්තො ගුප්තන භරිතා. පුණ්ණා ගුප්තස්සාති ඉදං පුරිමස්සෙව අත්ථදීපනං. අතිමඤ්ඤෙය්‍යාති පච්ඡිමපාදෙ භූමියං යපෙත්වා පුරිමපාදෙ ගුප්තස්ස උපරි ආරොපෙත්වා යිතා “අභමිති ගුප්තාදී”ති භණන්ති අතිමඤ්ඤෙය්‍යා. පිණ්ඩපාතො වස්ස පුරොති අපරොපිස්ස පත්තපුරො පණිනපිණ්ඩපාතො භවෙය්‍යා. පඤ්චමං.

6. අසනිසුත්තවණ්ණනා

162. ඡට්ඨෙ කං, භික්ඛවෙ, අසනිවිචක්කන්ති, භික්ඛවෙ, කං පුග්ගලං මත්ථකෙ පතිත්වා මද්දමානං සුක්කාසනිවක්කං ආගච්ඡතු. අප්පත්තමානසන්ති අනධිගතාරහත්තං. ඉති භගවා න සත්තානං දුක්ඛකාමතාය, ආදීනවං පන දස්සෙතුං එවමාහ. අසනිවිචක්කඤ්චි මත්ථකෙ පතිතං එකමෙව අත්තභාවං නාසෙති, ලාභසක්කාරසිලොකෙන පරියාදිණ්ණවිත්තො නිරයාදීසු අනන්තදුක්ඛං අනුභොති. ඡට්ඨං.

7. දිද්ධසුත්තවණ්ණනා

163. සත්තමෙ දිද්ධගතෙනාති ගතදිද්ධෙන. විසල්ලෙනාති විසමක්ඛිතෙන. සල්ලෙනාති සත්තියා. සත්තමං.

8. සිඬිගාලසුත්තවණ්ණනා

164. අට්ඨමෙ සිඬිගාලොති ජරසිඬිගාලො. යථා හි සුවණ්ණවණ්ණොපි කායො පුතිකායො ත්වෙව, තංඛණං ගලිතම්පි ව මුත්තං පුතිමුත්තන්ත්වෙව වුව්චති, එවං තද්වුජාතොපි සිඬිගාලො ජරසිඬිගාලොත්වෙව වුව්චති. උක්කණ්ටකෙන නාමාති එවංනාමකෙන රොගෙන. සො කිර සීතකාලෙ උප්පජ්ජති. තස්මිං උප්පන්නෙ සකලසරීරතො ලොමානි පතන්ති, සකලසරීරං නිල්ලොමං හුත්වා, සමන්තතො පුට්ඨි, වාතබ්භාහතා වණා රුජ්ජන්ති. යථා උම්මත්තකසුනාබෙන දට්ඨො පුරිසො අනවට්ඨිතොව භමති, එවං තස්මිං උප්පන්නෙ භමිතබ්බො භොති, අසුකට්ඨානෙ සොත්ථි භවිස්සතීති න පඤ්ඤායති. අට්ඨමං.

9. වෙරම්භසුත්තවණ්ණනා

165. නවමෙ වෙරම්භවාතාති එවංනාමකා මහාවාතා. කිදිසෙ පන යානෙ තෙ වාතා වායන්තීති? යත්ථ යිතස්ස චත්තාරො දීපා උප්පලිනිපත්තමත්තා හුත්වා පඤ්ඤායන්ති. යො පක්ඛි ගච්ඡතීති නවවුට්ඨෙ දෙවෙ විරවන්තො වාතසකුණො තත්ථ ගච්ඡති, තං සන්ධායෙතං වුත්තං. අරක්ඛිතෙනෙව

කායෙනාතිආදීසු හත්ථපාදෙ කීළාපෙන්තො ඛන්ධට්ඨිං වා නාමෙන්තො කායං න රක්ඛති නාම, නානාවිධං දුට්ඨුල්ලකථං කථෙන්තො වාචං න රක්ඛති නාම, කාමචිතක්කාදයො චිතක්කෙන්තො චිත්තං න රක්ඛති නාම. අනුපට්ඨිතාය සතියාති කායගතාසතිං අනුපට්ඨයපෙත්වා. නවමං.

10. සගාථකසුත්තවණ්ණනා

166. දසමෙ අසක්කාරෙන චූභයන්ති අසක්කාරෙන ච උභයෙන. සමාධීති අරහත්තඵලසමාධි. සො හි තෙන න විකම්පති. අප්පමාණවිහාරිතොති අප්පමාණෙන ඵලසමාධිනා විහරන්තස්ස. සාතතිකන්ති සතතකාරිං. සුබ්බමදිට්ඨිවිපස්සකන්ති අරහත්තමග්ගදිට්ඨියා සුබ්බමදිට්ඨිඵලසමාපත්තිඅත්ථාය විපස්සනං පට්ඨයපෙත්වා ආගතත්තා විපස්සකං. උපාදානක්ඛයාරාමන්ති උපාදානක්ඛයසඬබාතෙ නිබ්බාතෙ රතං. ආහු සප්පුරිසො ඉතීති සප්පුරිසොති කථෙන්තීති. දසමං.

පඨමො වග්ගො.

2. දුතියවග්ගො

1-2. සුවණ්ණපාතිසුත්තාදිවණ්ණනා

167-168. දුතියවග්ගස්ස පඨමෙ සම්පජානමුසා භාසන්තන්ති අප්පමත්තකෙනපි කාරණෙන සම්පජානමෙව මුසා භාසන්තං. “සීලං පුරෙස්සාමී”ති සංවිහිතභික්ඛුං සිනෙරුමත්තොපි පච්චයරාසි වාලෙතුං න සක්කොති. යදා පන සීලං පභාය සක්කාරනිස්සිතො හොති, තදා කුණ්ඩකමුට්ඨිහෙතුපි මුසා භාසති, අඤ්ඤං වා අකිච්චං කරොති. දුතියං උත්තානමෙවාවති. පඨමදුතියාති.

3-10. සුවණ්ණනික්ඛසුත්තාදිවණ්ණනා

169. තතියාදීසු සුවණ්ණනික්ඛස්සාති එකස්ස කඤ්චනනික්ඛස්ස. සිඬගීනික්ඛස්සාති සිඬගීසුවණ්ණනික්ඛස්ස. පථවියාති චක්කවාලඛිතරාය මහාපථවියා. ආමිසකිඤ්චික්ඛහෙතුති කස්සච්ඡෙද ආමිසස්ස හෙතු අන්තමසො කුණ්ඩකමුට්ඨිතොපි. ජීවිතහෙතුති අට්ඨයං වොරෙහි ගහෙත්වා ජීවිතෙ වොරොපියමානෙ තස්සපි හෙතු. ජනපදකලායාණියාති ජනපදෙ උත්තමිත්ථියා. තතියාදීති.

දුතියො වග්ගො.

3. තතියවග්ගො

1-2. මාතුගාමසුත්තාදිවග්ගො

170-171. තතියවග්ගස්ස පටිමෙ න තස්ස, භික්ඛවෙ, මාතුගාමොති න තස්ස රහො එකකස්ස නිසිත්තස්ස තෙන ධම්මෙන අත්ථිකොපි මාතුගාමො චිත්තං පරියාදාතුං සක්කොති, යස්ස ලාභසක්කාරසිලොකො චිත්තං පරියාදාතුං සක්කොතිති, අත්ථො. දුතියං උත්තානමෙවාති. පටිමදුතියාති.

3-6. එකපුත්තකසුත්තාදිවග්ගො

172-175. තතියෙ සද්ධාති සොතාපන්නා. සෙසමෙත්ථ උත්තානමෙව. තථා චතුත්ථෙ පඤ්චමෙ ඡට්ඨෙ ව. තතියාදීති.

7. තතියසමණඛාත්මණසුත්තවග්ගො

176. සත්තමෙ සමුදයන්තිආදීසු සහ පුබ්බකම්මෙන අත්තභාවො කොලපුත්තියං වග්ගපොක්ඛරතා කල්‍යාණවාක්කරණතා ධුතගුණාවිකරණං විවරධාරණං පරිවාරසම්පත්තීති එවමාදි ලාභසක්කාරස්ස සමුදයො නාම, තං සමුදයසච්චවසෙන නස්පජානාති, නිරොධො ච පටිපදා ච නිරොධසච්චවග්ගසච්චවසෙනෙව වෙදිතබ්බා. සත්තමං.

8. ඡව්සුත්තවග්ගො

177. අට්ඨමෙ යස්මා ලාභසක්කාරසිලොකො නරකාදීසු, නිබ්බත්තෙන්තො සකලම්පි ඉමං අත්තභාවං නාසෙති, ඉධාපි මරණම්පි මරණමත්තම්පි දුක්ඛං ආවහති, තස්මා ඡවිං ඡිත්තදත්තිආදි චුත්තං. අට්ඨමං.

9. රජ්ජුසුත්තවග්ගො

178. නවමෙ වාළරජ්ජුයාති සුත්තාදිමයා රජ්ජු මුදුකා හොති වාළරජ්ජු බරා එරුසා, තස්මා අයමෙව ගහිතා. නවමං.

10. භික්ඛුසුත්තවග්ගො

179. දසමෙ දිට්ඨධම්මසුඛවිහාරාති ඵලසමාපත්තිසුඛවිහාරා. තෙසාහමස්සාති තෙසං අභං අස්ස. ඛිණාසවො හි ලාභී පුඤ්ඤසම්පන්නො යාගුඛජ්ජකාදීති ගහෙත්වා ආගතාගතානං අනුමොදනං කරොත්තො ධම්මං දෙසෙන්තො පඤ්ඤං විස්සජ්ජෙන්තො ඵලසමාපත්තිං අප්පෙත්වා නිසීදිතුං ඔකාසං න ලහති, තං සන්ධාය චුත්තන්ති. දසමං.

තතියො වග්ගො.

4. චතුත්ථවග්ගො

1-4. භින්දිසුත්තාදිවග්ගො

180-183. චතුත්ථවග්ගස්ස පටමං උත්තානමෙව. දුතියාදීසු කුසලමූලන්ති අලොභාදිතිවිධකුසලධම්මො. සුක්කො ධම්මොති තස්සෙව පරියායදෙසනා. අයං පනෙත්ථ සඨබ්බෙපත්ථො – යස්ස කුසලමූලාදිසඨබ්බාතස්ස අනවජ්ජධම්මස්ස අසමුච්ඡින්නත්තා දෙවදත්තො සග්ගෙ වා නිබ්බත්තෙය්‍ය, මග්ගඵලානි වා අධිගච්ඡෙය්‍ය, ස්වාස්ස සමුච්ඡෙදමග්ගා සබ්බසො සමුච්ඡින්නො විනට්ඨො. පටමාදිති.

5. අවිරපක්කන්තසුත්තවග්ගො

184. පඤ්චමෙ පරාභවායාති අවධිඨියා විනාසාය. අස්සතරීති වළවාය කුච්ඡිස්මිං ගද්‍රහස්ස ජාතා. අත්තවධාය ගබ්භං ගණ්භාතීති තං අස්සෙන සද්ධිං සම්පයොජෙත්ති, සා ගබ්භං ගණ්භිත්වා කාලෙ සම්පත්තෙ විජායිතුං න සක්කොති, පාදෙහි භූමියං පහරන්ති තිට්ඨති, අථස්සා චත්තාරො පාදෙ චතුසු බාණුකෙසු බන්ධිත්වා කුච්ඡිං ආලෝක්වා පොතං නීහරන්ති, සා තත්ථෙව මරති. තෙනෙතං චුත්තං. පඤ්චමං.

6. පඤ්චරථසතසුත්තවග්ගො

185. ඡට්ඨෙ භත්තාභිභාරොති අභිහරිතබ්බං භත්තං. තස්ස පන පමාණං දස්සෙතුං පඤ්ච ව ථාලිපාකසතාතීති චුත්තං. තත්ථ එකො ථාලිපාකො දසන්තං පුරිසානං භත්තං ගණ්භාති. නාසාය පිත්තං භින්දෙය්‍යුන්ති අච්ඡපිත්තං වා මච්ඡපිත්තං වාස්ස නාසපුටෙ පක්ඛිපෙය්‍යං. ඡට්ඨං.

7-13. මාතුසුත්තාදිවග්ගො

186-187. සත්තමෙ මාතුපි හෙතුති “සචෙ මුසා හණ්ඨි, මාතරං තෙ විස්සජ්ජෙස්සාම. නො චෙ හණ්ඨි, න විස්සජ්ජෙස්සාමා”ති එවං චොරෙහි අට්ඨියං පුච්ඡමානො තස්සා චොරහත්ථගතාය මාතුයාපි හෙතු සම්පජානමුසා න භාසෙය්‍යාති අත්ථො. ඉතො පරෙසුපි එසෙව නයොති. සත්තමාදිති.

ලාභසක්කාරසංයුත්තවග්ගො නිට්ඨිතා.

7. රාහුලසංයුත්තං

1. පයමවග්ගො

1-8. චක්ඛුසුත්තාදිවණ්ණනා

188-195. රාහුලසංයුත්තස්ස පයමෙ එකොති චතුසු ඉරියාපටෙසු එකවිහාරී. වූපකට්ඨොති විවෙකට්ඨො නිස්සද්දො. අප්පමත්තොති සතියා අවිජ්ජවසන්තො. ආතාපිති වීරියසම්පන්නො. පහිතත්තො විහරෙය්‍යන්ති විසෙසාධිගමත්ථාය පෙසිතත්තො හුත්වා විහරෙය්‍යං. අනිච්චන්ති හුත්වා අභාවාකාරොන අනිච්චං. අථ වා උප්පාදවයවත්තතාය තාවකාලිකතාය විපරිණාමකොට්ඨාය නිච්චපටික්ඛෙපතොති ඉමෙහිපි කාරණෙහි අනිච්චං. දුක්ඛන්ති චතුහි කාරණෙහි දුක්ඛං දුක්ඛමනට්ඨොන දුක්ඛවත්ථුකට්ඨොන සත්තසම්පීළනට්ඨොන සුඛපටික්ඛෙපෙනාති. කල්ලන්ති යුත්තං. එතං මමාති තණ්හාගාහො. එසොහමස්මීති මානගාහො. එසො මෙ අත්තාති දිට්ඨිගාහො. තණ්හාගාහො චෙත්ථ අට්ඨසත්තණ්හාවිවර්තවසෙන, මානගාහො නවවිධමානවසෙන, දිට්ඨිගාහො ද්වාසට්ඨිදිට්ඨිවසෙන චෙදිතබ්බො. නිබ්බින්නදං විරජ්ජනීති එත්ථ විරාගවසෙන චත්තාරො මග්ගා කථිතා, විරාගා විමුච්චතීති එත්ථ විමුත්තිවසෙන චත්තාරි සාමඤ්ඤඵලානි.

එත්ථ ච පඤ්චසු ද්වාරෙසු පසාදාව ගහිතා, මනොති ඉමිනා තෙභූමකං සම්මසනවාරවිත්තං. දුතියෙ පඤ්චසු ද්වාරෙසු ආරම්මණමෙව. තතියෙ පඤ්චසු ද්වාරෙසු පසාදවත්ථුකවිත්තමෙව, මනොවිඤ්ඤාණෙන තෙභූමකං සම්මසනවාරවිත්තං ගහිතං. එවං සබ්බත්ථ නයො නෙතබ්බො. ඡට්ඨෙ තෙභූමකධම්මා. අට්ඨමෙ පන තණ්හාති තස්මිං තස්මිං ද්වාරෙ ජවනප්පත්තාව ලබ්භති. පයමාදීති.

9. ධාතුසුත්තවණ්ණනා

196. නවමෙ විඤ්ඤාණධාතුවසෙන නාමං, සෙසාහි රූපන්ති නාමරූපං කථිතං. නවමං.

10. ඛන්ධසුත්තවණ්ණනා

197. දසමෙ රූපක්ඛන්ධො කාමාවචරො, සෙසා චත්තාරො සබ්බසඬ්ඨිගාහිකපරිච්ඡෙදෙන චතුභූමකා. ඉධ පන තෙභූමකාති ගහෙතබ්බො. දසමං.

පයමො වග්ගො.

2. දුතියවග්ගො

1-10. චක්ඛුසුත්තාදිවග්ගො

198-199. දුතියෙ දස උත්තානත්ථානෙව. පටමාදීනි.

11. අනුසයසුත්තවග්ගො

200. එකාදසමෙ ඉමස්මිඤ්ච සවිඤ්ඤාණකෙ කායෙති අත්තනො සවිඤ්ඤාණකකායං දස්සෙති, බහිද්ධා වාති පරස්ස සවිඤ්ඤාණකං වා අවිඤ්ඤාණකං වා. පුරිමෙන වා අත්තනො ව පරස්ස ව විඤ්ඤාණමෙව දස්සෙති, පච්ඡිමෙන බහිද්ධා අනිත්ථියබද්ධරූපං. අභච්ඡාරමමච්ඡාරමානානුසයාති අභංකාරදිට්ඨි ව මමංකාරතණ්හා ව මානානුසයා ව. න භොන්තීති එතෙ කිලෙසා කථං ජානන්තස්ස එතෙසු චත්ථුසු න භොන්තීති පුච්ඡති. සම්මප්පඤ්ඤාය පස්සතීති සහ විපස්සනාය මග්ගපඤ්ඤාය සුට්ඨු පස්සති. එකාදසමං.

12. අපගතසුත්තවග්ගො

201. ද්වාදසමෙ අභච්ඡාරමමච්ඡාරමානාපගතන්ති අභංකාරතො ව මමංකාරතො ව මානතො ව අපගතං. විධා සමතික්කන්තන්ති මානකොට්ඨාසෙ සුට්ඨු අතික්කන්තං. සන්තං සුචිමුත්තන්ති කිලෙසවූපසමෙන සන්තං, කිලෙසෙහෙව සුට්ඨු විමුත්තං. සෙසං උත්තානමෙවාති. ද්වාදසමං.

දුතියො වග්ගො.

ද්විසූපි අසෙක්ඛෙමි කථිතා. පටමො පනෙන්ථ ආයාවන්තස්ස දෙසිතො, දුතියො අනායාවන්තස්ස. සකලෙපි පන රාහුලසංයුත්තෙ ථෙරස්ස විමුත්තිපරිපාවනීයධම්මාව කථිතාති.

රාහුලසංයුත්තවග්ගො නිට්ඨිතා.

8. ලක්ඛණසංයුක්තං

1. පට්ඨමවග්ගො

1. අට්ඨසුත්තවණ්ණනා

202. ලක්ඛණසංයුක්තෙ ය්වායං ආයස්මා ච ලක්ඛණොති ලක්ඛණත්ථෙරො චුත්තො, එස ජට්ඨසහස්සඛින්නරෙ එහිහික්ඛුපසම්පදාය උපසම්පන්නො ආදිත්තපරියායාවසානෙ අරහත්තං පත්තො එකො මහාසාවකොති වෙදිතඛිබ්බො. යස්මා පනෙස ලක්ඛණසම්පන්නෙන සඛ්ඛාකාරපරිපූරෙන බ්‍රහ්මසමෙන අත්තභාවෙන සමන්තාගතො, තස්මා “ලක්ඛණො”ති සඛ්ඛං ගතො. මහාමොග්ගල්ලානො පන පඛිබ්බිතදිවසතො සත්තමෙ දිවසෙ අරහත්තං පත්තො දුතියො අග්ගසාවකො.

සිතං පාත්වාකාසීති මන්දහසිතං පාතුඅකාසි, පකාසයි දස්සෙසීති චුත්තං හොති. කිං පන දිස්වා ථෙරො සිතං පාත්වාකාසීති? උපරි පාළියං ආගතං අට්ඨිකසඛ්ඛලිකං එකං පෙනලොකෙ නිබ්බත්තං සත්තං දිස්වා. තඤ්ච ඛො දිබ්බෙන චක්ඛුනා, න පසාදචක්ඛුනා. පසාදචක්ඛුස්ස හි එතෙ අත්තභාවා න ආපාථං ආගච්ඡන්ති. එවරුපං පන අත්තභාවං දිස්වා කාරුඤ්ඤෙ කත්තඛිබ්බෙ කස්මා සිතං පාත්වාකාසීති? අත්තතො ච බුද්ධඤ්ඤාණස්ස ච සම්පත්තිං සමනුස්සරණතො. තඤ්ච දිස්වා ථෙරො “අදිට්ඨසච්චෙන නාම පුග්ගලෙන පට්ඨනිතඛිබ්බා එවරුපා අත්තභාවා මුත්තො අහං, ලාභා චත මෙ, සුලද්ධං චත මෙ”ති අත්තතො ච සම්පත්තිං අනුස්සරිත්වා — “අහො බුද්ධස්ස භගවතො ඤ්ඤාණසම්පත්ති, ‘යො කම්මච්චාකො, හික්ඛවෙ, අචිත්තෙය්සා න චිත්තෙතඛිබ්බො’ති දෙසෙසි, පච්චක්ඛං චත කත්වා බුද්ධා දෙසෙන්නි, සුප්පට්ඨිද්ධා බුද්ධානං ධම්මධාතු”ති එවං බුද්ධඤ්ඤාණසම්පත්තිඤ්ච අනුස්සරිත්වා සිතං පාත්වාකාසීති.

අථ ලක්ඛණත්ථෙරො කස්මා න අද්දස, කිමස්ස දිබ්බචක්ඛු නත්ථීති? නො නත්ථී, මහාමොග්ගල්ලානො පන ආචජ්ජෙත්තො අද්දස, ඉතරො පන අනාචජ්ජනෙන න අද්දස. යස්මා පන ඛිණ්ණසවා නාම න අකාරණා සිතං කරොන්නි, තස්මා තං ලක්ඛණත්ථෙරො පුච්ඡි කො නු ඛො, ආචුසො මොග්ගල්ලාන, හෙනු, කො පච්චයො සිතස්ස පාතුකම්මායාති? ථෙරො පන යස්මා යෙහි අයං උපපත්ති සාමං අදිට්ඨා, තෙ දුස්සද්ධාපයා හොන්නි, තස්මා භගවත්තං සක්ඛිං කත්වා ඛ්‍යාකාතුකාමතාය අකාලො ඛො, ආචුසොතිආදිමාහ. තතො භගවතො සන්නිකෙ පුට්ඨො ඉධාහං, ආචුසොතිආදිනා නයෙන ඛ්‍යාකාසි.

තත්ථ අට්ඨකසඨබලිකන්ති සෙනං නිම්මංසලොහිතං අට්ඨසඨසානං. ගිජ්ඣාපි කාකාපි කුලලාපීති එතෙපි යක්ඛගිජ්ඣා වෙව යක්ඛකාකා ච යක්ඛකුලලා ච පච්චෙතබ්බා. පාකතිකානං පන ගිජ්ඣාදීනං ආපාඨමිපි එතං රූපං නාගච්ඡති. අනුපතිත්වා අනුපතිත්වාති අනුබන්ධිත්වා අනුබන්ධිත්වා. විතුදෙන්තීති අසිධාරූපමෙහි තිබ්බණෙහි ලොභතුණ්ඩකෙහි විජ්ඣිත්වා විජ්ඣිත්වා ඉතො විතො ච චරන්ති ගච්ඡන්ති. සා සුදං අට්ඨස්සරං කරොතීති එත්ථ සුදන්ති නිපාතො, සා අට්ඨකසඨබලිකා අට්ඨස්සරං ආතුරස්සරං කරොතීති අත්ථො. අකුසලවිපාකානුභවනත්ථං කිර යොජනප්පමාණාපි තාදිසා අත්තභාවා නිබ්බත්තන්ති, පසාදුස්සදා ච භොන්ති පක්කගණ්ඩසදිසා. තස්මා සා අට්ඨකසඨබලිකා බලවචෙදනාතුරා තාදිසං සද්දමකාසීති.

එවඤ්ච පන වත්වා පුන ආයස්මා මහාමොග්ගල්ලානො “වට්ටගාමිසත්තා නාම එවරූපා අත්තභාවා න මුච්චන්ති”ති සත්තෙසු කාරුඤ්ඤං පටිච්ච උප්පන්නං ධම්මසංවෙගං දස්සෙන්නො තස්ස මය්හං, ආවුසො, එතදභොසි අච්ඡරියං වත භොතිආදිමාහ. තතො භගවා ථෙරස්ස ආනුභාවං පකාසෙන්නො චක්ඛුභූතා වත, භික්ඛවෙ, සාවකා විහරන්තීතිආදිමාහ. තත්ථ චක්ඛු භූතං ජාතං උප්පන්නං එතෙසන්ති චක්ඛුභූතා, භූතචක්ඛුකා උප්පන්නචක්ඛුකා චක්ඛුං උප්පාදෙන්වා විහරන්තීති අත්ථො. දුතියපදෙපි එසෙව නයො. යත්ර හි නාමාති එත්ථ යත්රාති කාරණවචනං. තත්‍රායං අත්ථයොජනා – යස්මා නාම සාවකොපි එවරූපං ඤස්සති වා දක්ඛති වා සක්ඛිං වා කරිස්සති, තස්මා අවොචුම්හ – “චක්ඛුභූතා වත, භික්ඛවෙ, සාවකා විහරන්ති, ඤාණභූතා වත, භික්ඛවෙ, සාවකා විහරන්ති”ති. පුබ්බෙව මෙ සො, භික්ඛවෙ, සත්තො දිට්ඨොති බොධිමණ්ඩෙ සබ්බඤ්ඤාතඤ්ඤාණපටිච්චෙධෙන අප්පමාණෙසු චක්කවාලෙසු අප්පමාණෙ සත්තනිකායෙ භවගතියොනිධිතිනිවාසෙ ච පච්චක්ඛං කරොන්තෙන මයා පුබ්බෙව සො සත්තො දිට්ඨොති වදති.

ගොසාතකොති ගාවො වධිත්වා අට්ඨිතො මංසං මොචෙන්වා වික්කිණිත්වා ජීවිකං කප්පනකසත්තො. තස්සෙව කම්මස්ස විපාකාවසෙසෙනාති තස්ස නානාවෙතනාහි ආයුහිතස්ස අපරාපරියකම්මස්ස. තත්‍ර හි යාය වෙතනාය නරකෙ පටිසන්ධි ජනිතා, තස්සා විපාකෙ පරික්ඛිණෙ අවසෙසකම්මං වා කම්මනිමිත්තං වා ආරම්මණං කත්වා පුන පෙනාදීසු පටිසන්ධි නිබ්බත්තති, තස්මා සා පටිසන්ධි කම්මසභාගතාය ආරම්මණසභාගතාය වා “තස්සෙව කම්මස්ස විපාකාවසෙසො”ති වුච්චති. අයඤ්ච සත්තො එවං උප්පන්නො. තෙනාහ – “තස්සෙව කම්මස්ස විපාකාවසෙසෙනා”ති. තස්ස කිර නරකා චවනකාලෙ නිම්මංසකතානං ගුන්තං අට්ඨිරාසියෙව නිමිත්තං අභොසි. සො

පටිච්ඡන්තමිති තං කමමං විඤ්ඤානං පාකටං විය කරොන්තො අට්ඨසඛිබලිකපෙතො ජාතො. පඨමං.

2. පෙසිසුත්තවණ්ණනා

203. මංසපෙසිවත්ථුස්මිං ගොසාතකොති ගොමංසපෙසියො කත්වා සුක්ඛාපෙත්වා වල්ලුරවික්කයෙන අනෙකාති වස්සානි ජීවිකං කප්පෙසි, තෙනස්ස නරකා වචනකාලෙ මංසපෙසියෙව නිමිත්තං අහොසි. සො මංසපෙසිපෙතො ජාතො. දුතියං.

3. පිණ්ඩසුත්තවණ්ණනා

204. මංසපිණ්ඩවත්ථුස්මිං සාකුණිකොති සකුණෙ ගහෙත්වා වික්කිණනකාලෙ නිප්පක්ඛවම්මෙ මංසපිණ්ඩමත්තෙ කත්වා වික්කිණන්තො ජීවිකං කප්පෙසි, තෙනස්ස නරකා වචනකාලෙ මංසපිණ්ඩොව නිමිත්තං අහොසි. සො මංසපිණ්ඩපෙතො ජාතො. තතියං.

4. නිච්ඡවිසුත්තවණ්ණනා

205. නිච්ඡවිවත්ථුස්මිං තස්ස ඔරබ්භිකස්ස ඵලකෙ වධිත්වා වධිත්වා නිච්චම්මෙ කත්වා කප්පිතජීවිකස්ස පුරිමනයෙනෙව නිච්චම්මං ඵලකසරීරං නිමිත්තං අහොසි. සො නිච්ඡවිපෙතො ජාතො. චතුත්ථං.

5. අසිලොමසුත්තවණ්ණනා

206. අසිලොමවත්ථුස්මිං සො සුකරිකො දීඝරත්තං නිවාපපුට්ඨෙ සුකරෙ අසිනා වධිත්වා වධිත්වා දීඝරත්තං ජීවිකං කප්පෙසි, තස්ස උක්ඛිත්තාසිකභාවොව නිමිත්තං අහොසි. තස්මා අසිලොමපෙතො ජාතො. පඤ්චමං.

6. සත්තිසුත්තවණ්ණනා

207. සත්තිලොමවත්ථුස්මිං සො මාගවිකො ඵකං මිගඤ්ච සත්තිඤ්ච ගහෙත්වා වනං ගන්ත්වා තස්ස මිගස්ස සමීපං ආගතාගතෙ මිගෙ සත්තියා විජ්ඣිත්වා මාරෙසි, තස්ස සත්තියා විජ්ඣිතකභාවොයෙව නිමිත්තං අහොසි. තස්මා සත්තිලොමපෙතො ජාතො. ඡට්ඨං.

7. උසුලොමසුත්තවණ්ණනා

208. උසුලොමවත්ථුස්මිං කාරණිකොති රාජාපරාධිකෙ අනෙකාහි කාරණාහි පිළෙත්වා අවසානෙ කණ්ඩෙන විජ්ඣිත්වා මාරණකපුරිසො. සො කිර

“අමුකස්මිං පදෙසෙ විද්ධො මරතී”ති ඤාත්වා ව විජ්ඣති. තස්සෙවං ජීවිකං කප්පෙත්වා නරකෙ උප්පන්නස්ස තතො පක්කාවසෙසෙන ඉධුපපත්තිකාලෙ උසුනා විජ්ඣනභාවොයෙව නිමිත්තං අහොසි. තස්මා උසුලොමපෙතො ජාතො. සත්තමං.

8. සුවිලොමසුත්තවණ්ණනා

209. සුවිලොමවත්ථුස්මිං සුතොති අස්සදමකො. ගොදමකොතිපි වදන්තියෙව. තස්ස පතොදසුටියා විජ්ඣනභාවොයෙව නිමිත්තං අහොසි. තස්මා සුවිලොමපෙතො ජාතො. අට්ඨමං.

9. දුතියසුවිලොමසුත්තවණ්ණනා

210. දුතියෙ සුවිලොමවත්ථුස්මිං සුවකොති පෙසුඤ්ඤකාරකො. සො කිර මනුස්සෙ අඤ්ඤමඤ්ඤඤච භින්දි, රාජකුලෙ ව “ඉමස්ස ඉමං නාම අත්ථී, ඉමිනා ඉදං නාම කත”න්ති සුවෙත්වා සුවෙත්වා අනයබ්බසනං පාපෙසි. තස්මා යථා තෙන සුවෙත්වා මනුස්සා භින්තා, තථා සුවීහි හෙදනදුක්ඛං පච්චන්නහොතුං කම්මමෙව නිමිත්තං කත්වා සුවිලොමපෙතො ජාතො. නවමං.

10. කුම්භණ්ඩසුත්තවණ්ණනා

211. අණ්ඩභාරිවත්ථුස්මිං ගාමකුටකොති විනිවිජයාමච්චො. තස්ස කම්මසභාගතාය කුම්භමත්තා මහාසට්ඨපමාණා අණ්ඩා අහෙසුං. සො හි යස්මා රහො පටිච්ඡන්තෙ යානෙ ලඤ්ජං ගහෙත්වා කුට්ඨිනිවිජයෙන පාකටං දොසං කරොන්තො සාමිකෙ අස්සාමිකෙ අකාසි, තස්මාස්ස රහස්සං අඬගං පාකටං නිබ්බත්තං. යස්මා දණ්ඩං පට්ඨපෙත්තො පරෙසං අසය්හං භාරං ආරොපෙසි, තස්මාස්ස රහස්සං අඬගං අසය්හභාරො හුත්වා නිබ්බත්තං. යස්මා යස්මිං යානෙ ධීතෙන සමෙන භවිතඛිං, තස්මිං යත්වා විසමො අහොසි, තස්මාස්ස රහස්සඬගෙ විසමා නිසජ්ජාව අහොසිති. දසමං.

පයමො වග්ගො.

2. දුතියවග්ගො

1. සසිසකසුත්තවණ්ණනා

212. පාරදාරිකවත්ථුස්මිං සො සත්තො පරස්ස රක්ඛිතගොපිතං සස්සාමිකං එස්සං චුසන්තො මිළ්භසුබ්බෙන කාමසුබ්බෙන චිත්තං රමයිත්වා කම්මසභාගතාය ගුප්ඵස්සං චුසන්තො දුක්ඛමනුභවිතුං තත්ථ නිබ්බත්තො. පයමං.

2. ගුට්ඨාදසුත්තවණ්ණනා

213. දුට්ඨබ්බාහමණවත්ථු පාකටමෙව. දුතියං.

3. නිච්ඡවිත්ථිසුත්තවණ්ණනා

214. නිච්ඡවිත්ථිවත්ථුස්මිං යස්මා මාතුගාමො නාම අත්තනො එස්සෙ අනිස්සරො, සා ච තං සාමිකස්ස සන්තකං එස්සං ටෙතෙත්වා පරෙසං අභිරතිං උප්පාදෙසී, තස්මා කම්මසභාගතාය සුඛසම්ඵස්සා වට්ටිත්වා දුක්ඛසම්ඵස්සං අනුභවිතුං නිච්ඡවිත්ථි භුත්වා උප්පන්නා. තතියං.

4. මඬගුලිත්ථිසුත්තවණ්ණනා

215. මඬගුලිත්ථිවත්ථුස්මිං මඬගුලිත්ති විරූපං දුද්දසිකං බිහවිෂං. සා කිර යක්ඛදාසිකම්මං කරොන්ති “ඉමිනා ච ඉමිනා ච එවං බලිකම්මෙ කතෙ අයං නාම තුම්භාකං වඩ්ඪී හවිස්සති”ති මහාජනස්ස ගන්ධපුප්ඵාදීනි වඤ්චනාය ගහෙත්වා මහාජනං දුද්දිට්ඨිං මිච්ඡාදිට්ඨිං ගණ්භාපෙසි, තස්මා තාය කම්මසභාගතාය ගන්ධපුප්ඵාදීනං ටෙනිතත්තා දුග්ගන්ධා, දුද්දස්සනස්ස ගාහිතත්තා දුද්දසිකා විරූපා බිහවිෂා භුත්වා නිබ්බත්තා. චතුත්ථං.

5. ඔකිලිනීසුත්තවණ්ණනා

216. ඔකිලිනීවත්ථුස්මිං උප්පක්කං ඔකිලිනිං ඔකිරිනිත්ති සා කිර අඬගාරවිතකෙ නිපන්නා විප්ඵන්දමානා විපරිවත්තමානා පච්චති, තස්මා උප්පක්කා වෙව භොති උණ්භෙන අග්ගිනා පක්කසරීරා, ඔකිලිනී ච කිලින්නසරීරා, බින්දුනිස්සා සරීරතො පග්ගරන්ති, ඔකිරිනී ච අඬගාරසම්පරිකිණ්ණා. තස්සා හි හෙට්ඨතොපි කිංසුකපුප්ඵවණ්ණා අඬගාරා, උභයපස්සෙසුපි, ආකාසතොපිස්සා උපරි පතන්ති. තෙන චුත්තං – “උප්පක්කං ඔකිලිනිං ඔකිරිනි”න්ති. සා ඉස්සාපකතා සපත්තිං අඬගාරකටාහෙන ඔකිරිති තස්ස කිර රඤ්ඤො එකා නාටකිනී අඬගාරකටාහං සමීපෙ යිපෙත්වා ගත්තතො උදකං පුඤ්ඡති, පාණිනා ච සෙදං කරොති. රාජාපි තාය සද්ධිං කථඤ්ච කරොති, පරිතුට්ඨාකාරඤ්ච දස්සෙති. අග්ගමහෙසී තං අසහමානා ඉස්සාපකතා භුත්වා අවිරපක්කන්තස්ස රඤ්ඤො තං අඬගාරකටාහං ගහෙත්වා තස්සා උපරි අඬගාරෙ ඔකිරි. සා තං කම්මං කත්වා තාදිසංයෙව විපාකං පච්චනුභවිතුං පෙතලොකෙ නිබ්බත්තා. පඤ්චමං.

6. අසීසකසුත්තවණ්ණනා

217. වොරසාතවත්ථුස්මිං සො රඤ්ඤො ආණාය දීඝරත්තං වොරානං සීසානි ඡන්දිත්වා පෙනලොකෙ නිබ්බත්තන්තො අසීසකං කබන්ධං භුත්වා නිබ්බත්ති. ඡට්ඨං.

7-11. පාපහික්ඛුසුත්තාදිවණ්ණනා

218-222. හික්ඛුවත්ථුස්මිං පාපහික්ඛුති ලාමකහික්ඛු. සො කිර ලොකස්ස සද්ධාදෙයො චත්තාරො පච්චයෙ පරිභුඤ්ජිත්වා කායචච්ඡිද්වාරෙහි අසංයතො හින්තාජීවො චිත්තකෙළිං කීළන්තො විවරි. තතො එකං බුද්ධන්තරං නිරයෙ පච්චිත්වා පෙනලොකෙ නිබ්බත්තන්තො හික්ඛුසදිසෙනෙව අත්තභාවෙන නිබ්බත්ති. හික්ඛුනිසික්ඛමානාසාමණෙරසාමණෙරීවත්ථුසුපි අයමෙව විනිච්ඡයො. සත්තමාදීති.

ලක්ඛණසංයුත්තවණ්ණනා නිට්ඨිතා.

9. ඔපම්මසංයුත්තං

1. කුටසුත්තවණ්ණනා

223. ඔපම්මසංයුත්තස්ස පඨමෙ කුටං ගච්ඡන්තීති කුටඬගමා. කුටං සමොසරන්තීති කුටසමොසරණා. කුටසමුග්ගානාති කුටස්ස සමුග්ගානෙන. අවිජ්ජාසමුග්ගානාති අරහත්තමග්ගෙන අවිජ්ජාය සමුග්ගානෙන. අප්පමත්තාති සතියා අවිජ්ජවාසෙ යීතා හුත්වා. පඨමං.

2. නට්ඨිකසුත්තවණ්ණනා

224. දුතියෙ මනුස්සෙසු පච්චාජායන්තීති යෙ මනුස්සලොකතො චූතා මනුස්සෙසු ජායන්ති, තෙ එවං අප්පකාති අධිජ්ජායො. අඤ්ඤා මනුස්සෙහීති යෙ පන මනුස්සලොකතො චූතා යපෙත්වා මනුස්සලොකං චතුසු අපායෙසු පච්චාජායන්ති, තෙ මහාපථවියං පංසු විය බහුතරා. ඉමස්මිඤ්ච සුත්තෙ දෙවාපි මනුස්සෙහෙව සඬගහිතා. තස්මා යථා මනුස්සෙසු ජායන්තා අප්පකා, එවං දෙවෙසුපිති වෙදිතබ්බා. දුතියං.

3. කුලසුත්තවණ්ණනා

225. තතියෙ සුජ්ජංසියානීති සුවිහෙයියානි. කුම්භත්ථෙන්නකෙහීති යෙ පරසරං පවිසිත්වා දීපාලොකෙන ඔලොකෙත්වා පරහණ්ඩං හරිතුකාමා සට්ඨෙ දීපං කත්වා පවිසන්ති, තෙ කුම්භත්ථෙන්නකා නාම, තෙහි කුම්භත්ථෙන්නකෙහි. සුජ්ජංසියො හොති අමනුස්සෙහීති මෙත්තාභාවනාරහිතං පංසුපිසාවකා විධංසයන්ති, පගෙව උළාරා අමනුස්සා. භාවිතාති වඩ්ඪිතා. බහුලීකතාති පුනස්පුනං කතා. යානීකතාති යුත්තයානං විය කතා. වත්ථුකතාති පතිට්ඨානට්ඨෙත වත්ථු විය කතා. අනුට්ඨිතාති අධිට්ඨිතා. පරිචිතාති සමත්තතො චිතා සුවඩ්ඪිතා. සුසමාරද්ධාති චිත්තෙන සුට්ඨු සමාරද්ධා. තතියං.

4. ඔක්ඛාසුත්තවණ්ණනා

226. චතුත්ථෙ ඔක්ඛාසතන්ති මහාමුඛඋක්ඛලීනං සතං. දානං දදෙය්‍යාති පණීතභොජනහරිතානං මහාඋක්ඛලීනං සතං දානං දදෙය්‍ය. “උක්කාසත”න්තිපි පායො, තස්ස දණ්ඩදීපිකාසතන්ති අත්ථො. එකාය පන දීපිකාය යත්තකෙ යානෙ ආලොකො හොති, තතො සතගුණං යානං සත්තහි රතනෙහි පුරෙත්වා දානං දදෙය්‍යාති අත්ථො. ගද්දුහනමත්තන්ති ගොදුහනමත්තං, ගාවියා එකචාරං අග්ගථනාකඬ්ඪනමත්තන්ති අත්ථො. ගන්ධඌහනමත්තං වා, ද්විහි අඬ්ඟුලීහි ගන්ධපිණ්ඩං ගහෙත්වා එකචාරං

සායනමත්තන්ති අත්ථො. එත්තකම්පි හි කාලං යො පන ගබ්භපරිවේණවිහාරූපචාර පරිච්ඡේදෙන වා චක්කවාළපරිච්ඡේදෙන වා අපරිමාණාසු ලොකධාතුසු වා සබ්බසත්තෙසු හිතඵරණං මෙත්තචිත්තං භාවෙතං සක්කොති, ඉදං තතො එකදිවසං තික්ඛන්තං දිත්තදානතො මහජ්ඵලතරං. චතුත්ථං.

5. සත්තිසුත්තවණ්ණනා

227. පඤ්චමෙ පටිලෙණස්සාමීතිආදීසු අග්ගෙ පහරිත්වා කජ්ජාසවට්ඨිං විය නාමෙත්තො නියාසවට්ඨිං විය ච එකතො කත්වා අල්ලියාපෙත්තො පටිලෙණෙති නාම. මජ්ඣෙ පහරිත්වා නාමෙත්වා ධාරාය වා පහරිත්වා ද්වෙපි ධාරා එකතො අල්ලියාපෙත්තො පටිකොට්ටෙති නාම. කජ්ජාසවට්ටනකරණීයං විය පවත්තෙත්තො චිරකාලං සංවෙල්ලිතකිලඤ්ජං පසාරෙත්වා පුන සංවෙල්ලෙත්තො විය ච පටිච්චට්ටෙති නාම. පඤ්චමං.

6. ධනුග්ගහසුත්තවණ්ණනා

228. ඡට්ඨෙ දළ්භධම්මා ධනුග්ගහාති දළ්භධනුතො ඉස්සාසා. දළ්භධනු නාම ද්විසහස්සථාමං වුච්චති, ද්විසහස්සථාමං නාම යස්ස ආරොපිතස්ස ජියාඛද්ධො ලොහසීසාදීනං භාරො දණ්ඨෙව ගහෙත්වා යාව කණ්ඩප්පමාණා උක්ඛිත්තස්ස පථවිතො මුච්චති. සුසික්ඛිතාති දසද්වාදසවස්සාති ආචරියකුලෙ උග්ගහිතසිජ්ජා. කතහත්ථාති යො සිජ්ජමෙව උග්ගණ්හාති, සො කතහත්ථො න භොති, ඉමෙ පන කතහත්ථා විණ්ණෙවසීභවා. කතුපාසනාති රාජකුලාදීසු දස්සිතසිජ්ජා.

තස්ස පුරිසස්ස ජවොති එවරූපො අඤ්ඤො පුරිසො නාම න භූතපුබ්බො, බොධිසත්තස්සෙව පන ජවනහංසකාලො නාම ආසි. තදා බොධිසත්තො චත්තාරි කණ්ඩාති ආහරි. තදා කිරස්ස කනිට්ඨභාතරො “මයං, භාතික, සුරියෙන සද්ධිං ජවිස්සාමා”ති ආරොචෙසුං. බොධිසත්තො ආහ – “සුරියො සීසජවො, න සක්ඛිස්සථ තුම්හෙ තෙන සද්ධිං ජවිතු”න්ති. තෙ දුතියං තතියමපි තථෙව චත්වා එකදිවසං “ගච්ඡාමා”ති යුගන්ධරපබ්බතං ආරුහිත්වා නිසීදිංසු. බොධිසත්තො “කහං මෙ භාතරො”ති? පුච්ඡිත්වා, “සුරියෙන සද්ධිං ජවිතුං ගතා”ති වුත්තෙ, “චිත්තස්සිස්සන්ති තපස්සිනො”ති තෙ අනුකම්පමානො සයම්පි ගන්ත්වා තෙසං සන්තිකෙ නිසීදි. අථ සුරියෙ උග්ගච්ඡන්තෙ ද්වෙපි භාතරො සුරියෙන සද්ධිංයෙව ආකාසං පක්ඛන්තා, බොධිසත්තොපි තෙහි සද්ධිංයෙව පක්ඛන්තො. තෙසු එකස්ස අපත්තෙයෙව අන්තරහත්තසමයෙ පක්ඛන්තරෙසු අග්ගි උට්ඨහි, සො භාතරං පක්කොසිත්වා “න සක්කොමි”ති

ආහ. තමෙනං බොධිසත්තො “මා භාගී”ති සමස්සාසෙත්වා පක්ඛපඤ්ජරෙන පලිවෙදෙත්වා දරථං විනොදෙත්වා “ගච්ඡා”ති පෙසෙසි.

දුතියො යාව අන්තරහත්තා ජවිත්වා පක්ඛන්තරෙසු අග්ගිමිහි උට්ඨහිතෙ තට්ඨවාහ. තම්පි සො තට්ඨ කත්වා “ගච්ඡා”ති පෙසෙසි. සයං පන යාව මජ්ඣන්තිකා ජවිත්වා, “එතෙ බාලාති මයාපි බාලෙන න භවිතබ්බ”න්ති නිවත්තිත්වා – “අදිට්ඨසභායකං බාරාණසිරාජං පස්සිස්සාමී”ති බාරාණසිං අගමාසි. තස්මිං නගරමත්ථකෙ පරිබ්භමන්තෙ ද්වාදසයොජනං නගරං පත්තකටාහෙන ඔත්ථට්ඨත්තො විය අහොසි. අථ පරිබ්භමන්තස්ස පරිබ්භමන්තස්ස තත්ථ තත්ථ ඡිද්දාති පඤ්ඤායිංසු. සයම්පි අනෙකභංසසභස්සසදිසො පඤ්ඤායි. සො වෙගං පටිසංභරිත්වා රාජගෙහාහිමුඛො අහොසි. රාජා ඔලොකෙත්වා – “ආගතො කිර මෙ පියසභායො ජවනභංසො”ති වාතපානං විවරිත්වා රතනපීඨං පඤ්ඤාපෙත්වා ඔලොකෙත්තො අට්ඨාසි. බොධිසත්තො රතනපීඨෙ නිසීදි.

අට්ඨස්ස රාජා සභස්සපාකෙන තෙලෙන පක්ඛන්තරාති මක්ඛෙත්වා, මධුලාපෙ වෙච මධුරපානකඤ්ච අදාසි. තතො නං කතපරිභොගං “සම්ම, කභං අගමාසී”ති? පුච්ඡි. සො තං පවත්තිං ආරොචෙත්වා “අථාහං, මහාරාජ, යාව මජ්ඣන්තිකා ජවිත්වා – ‘නත්ථි ජවිතෙන අත්ථො’ති නිවත්තො”ති ආචික්ඛි. අථ රාජා ආහ – “අහං, සාමි, තුම්භාකං සුරියෙන සද්ධිං ජවනවෙගං පස්සිතුකාමො”ති. දුක්කරං, මහාරාජ, න සක්කා තයා පස්සිතුන්ති. තෙන හි, සාමි, සරික්ඛකමත්තම්පි දස්සෙහිති. ආම, මහාරාජ, ධනුග්ගහෙ සන්නිපාතෙහිති. රාජා සන්නිපාතෙසි. භංසො තතො චත්තාරො ගහෙත්වා නගරමජ්ඣෙ තොරණං කාරෙත්වා අත්තතො ගීවාය සංඤ්චං පිළන්ධාපෙත්වා තොරණස්ස උපරි නිසීදිත්වා – “චත්තාරො ජනා තොරණං නිස්සාය චතුදිසාහිමුඛා එකෙකං කණ්ඩං බීජන්තු”ති චත්වා, සයං පඨමකණ්ඩෙනෙච සද්ධිං උප්පතිත්වා, තං කණ්ඩං අග්ගහෙත්වාච, දක්ඛිණාහිමුඛං ගතකණ්ඩං ධනුතො රතනමත්තාපගතං ගණ්හි. දුතියං ද්විරතනමත්තාපගතං, තතියං තිරතනමත්තාපගතං, චතුත්ථං භූමිං අප්පත්තමෙච ගණ්හි. අථ නං චත්තාරි කණ්ඩානි ගහෙත්වා තොරණෙ නිසින්නකාලෙයෙච අද්දසංසු. සො රාජානං ආහ – “පස්ස, මහාරාජ, එවංසිසො අම්භාකං ජවො”ති. එවං බොධිසත්තෙනෙච ජවනභංසකාලෙ තානි කණ්ඩානි ආහරිතානීති වෙදිතබ්බානි.

පුරතො ධාවන්තීති අග්ගතො ජවන්ති. න පනෙතා සබ්බකාලං පුරතොච භොන්ති, කදාචි පුරතො, කදාචි පච්ඡතො භොන්ති. ආකාසට්ඨකවිමානෙසු හි උය්‍යානානිපි භොන්ති පොක්ඛරණියොපි, තා තත්ථ නභායන්ති, උදකකීලං

කීළමානා පච්ඡතොපි හොත්ති, වෙගෙන පන ගන්ත්වා පුන පුරතොව ධාවන්ති. ආයුසඬ්ඛාරාති රූපජීවිතින්ද්‍රියං සන්ධාය වුත්තං. තඤ්ඤි තතො සීඝ්‍රතරං බීයති. අරූපධම්මානං පන හෙදො න සක්කා පඤ්ඤාපෙතුං. ඡට්ඨං.

7. ආණ්ඩුසුත්තවණ්ණනා

229. සත්තමෙ දසාරභානන්ති එවංනාමකානං ඛත්තියානං. තෙ කිර සතතො දසභාගං ගණ්හිංසු, තස්මා “දසාරභා”ති පඤ්ඤායිංසු. ආනකොති එවංලද්ධනාමො මුදිඬිගො. හිමවන්තෙ කිර මහාකුළිරදහො අහොසි. තත්ථ මහන්තො කුළිරො ඔතිණ්ණොතිණ්ණං හත්ථිං බාදති. අථ හත්ථි උපද්ද්‍රතා එකං කරණං සක්කරිංසු “ඉම්ස්සා පුත්තං නිස්සාය අම්භාකං සොත්ථි හවිස්සති”ති. සාපි මහෙසක්ඛං පුත්තං විජායි. තෙ තම්පි සක්කරිංසු. සො වුද්ධිස්පත්තො මාතරං පුච්ඡි, “කස්මා මං එතෙ සක්කරොන්ති”ති? සා තං පවත්තිමාවික්ඛි. සො “කිං මය්හං කුළිරො පහොති? එථ ගච්ඡාමා”ති මහාහත්ථිපරිවාරො තත්ථ ගන්ත්වා පට්ඨමෙව ඔතරි. කුළිරො උදකසද්දෙනෙව ආගන්ත්වා තං අග්ගහෙසි. මහන්තො කුළිරස්ස අළො, සො තං ඉතො වා එත්තො වා වාලෙතුං අසක්කොන්තො මුඛෙ සොණ්ඩං පක්ඛිපිත්වා විරවි. හත්ථිනො “යංනිස්සාය මයං ‘සොත්ථි හවිස්සති’ති අමඤ්ඤිම්භා, සො පට්ඨමතරං ගහිතො”ති තතො තතො පලායිංසු.

අථස්ස මාතා අවිදුරෙ යත්වා “මයං ථලනාගා, තුම්හෙ උදකනාගා නාම, නාගෙහි නාගො න විහෙයෙතඛිබ්බො”ති කුළිරං පියවචනෙන වත්වා ඉමං ගාථමාහ —

“යෙ කුළිරා සමුද්දස්මිං, ගඬිගාය යමුනාය ව;

තෙසං ත්වං වාරිජො සෙට්ඨො, මුඤ්ච රොදන්තියා පජ්”න්ති.

මාතුගාමසද්දො නාම පුරිසෙ බොහෙත්වා තිට්ඨති, තස්මා සො ගහණං සිථිලමකාසි. හත්ථිපොතො වෙගෙන උහො පාදෙ උක්ඛිපිත්වා තං පිට්ඨියං අක්කම්. සහ අක්කමනා පිට්ඨි මත්තිකභාජනං විය හිජ්ජි. අථ නං දන්තෙහි විජ්ඣිත්වා උක්ඛිපිත්වා ථලෙ ඡඩ්ඛෙත්වා තුට්ඨරවං රවි. අථ නං හත්ථි ඉතො විතො ව ආගන්ත්වා මද්දිංසු. තස්ස එකො අළො පටික්කම්ත්වා පති, තං සක්කො දෙවරාජා ගහෙත්වා ගතො.

ඉතරො පන අළො වාතාතපෙන සුක්ඛිත්වා පක්කලාබාරසවණ්ණො අහොසි, සො දෙවෙ වුට්ඨෙ උදකොසෙන වුස්භන්තො දසභාතිකානං රාජුනං උපරිසොතෙ ජාලං පසාරාපෙත්වා ගඬිගාය කීළන්තානං ආගන්ත්වා ජාලෙ ලග්ගි. තෙ කීළාපරියොසානෙ ජාලම්හි උක්ඛිපියමානෙ තං දිස්වා පුච්ඡිංසු “කිං

එත’න්ති? “කුළිරඅළො සාමී”ති. “න සක්කා එස ආහරණත්ථාය උපනෙතුං, පරියොනන්ධාපෙත්වා හෙරිං කරිස්සාමා”ති? පරියොනන්ධාපෙත්වා පහරිංසු. සද්දො ද්වාදසයොජනං නගරං අවත්ථරි. තතො ආහංසු – “න සක්කා ඉදං දිවසෙ දිවසෙ වාදෙතුං, ඡණදිවසත්ථාය මඬගලහෙරි හොතු”ති මඬගලහෙරිං අකංසු. තස්මිං වාදිතෙ මහාජනො අන්භාසිත්වා අපිළන්ධිත්වා හත්ථියානාදීනි ආරුය්හ සීසං සන්තිපත්ති. ඉති මහාජනං පක්කොසිත්වා විය ආනෙතීති ආනකො ත්වෙවස්ස නාමං අහොසි.

අඤ්ඤං ආණිං ඔදහිංසුති අඤ්ඤං සුවණ්ණරජතාදිමයං ආණිං සට්ඨිංසු. ආණිසඬ්ඨිසාටොව අවසිස්සිති සුවණ්ණාදිමයානං ආණිනං සඬ්ඨිසාටමත්තමෙව අවසෙසං අහොසි. අට්ඨස්ස ද්වාදසයොජනස්පමාණො සද්දො අන්තොසාලායම්පි දුක්ඛෙන සුයයිත්ථ.

ගම්භීරාති පාළිවසෙන ගම්භීරා සල්ලසුත්තසදිසා. ගම්භීරත්ථාති අත්ථවසෙන ගම්භීරා මහාවෙදල්ලසුත්තසදිසා (ම. නි. 1.449 ආදයො). ලොකුත්තරාති ලොකුත්තරඅත්ථදීපකා.

සත්තසුඤ්ඤතධම්මමත්තමෙව පකාසකා සංඛිත්තසංයුත්තසදිසා. උග්ගහෙතඛිඛං පරියාපුණිතඛිඛන්ති උග්ගහෙතඛිඛෙ ව පරියාපුණිතඛිඛෙ ව. කචිකතාති කචිහි කතා. ඉතරං තස්සෙව වෙවචනං. චිත්තක්ඛරාති විචිත්තඅක්ඛරා. ඉතරං තස්සෙව වෙවචනං. බාහිරකාති සාසනතො ඛහිභුතා. සාවකභාසිතාති තෙසං තෙසං සාවකෙහි භාසිතා. සුස්සුසිස්සන්තිති අක්ඛරචිත්තතාය වෙව සවනසම්පත්තියා ව අත්තමනා හුත්වා සාමණෙරදහරහික්ඛුමාතුගාමමහාගහපතිකාදයො “එස ධම්මකථිකො”ති සන්තිපතිත්වා සොතුකාමා භවිස්සන්ති. තස්මාති යස්මා තථාගතභාසිතා සුත්තන්තා අනුග්ගය්හමානා අන්තරධායන්ති, තස්මා. සත්තමං.

8. කලිඬගරසුත්තවණ්ණනා

230. අට්ඨමෙ කලිඬගරුපධානාති කලිඬගරසට්ඨකං සීසුපධානඤ්ඤෙව පාදුපධානඤ්ඤෙව කත්වා. අප්පමත්තාති සිප්පුග්ගහණෙ අප්පමත්තා. ආතාපිතොති උට්ඨානවීරියාතාපෙන යුත්තා. උපාසනස්මිත්ති සිප්පානං අභියොගෙ ආවරියානඤ්ඤෙව පයිරුපාසනෙ. තෙ කිර තදා පාතොව උට්ඨාය සිප්පසාලං ගච්ඡන්ති, තත්ථ සිප්පං උග්ගහෙත්වා සජ්ඣායාදීහි අභියොගං කත්වා මුඛං ධොවිත්වා යාගුපානාය ගච්ඡන්ති. යාගුං පිචිත්වා පුන සිප්පසාලං ගන්ත්වා සිප්පං ගණ්හිත්වා සජ්ඣායං කරොන්තා පාතරාසාය ගච්ඡන්ති. කතපාතරාසා සමානා “මා පමාදෙන චිරං නිද්දොක්කමනං අහොසි”ති ඛදිරසට්ඨකාසු සීසෙ ව පාදෙ ව උපදහිත්වා ථොකං නිපජ්ජිත්වා පුන සිප්පසාලං ගන්ත්වා සිප්පං

ගහෙත්වා සජ්ඣායන්ති. සායං සජ්ඣායං කරොන්තා ච ගෙහං ගත්ත්වා භුක්තසායමාසා පයමයාමං සජ්ඣායං කත්වා සයනකාලෙ තථෙව කලිඬගරං උපධානං කත්වා සයන්ති. එවං තෙ අක්ඛණවෙධිනො වාලවෙධිනො ච අහෙසුං. ඉදං සන්ධායෙනං වුත්තං.

ඔතාරන්ති විවරං. ආරම්මණන්ති පච්චයං. පධානස්මිත්ති පධානභූමියං වීරියං කුරුමානා. පයමබ්බාධියං කිර හික්ඛු හත්තකිච්චං කත්වාච කම්මට්ඨානං මනසි කරොන්ති. තෙසං මනසිකරොන්තානංයෙව සූරියො අත්ථං ගච්ඡති. තෙ න්හායිත්වා පුන වඬිකමං ඔතරිත්වා පයමයාමං වඬිකමන්ති. තතො “මා වීරං නිද්දායිමිහා”ති සරීරදරථවිනොදනත්ථං නිපජ්ජන්තා කට්ඨඛණ්ඩං උපදහිත්වා නිපජ්ජන්ති, තෙ පුන පච්ඡිමයාමෙ වුට්ඨාය වඬිකමං ඔතරන්ති. තෙ සන්ධාය ඉදං වුත්තං. අයම්පි දීපො තිණ්ණං රාජුනං කාලෙ එකසණ්ඩනිග්ඝොසො එකපධානභූමි අහොසි. නානාමුඛෙ පහටසණ්ඩ පිලිච්ඡිකොළියං ඔසරති, කලායාණියං පහටසණ්ඩ නාගදීපෙ ඔසරති. “අයං හික්ඛු පුටුඡ්ජනො, අයං පුටුඡ්ජනො”ති අඬිගුලිං පසාරෙත්වා දස්සෙතඛ්ඛොඅහොසි. එකදිවසං සඛ්ඛෙ අරහන්තොව අහෙසුං. තස්මාති යස්මා කලිඬගරුපධානානං මාරො ආරම්මණං න ලහති, තස්මා. අට්ඨමං.

9. නාගසුත්තවණ්ණනා

231. නවමෙ අතිවෙලන්ති අතික්කන්තවෙලං කාලං අතික්කන්තප්පමාණං කාලං. කිමඬගං පනාහන්ති අහං පන කිංකාරණා න උපසඬිකම්ස්සාමි? හිසමුළාලන්ති හිසඤ්චෙව මුළාලඤ්ච. අඛ්ඛුහෙත්වාති උද්ධරිත්වා. හිඬිකච්ඡාපාති හත්ථිපොතකා. තෙ කිර අහිණ්හං හිඬිකාරසද්දං කරොන්ති, තස්මා හිඬිකච්ඡාපාති වුච්චන්ති. පසන්තාකාරං කරොන්තීති පසන්තෙහි කත්තඛ්ඛාකාරං කරොන්ති, චත්තාරො පච්චයෙ දෙන්ති. ධම්මං භාසන්තීති එකං ද්වෙ ජාතකානි වා සුත්තන්තෙ වා උග්ගණ්හිත්වා අසම්භින්තෙන සරෙන ධම්මං දෙසෙන්ති. පසන්තාකාරං කරොන්තීති තෙසං තාය දෙසනාය පසන්තා ගිහී පච්චයෙ දෙන්ති. නෙව වණ්ණාය හොති න බලායාති නෙව ගුණවණ්ණාය, න ඤාණබලාය හොති, ගුණවණ්ණෙ පන පරිභායන්තෙ සරීරවණ්ණොපි සරීරබලම්පි පරිභායති, තස්මා සරීරස්ස නෙව වණ්ණාය න බලාය හොති. නවමං.

10. බ්‍රොරසුත්තවණ්ණනා

232. දසමෙ සන්ධිසමලසංකට්ඨරෙති එත්ථ සන්ධිති භින්නසරානං සන්ධි, සමලොති ගාමතො ගුප්තික්ඛමනමග්ගො, සංකට්ඨරන්ති සඬකාරට්ඨානං. මුදුමුසින්ති මුදුකං මුසිකං. වුට්ඨානං පඤ්ඤායතීති දෙසනා පඤ්ඤායති. දසමං.

11. සිඬගාලසුත්තවණ්ණනා

233. එකාදසමෙ යෙන යෙන ඉච්ඡතීති සො ජරසිඬගාලො ඉච්ඡතිච්ඡිතට්ඨානෙන ඉරියාපටකප්පනෙන සිතවාතූපවායනෙන ච අත්තරන්තරා චිත්තස්සාදම්පි ලභතීති දස්සෙති. සකායපුත්තියපටිඤ්ඤොති ඉදං දෙවදත්තං සන්ධාය වුත්තං. සො හි එත්තකම්පි චිත්තස්සාදං අනාගතෙ අත්තභාවෙ න ලභිස්සතීති. එකාදසමං.

12. දුතියසිඬගාලසුත්තවණ්ණනා

234. ද්වාදසමෙ කතඤ්ඤාතාති කතජානනං. කතවෙදිතාති කතවිසෙසජානනං. තත්‍රිදං ජරසිඬගාලස්ස කතඤ්ඤාතාය වත්ථු – සත්ත කිර භාතරො ඛෙත්තං කසන්ති. තෙසං සබ්බකනිට්ඨො ඛෙත්තපරියන්තෙ යත්වා ගාවො රක්ඛති. අට්ඨකං ජරසිඬගාලං අජගරො ගණ්හි, සො තං දිස්වා යට්ඨියා පොට්ඨත්වා විස්සජ්ජාපෙසි. අජගරො සිඬගාලං විස්සජ්ජෙත්වා තමෙව ගණ්හි. සිඬගාලො වින්තෙසි – “මය්හං ඉමිනා ජීවිතං දින්නං, අහම්පි ඉමස්ස දස්සාමි”ති යාගුසට්ඨස්ස උපරි යපිතං වාසිං මුඛෙන ඩංසිත්වා තස්ස සන්තිකං අගමාසි. ඉතරෙ භාතරො දිස්වා, “සිඬගාලො වාසිං හරතී”ති අනුබන්ධිංසු. සො තෙහි දිට්ඨභාවං ඤාත්වා වාසිං තස්ස සන්තිකෙ ඡඩ්ඛෙත්වා පලායි. ඉතරෙ ආගන්ත්වා කනිට්ඨං අජගරෙන ගහිතං දිස්වා වාසියා අජගරං ඡින්නිත්වා තං ගහෙත්වා අගමංසු. එවං ජරසිඬගාලෙ සියා යා කාවි කතඤ්ඤාතා කතවෙදිතා. සකායපුත්තියපටිඤ්ඤොති ඉදම්පි දෙවදත්තස්ස ආචාරමෙව සන්ධාය වුත්තන්ති. ද්වාදසමං.

ඔපම්මසංයුක්තවණ්ණනා නිට්ඨිතා.

10. භික්ඛුසංයුත්තං

1. කොලිතසුත්තවණ්ණනා

235. භික්ඛුසංයුත්තස්ස පයමෙ, ආවුසොති සාවකානං ආලාපො. බුද්ධා භි භගවන්තො සාවකෙ ආලපන්තා, “භික්ඛවෙ”ති ආලපන්ති, සාවකා පන “බුද්ධෙහි සදිසා මා භොමා”ති, “ආවුසො”ති පයමං වත්වා පච්ඡා, “භික්ඛවෙ”ති භණන්ති. බුද්ධෙහි ව ආලපිතෙ භික්ඛුසඬ්ඨෙසා, “භන්තෙ”ති පටිවචනං දෙනි සාවකෙහි, “ආවුසො”ති. අයං වුච්චතීති යස්මා දුතියජ්ඣානෙ විතක්කවිචාරා නිරුජ්ඣන්ති, යෙසං නිරොධා සද්දායතනං අප්පවත්තිං ගච්ඡති, තස්මා යදෙනං දුතියං ඝාතං නාම, අයං වුච්චති “අරියානං තුණ්හිභාවො”ති. අයමෙත්ථ යොජනා. “ධම්මී වා කථා අරියො වා තුණ්හිභාවො”ති එත්ථ පන කම්මට්ඨානමනසිකාරොපි පයමජ්ඣානාදීනිපි අරියො තුණ්හිභාවොත්ථෙව සඬ්ඨං ගතාති.

විතක්කසහගතාති විතක්කාරම්මණා. සඤ්ඤාමනසිකාරාති සඤ්ඤා ව මනසිකාරො ව. සමුදාවරන්තීති පවත්තන්ති. ථෙරස්ස කිර දුතියජ්ඣානං න පගුණං. අථස්ස තතො වුට්ඨිතස්ස විතක්කවිචාරා න සන්තතො උපට්ඨහිංසු. ඉච්චස්ස දුතියජ්ඣානම්පි සඤ්ඤාමනසිකාරාපි භානභාගියාව අභෙසුං, තං දස්සෙත්තො එවමාහ. සණ්ඨපෙහීති සම්මා යපෙහි. එකොදිභාවං කරොහීති එකග්ගං කරොහි. සමාදහාති සම්මා ආදහ ආරොපෙහි. මහාභිඤ්ඤතන්ති ඡළභිඤ්ඤතං. සත්ථා කිර ඉමිනා උපායෙන සත්ත දිවසෙ ථෙරස්ස භානභාගියං සමාධිං වඩ්ඨෙත්වා ථෙරං ඡළභිඤ්ඤතං පාපෙසි. පයමං.

2. උපනිස්සසුත්තවණ්ණනා

236. දුතියෙ අත්ථී නු ඛො තං කිඤ්චි ලොකස්මිත්ති ඉදං අතිඋළාරම්පි සත්තං වා සඬ්ඛාරං වා සන්ධාය වුත්තං. සත්ථුපි ඛොති ඉදං යස්මා ආනන්දත්ථෙරස්ස සත්ථරි අධිමත්තො ඡන්දො ව පෙමඤ්ච, තස්මා “කිං නු ඛො ඉමස්ස ථෙරස්ස සත්ථු විපරිණාමෙනපි සොකාදයො නුප්පජ්ජෙය්‍යු”න්ති ජානනත්ථං පුච්ඡති? දීඝරත්තන්ති සුකරඛතලෙණද්වාරෙ දීඝනඛපරිබ්බාජකස්ස වෙදනාපරිග්ගහසුත්තන්තං දෙසිතදිවසතො පට්ඨාය අතික්කන්තකාලං සන්ධායාහ. තස්මිඤ්චි දිවසෙ ථෙරස්ස ඉමෙ වට්ඨානුගතකිලෙසා සමුහතාති. දුතියං.

3. සට්ඨන්තවණ්ණනා

237. තතියෙ එකවිහාරෙති එකස්මිං ගබ්භෙ. තදා කිර ඛු ආගන්තුකා භික්ඛු සන්තිපතිංසු. තස්මිං පරිවෙණග්ගෙන වා විහාරග්ගෙන වා සෙනාසනෙසු අපාපුණන්තෙසු ද්විත්තං ථෙරානං එකො ගබ්භො සම්පත්තො. තෙ දිවා පාටියෙක්කෙසු යානෙසු නිසිදන්ති, රත්තිං පන නෙසං අන්තරෙ වීවරසාණිං පසාරෙන්නි. තෙ අත්තනො අත්තනො පත්තපත්තට්ඨානෙයෙව නිසිදන්ති. තෙන චුත්තං “එකවිහාරෙ”ති. ඔළාරිකෙනාති ඉදං ඔළාරිකාරම්මණං සන්ධාය චුත්තං. දිබ්බවක්ඛුදිබ්බසොතධාතු විහාරෙන හි සො විහාසි, තෙසඤ්ච රූපායතනසද්දායතනසඬ්ඛාතං ඔළාරිකං ආරම්මණං. ඉති දිබ්බවක්ඛුනා රූපස්ස දිට්ඨත්තා දිබ්බාය ව සොතධාතුයා සද්දස්ස සුත්තත්තා සො විහාරො ඔළාරිකො නාම ජාතො. දිබ්බවක්ඛු විසුජ්ඣිති හගවතො රූපදස්සනත්ථාය විසුද්ධං අහොසි. දිබ්බා ව සොතධාතුති සාපි හගවතො සද්දසුණනත්ථං විසුජ්ඣි. හගවතොපි ථෙරස්ස රූපදස්සනත්ථස්ඤ්චෙව සද්දසුණනත්ථස්ඤ්ච තදුහයං විසුජ්ඣි. තදා කිර ථෙරො “කථං නු ඛො එතරහි සත්ථා විහරති”ති ආලොකං වඩ්ඪෙත්වා දිබ්බෙන වක්ඛුනා සත්ථාරං ඡෙතවනෙ විහාරෙ ගන්ධකුටියං නිසින්නං දිස්වා තස්ස දිබ්බාය සොතධාතුයා සද්දං සුණි. සත්ථාපි තථෙව අකාසි. එවං තෙ අඤ්ඤාමඤ්ඤං පස්සිංසු චෙව, සද්දඤ්ච අස්සොසු.

ආරද්ධවීරියොති පරිපුණ්ණවීරියො පග්ගහිතවීරියො. යාවදෙව උපනික්ඛෙපනමත්තායාති තියොජනසහස්සවිත්ථාරස්ස හිමවතො සන්තිකෙ යපිතා සාසපමත්තා පාසාණසක්ඛරා “හිමවා නු ඛො මහා, අයං නු ඛො පාසාණසක්ඛරා”ති එවං යාව උපනික්ඛෙපනමත්තස්සෙව අත්ථාය හවෙයාති චුත්තං හොති. පරතොපි එසෙව නයො. කජ්ජන්ති ආයුකජ්ජං. ලොණසට්ඨායාති වක්කවාළමුඛවට්ටියා ආධාරකං කත්වා මුඛවට්ටියා බ්‍රහ්මලොකං ආහව්ව ධීතාය ලොණවාටියාති දස්සෙති.

ඉමෙ පන ථෙරා උපමං ආහරන්තා සරික්ඛකෙනෙව ව විජ්ජමානගුණෙන ව ආහරිංසු. කථං? අයඤ්ඤි ඉද්ධි නාම අවිචුග්ගතට්ඨෙත චෙව විපුලට්ඨෙත ව හිමවත්තසදිසා, පඤ්ඤා චතුභූමකධම්මෙ අනුපවිසිත්වා ධීතට්ඨෙත සබ්බබ්‍යඤ්ජනෙසු අනුපවිට්ඨලොණරසසදිසා. එවං තාව සරික්ඛකට්ඨෙත ආහරිංසු. සමාධිලක්ඛණං පන මහාමොග්ගල්ලානත්ථෙරස්ස විභූතං පාකට්ඨං. කිඤ්චාපි සාරිපුත්තත්ථෙරස්ස අවිජ්ජමානඉද්ධි නාම නත්ථී, හගවතා පන “එතදග්ගං, භික්ඛවෙ, මම සාවකානං භික්ඛුනං ඉද්ධිමත්තානං යදිදං මහාමොග්ගල්ලානො”ති අයමෙව එතදග්ගෙ යපිතො. විපස්සනාලක්ඛණං පන සාරිපුත්තත්ථෙරස්ස විභූතං පාකට්ඨං. කිඤ්චාපි මහාමොග්ගල්ලානත්ථෙරස්සාපි පඤ්ඤා අත්ථී, හගවතා පන “එතදග්ගං, භික්ඛවෙ, මම සාවකානං භික්ඛුනං

මහාපඤ්ඤානං යදිදං සාරිපුත්තො’ති (අ. නි. 1.189) අයමෙව එතදග්ගෙ යටිතො. තස්මා යථා එතෙ අඤ්ඤමඤ්ඤස්ස ධුරං න පාපුණන්ති, එවං විජ්ජමානගුණෙන ආහරිංසු. සමාධිලක්ඛණස්මිඤ්ඤි මහාමොග්ගල්ලානො නිජ්ජත්තිං ගතො, විපස්සනාලක්ඛණෙ සාරිපුත්තත්තෙට්ඨෙරො, ද්විසුපි එතෙසු සමමාසම්බුද්ධොති. තතියං.

4. නවසුත්තවණ්ණනා

238. චතුත්ථෙ අප්පොස්සුක්කොති නිරුස්සුක්කො. සඬකසායනීති විහරති. වෙය්‍යාවච්චන්ති විචරෙ කත්තඛ්ඛකිච්චං. ආභිවෙතසිකානන්ති අභිචිත්තං උත්තමචිත්තං නිස්සිතානං. නිකාමලාභීති ඉච්ඡිතිච්ඡිතක්ඛණෙ සමාපජ්ජනසමත්ථතාය නිකාමලාභී. අක්ඛිච්ඡලාභීති ක්කානපාරිපන්ටිකෙ සුබෙන වික්ඛම්භෙන්වා සමාපජ්ජනසමත්ථතාය අදුක්ඛලාභී. අකසිරලාභීති යථාපරිච්ඡෙදෙන වුට්ඨානසමත්ථතාය විපුලලාභී, පගුණජ්ඣානොති අත්ථො. සිථිලමාරඛ්භාති සිථිලවීරියං පවත්තෙන්වා. චතුත්ථං.

5. සුජාතසුත්තවණ්ණනා

239. පඤ්චමෙ අභිරුපොති අඤ්ඤාති රූපාති අතික්කන්තරුපො. දස්සනීයොති දට්ඨඛ්ඛයුත්තො. පාසාදිකොති දස්සනෙන විත්තං පසාදෙතං සමත්ථො. වණ්ණපොක්ඛරතායාති ඡවිවණ්ණසුන්දරතාය. පඤ්චමං.

6. ලකුණ්ඩකහද්දියසුත්තවණ්ණනා

240. ඡට්ඨෙ දුඛ්ඛණන්ති විරූපසරීරවණ්ණං. ඔකොට්ඨකන්ති රස්සං. පරිභූතරූපන්ති පමාණවසෙන පරිභූතජාතිකං. තං කිර ඡඛ්ඛග්ගියා භික්ඛු, “ආවුසො හද්දිය, ආවුසො, හද්දියා”ති තත්ථ තත්ථ පරාමසිත්වා නානප්පකාරං කීළන්ති ආකඬ්ඪන්ති පරිකඬ්ඪන්ති. තෙන වුත්තං “පරිභූතරූප”න්ති. කස්මා පනෙස එවරූපො ජාතො? අයං කිර අතීතෙ එකො මහාරාජා අහොසි, තස්ස මහල්ලකා ච මහල්ලකිත්ථියො ච පටිකුලා හොන්ති. සො සථෙ මහල්ලකෙ පස්සති, තෙසං වුළං යපාපෙත්වා කච්ඡං ඛන්ධාපෙත්වා යථාරූපි කීළාපෙති. මහල්ලකිත්ථියොපි දිස්වා තාසම්පි ඉච්ඡිතිච්ඡිතං විජ්ජකාරං කත්වා යථාරූපි කීළාපෙති. තෙසං පුත්තධිතාදීනං සන්තිකෙ මහාසාරජ්ජං උප්පජ්ජති. තස්ස පාපකිරියා පථවිතො පට්ඨාය ඡදෙවලොකෙ එකකොලාහලං අකාසි.

අථ සක්කො විත්තෙසි – “අයං අන්ධබාලො මහාජනං විහෙයෙති, කර්ස්සාමිස්ස නිග්ගහ”න්ති. සො මහල්ලකගාමියවණ්ණං කත්වා යානකෙ එකං තක්කවාටිං ආරොපෙත්වා යානං පෙසෙන්නො නගරං පවිසති. රාජාපි හත්ථිං ආරුය්හ නගරතො නික්ඛන්තො තං දිස්වා – “අයං මහල්ලකො

තක්කයානකෙන අම්භාකං අභිමුඛො ආගච්ඡති, වාරෙථ වාරෙථා”ති ආහ. මනුස්සා ඉතො විතො ච පක්ඛන්දන්තාපි න පස්සන්ති. සක්කො හි “රාජාව මං පස්සතු, මා අඤ්ඤෙ”ති එවං අට්ඨෙති. අථ තෙසු මනුස්සෙසු “කහං, දෙව, කහං දෙවා”ති වදන්තෙසු එව රාජා සහ හත්ථිනා වච්ඡො විය ධෙනුයා යානස්ස හෙට්ඨා පාවිසි. සක්කො තක්කවාටිං භින්දි.

රාජා සීසතො පට්ඨාය තක්කෙන කිලින්තසරීරො අහොසි. සො සරීරං උබ්බට්ඨාපෙත්වා උය්‍යානපොක්ඛරණියං න්හත්වා අලඬකතසරීරො නගරං පවිසන්තො පුන තං අද්දස. දිස්වා “අයං සො අම්භෙහි දිට්ඨමහල්ලකො පුන දිස්සති. වාරෙථ වාරෙථ න”න්ති ආහ. මනුස්සා “කහං, දෙව, කහං, දෙවා”ති ඉතො විතො ච විධාවිංසු. සො පට්ඨමවිජ්ජකාරමෙව පුන පාපුණි. තස්මිං ඛණෙ සක්කො ගොණෙ ච යානඤ්ච අන්තරධාපෙත්වා ආකාසෙ යත්වා ආහ, “අන්ධබාල, ත්වං මගි තක්කවාණිජකො එසො”ති සඤ්ඤං කරොසි, සක්කොහං දෙවරාජා, “තවෙනං පාපකිරියං නිවාරෙස්සාමී”ති ආගතො, “මා පුන එවරූපං අකාසී”ති සන්තප්පෙත්වා අගමාසි. ඉමිනා කම්මෙන සො දුබ්බණ්ණො අහොසි.

විපස්සිසම්මාසම්බුද්ධකාලෙ පනෙස විත්තපත්තකොකිලො නාම හුත්වා ඛෙමෙ මීගදායෙ වසන්තො එකදිවසං භිමවන්තං ගන්ත්වා මධුරං අම්බඵලං තුණ්ඛෙන ගහෙත්වා ආගච්ඡන්තො භික්ඛුසංඝපරිවාරං සත්ථාරං දිස්වා වින්තෙසි – “අහං අඤ්ඤෙසු දිවසෙසු රිත්තකො තථාගතං පස්සාමි. අජ්ජ පන මෙ ඉමං අම්බපක්කං අත්ථි, දසබලස්ස තං දස්සාමි”ති ඔතරිත්වා ආකාසෙ වරති. සත්ථා තස්ස විත්තං ඤත්වා උපට්ඨාකං ඔලොකෙසි. සො පත්තං නීහරිත්වා දසබලං වන්දිත්වා සත්ථු හත්ථෙ යපෙසි. කොකිලො දසබලස්ස පත්තෙ අම්බපක්කං පතිට්ඨාපෙසි. සත්ථා තත්ථෙව නිසීදිත්වා තං පරිභුඤ්ජි. කොකිලො පසන්නවිත්තො පුනප්පුනං දසබලස්ස ගුණෙ ආවජ්ජෙත්වා දසබලං වන්දිත්වා අත්තනො කුලාවකං ගන්ත්වා සත්තාහං පිතිසුඛෙනෙව විතිනාමෙසි. ඉමිනා කම්මෙන සරො මධුරො අහොසි.

කස්සපසම්මාසම්බුද්ධකාලෙ පන චෙතියෙ ආරද්ධෙ “කිංපමාණං කරොම? සත්තයොජනප්පමාණං. අතිමහන්තං එතං, ඡයොජනප්පමාණං කරොම. ඉදම්පි අතිමහන්තං, පඤ්චයොජනං කරොම, චතුයොජනං, තියොජනං, ද්වියොජන”න්ති. අයං තදා ඡෙට්ඨකවඩ්ඪසිකී හුත්වා, “එවං, හො, අනාගතෙ සුඛපටිප්ථෙතං කාතුං වට්ඨතී”ති වත්වා රජ්ජුං ආදාය පරික්ඛිපන්තො ගාචුතමත්තකෙ යත්වා, “එකෙකං මුඛං ගාචුතං හොතු, චෙතියං යොජනාවට්ඨං යොජනුබ්බෙධං හවිස්සති”ති ආහ. තෙ තස්ස වචනෙ අට්ඨංසු. චෙතියං

සත්තදිවසසත්තමාසාධිකෙනි සත්තනි සංවච්ඡරෙහි නිට්ඨිතං. ඉති අප්පමාණස්ස බුද්ධස්ස පමාණං අකාසීති. තෙන කම්මෙන ඔකොට්ඨකො ජාතො.

හත්ථයො පසදා මිගාති හත්ථිනො ච පසදමිගා ච. නත්ථි කායස්මිං තුල්‍යතාති කායස්මිං පමාණං නාම නත්ථි, අකාරණං කායපමාණන්ති අත්ථො. ඡට්ඨං.

7. විසාධසුත්තවණ්ණනා

241. සත්තමෙ පොරියා වාචායාති පුරවාසිනං නගරමනුස්සානං වාචාසදිසාය අපරිනිනක්ඛරපදාය මධුරවාචාය. විස්සට්ඨායාති අසන්දිද්ධාය අපලිබුද්ධාය, පිත්තසෙම්භෙහි අනුපහතායාති අත්ථො. අනෙලගලායාති යථා දන්ධමනුස්සා මුඛෙන ඛෙළං ගළන්තෙන වාචං භාසන්ති, න එවරූපාය, අථ ඛො නිද්දොසාය විසදවාචාය. පරියාපන්නායාති චතුසච්චපරියාපන්නාය චත්තාරි සච්චාති අමුඤ්චිත්වා පචත්තාය. අනිස්සිතායාති වට්ටනිස්සිතං කත්වා අකථිතාය. ධම්මො හි ඉසිනං ධජොති නවවිධලොකුත්තරධම්මො ඉසිනං ධජො නාමාති. සත්තමං.

8. නන්දසුත්තවණ්ණනා

242. අට්ඨමෙ ආකොට්ඨපච්චාකොට්ඨානීති එකස්මිං පස්සෙ පාණිනා වා මුග්ගරෙන වා ආකොට්ඨෙන ආකොට්ඨානී, පරිචත්තෙන්වා ආකොට්ඨෙන පච්චාකොට්ඨානී. අඤ්ජෙන්වාති අඤ්ජනෙන පුරෙන්වා. අච්ඡං පත්තන්ති විජ්ජසන්නවණ්ණං මත්තිකාපත්තං. කස්මා පන ථෙරො එවමකාසීති? සත්ථු අප්ඤ්ඤාසයජානනත්ථං. එවං කිරස්ස අහොසි “සචෙ සත්ථා ‘සොහති චත මෙ අයං කනිට්ඨභාතිකො’ති චක්ඛති, යාවජීවං ඉමිනා වාකාරෙන චරිස්සාමි. සචෙ එත්ථ දොසං දස්සති, ඉමං ආකාරං පහාය සඬිකාරවොළං ගහෙන්වා චීවරං කත්වා ධාරෙන්තො පරියන්තසෙනාසනෙ වසන්තො චරිස්සාමි”ති. අස්සසීති හවිස්සසී.

අඤ්ඤාතුඤ්ජෙනාති අභිලක්ඛිතෙසු ඉස්සරජනගෙහෙසු කටුකහණ්ඩසම්භාරං සුගන්ධං භොජනං පරියෙසන්තස්ස උඤ්ජො ඤාතුඤ්ජො නාම. සරපට්ඨායා පන ද්වාරෙ යිතෙන ලද්ධං මිස්සකභොජනං අඤ්ඤාතුඤ්ජො නාම. අයමිධ අධිජපෙනො. කාමෙසු අනපෙක්ඛිනන්ති වත්ථුකාමකිලෙසකාමෙසු නිරපෙක්ඛං. ආරඤ්ඤිකො වාතිආදි සබ්බං සමාදානවසෙනෙව වුත්තං. කාමෙසු ච අනපෙක්ඛොති ඉදං සුත්තං දෙවලොකෙ අච්ඡරායො දස්සෙන්වා ආගතෙන අපරභාගෙ කථිතං. ඉමස්ස කථිතදිවසතො පට්ඨාය ථෙරො සට්ඨෙන්තො වායමන්තො කතිපාහෙනෙව අරහත්තෙ පතිට්ඨාය සදෙවකෙ ලොකෙ අග්ගදක්ඛිණෙයො ජාතො. අට්ඨමං.

9. නිස්සසුන්තවණ්ණනා

243. නවමෙ දුම්මනොති උප්පන්නදොමනස්සො. කස්මා පනායං එවං දුක්ඛී දුම්මනො ජාතොති? ඛත්තියපබ්බජිතො හෙස, තෙන නං පබ්බාපෙත්වා දුපට්ඨසාටකං නිවාසාපෙත්වා වරච්චරං පාරුපෙත්වා අක්ඛිති අඤ්ජෙත්වා මනොසිලාතෙලෙන සීසං මක්ඛෙසුං. සො භික්ඛුසු රත්තිට්ඨානදිවාට්ඨානං ගතෙසු “භික්ඛුනා නාම විචිත්තොකායෙ නිසීදිතබ්බ”න්ති අජානන්තො භොජනසාලං ගන්ත්වා මහාපීඨං ආරුහිත්වා නිසීදි. දිසාවචරා ආගන්තුකා පංසුකුලිකා භික්ඛු ආගන්ත්වා, “ඉමිනාව නීහාරෙන රජොකිණ්ණෙහි ගත්තෙහි න සක්කා දසබලං පස්සිතුං. භණ්ඩකං තාව යපෙස්සාමා”ති භොජනසාලං අගමංසු. සො තෙසු මහාටෙරෙසු ආගච්ඡන්තෙසු නිච්චලො නිසීදියෙව. අඤ්ඤෙ භික්ඛු “පාදවත්තං කරොම, තාලවණ්ටෙන බීජාමා”ති ආපුච්ඡන්ති. අයං පන නිසින්තකොව “කතිවස්සත්ථා”ති? පුච්ඡිත්වා, “මයං අවස්සිකා. තුම්හෙ පන කතිවස්සත්ථා”ති? චුත්තෙ, “මයං අජ්ජ පබ්බජිතා”ති ආහ. අථ නං භික්ඛු, “ආවුසො, අධුනා ඡින්නවුලොසි, අජ්ජාපි තෙ සීසමුලෙ උඤ්ඤාගන්ධො වායතියෙව, ත්වං නාම එත්තකෙසු වුඬ්ඨතරෙසු වත්තං ආපුච්ඡන්තෙසු නිස්සද්දො නිච්චලො නිසින්තො, අපචිතිමත්තම්පි තෙ නත්ථී, කස්ස සාසනෙ පබ්බජිතොසී”ති? පරිවාරෙත්වා තං වාචාසත්තීහි පහරන්තා “කිං ත්වං ඉණ්ටටො වා භයට්ටො වා ජීවිතුං අසක්කොන්තො පබ්බජිතො”ති? ආහංසු. සො එකම්පි ථෙරං ඔලොකෙසි, තෙන “කිං මං ඔලොකෙසි මහල්ලකා”ති? චුත්තෙ අඤ්ඤං ඔලොකෙසි, තෙනපි තථෙව චුත්තෙ අථස්ස “ඉමෙ මං පරිවාරෙත්වා වාචාසත්තීහි විජ්ඣන්ති”ති ඛත්තියමානො උප්පජ්ජි. අක්ඛිසු මණ්ඩණ්ණානි අස්සුනි සඤ්චරිංසු. තතො තෙ ආහ – “කස්ස සන්තිකං ආගතත්ථා”ති. තෙ “කිං පන ත්වං ‘මය්හං සන්තිකං ආගතා’ති? අම්හෙ මඤ්ඤසි ගිහිඛ්‍යඤ්ජනහට්ඨකා”ති වත්වා, “සදෙවකෙ ලොකෙ අග්ගපුග්ගලස්ස සත්ථු සන්තිකං ආගතම්හා”ති ආහංසු. සො “මය්හං භාතු සන්තිකෙ ආගතා තුම්හෙ, යදි එවං ඉදානි වො ආගතමග්ගෙනෙව ගමනං කරස්සාමි”ති කුජ්ඣත්වා නික්ඛන්තො අන්තරාමග්ගෙ වින්තෙසි – “මයි ඉමිනාව නීහාරෙන ගතෙ සත්ථා එතෙ න නීහරාපෙස්සතී”ති දුක්ඛී දුම්මනො අස්සුනි පවත්තයමානො අගමාසි. ඉමිනා කාරණෙන එස එවං ජාතොති.

වාචාසන්තිතොදකෙනාති වචනපතොදෙන. සඤ්ජම්හරිමකංසුනි සඤ්ජම්හරිතං නිරන්තරං ථුටං අකංසු, උපරි විජ්ඣංසුනි චුත්තං භොති. වත්තාති පරෙ යදිච්ඡකං වදතියෙව. නො ව වචනක්ඛමොති පරෙසං වචනං බම්බුං න සක්කොති. ඉදානි තාව ත්වං ඉමිනා කොපෙන ඉමිනා චුත්තවාචාසන්තිතොදකෙන විද්ධො. අතීතෙ පන රට්ඨතො ව පබ්බාජිතොති. එවං චුත්තෙ, “කතරස්මිං කාලෙ භගවා”ති? භික්ඛු භගවත්තං යාචිංසු.

සත්ථා ආහ - අතීතෙ බාරාණසියං බාරාණසිරාජා රජ්ජං කාරෙසි. අටෙකො ජාතිමා, එකො මාතඨගොති ද්වෙ ඉසයො බාරාණසිං අගමංසු. තෙසු ජාතිමා පුරෙතරං ගන්ත්වා කුම්භකාරසාලායං නිසීදි. මාතඨගො තාපසො පච්ඡා ගන්ත්වා තත්ථ ඔකාසං යාචි කුම්භකාරො “අත්ථෙත්ථ පයමතරං පච්චියො පබ්බජිතො, තං පුච්ඡා”ති ආහ. සො අත්තනො පරික්ඛාරං ගහෙත්වා සාලාය ද්වාරමුලෙ යත්වා, “අම්භාකම්පි ආචරිය එකරත්තිවාසාය ඔකාසං දෙථා”ති ආහ. “පච්ඡ, හො”ති. පච්ඡිත්වා නිසීන්තං, “හො, කිං ගොත්තොසී”ති? පුච්ඡි. “චණ්ඩාලගොත්තොමහී”ති. “න සක්කා තයා සද්ධිං එකට්ඨානෙ නිසීදිතුං, එකමන්තං ගච්ඡා”ති. සො ච තත්ථෙව තිණසන්ථාරකං පත්ථරිත්වා නිපජ්ජි, ජාතිමා ද්වාරං නිස්සාය නිපජ්ජි. ඉතරො පස්සාවත්ථාය නික්ඛමන්තො තං උරස්මිං අක්කමි. “කො එසො”ති ච චුත්තෙ? “අහං ආචරියා”ති ආහ. “රෙ චණ්ඩාල, කිං අඤ්ඤතො මග්ගං න පස්සසි? අථ මෙ ආගන්ත්වා අක්කමසී”ති. “ආචරිය, අදිස්වා මෙ අක්කන්තොසි, ඛම මය්හ”න්ති. සො මහාපුරිසෙ ඛහි නික්ඛන්තෙ චින්තෙසි - “අයං පච්චාගච්ඡන්තොපි ඉතොව ආගමිස්සති”ති පරිචන්තෙත්වා නිපජ්ජි. මහාපුරිසොපි “ආචරියො ඉතො සීසං කත්වා නිපන්තො, පාදසම්පෙත ගමිස්සාමි”ති පච්ඡන්තො පුන උරස්මිංයෙව අක්කමි. “කො එසො”ති ච චුත්තෙ? “අහං ආචරියා”ති ආහ. “පයමං තාව තෙ අජානන්තෙන කතං, ඉදානි මං සටෙන්තොව අකාසි, සූරියෙ තෙ උග්ගච්ඡන්තෙ සත්තධා මුද්ධා ඵලතු”ති සපි. මහාපුරිසො කිඤ්චි අවත්වා පුරෙඅරුණෙයෙව සූරියං ගණ්හි, නාස්ස උග්ගන්තුං අදාසි. මනුස්සා ච හත්ථිඅස්සාදයො ච පබුජ්ඣංසු.

මනුස්සා රාජකුලං ගන්ත්වා, “දෙව, සකලනගරෙ අප්පබුද්ධො නාම නත්ථි, න ච අරුණුග්ගං පඤ්ඤායති, කින්තූ ඛො එත”න්ති? තෙන හි නගරං පරිවිමංසථාති. තෙ පරිවිමංසන්තා කුම්භකාරසාලායං ද්වෙ තාපසෙ දිස්වා, “ඉමෙසං එතං කම්මං හවිස්සති”ති ගන්ත්වා රඤ්ඤො ආරොචෙසු. රඤ්ඤො ච “පුච්ඡථ තෙ”ති චුත්තා ආගන්ත්වා ජාතිමන්තං පුච්ඡංසු - “තුම්භෙහි අන්ධකාරං කත”න්ති. “න මයා කතං, එස පන කුට්ඨට්ඨො ඡවො අනන්තමායො, තං පුච්ඡථා”ති. තෙ ආගන්ත්වා මහාපුරිසං පුච්ඡංසු - “තුම්භෙහි, හන්තෙ, අන්ධකාරං කත”න්ති. “ආම අයං ආචරියො මං අහිසපි, තස්මා මයා කත”න්ති. තෙ ගන්ත්වා රඤ්ඤො ආරොචෙසු. රාජාපි ආගන්ත්වා මහාපුරිසං “තුම්භෙහි කතං, හන්තෙ”ති? පුච්ඡි. “ආම, මහාරාජා”ති. “කස්මා හන්තෙ”ති? “ඉමිනා අහිසපිතොමහි, සථෙ මං එසො ඛමාපෙස්සති, සූරියං විස්සජ්ජෙස්සාමි”ති. රාජා “ඛමාපෙථ, හන්තෙ, එත”න්ති ආහ. ඉතරො “මාදිසො ජාතිමා කිං ඵවරූපං චණ්ඩාලං ඛමාපෙස්සති? න ඛමාපෙමි”ති.

අථ නං මනුස්සා “න කිං ත්වං අත්තනො රුටියා ඛමාපෙස්සසි”ති? වත්වා භත්ථෙසු ව පාදෙසු ව ගහෙත්වා පාදමුලෙ නිපජ්ජාපෙත්වා “ඛමාපෙහි”ති ආභංසු. සො නිස්සද්දො නිපජ්ජි. පුනපි නං “ඛමාපෙහි”ති ආභංසු. තනො “ඛම මය්හං, ආවරියා”ති ආභ. මහාපුරිසො “අහං තාව තුය්හං ඛමිත්වා සුරියං විස්සජ්ජෙස්සාමි, සුරියෙ පන උග්ගතෙ තව සීසං සත්තධා ඵලිස්සති”ති වත්වා, “ඉමස්ස සීසජ්ජමාණං මත්තිකාපිණ්ඩං මත්ථකෙ යපෙත්වා එතං නදියා ගලජ්ජමාණෙ උදකෙ යපෙථා”ති ආභ. මනුස්සා තථා අකංසු. එත්තාවතා සරට්ඨකං රාජබලං සන්නිපති. මහාපුරිසො සුරියං මුඤ්චි. සුරියරස්මි ආගන්ත්වා මත්තිකාපිණ්ඩං පහරි. සො සත්තධා හිජ්ජි. තාවදෙව සො නිමුජ්ජිත්වා එකෙන තිත්ථෙන උත්තරිත්වා පලායි. සත්ථා ඉමං වත්ථුං ආහරිත්වා, “ඉදානි තාව ත්වං භික්ඛුනං සන්නිකෙ පරිභාසං ලභසි, පුබ්බෙපි ඉමං කොධං නිස්සාය රට්ඨතො පබ්බාජිතො”ති අනුසන්ධිං සටෙත්වා අථ නං ඔවදන්තො න ඛො තෙ තං නිස්ස පතිරුපත්තිආදිමාහ. නවමං.

10. ථෙරනාමකසුත්තවණ්ණනා

244. දසමෙ වණ්ණවාදීති ආනිසංසවාදී. යං අතීතං තං පභීනන්ති අතීතෙ ඛන්ධපඤ්චකෙ ඡන්දරාගජ්ජහානෙන තං පභීනං නාම භොති. අනාගතන්ති අනාගතමිපි ඛන්ධපඤ්චකං තත්ථ ඡන්දරාගපටිනිස්සග්ගෙන පටිනිස්සට්ඨං නාම භොති. සබ්බාභිභූන්ති සබ්බා ඛන්ධායතනධාතූයො ව තයො භවෙ ව අභිභවිත්වා යීතං. සබ්බවිදුන්ති තං වුත්තජ්ජකාරං සබ්බං විදිතං පාකටං කත්වා යීතං. සබ්බෙසු ධම්මෙසු තෙස්වෙව ධම්මෙසු තණ්හාදිට්ඨිලෙපෙහි අනුපලිත්තං. සබ්බඤ්ජහන්ති තදෙව සබ්බං තත්ථ ඡන්දරාගජ්ජහානෙන ජහිත්වා යීතං. තණ්හක්ඛයෙ විමුත්තන්ති තණ්හක්ඛයසඬ්ඛානෙ නිබ්බානෙ තදාරම්මණාය විමුත්තියා විමුත්තං. දසමං.

11. මහාකප්පිනසුත්තවණ්ණනා

245. එකාදසමෙ මහාකප්පිනොති එවංනාමකො අභිඤ්ඤාබලජ්ජත්තො අසිතිමහාසාවකානං අබ්භන්තරො මහාථෙරො. සො කීර ගිහිකාලෙ කුක්කුටවතීනගරෙ තියොජනසතිකං රජ්ජං අකාසි. පවිජ්මභවිකත්තා පන තථාරූපං සාසනං සොතුං ඔහිතසොතො විවරති. අථෙකදිවසං අමච්චසහස්සපරිවුතො උය්‍යානකිළිකං අගමාසි. තදා ව මජ්ඣිමදෙසනො ජඩ්ඝවාණිජා තං නගරං ගන්ත්වා, භණ්ඩං පටිසාමෙත්වා, “රාජානං පස්සිස්සාමා”ති පණ්ණාකාරභත්ථා රාජකුලද්වාරං ගන්ත්වා, “රාජා උය්‍යානං ගතො”ති සුත්වා, උය්‍යානං ගන්ත්වා, ද්වාරෙ යීතා, පටිභාරස්ස ආරොචයිංසු. අථ රඤ්ඤො නිවෙදිතෙ රාජා පක්කොසාපෙත්වා නිය්‍යාතිතපණ්ණාකාරෙ

වන්දිත්වා යිතෙ, “තාතා, කුතො ආගතත්වා”ති? පුච්ඡි. “සාවත්ථිතො දෙවා”ති. “කච්චි වො රට්ඨං සුභික්ඛං, ධම්මිකො රාජා”ති? “ආම, දෙවා”ති. “අත්ථි පන තුම්භාකං දෙසෙ කිඤ්චි සාසන”න්ති? “අත්ථි, දෙව, න පන සක්කා උච්ඡිට්ඨමුඛෙහි කපෙතු”න්ති. රාජා සුවණ්ණහිඬගාරොන උදකං දාපෙසි. තෙ මුඛං වික්ඛාලෙත්වා දසබ්බාහිමුඛා අඤ්ජලිං පග්ගණ්හිත්වා, “දෙව, අම්භාකං දෙසෙ බුද්ධරතනං නාම උප්පන්න”න්ති ආහංසු. රඤ්ඤො “බුද්ධො”ති වචනෙ සුතමත්තෙ සකලසරීරං එරමානා පිති උප්පජ්ජි. තතො “බුද්ධොති, තාතා, වදා”ති? ආහ. “බුද්ධොති දෙව වදාමා”ති. එවං තික්ඛත්තුං වදාපෙත්වා, “බුද්ධොති පදං අපරිමාණං, නාස්ස සක්කා පරිමාණං කාතු”න්ති තස්මිංයෙව පසන්නො සතසහස්සං දත්වා පුන “අඤ්ඤං කිං සාසන”න්ති? පුච්ඡි. “දෙව ධම්මරතනං නාම උප්පන්න”න්ති. තම්පි සුත්වා තට්ඨ තික්ඛත්තුං පටිඤ්ඤං ගහෙත්වා අපරම්පි සතසහස්සං දත්වා පුන “අඤ්ඤං කිං සාසන”න්ති? පුච්ඡි. “සඬ්ඝරතනං දෙව උප්පන්න”න්ති. තම්පි සුත්වා තට්ඨ තික්ඛත්තුං පටිඤ්ඤං ගහෙත්වා අපරම්පි සතසහස්සං දත්වා දින්නභාවං පණ්ණෙ ලිඛිත්වා, “තාතා, දෙවියා සන්නිකං ගච්ඡවා”ති පෙසෙසි. තෙසු ගතෙසු අමච්චෙ පුච්ඡි, “තාතා, බුද්ධො ලොකෙ උප්පන්නො, තුම්භෙ කිං කරිස්සවා”ති? “දෙව තුම්භෙ කිං කත්තුකාමා”ති? “අහං පබ්බජිස්සාමි”ති. “මයම්පි පබ්බජිස්සාමා”ති. තෙ සබ්බෙපි සරං වා කුටුම්භං වා අනපලොකෙත්වා යෙ අස්සෙ ආරුශ්භ ගතා, තෙහෙව නික්ඛමිංසු.

වාණිජා අනොජාදෙවියා සන්නිකං ගන්ත්වා පණ්ණං දස්සෙසු. සා වාචෙත්වා “රඤ්ඤො තුම්භාකං බහු කභාපණා දින්නා, කිං තුම්භෙහි කතං, තාතා”ති? පුච්ඡි. “පියසාසනං දෙවි ආනිත”න්ති. “අම්භෙපි සක්කා, තාතා, සුණාපෙතු”න්ති. “සක්කා දෙවි, උච්ඡිට්ඨමුඛෙහි පන වත්තුං න සක්කා”ති. සා සුවණ්ණහිඬගාරොන උදකං දාපෙසි. තෙ මුඛං වික්ඛාලෙත්වා රඤ්ඤො ආරොචිතනයෙනෙව ආරොචෙසු. සාපි සුත්වා උප්පන්නපාමොජ්ජා තෙනෙව නයෙන එකෙකස්මිං පදෙ තික්ඛත්තුං පටිඤ්ඤං ගහෙත්වා පටිඤ්ඤාගණනාය තිණි තිණි කත්වා නවසතසහස්සානි අදාසි. වාණිජා සබ්බානිපි ද්වාදසසතසහස්සානි ලභිංසු. අථ තෙ “රාජා කහං, තාතා”ති, පුච්ඡි. “පබ්බජිස්සාමිති නික්ඛන්තො දෙවි”ති. “තෙන හි, තාතා, තුම්භෙ ගච්ඡවා”ති තෙ උය්‍යාපෙත්වා රඤ්ඤො සද්ධිං ගතානං අමච්චානං මාතුගාමෙ පක්කොසාපෙත්වා, “තුම්භෙ අත්තනො සාමිකානං ගතට්ඨානං ජානාථ අම්මා”ති පුච්ඡි. “ජානාම අය්‍ය, රඤ්ඤො සද්ධිං උය්‍යානකිළිකං ගතා”ති. ආම ගතා, තත්ථ පන ගන්ත්වා, “බුද්ධො උප්පන්නො, ධම්මො උප්පන්නො, සඬ්ඝො උප්පන්නො”ති සුත්වා, “දසබ්බස්ස සන්නිකෙ පබ්බජිස්සාමා”ති ගතා. “තුම්භෙ කිං කරිස්සවා”ති? “තුම්භෙ පන අය්‍ය කිං කත්තුකාමා”ති?

“අහං පබ්බජිස්සාමි, න තෙහි වන්තවමනං ජීවිතග්ගෙ යපෙය්‍ය”න්ති. “යදි එවං, මයම්පි පබ්බජිස්සාමා”ති සබ්බා රටෙ යොජාපෙත්වා නික්කමිංසු.

රාජාපි අමච්චසහස්සෙන සද්ධිං ගඬගාය තීරං පාපුණි. තස්මිඤ්ච සමයෙ ගඬගා පුරා හොති. අථ නං දිස්වා, “අයං ගඬගා පුරා චණ්ඩමච්ඡාකිණ්ණා, අම්හෙහි සද්ධිං ආගතා දාසා වා මනුස්සා වා නත්ථි, යෙ නො නාවං වා උඵම්පං වා කත්වා දදෙය්‍යං, එතස්ස පන සත්ථු ගුණා නාම හෙට්ඨා අවිචිතො උපරි යාව හවග්ගා පත්ථං, සචෙ එස සත්ථා සම්මාසම්බුද්ධො, ඉමෙසං අස්සානං බුරුපිට්ඨානි මා තෙමෙන්තු”ති උදකපිට්ඨෙන අස්සෙ පක්ඛන්දාපෙසුං. එකඅස්සස්සාපි බුරුපිට්ඨමත්තං න තෙමි, රාජමග්ගෙන ගච්ඡන්තා විය පරතීරං පත්වා පුරතො අඤ්ඤං මහානදිං පාපුණිංසු. තත්ථ අඤ්ඤා සච්චකිරියා නත්ථි, තාය එව සච්චකිරියාය තම්පි අඬ්ඬයොජනවිත්ථාරං නදිං අතික්කමිංසු. අථ තතියං වන්දහාගං නාම මහානදිං පත්වා තම්පි තාය එව සච්චකිරියාය අතික්කමිංසු.

සත්ථාපි තදිවසං පච්චුසසමයෙ මහාකරුණාසමාපත්තිතො වුට්ඨාය ලොකං ඔලොකෙන්තො “අජ්ජ මහාකප්පිතො තියොජනසතිකං රජ්ජං පහාය අමච්චසහස්සපරිවාරො මම සන්තිකෙ පබ්බජිතුං ආගච්ඡති”ති දිස්වා, “මයා තෙසං පච්චුග්ගමනං කාතුං යුත්ත”න්ති පාතොව සරීරපට්ඨග්ගනං කත්වා, භික්ඛුසඬ්ඨපරිවාරො සාවත්ථියං පිණ්ඩාය වරිත්වා, පච්ඡාහත්තං පිණ්ඩපාතපටික්කන්තො සයමෙව පත්තචීවරං ගහෙන්වා, ආකාසෙ උජ්ජතිත්වා වන්දහාගාය නදියා තීරෙ තෙසං උත්තරණතිත්ථස්ස අභිමුඛෙ යානෙ මහානිග්‍රොධරුක්ඛො අත්ථි, තත්ථ පල්ලඬකෙන නිසිදිත්වා පරිමුඛං සතිං උපට්ඨපෙත්වා ඡබ්බණ්ණබුද්ධරස්මියො විස්සජ්ජෙසි. තෙ තෙන තිත්ථෙන උත්තරන්තා ච ඡබ්බණ්ණබුද්ධරස්මියො ඉතො චිතො ච විධාවන්තියො ඔලොකෙන්තා දසබලස්ස පුණ්ණචන්දසස්සිරිකං මුඛං දිස්වා, “යං සත්ථාරං උද්දිස්ස මයං පබ්බජිතා, අද්ධා සො එසො”ති දස්සනෙනෙව නිට්ඨං ගන්ත්වා දිට්ඨිට්ඨානතො පට්ඨාය ඔනතා වන්දමානා ආගම්ම සත්ථාරං වන්දිංසු. රාජා ගොජ්ඣකෙසු ගහෙන්වා සත්ථාරං වන්දිත්වා එකමන්තං නිසිදි සද්ධිං අමච්චසහස්සෙන. සත්ථා තෙසං ධම්මං කටෙසි. දෙසනාපරියොසානෙ සබ්බෙ අරහත්තෙ පතිට්ඨාය සත්ථාරං පබ්බජ්ජං යාවිංසු. සත්ථා “පුබ්බෙ ඉමෙ චීවරදානස්ස දින්තන්තා අත්තනො චීවරානි ගහෙන්වා ආගතා”ති සුවණ්ණචණ්ණං හත්ථං පසාරෙන්වා, “එථ භික්ඛවො ස්වාක්ඛාතො ධම්මො, වරථ බ්‍රහ්මචරියං සම්මා දුක්ඛස්ස අන්තකිරියායා”ති ආහ. සාව තෙසං ආයස්මන්තානං පබ්බජ්ජා ච උපසම්පදා ච අහොසි, වස්සසට්ඨිකත්ථෙරා විය සත්ථාරං පරිවාරයිංසු.

අනොජාපි දෙවී රථසහස්සපරිවාරා ගඬිගාතීරං පත්වා රඤ්ඤො අත්ථාය ආහනං නාවං වා උඵම්පං වා අදිස්වා අත්තනො ඛ්‍යත්තතාය වින්තෙසි – “රාජා සච්චකිරියං කත්වා ගතො භවිස්සති, සො පන සත්ථා න කෙවලං තෙසංයෙව අත්ථාය නිබ්බත්තො, සචෙ සො සත්ථා සම්මාසම්බුද්ධො, අම්භාකං රථා මා උදකෙ නිමුජ්ජිංසු”ති උදකපිටියෙ රථෙ පක්ඛන්දාපෙසි. රථානං නෙමිච්චිමත්තමිපි න තෙමි. දුතියතතියනදීපි තෙනෙව සච්චකාරෙන උත්තරමානායෙව නිග්‍රොධරුක්ඛමුලෙ සත්ථාරං අද්දස. සත්ථා “ඉමාසං අත්තනො සාමිකෙ පස්සන්තිනං ඡන්දරාගො උජ්ජජ්ජිත්වා මග්ගඵලානං අත්තරායං කරෙය්‍ය, සො ඵචං කාතුං න සක්ඛිස්සති”ති යථා අඤ්ඤමඤ්ඤෙ න පස්සන්ති, තථා අකාසි. තා සබ්බාපි තිත්ථනො උත්තරිත්වා දසබලං වන්දිත්වා නිසීදිංසු. සත්ථා තාසං ධම්මං කථෙසි, දෙසනාපරියොසානෙ සබ්බාපි සොතාපත්තිඵලෙ පතිට්ඨාය අඤ්ඤමඤ්ඤෙ පස්සිංසු. සත්ථා “උජ්ජලවණ්ණා ආගච්ඡතු”ති වින්තෙසි. ථෙරී ආගන්ත්වා සබ්බා පබ්බාපෙත්වා ආදාය භික්ඛුනීනං උපස්සයං ගතා. සත්ථා භික්ඛුසහස්සං ගහෙත්වා ආකාසෙන ඡෙතවනං අගමාසි. ඉමං සන්ධායෙතං චුත්තං – “මහාකජ්ජිනොති ඵචං නාමකො අභිඤ්ඤාබලජ්ජත්තො අසීතිමහාසාවකානං අබ්භන්තරො මහාථෙරො”ති.

ජනෙනස්මීන්ති ජනිතෙ පජායාති අත්ථො. යෙ ගොත්තපටිසාරිනොති යෙ “මයං වාසෙට්ඨා ගොතමා”ති ගොත්තං පටිසරන්ති පටිජානන්ති, තෙසං ඛත්තියො සෙට්ඨොති අත්ථො. විජ්ජාවරණසම්පන්නොති අට්ඨහි විජ්ජාහි චෙව පන්නරසධම්මහෙදෙන වරණෙන ව සමන්තාගතො. තපතීති විරොචති. කුමාරි තපති බ්‍රාහ්මණොති බ්‍රාහ්මණොසවබ්‍රාහ්මණො දුට්ඨොති කුමාරෙන කුමාරිමානො තපති විරොචති. තස්මිං පන බණ්ණ කාලුදායිත්ථෙරො දුට්ඨොති කුමාරෙන කුමාරිමානො අවිදුරෙ නිසින්තො හොති. බුද්ධො තපතීති සබ්බඤ්ඤබුද්ධො විරොචති. සබ්බමඬිගලගාථා කිරෙසා. භාතිකරාජා කිර ඵකං පූජං කාරෙත්වා ආවරියකං ආහ – “තීහි රතනෙහි අමුත්තං ඵකං ජයමඬිගලං වද්දා”ති. සො තෙපිටකං බුද්ධච්චනං සම්මසින්වා ඉමං ගාථං වදන්තො “දිවා තපති ආදිච්චො”ති වත්වා අත්ථඬිගමෙන්තස්ස සූරියස්ස අඤ්ජලිං පග්ගණ්හි. “රත්තිමාහාති වන්දිමා”ති, උට්ඨහන්තස්ස වන්දස්ස අඤ්ජලිං පග්ගණ්හි. “සන්නද්ධො ඛත්තියො තපති”ති රඤ්ඤො අඤ්ජලිං පග්ගණ්හි. “කුමාරි තපති බ්‍රාහ්මණො”ති භික්ඛුසඬිසස්ස අඤ්ජලිං පග්ගණ්හි. “බුද්ධො තපති තෙජසා”ති වත්වා පන මහාචෙතියස්ස අඤ්ජලිං පග්ගණ්හි. අථ නං රාජා “මා හත්ථං ඔතාරෙහි”ති උක්ඛිත්තස්මිංයෙව හත්ථෙ සහස්සං යථෙසි. ඵකාදසමං.

12. සභායකසුත්තවණ්ණනා

246. ද්වාදසමෙ චිරරත්තංසමෙතිකාති දීඝරත්තං සංසන්දිත්වා සමෙත්වා ධීතලද්ධිනො. තෙ කිර පඤ්චජාතිසතාති එකතොව විවරිංසු. සමෙති නෙසං සද්ධම්මොති ඉදාති ඉමෙසං අයං සාසනධම්මො සංසන්දති සමෙති. ධම්මෙ බුද්ධජ්ජවෙදිනෙති බුද්ධෙන පවෙදිනෙ ධම්මෙ එතෙසං සාසනධම්මො සොහතිති අත්ථො. සුවිනීතා කප්පිනෙතාති අත්තනො උපජ්ඣායෙන අරියජ්ජවෙදිනෙ ධම්මෙ සුට්ඨු විනීතා. සෙසං සබ්බත්ථ උත්තානමෙවාති. ද්වාදසමං.

භික්ඛුසංයුත්තවණ්ණනා නිට්ඨිතා.

ඉති සාරත්ථජ්ජකාසිනියා සංයුත්තනිකාය-අට්ඨකථාය

නිදානවග්ගවණ්ණනා නිට්ඨිතා.



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයො සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමො ධම්මරතො - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මො පතොසො සුගතාප්පසන්ථො,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමො තිලොක්ක.

මහාගඳො මච්චුපරා පහානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චිත්තමණී අද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුභාවි ධාරෙච්ච වරාවි ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....